







6. 10. 4. 10.
MEMOIRES
D E

Messire Pierre de Bourdeille, Sei-
gneur de BRANTOME,

C O N T E N A N T

*Les Vies des Hommes Illustres & grands
Capitaines François de son temps.*

TROISIEME PARTIE.

Biblio

Secr.

Coll.

Rom

Vol.

Sey



A L E Y D E,

Chez JEAN SAMPX le Jeune, à la
Sphere.

M. DC. XCIX.



reuse venuë & luy conferer toutes les plus privées affaires , qu'il ne vouloit commettre à autre qu'à luy. Je le vis venir dans le carosse du Roy, qu'il luy avoit presté, qui tenoit fort bien sa morgue à l'endroit de la Reyne, de Monsieur, du Roy de Navarre, qu'il rencontra en chemin où j'estois. Je ne l'eusse jamais pris pour celuy que j'avois veu, & disoit-on qu'il en faisoit trop pour un commencement. Monsieur de Gua, mon grand amy, me disoit bien tousjours qu'il n'avoit encore veu le Roy, Laisse-moy parler au Roy une heure, tu verras que je feray bien-tost escouler ce torrent en une heure, & rentrer & se cacher bien-tost en son lit & premier chetif berceau où on l'a veu. Comme il dit vray, car en un rien on vit le Roy fort rafroidy en son endroit, luy faire la mine froide & dédaigneuse, comme il la sçavoit tres-bien faire quand il vouloit, ne luy parlant plus d'affaires & la porte du cabinet luy estant refusée le plus souvent. Enfin le voilà tout changé en un tourne-main de ce qu'on ne le venoit voir adesto, comme dit l'Italien, & de frais, fort ravalé. Si bien qu'à la Cour on ne sçavoit ce qu'on devoit plus admirer, ou la fortune de cet homme, qu'on avoit veu hier tres-haute &

tres-grande , ou son petit ravalement d'aujourd'huy ; dont aucuns en rioient bien , car avant il faisoit trop du Grand , veu ce qu'il avoit esté , & c'est ce qu'il nous dit un jour , à Mr. de Strozze & à moy , qui estoient de ses bons amys , & le luy montrasmes mieux en son adversité qu'il ne nous avoit montré en sa prospérité , en laquelle il se perdoit trop , qu'il eust mieux aymé cent fois que la Reyne ne l'eust point élevé si haut & en si peu de temps , que tout à coup l'avoir précipité comme d'un haut rocher en bas , pour le perdre & deshonorer , & qu'une telle & si haute cheute luy estoit plus griève. Il nous dit cela quasi la larme à l'œil , & nous faisoit pitié. Ce ne fut pas tout ; pour l'oster de la Cour le Roy luy donna la charge d'aller assiéger Livron en Dauphiné , car puis qu'il estoit fait Mr. le Marechal , il falloit bien l'envoyer pour faciliter son passage d'Avignon , charge certes qui fut fort fâcheuse & ruineuse , dont il s'en fut bien passé , venant d'une fontaine claire de fortune , s'aller baigner dans une eau bourbeuse & toute gasouillée de disgrâce & de faveur. Sept ou huit mois après , pour se defaire de cet homme qui pesoit fort sur les bras , comme un chacun voioit , & luy donna la commission de s'en aller

aller en Pologne, pour rabiller les affaires du Roy, qui estoient fort decoufues; commission seulement inventée pour s'en decharger, ainsi qu'il me le dit quand il partit, que si on ne luy donnoit l'argent qu'il demandoit & qu'on luy avoit promis, qu'il ne passeroit pas Piedmont. Ce qu'il fit, & y demeura, autant pour ce sujet que pour tenir bonne compagnie à Madame la Mareschalle de Termes sa tante, de laquelle il avoit esté long-temps fort amoureux, que puis après il épousa avec dispense. Mais sur la fin on disoit à la Cour qu'il ne la traittoit pas trop bien, pour pratiquer le proverbe, amours & mariages, qui se font par mourettes, finissent par noisettes.

Enfin après plusieurs mescontentemens du Roy, ce Mareschal dépité se banda contre luy, s'entend sous main avec Monsieur de Savoye, de qui il estoit fort serviteur & grand amy de tout tems, comme je l'ay veu, confere & pratique avec le Marquis d'Ayamont, Gouverneur de l'Estat de Milan, en prend de bons Doublons, (ce disoit-on à la Cour) car autrement ne se pouvoit-il bander contre le Roy ny luy faire teste, & luy fait perdre en un rien tout le Marquisat de Saluces. J'estois alors à la Cour que les nouvelles en vinrent au Roy

qui en fut fort esmeu, & que la Citadelle de Carmagnole tenoit encore.

Le Roy dépescha aussi-tost le Sieur de Luffan. Mestre de Camp des bandes de Piedmont, pour la secourir; mais nous donnâmes la garde que nous le vîmes retourner que tout estoit perdu, ainsi que nous estions de quelque jeunesse de la Cour aucuns prests d'y aller. Dequoy j'en vis le Roy fort triste. Il envoya le Sieur de la Valette le jeune, aujourd'huy Monsieur d'Espernon, qui commençoit d'entrer alors en grand' faveur, & estoit nepveu dudit Marechal, qui y alla en poste, & le vis partir avec grande esperance d'y faire quelque chose de bon & reduire son oncle: mais il n'y gagna rien & s'en retourna ainsi. La Reine mere vint après, tournant de son voyage de Gascogne, Provence & Languedoc, qui fit un plus beau coup, car elle fit tant que Monsieur de Savoye & elle s'aboucherent à Montlouël près de Lyon, où il avoit amené avec luy ledit Marechal, qu'il soustenoit & favorisoit fort, & le faisoit coucher ordinairement en sa chambre. Elle luy fit tout plein de remonstrances. Luy ores planant, ores continuant, ores connivant & ores connilant & amusant la Reyne de belles paroles, se trouva atteint de maladie par
belle



T A B L E



Des Vies des hommes Illu-
stres François , conte-
nuës dans ce troi-
sième Tome.

M R. de Nemours.	pag. I
Mr. de Guise.	29
<u>Monsieur l'Amiral de Chastillon.</u>	146
Mr. le Prince de Condé.	209
Mr. de Montpensier..	271
<u>Monsieur le Marechal de Saint An- dré.</u>	306
<u>Monsieur le Marechal de Biron.</u>	326
<u>Monsieur le Marechal de Matignon.</u>	369
Mr. de	

T A B L E.

<i>Mr. de Buffy.</i>	388
<i>Thimoleon de Cossé, Comte de Bris-</i>	
<i>jac.</i>	407
<i>Monsieur le Mareschal de Bellegar-</i>	
<i>ds.</i>	430



MEMOIRES

DE

Mr. DE BRANTOME.

Mr. DE NEMOURS.



Uis que je viens icy devant de toucher un peu de Monsieur de Nemours, j'en vais parler sans attendre à une autrefois. Ce Prince, dit Ja-

ques de Savoye, fut en son temps un des plus parfaits & accomplis Princes, Seigneurs & Gentils-hommes qui fut jamais, il faut librement avec verité franchir ce mot, sans en estre repris, ou si on l'est; c'est tres-mal à propos : qui l'a veule peut dire comme moy. Il a esté un tres-beau Prince & de tres-bonne grace, brave & vaillant, agreable, aimable & accostable, bien disant, bien

Tome III.

A

escri-

escrivant, autant en rime qu'en prose, s'habillant des mieux; si bien que toute la Cour en son temps (au moins la jeunesse) prenoit tout son patron de se bien habiller sur luy, & quand on portoit un habillement sur sa façon, il n'y avoit non plus à redire, que quand on se façonnoit en toutes les gestes & actions: il estoit pourveu d'un grand sens & d'esprit, ses discours beaux, ses opinions en un conseil belles & recevables; de plus, tout ce qu'il faisoit si bien, de si bonne grace & si belle adresse, sans autrement se contraindre, comme j'en ay veu qu'il vouloient imiter sans en approcher, mais si naïvement, que l'un eût dit que tout cela estoit né avec luy.

Il aimoit toutes sortes d'exercices, & si y estoit si universel, qu'il estoit parfait en tous: il estoit tres-bon homme de cheval, tres-adroit, & de bonne grace, fust ou à piquer, ou rompre lances, ou courir bague, ou autre exercice pour plaisir & pour la guerre, bon homme de pied, à combattre à la pique & à l'épée; à la barriere les armes belles en la main, il jouoit tres-bien à la paulme, aussi disoit-on les revers de Monsieur de Nemours, jouoit bien à la balle, au ballon, sautoit, voltigeoit, dansoit, & le tout avec si bonne grace, qu'on pou-

Mr. DE BRANTOME. 3

pouvoit dire qu'il estoit tres-parfait en toutes sortes d'exercices chevaleresques ; si bien que qui n'a veu Monsieur de Nemours en ses années gayer, il n'a rien veu , & qui l'a veu le peut baptiser par tout le monde, la fleur de toute Chevalerie , & pour ce fort aymé de tout le monde , & principalement des Dames, desquelles (au moins d'aucunes) il en a tiré des faveurs & bonnes fortunes plus qu'il n'en vouloit , & plusieurs en a-t-il refusées qui luy en eussent bien voulu départir.

J'ay connu deux fort grandes Dames, des belles du monde , qui l'ont bien aymé, & qui en ont bruslé à feu découvert & couvert, que les cendres de discretion ne pouvoient tant couvrir qu'il ne parust : plusieurs fois leur ay-je veu laisser les Vespres à demy dites, pour l'aller voir jouer ou à la paulme, ou au ballon , en la basse cour des logis de nos Rois ; pour en aymer trop une & luy estre fort fidele, il ne voulut aimer l'autre, qui pourtant l'aymoit tousjours.

Je luy ay ouy raconter plusieurs fois de ses aventures d'amour, mais il disoit que la plus propre recepte pour jouir de ses amours estoit la hardiesse, & qui

4 MEMOIRES DE

seroit bien hardy en sa premiere pointe, infailliblement il emporteroit la forteresse de sa Dame, & qu'il en avoit ainsi conquis de cette façon plusieurs, & moitié à demy force, & moitié en jouant en ses jeunes ans.

Au commencement du Roy Henry il s'en alla voir l'Italie, avec Monsieur le Mareschal de Bouillon, que le Roy Henry envoya vers le Pape Jules III. se congratuler avec luy de son avènement à la Couronne, & luy prêter l'obédience, ainsi qu'est la coustume ordinaire de nos nouveaux Rois; mais j'ay ouy dire à des François, & Italiens sur le lieu, que ce Prince estoit admiré & aymé de toutes les Dames de ce pais-là qui le voyoient, & des filles de joye tres-fort, & couru à force.

J'ay ouy conter que dans Naples une fois dans cette ville, mesme un jour de Feste Dieu, & en la procession, ainsi qu'il y marchoit, luy fut présenté par un Ange, de la part d'une Dame, un tres-beau bouquet de fleurs, lequel Ange comparut artificiellement, & descendit d'une fenestre & s'arresta tres bien à propos devant luy, & de mesme lui presenta aussi avec ces mots. Soit présenté à ce beau & jeune Prince & tres-valereux le Duc de Nemours.

Il fit ses jeunes guerres en Piedmont, par deux ou trois voyages qu'il y fit, & en France aux sieges de Boulogne, de Mets: bataille de Renty, & autres belles factions, en reputation d'un tres-brave, vaillant & tres-hardy Prince, ayant charge de chevaux legers & de gendarmes, & puis en Italie de gens de pied, en estant Colonel de toutes les bandes que mena Monsieur de Guise; au retour il fut Colonel General de la Cavalerie legere, dont ils s'en acquitta tres-bien & dignement, & mesme au voyage d'Amiens, estant logé au Pont Dormy près de l'ennemy, qu'il alloit esveiller souvent, & ne parloit-on que des courses de Monsieur de Nemours pour lors.

La paix estant faite le Roy d'Espagne en fit grand cas, & sur tout Monsieur de Savoye son bon cousin, qui commença à l'aymer extrêmement, tant pour ses vertus, que pour la privauté qu'il prit aussi-tôt avec luy, se jouant avec luy comme s'ils n'eussent jamais bougé d'ensemble, & la plus-part du temps alloit tousjours en croupe derriere luy à cheval, & sans autre ceremonie, sans qu'il se donnast garde, y montoit d'une telle disposition, qu'il estoit plustost monté qu'il en sceust rien,

dont il estoit si aise que rien plus; aussi depuis se font-ils ayez tousjours & se font tres-bien accordez ensemble de leur partage, sans avoir noise autrement: & de plus, Monsieur de Savoye luy donna sur ses jours Moncallier en Piedmont, pour s'y retirer.

Si Monsieur de Savoye estoit bon Espagnol, Monsieur de Nemours estoit tres-bon François, ne s'estant jamais trouvé brouillé sur l'esbranlement de l'Estat de France, encore qu'il ne tint à aucuns qu'on ne luy en jettast le chat aux jambes, comme on dit, à Saint Germain en Laye, après le colloque de Poissy, lors que Messieurs de Guise & luy se retirerent de la Cour, pour voir la nouvelle Religion entrer en fleur.

On l'accusa d'avoir voulu débaucher Monsieur frere du Roy, pour en faire de mesme & aller avec eux, dont une femme de chambre de la Reyne, dite Denise, qui chantoit des mieux, en fut raporteuse; & à faux pourtant, car disoit-on que le Roy de Navarre l'en avoit sollicitée, parce qu'il haïssoit fort mondit Sieur de Nemours, à cause de Mademoiselle de Rohan, que ledit Roy vouloit qu'il espousast: & de fait si mondit Sieur de Nemours ne se fust garanty & absenté, il eust esté en peine, ainsi qu'il

qu'il parut peu après par l'emprisonnement de Lignerolles. J'espère faire tout au long ce conte, en la vie du Roy Henry III car je le sçay fort bien, pour avoir esté en ce temps à la cour.

Tout cela se passa & n'en fut autre chose, jusques à ce que la premiere guerre vint, & qu'il fut envoyé querir pour avoir besoin de sa suffisance à bien servir le Roy, ce qu'il fit, & pour ce fut envoyé Lieutenant de Roy vers le Lyonois, Forests, Masconnois & Dauphiné, là où il empescha fort les Huguenots de par de-là, à ne faire si bien les besognes comme ils les faisoient auparavant, & fit une grande defaite vers la Forest de Sillan sur le Baron des Adrets & ses compagnons, & les eust encore plus tourmentés sans une grande maladie qui luy survint, qui le mena tellement & le mit si bas, qu'on ne vid jamais personne si proche de la mort. Mais enfin avec beaucoup de peine de tant de maux, il se remit & rentra en sa convalescence premiere, surquoy la paix entrevint, & fut Gouverneur du Lyonois, Forests, & Beaujolois, par la mort de Monsieur de St. André.

Après les premiers troubles, les seconds arriverent en ce temps, & la journée de Meaux, où Monsieur le Prince de

Condé, Mr. l'Amiral, & autres Grands de la Religion estoient venus avec quinze cens chevaux, & bien armez, pour presenter une requeste au Roy : Quelle presentation de requeste, disoit-on alors le pistolet à la gorge !

Le Roy pour lors n'avoit autres forces avec luy, sinon sa maison & six mille Suisses, qui par cas estoient arrivez bien à propos par la sollicitation mesme de Messieurs de la Religion, à cause de l'armée & passage du Duc d'Albe en Flandres, j'en parle ailleurs. Il y eut pour lors un tres-grand & vieux Capitaine, qui opina qu'il falloit que le Roy demeurast à Meaux, & envoyast querir secours ; mais Mr. de Nemours debattit fort & ferme qu'il falloit gagner Paris, pour beaucoup de raisons bien preignantes qu'il allegua, que je laisse à songer aux mieux discourans, sans que je les touche ; & pour ce il fut creu, disant que sur sa vie il meneroit le Roy sain & sauve dans Paris.

La charge luy en fut aussi-tost donnée de par le Roy, envers qui Monsieur de Nemours usant doucement de sa charge, (comme le Marquis del Gouast fit à l'endroit de l'Empereur, à la journée de Tunis, comme j'ay dit en son lieu,) le pria de se mettre au mitan de ses Suisses,
&

Mr. DE BRANTOME. 25

& luy se mit à la teste , marchant si ferrez & en si bon ordre de bataille, sans jamais le perdre , que les autres ne les oserent jamais attaquer , bien qu'ils les costoyassent tousjours , pour en voir & prendre la moindre occasion du monde pour les charger ; & par ainsi & en telle façon & ordre le Roy se sauva dans Paris sans aucun desordre , ce qui fit dire au Roy que sans Monsieur de Nemours, & ses bons compères les Suisses, sa vie , ou sa liberté estoit en tres-grand branle. C'est une retraite celle-là , & des belles en plein jour , non de la façon que Monsieur de Montluc en donna l'instruction à Monsieur de Strozze & à tous gens de guerre , de faire les leurs de nuit : voilà pourquoy il faut estimer celle-cy par dessus beaucoup d'autres, & mesmes ayant tousjours les ennemis en veüe ; mais quels ennemis ! des braves, des vaillans & determinez qui furent en France.

Bien-tost après la bataille de St. Denis se donna , où ce Prince fit tres-bien, comme il avoit tousjours fait en toutes les autres où il s'estoit trouvé. De là en hors au voyage de Lorraine il mena l'avant-garde avec Monsieur de Montpensier, & ne tint pas à luy qu'on ne donnast la bataille à nostre Dame del'Espine ;

& ce pauvre Prince estoit la plus-part du temps tourmenté de ses gouttes , mais son brave & genereux cœur le soustenoit tousjours : Helas ! elles l'ont tant tourmenté depuis , qu'elles l'ont mis à la fin dans le cercueil ; & ne m'estonne pas si Lucian l'appelle la Reine des maladies , pour la tyrannie qu'elle exerce sur les personnes , ainsi que fit celle là sur ce brave Prince , & si tyranniquement , qu'avant quelques années qu'il mourust , il n'avoit quasi membre des siens principaux qui ne fust perclus, fors la langue , qui luy demeura encore si bonne & saine , qu'ordinairement on en voyoit sortir les beaux mots, les plus belles sentences, les plus graves discours, & les plus plaisantes rencontres. Ah ! que ce brave Hector estoit bien changé de celuy qui avoit esté autrefois le plus accompli Prince du monde ! Helas ! ce n'estoit pas celuy-là , qui à la guerre combattoit si vaillamment , & remportoit de si belles despouilles, victoires & honneurs de ses ennemis ! Ce n'estoit pas celuy-là contre qui ce brave Marquis de Pescaire , du temps des guerres de Piedmont , qui estoit certes un tres-brave & genereux Prince , ayant reçu la renommée des vaillances & beaux combats de ce Prince , se voulut esprouver

con-

Mr. DE BRANTOME. II

contre luy , pour en augmenter davantage sa gloire ; & pour ce en toute gentillesse de Cavalier l'envoya deffier un jour , luy & quatre , contre autant ou davantage, à donner coups de lance à fer esmoulu, fust ou pour l'amour des Dames, ou pour la querelle generale : le combat fut aussi-toit accepté & le trompette pris au mot.

Parquoy Monsieur de Nemours paroît devant Ast, où estoit le Marquis, qui se presente à nostre Prince en fort belle contenance, laquelle, bien qu'elle fust tres-belle, ne-paroissoit pas tant que celle de nostre Prince ; s'estant donc tous deux mis sur le rang & en carriere, coururent de fort bonne grace, & si rudement, qu'ils en rompirent leurs lances, & les esclats s'en allerent fort haut en l'air, sans s'endommager l'un l'autre.

Après la course leverent leur visiere & s'entr'embrasserent fort courtoisement, avec une merveilleuse admiration de l'un & de l'autre, & se mirent à deviser ensemble, pendant que les autres faisoient leurs courses.

Ce fut Monsieur de Vassé, fils de Monsieur de Vassé, qui courut après, contre le Marquis de Malespine, lequel rompit sa lance sur le Sieur de Vassé, & en perçant son hausse-col, entra bien

demy pied de lance dedans , dont le jeune Seigneur fut fort blessé & en mourut quelques jourr après.

Aprés courut le Capitaine Manets, Lieutenant de Monsieur de la Roche Pouzey , contre lequel courut Dom Albe, Capitaine Espagnol , qui donna un coup de lance au col dudit Sieur de Manets , duquel il mourut quatre jours après.

Le dernier, Monsieur du Moucha, en seigne de Monsieur de Pinars, de l'âge de cinquante bonnes annés, courut, contre lequel se vint presenter le Comte Caraffe Napolitain , neveu du Pape pour lors, auquel le Seigneur du Moucha donna si grand coup de lance , qu'il luy perça le bras & le corps de part en part , de sorte que la lance se montroit outre part derriere plus de quatre pieds , dont le Seigneur Comte demeura mort sur le champ & ainsi se desmesla le combat par victoire douteuse, & chacun se retira.

Les Espagnols qui en parlent, en content d'autre diverse sorte, & disent qu'ils n'estoient que trois contre trois. Il y avoit Monsieur de Nemours , Monsieur de Navaille Basque , son Lieutenant, gentil Capitaine cheveu-leger , & Monsieur de Vassé; de l'autre costé estoit Monsieur le Marguis , Dom George Maurice
que

que de Lara, y el Capitain Milord ; ce nom denote qu'il étoit Anglois, que les Espagnols tenoient pour un tres-bon Capitaine.

Ce combat se fit auprès des murailles d'Ast, & avant avoient fait un concert de ne tirer point aux chevaux, & qui en tûeroit un, en payeroit cinq cens escus à son compagnon ; cette condition se pouvoit faire & accomplir pour plusieurs raisons que je diray.

Monsieur de Nemours, & Monsieur le Marquis coururent les deux premiers, & firent trois courses. Les Espagnols disent que le cheval de Monsieur le Marquis fût tousjours la carriere, & qu'il ne put faire mille belles courses, sinon une fois qu'il blessa un peu au bras Monsieur de Nemours: Mais c'est au contraire, car ce fut celuy de Monsieur de Nemours qui fût tousjours la lice, d'autant que Monsieur le Marquis s'estoit accommodé d'un fort grand parrache à sa salade, si couvert de papillottes que rien plus, ainsi que les plumassiers de Milan s'en font dire tres-bons & ingenieux maistres, & en avoit donné un de mesme au chanfrain de son cheval, (on disoit qu'il l'avoit fait exprés) si bien que le cheval de Mr. de Nemours s'approchant de celuy du Marquis, fut ombragé

bragé de ses papillottes , qui luy donnoient aux yeux , à cause de la lueur du cheval , tournoit tousjours à costé & fuyoit tres-poltronnement la lice & la carriere : Et par ainsi Monsieur de Nemours par la poltronnerie de son cheval faillit aux bons coups & beaux qu'il avoit ordinairement accoustumé de faire ; comme certes cela est arrivé souvent , & le voit-on encore , qu'un cheval poltron fait grand tort à la valeur de son maistre ; aussi quelquesfois un cheval fol , bizarre , & de mauvaise bouche fait son maistre plus vaillant qu'il n'est , ou ne veut estre , car il l'emporte dans la meslée des ennemis en dépit de luy , là où il faut qu'il combatte malgré luy , comme j'ay connu un brave Gentil-homme , à qui son cheval , qui estoit un beau roussin blanc , fit un tel trait à la bataille de Dreux.

Pour donc encore tourner à nostre conte , les Espagnols disent que Monsieur de Nemours tua le cheval de Monsieur le Marquis , & que le pact fait Monsieur de Nemours luy envoya aussi-tôt après le combat les cinq cens escus ; mais Monsieur le Marquis , comme tres-courtois , les luy renvoya : ce qui est faux , car Monsieur de Nemours estoit trop bon gendarme pour faillir l'homme & aller
au

au cheval ; auffi qu'il avoit le cœur trop genereux & liberal s'il en fust oncques, pour reprendre les cinq cens escus, ils les eust pluſtoſt donnez aux trompettes du Marquis.

Voilà pourquoy il ſe faut rapporter pour toute la verité du combat, à ce que les François en ont veu, dit & eſcrit, ainſi que j'en ay veu un petit traité en Eſpagnol imprimé, & comme auffi aucuns à moy-meſme me l'ont ainſi debattu.

Il n'eſt non plus rien de ce qu'ils ont dit de Monsieur de Navaille, qui combattit contre Mauricque de Lara, lequel perça de ſa lance de part en part l'eſpaule de Monsieur de Navaille, dont il mourut quelques jours après, car il mourut au voyage de Monsieur de Guiſe en Italie, pour avoir trop couru la poſte, comme j'ay dit ailleurs.

Le Capitaine Milord ſe battit contre le Seigneur de Vaſſé; lequel mourut bien celuy-là, comme j'ay dit; mais les Eſpagnols & François ſont discordans du nom de celuy qui le combattit. Voilà comment il y a de grands abus au dire & aux eſcritures des gens; mais il faut que les Eſpagnols ne perdent point leurs couſtumes de ſe bien vanter, & qui d'eux-meſmes ne ſe veulent jamais abaïſſer, &
ont

ont tousjours la vanterie & le premier honneur en la bouche.

Sur quoy je feray ce conte d'un combat qui fut fait au Royaume de Naples, du Regne du Roy Louys douzième, entre treize nobles Chevaliers François, & treize Espagnols, duquel les Espagnols & Italiens s'en donnent tout l'avantage & toute la gloire, ainsi mesme qu'ils l'ont escrit, mais les François ne causent pas ainsi.

Le conte est donc tel, qu'après le combat qu'eut fait Mr. de Bayard, contre Allonzo de Sotto Major, & vaincu, dont j'en parle ailleurs, les Espagnols en cuiderent crever de dépit, & chercherent tousjours le moyen pour s'en revancher: Parquoy y ayant trefve faites pour deux mois, les François & Espagnols s'entrevisitoient quelquesfois en leurs garnisons, ou en la campagne, & causoient familièrement ensemble, mais vous eussiez dit que les Espagnols cherchoient tousjours noise & riotte.

Un jour entr'autres une bande de treize Cavaliers Espagnols tres-bien montez, s'y vinrent promener & esbattre vers la ville de Menervine, où estoit la garnison de Monsieur de Bayard; & par cas ce jour aussi Monsieur de Bayard en estoit forté avec Monsieur d'Orozze, tres-

tres-gentil & brave Capitaine de la maison d'Urffé, pour s'aller esbattre & prendre l'air tout à cheval, jusques à une demi-lieuë, où il vint rencontrer cette noble troupe d'Espagnols, qui les saluèrent tres courtoisement, & on leur rendit la pareille : entr'eux il y eut un brave certes & courageux, qui s'appelloit Diego de Biffaigne, lequel avoit esté de la compagnie de Dom Alonzo, & luy souvenoit encore de la mort de son Capitaine, dont il l'en faut louer, qui s'avança par-dessus les autres, & leur dit, Vous autres Messieurs les François, je ne sçay si cette trefve vous fasche point, mais à moy elle m'ennuye fort, encore qu'il n'y ait que huit jours qu'elle soit commencée ; si pendant qu'elle durera il n'y auroit point de vous autres une bande de dix contre dix, de vingt contre vingt, ou plus ou moins, qui voulussent combattre sur la querelle de nos Maistres, je me ferois bien fort de les trouver de mon costé, & ceux qui seront vaincus, demeureront prisonniers des autres.

Monsieur de Bryard luy respondit, Nous avons, mon compagnon, que voicy & moy, tres-bien compris vos paroles, & que desirés faire armés de nombre contre nombre ; vous estes icy
trei-

treize bons hommes, si vous voulez d'aujourd'huy en huit jours vous trouver à deux milles d'icy, montés & armés, mon compagnon & moy nous vous en amènerons autres treize, dont nous en ferons du nombre, & qui aura bon cœur & bon bras le montre.

Messieurs de Bayard & d'Orozze étant à Monervine firent entendre tous cecy à leurs compagnons, lesquels ayant tiré au sort qui seroient les treize, & les treize s'estant bien préparés pour le combat, ne failloient de se trouver au jour assigné & au lieu arresté. Les Espagnols ne faillirent non plus, & de toutes les deux nations, & Napolitains, force gens estoient allés là pour en voir le combat.

Ils avoient limité leur camp sous condition que celuy qui seroit mis pied à terre, ne pourroit plus combattre ny aider à ses compagnons, & en cas que jusque à la nuit une bande n'eust peu vaincre l'autre, & n'en demeurast-il qu'un à cheval, le camp seroit finy & pourroit ramener ses compagnons francs & quittes, lesquels sortiroient en pareil honneur que les autres hors du camp. Voilà les conditions bien inventées & bien pointillantes; je ne sçay qui les trouva, mais il est à presumer que ce furent
les

les Espagnols, qui de tout temps ont esté fort subtils, fins, & sublims ; nos François le temps passé ne l'estoient pas tant , & y alloient à la franche guerre.

Ces conditions donc accordées les Espagnols se mirent d'un costé, & les François de l'autre, & tous, la lance en l'arrest, piquerent leurs chevaux les uns contre les autres ; mais les Espagnols ne donnerent point aux hommes, mais se mirent à tuer les chevaux, car ils ont cette maxime. *Muerto el cavallo perdido l' hombre d' armas.*

Et voilà pourquoy au combat de Monsieur de Nemours, que j'ay dit cy devant, fut tres-bien inventé qui l'inventa, que qui tueroit le cheval de son compagnon, payeroit cinq cens escus : mais cette peine est trop legere, car tel y a-t-il qui ne se soucieroit gueres de tuer le cheval de son ennemy, & de payer au double, pour puis après avoir meilleur marché de son homme : il vaut mieux imposer une peine de victoire sur l'homme, ainsi que le temps passé mesme s'observoit parmy les Chevaliers errans, & une honte & defense à ceux qui s'amusoient à tuer les chevaux, pauvres bêtes qui sont innocentes & ne se defendent, qui n'en peuvent mais que les
hom-

hommes, qui font les fautes & noises, combattent & bataillent; mesmes aux tournois de nos Roys, que l'on a veus, il n'estoit nullement beau de porter & donner bas, mais faire tousjours son couple plus haut que l'on peut, & qui le fait tel, est plus digne Cavalier: en batailles & combats generaux, tout est de guerre, & tue-t-on ce qu'on peut, mais non aux deffys.

Les Espagnols pourtant n'observe-
rent cette belle loy, car s'estant fort
bien ajustés à tuer les chevaux, ils en tue-
rent jusques au nombre d'onze, & ne
retournerent à cheval que Messieurs d'O-
rozze & de Bayard; & cette tromperie
ne servit de rien aux Espagnols, car
onques puis leurs chevaux ne voulurent
passer outre, voyant les autres chevaux
morts, quelques coups d'esperons qu'on
leur donnaist. A quoy Messieurs d'O-
rozze & de Bayard prenant le temps ne
cesserent de livrer de bons assauts (que
l'Espagnol tres-proprement dit *Arme-
tidas*, que nous autres François ne sçau-
rions si proprement dire ny tourner en
un mot,) à la grosse troupe, & quand
elle les vouloit changer, se retiroient der-
riere les chevaux morts de leurs com-
pagnons, comme derrière un rampart: Et
ainsi ces deux braves François amuserent
les

les treize Espagnols l'espace de quatre heures que dura le combat, que la nuit separa sans avoir rien gagné, & pour ce chacun se retira selon ce qu'ils avoient accordé.

Voilà nostre conte achevé, que j'ay appris du vieux Roman de Monsieur de Bayard, & d'aucuns vieux qui l'avoient ainsi ouï dire. Ce n'est pas donc ce que les histoires estrangeres ont dit, que les nostres furent vaincus, il appert par là, & n'est point inconvenient que la verité ne soit telle, & que ces deux braves, vaillans & adroits hommes d'armes ne se soient garantis d'une si grosse troupe, qu'ils n'ayent donné grosse affaire à la grosse troupe, les histoires en sont toutes pleines d'exemples.

Les Histoires estrangeres disent encore plus, qu'onques depuis la perte de ce combat les François ne profiterent plus, ny ne firent gueres bien leurs besognes au Royaume de Naples. Je ne veux pas dire que ce soit pour cela, car ils ne furent pas vaincus, comme vous voyez; mais j'ay ouï dire à de grands Capitaines, qu'il ne fut jamais bon de faire ces effys de seul à seul, ou de nombre contre nombre, parmy les armées, & que cela en attire malheur, ou bien s'en ensuit une grande consequence; car chacun

par



par après en parle comme il veut, & selon les passions & affections qu'il possède, & fait voler & resonner la renommée comme il luy plait, & chacun flatte sa nation & son party, dont la gloire en demeure aux uns, & le vitupere aux autres, selon que l'on s'imprime en l'ame & en la bouche. Notez qu'il n'y eut jamais combat general ny particulier que l'on ayt jamais veu raconter au vray, ce que j'ay observé plusieurs fois; car l'on s'y transporte comme l'opinion & la passion en prend aux uns & aux autres; tant qu'il n'en peut jamais sortir de ces deffis guerres de bonheur. J'en amplifierois bien ce discours de plusieurs raisons & exemples si je voulois, mais il seroit trop long. Qu'on considere seulement que les Albans ne profiterent jamais guerres plus depuis le combat des Horaces & Curiaces, & la ville de Rome creut après & se fit grande par la ruine d'Albe.

A cette heure, pour achever à parler de Monsieur de Nemours, je dis que ce fut un tres-grand dommage, que la santé de son corps ne peust accompagner sa belle ame & son courage; car outre les belles preuves qu'il a faites durant sa belle disposition de ses valeurs & vertus, il en eust bien fait paroistre encore de plus belles s'il eust vescu plus long-temps & bien

bien sain, car il n'avoit que cinquante ans quand il mourut. En quoy j'ay noté une chose, que depuis cent ans (je ne veux point parler de plus haut) tous ceux qui ont porté ce nom & titre de Duc de Nemours, ont esté tres-braves, vaillans, hardis & grands Capitaines, tant (ce diroit-on) ce nom & titre est heureusement fatal en vaillance & prouësse à ceux qui le portent : comme les Ducs de Bourgogne les uns après les autres ont esté de mesme, des Philippes le Hardy jusques à cette heure, & ainsi que ledit Philippes, le Duc Jean, le bon Duc Philippes, & le Duc Charles & l'Empereur Maximilian, l'Empereur Charles cinquième, & le Roy Philippes d'aujourd'huy ; tous ces sept Ducs consecutivement ont esté braves, genereux, grands, ambitieux & courageux. De ces Ducs donc de Nemours y eut premierement Louys d'Armagnac, qui mourut au Royaume de Naples, Gaston de Foix, qui mourut en la bataille de Ravenne, comme j'ay dit cy-dessus, le pere de Monsieur de Nemours, duquel je parle maintenant, qui fut un tres-homme de bien, d'honneur & de grande valeur, & tres-bon François ; aussi estoit-il proche parent du Roy François, qui l'aymoit & prisoit fort, & aymoit mieux

mieux suivre le party du Roy que celuy de l'Empereur ; dont mieux luy en prit qu'au Duc Charles de Savoye son frere, puis Monsieur de Nemours, duquel je viens de parler : Et pour bien finir, Monsieur de Nemours son fils , qui est aujourd'hui, na rien degeneré de ses ayeuls, car il est tres-brave & tres-vaillant , & de sage conduite & resolution , il l'a montré, si jeune qu'il estoit , n'ayant que vingt ans, en cette derniere bataille d'Yvry , où il combattit si vaillamment & fit sa retraite des derniers , & au siege de Paris , y commandant en chef comme de raison ; car encore qu'il fust bien assiegé & pressé, & de la guerre & de la famine , voire de la peste , (dont j'espere en parler en la vie de nostre Roy d'aujourd'huy Henry IV.) jamais ce Prince ne s'estonna, ce qu'eust fait un plus vieux & plus pratic Capitaine que luy , mais tint bon & fit teste tres-assurément aux fleaux, & de la terre & du ciel, (j'en parleray aussi en la mesme vie du Roy) & pour belle recompense on le traita bien à Lion, luy qui après tant de bons services faits à son party & à sa religion, fut pris & mis prisonnier dans les prisons de la ville, comme un grand mal-facteur ; mais par son gentil esprit & son
in-

industrie il s'en sauva bravement, comme j'espere dire.

Il montra fort sa vaillance en l'entreprise qui fut faite sur luy à Vienne, par Mr. le Connestable & le Seigneur Alphonse Cerse, car y estant entrés dedans déjà cinq à six cens hommes, on luy vint dire comme la ville estoit surprise & prise. Soudain d'un courage assuré sort de son logis sans s'armer autrement, prend ses gardes, & quelques Gentils-hommes, qui se rallierent à luy, & court où estoit l'ennemy, le charge & le combat, le mene battant, & le fait sortir hors d'où il estoit entré. J'ay ouy faire ce conte à gens dignes de foy, qui estoient dehors & dedans; pour le moins la ville gagnée se perdit.

J'ay ouy conter qu'une fois en Bourgogne on luy vint dire qu'un de ses Regimens estoit engagé, voire assiégué dans un village par son ennemy: luy sans temporiser prend un autre Regiment des siens, se met à la teste sur un petit bidet, & faisant faction de Mestre de Camp, de Capitaine de gens de pied & de soldat, charge les assiegeans, les fait desmordre, & les estrille bien; tant d'autres prouesses esperé-je bien conter de luy en la vie du Roy, quel'on s'en esbahira. Aussi aimoit-il à se facon-

ner selon Monsieur de Guise son frere, qu'il vouloit imiter en tout, car à plus parfait que celuy-là ne pouvoit-il ressembler, & ce qu'il luy voyoit faire, il s'estudioit du tout à le faire, fust-il à la Cour, (comme j'ay veu) fust-il à la guerre, & tout jeune qu'il estoit, n'ayant encore seize ans, aux nopces de Monsieur de Joyeuse, je me souviens l'avoir veu, comme aussi un chacun le vid, à tous les combats qui s'y firent: il s'en voulut tousjours mesler, & s'y donnoit & recevoit des coups que le plus robuste eust sceu faire; mesme Monsieur de Guise, qui estoit le plus rude combattant qui fust point, ne l'espargnoit non plus que le moindre, dont un chacun s'estonnoit des forces & de l'adresse de ce jeune Prince, fust à pied ou à cheval.

Au reste, il est un des beaux Princes du monde, vrâye semblance du pere & de la mere, il est un peu de plus haute taille que ne fut jamais le pere, & sa douceur & sa bonté le rendent très-aymable; sur tout aussi sa grande liberalité, pareille à celle du pere; car il n'a rien à luy, ce qu'il prend d'une main, il le donne d'une autre, comme de mesme faisoit fort Monsieur de Guise son frere, il a le cœur grand & ambitieux.

Sur

Sur quoy j'ay ouy dire que nostre Roi d'aujourd'huy, estant venu au dessus de la conqueste de la Bourgogne, Monsieur de Guise le vint trouver là, qui s'estant mis à le reconnoistre, il y eut un Gentil-homme, qui pour applaudir, dit au Roy, après que Monsieur de Guise luy eut fait la reverence; Sire, voilà comme peu à peu on vous recherche, & se vient-on humilier envers vous, comme vous voyés; Monsieur de Guise est venu, Monsieur du Mayne traite avec vous, il n'y a plus qu'à tenir, que tout ne soit fait; il ne reste que Monsieur de Nemours à en faire de mesme, Ha! (dit le Roy) celuy là a le cœur trop grand & haut, jamais il ne se sçauroit mettre à servir, je ne m'attens pas qu'il me reconnoisse tant qu'il pourra, & que son brave cœur l'y portera, j'ay là un tres-dangereux ennemy, & qui fort tard abbaissera les armes. Ces paroles prononcées de la bouche d'un si grand Roy, favorisèrent à la loüange de ce Prince plus que de cent autres qui en eussent voulu parler.

Or, comme j'ay dit, j'en parleray ailleurs & plus amplement, & moins sobrement que je ne fais icy, ensemble de Monsieur le Marquis de Saint Sorlin son frere, que je n'ay jamais veu



pourtant ; mais j'ay ouy dire que c'est un Prince tres-accomply, & sur tout fort homme de bien, de bonne ame, & de scrupuleuse conscience, ce qui est beaucoup à louer. De tous deux fut leur mere, cette belle, illustre & vertueuse Dame Madame de Nemours, premiere veuve de ce grand Duc de Guise, duquel je vais parler maintenant, & qui se remarria en secondes nopces à Monsieur de Nemours, ce grand Prince & si parfait, que j'ay dit, pour s'entretenir tousjours en recherche de la perfection des honnestes marys, puis que telle estoit sa volonté de se remarier, ne faisant point comme plusieurs Dames que j'ay veu veuves & convolantes, qui de leurs premiers & grands mariages s'abaissoient & descendoient fort bas avec des petits.

MONSIEUR DE GUISE.

CE grand Duc de Guise, duquel nous voulons parler, fut grand certes, & le faut appeller grand parmy nous autres, aussi-bien que plusieurs estrangers ont appellé des leurs par ce surnom & titre, & ainsi que moy-mesme j'ay veu & ouy les Italiens & Espagnols plusieurs fois l'appeller, *El gran Ducque di Guisa, & el gran Capitan di Guisa ;*
fi

si bien que je me souviens qu'à l'entre-
 veuë de Bayonne, & grands & petits
 faisoient un cas inestimable de feu Mon-
 sieur de Guise son fils, qui estoit encore
 fort jeune, & ne l'appelloient autre-
 ment, *qu elhijo del gran Ducque di Guisa*,
 & entroient aussi en grande admiration
 de Madame de Guise sa femme, autant
 pour sa grande beauté & belle grace, que
 pour porter titre de femme de Monsieur
 de Guise, & ne l'appelloient que *la mu-
 ger da quel gran Ducque di Guisa*, & pour
 ce luy portoient un grand honneur & re-
 spect, & sur tout ce grand Duc d'Albe,
 qui sçavoit bien priser les choses, & les
 personnes qui le valaient.

Or tout ainsi qu'on louë & admire fort
 un excellent artisan & bon ouvrier, qui
 aura fait un beau chef d'œuvre, mais
 davantage & plus celuy qui en aura
 fait plusieurs; de mesme il faut louër
 & estimer ce grand Capitaine dont
 nous parlons, non pour un beau chef-
 d'œuvre de guerre, mais pour plu-
 sieurs qu'il a faits, & pour les princi-
 paux il faut mettre en avant & admirer
 le siege de Mets soutenu, la bataille de
 Renty, le voyage d'Italie, la prise de
 Calais, Guynes, & Hames, celle de Thion-
 ville, le camp d'Amiens; & en la guer-
 re civile les prises de Bourges, Rouën,

la bataille de Dreux, & puis le siege d'Orleans.

De vouloir décrire & specifier menu par menu tout cela, ce seroit une chose superflüe: puis que nos historiographes en ont assez remply leurs livres: mais pourtant qui considerera la grande force que mena ce grand Empereur devant Mets, dont jamais de pareille il n'en peupla & couvrit la terre, la foiblesse de la place, qui n'avoit garde d'estre la quatrième partie forte comme aujourd'huy; qui considerera aussi la grande prevoyance dont il usa pour la munitionner, y établir vivres, munitions, reglemens, polices & autres choses necessaires pour soutenir un long siege, & le peu de tems qu'il eut à faire tout cela avant la venue du siege; qui mettra aussi devant les yeux le bel ordre de guerre qu'il y ordonna, la belle obeïssance sur tout qu'il luy fut renduë d'une si grande Principauté & Noblesse, Capitaines & soldats, sans la moindre mutination du monde, ny le moindre despit; puis les beaux combats, & les belles sorties qui s'y sont faites: qui considerera tout cela, & tant d'autres choses, qui seroient longues à specifier, & puis là belle & douce clemence & benignité dont il usa envers ses ennemis demy morts, & morts, & mourans

râns de faim , de maladies , de pauvreté & de miseres , que leur avoit engendré la terre & le ciel ; bref , qui voudra bien mettre en ligne de conte tout ce qui s'est fait en ce siege , dira & confessera que ç'a esté le plus beau siege qui fust jamais , ainsi que j'ay ouï dire à de grands Capitaines qui y estoient , fors les assauts qu'on n'en livra jamais , bien que l'Empereur le voulust fort , & pour ce en fit un jour faire le bandon pour en donner un general , auquel Monsieur de Guise se prepara si bravement , & y mit un si bel ordre , avec tous ses Princes , Seigneurs , Gentils-hommes , Capitaines & soldats , & se presenterent tous si déterminément sur le rempart à recevoir l'ennemy & soustenir la brèche , que les plus vieux , braves & vaillans Capitaines de l'Empereur , voyant si belle & affeurée contenance des nostres , luy conseillerent de rompre cette entreprise d'assaut , car ce seroit la ruïne de son armée ; ce qui fascha pourtant fort l'Empereur , mais pour l'apparence du danger eminent il creut ce conseil.

A propos de cette clemence , courtoisie , douceur & misericorde , usée par ce grand Duc envers ces pauvres gens de guerre , voyez de quelle importance elle servit quelque temps après à nos Fran-

çois au siege de Theroüane, à laquelle un rude assaut estant donné à nos gens par luy faulsez & emportés, estant prests à estre mis tous en pieces, comme l'art & la coustume de la guerre le permet, ils s'aviserent tous à crier, Bonne guerre, compagnons, souvenez-vous de la courtoisie de Mets : soudain les Espagnols courtois, qui faisoient la premiere pointe de l'assaut, sauverent les foldats, Seigneurs & Gentils-hommes, sans leur faire aucun mal, & receurent tous à rançon; & ce grand Duc par sa clemence sauva ainsi la vie à plus de six mille personnes. Ce siege fut celebré & noté par cette courtoisie, & par la naissance de la Reyne Marguerite de France, Reyne de Navarre, née le 20 jour du mois de Juin, 1553.

Or si ceux de dedans Mets n'eurent occasion de montrer leur courage & valeur à soustenir des assauts, (fort attristez de n'en recevoir, pour mieux montrer leur valeur,) ils en prirent bien d'eux-mesmes à assaillir les ennemis; car à toute heure ils faisoient des plus belles sorties du monde, qui valaient bien des soustenemens d'assauts, & donnerent bien à songer & à croire aux ennemis, que s'ils fussent allez à eux avec assauts, autant de perdus y en

en eust-il eu. Ces faillies se faisoient & à pied, jusques à fausser les tranchées souvent, & à cheval, bien loin encore de la ville; & sur tout sur le camp du Marquis Albert, à qui Monsieur de Guise en vouloit, pour avoir faussé la foy donnée au Roy, & avoir défait Mr. d'Aumale son frere, & pris prisonnier; aussi le paya-t-il bien, car il ne retourna pas la quatrième partie de ses gens, dont l'Empereur ny les Espagnols ne s'en soucierent gueres, pour aymer peu les traitres, aussi qu'il ne s'estoit donné à l'Empereur que par contrainte. Ainsi alla ce siege, qui commença la vigile de la Toussaints, ainsi que porte la vieille chanson, faite pour lors par un aventurier de guerre François, qui commence ainsi:

*Le Vendredy de la Toussaints
Est arrivé la Germanie
A la belle Croix de Messain,
Pour faire grande boucherie,
Se campant au haut des vignes
Le Duc d'Albe, et sa compagnie,
A Saint Arnou près nos fossés,
C'estoit pour faire l'entreprise
Dereconnoistre nos fossés.*

Ce fut là ce jour, & à cette belle Croix, où fut faite cette belle escarmouche, qui dura quasi tout le jour, si bien soustenuë

des nostres, & attaquée par le Duc d'Albe & le Marquis de Marignan avec une eslite de trois mille harquebusiers Espagnols choisis, & d'un bataillon venant après de dix mille Allemands qui les soutenoient. Il n'y alla rien du nostre que tout bien, fors quelque petite tuerie & blessures de nos Capitaines & soldats; il ne se pouvoit faire autrement, car en telles festes il y a tousjours des coups donnez & receus, & puis le nombre des autres devoit suffoquer les nostres de leur seule haleine.

Ce siege dura depuis ce jour jusques en Janvier environ le vingtieme ou plus. L'Empereur s'en leva de là fort à regret & à grand crevecœur; car il avoit promis aux Allemands, pour se faire mieux aymer d'eux que par le passé, de remettre Mets, Tour & Verdun à l'Empire, & les y reünir mieux que jamais; ce qu'ils desiroient plus que chose du monde, car elles leur estoient de bonnes clefs: mais sa bonne destinée luy faillit là; & ce fut ce que dit tres-bien Monsieur de Ronsard parlant de ce siege & ville:

*Où le deslin avoit son outre limité,
Contre les nouveaux murs d'une foib.'e Cité.*

Or entr'autres beaux traits que j'ay
ouï

ouï raconter , que Monsieur de Guise à faits là dedans , (je mets les combats à part) ce fut celuy touchant la courtoisie qu'il fit à l'endroit de Dom Louys d'Avila , General pour lors de la Cavalerie legere de l'Empereur ; à qui un esclave More ou Turc ayant dérobé un fort beau cheval d'Espagne , se sauva avec luy dans Mets , & s'y jetta : Dom Louys ayant sceu qu'il s'estoit allé jeter là-dedans , envoya un trompette vers Monsieur de Guise , le prier de luy rendre par courtoisie un esclave qui luy avoit dérobé un cheval d'Espagne , & s'estoit allé jeter & refugier dans sa ville , pour le punir de son forfait & larcin ; ainsi qu'il le meritoit , sçachant bien qu'il ne le refuseroit , pour le tenir Prince valereux & genereux , & qui ne voudroit pour tous les biens du monde receler ny soustenir les larrons & meschans.

Monsieur de Guise luy manda , pour luy envoyer l'esclave il ne pouvoit & en avoit les mains liées par le privilege de la France , de temps immemorial là-dessus introduit , qu'ainsi que toute franche qu'elle a esté & est , elle ne veut recevoir nul esclave chez soy , & tel qu'il seroit , quand ce seroit le plus Barbare & estrange du monde , ayant mis seulement

le pied dans la terre de France , il est aussi-tost libre & hors de toute esclavitude & captivité , & est franc comme en sa propre patrie , & pour ce qu'il ne pouvoit aller contre la franchise de la France ; mais pour le cheval , il le luy renvoyeroit de courtoisie. Beau trait certes , & ce Prince & grand Capitaine montrait bien qu'il sçavoit encore plus que de faire la guerre ; comme certes il faut qu'un grand Capitaine soit universel. Vrayement il faut louer & admirer cette noble franchise, belle & Chrestienne de la France , de n'admettre point de telles servitudes & esclavitudes par trop cruelles, & qui sentent mieux son Payen & Turc qu'un Chrestien ; & qui aura veu traiter des esclaves, comme j'en ay veu y trouvera de la pitié, car on n'en a compassion non plus que des chiens & des bestes.

Mais, dira quelqu'un, comme je vis dire une fois à un comite de galere Espagnol à un Gentil-homme , qui avoit compassion d'un pauvre esclave qu'il assommoit de coups , comme un cheval couché par terre, sans qu'il osast bouger ; & luy représentant cette cruauté, l'autre luy respondit seulement , Si vous eussiez esté luy esclave parmy les Turcs comme moy , vous en auriés pitié , car
ils

ils nous traittent cent fois plus cruellement que nous eux ; comme il est vray : & qui pis est, quand ils nous tiennent nous autres François , ils en font de mesme qu'aux autres Chresttiens , n'ayant nul égard ny considération aux belles franchises qu'ils reçoivent en France , comme j'ay veu , & mesme dernièrement nous vismes arriver à la Cour de nostre Roy dernier quelque soixante Turcs & Mores, qui estoient eschappés des galeres de Genes, & se sauverent en France : le Roy les vid & leur fit donner de l'argent pour leur conduite & embarquement à Marseille. Eux-mesmes disoient, que sçachant bien le privilege libre & la franchise de la France, avoient fait ce qu'ils avoient peu pour y gagner terre, où ils avoient une joye extrême d'y estre, & nous adoroient nous autres François, jusques à nous appeller freres. Et Dieu sçait, s'ils nous eussent tenus en leur pouvoir, ils nous eussent traités comme les autres. J'ay fait cette digression, puis que le sujet s'y estoit donné. Or je ne parle plus de ce siege de Mets, car il est ailleurs assés escrit.

Pour le regard de la bataille de Renty, c'est une chose assés certaine & publique, que Monsieur de Guise en fut le prin

principal auteur de la victoire, autant pour sa belle conduite & sagesse, que pour sa vaillance : ç'a esté le premier & seul des nostres qui commença à bien reconnoître & estriller les Reistres, & Monsieur son fils le dernier & seul.

A cette bataille le Comte Vulfenfort avoit amené à l'Empereur deux mille pistoliens, qu'on appelloit Reistres, parce, disoit-on alors, qu'ils étoient noirs comme beaux diables, & s'estoit vanté ledit Comte, & promis à l'Empereur, qu'avec ses gens il passeroit par dessus le ventre à toute la gendarmerie & cavalerie de France ; ce qui donna à l'Empereur quelque fiance de gagner : mais il arriva bien autrement, car ils furent bien battus, & fuïrent bien. Possible si Monsieur de Guise eust esté hors de-là, qu'ils nous eussent pû donner une pareille estrette que d'autres Reistres nous donnerent à la bataille de Saint Quentin ; car ce furent eux avec cinq cens lances de Bourguignons, tous conduits par le Comte d'Egmont, qui nous desfirent. Un peu avant leur Colonel (je ne me souviens pas bien du nom, mais il estoit grand Seigneur d'Allemagne, je ne sçay si c'étoit un puisné de la maison de Brunswick) s'envoya presenter avec sa troupe (qui pouvoit monter à deux mille chevaux)

vaux) au Roy Henry, luy demandant l'appointement, tel qu'ont accoustumé tousjours ces gens-là de demander, qui certes y sont excessifs.

Monsieur le Conneftable le renvoya bien loin, & remontra au Roy que c'estoient marauts qui ne valaient rien, qui faisoient des encheris, pilloient tout un païs, & au bon du fait ils ne combattoient point & ne venoient jamais aux mains, & s'enfuyoient comme poltrons, ainsi qu'ils firent à la bataille de Renty, que trois à quatre cens chevaux de nos gendarmes mirent en route & en fuite, & firent pis, mirent en desordre & rompirent tout un gros bataillon de l'Empereur mesme, & de leurs Allemands.

Il y avoit dequoy au Roy & à Monsieur le Conneftable à considerer; mais ceux cy firent mieux que les autres à cette bataille de Saint Quentin, où possible, comme l'on disoit alors, s'ils eussent eu à faire & à parler à Monsieur de Guise, ils eussent esté de mesme escot qu'à Renty, encore qu'il y eust de tresbons, braves & vaillans Capitaines: si bien qu'il y eut là du malheur pour eux, & de l'heur pour Monsieur de Guise, que force gens alors souhaittoient qu'il eust esté là: car certes quand on a appris &
ac-

accoustumé à battre quelques gens une fois ; deux fois, l'on y est heureux une autre fois : ainsi que Monsieur de Guise le fit aussi de mesme à la bataille de Dreux. Si bien que Monsieur son fils & son vray heritier en tout, herita de luy ce bonheur de battre ces gens-là tant mauvais & tant redoutables , plus par renommée que par effets, ainsi qu'il fit à la bataille qu'il donna à Monsieur de Thoré en Champagne, qui en avoit mené deux mille ; il les contraignit jusquelà qu'en belle plaine ils luy demanderent bonne guerre & la vie, & leur retour sain & sauve en leur païs, qu'il leur accorda de grace, & eux s'en allerent ; & si peu de nos pauvres François qui resterent du combat & meurtre, salut qu'ils se sauvassent avec Monsieur de Thoré leur General, comme ils purent, & s'allerent joindre à Monsieur frere du Roy, qui alors estoit en armes.

Ce Monsieur de Guise mesme estrilla bien aussi le Baron Doné & ses Reistres, auprès de Montargis, & puis les acheva de peindre & de renverser à anneau, ainsi que j'espere le descrire en sa vie.

A propos de ce brave Doné, si faut-il que je fasse ce petit incident : Nostre grand & brave Roy d'aujourd'huy, durant ses belles guerres & conquestes de
son

son Royaume sur les ligués, étant devant Dreux, il desira fort voir Madame de Guise sa bonne cousine, & pour ce l'envoya prier qu'elle en prist la peine qu'ils se vissent, car elle estoit à Paris; ce qu'elle desira fort aussi, car c'est une des honnestes & bonnes Princeesses qui soit point, & pour ce le Roy luy envoya une passeport, laquelle sçachant venir alla au devant d'elle bien accompagné d'une fort belle Noblesse qu'il avoit, lequel après avoir recueilli cette honneste Princeesse en tout respect & gracieuseté, la conduisit en son logis & en sa chambre, & venant sur le discours le Roy luy dit; Ma Cousine, vous voyez comme je vous ayme, car je me suis paré pour l'amour de vous. Sire, ou Monsieur, (luy respondit-elle en riant) je ne vous en remercie point, car je ne vois point que vous ayez si grande parure sur vous que vous en deviez vanter si paré comme dites. Si ay, (dit le Roy) mais vous ne vous en avisez pas, voilà une enseigne (qu'il montra à son chapeau) que j'ay gagnée à la bataille de Coutras, pour ma part du butin & victoire, cette qui est attachée, je l'ay gagnée à la bataille d'Yvry; voulez-vous donc, ma Cousine, voir sur moi deux plus belles marques & parures pour me montrer bien paré?

ré? Madame de Guise le luy avoua, en luy repliquant, Vous ne sçauriez. Sire, pourtant m'en montrer une seule de Monsieur mon mary. Non, dit-il, d'autant que nous ne nous sommes jamais rencontrés ny attaquez; mais si nous en fussions par cas venus là, je ne sçay ce que c'en eust été. A quoy repliqua Madame de Guise, Sire, s'il ne vous a point attaqué, Dieu vous en a gardé, mais il s'est bien attaqué à vos Lieutenans & les a fort bien frottez, tefmoin le Baron Doné, duquel il en a remporté de bonnes enseignes & belles marques, sans s'en estre paré que d'un beau chapeau de triomphe qui luy durera pour jamais.

Mademoiselle de Guise, toute gentille certes & tres belle, & digne d'un tel pere qu'elle avoit, estant près de Madame sa mere, impatiente d'en dire aussi son mot, s'avança là dessus, & luy dit, Sire, vous n'avez aucune parure non plus de Mr. mon frere. Non, dit le Roy, mais il est assez jeune pour m'en donner s'il ne se reconnoit. En telles belles & gentilles paroles, quasi en forme de dialogue, se passerent les devis de ce grand Roy & de ces belles Princeffes.

Or ce brave Prince Monsieur de Guise ne se contentant de ce qui resta & qui se fauvoit par la Capitulation que le Roy
fit

fit avec eux , qui ne les vouloit du tout perdre , pour la hayne sourde qu'il portoit à mon-dit Sieur de Guise , ces Messieurs les Reyftres furent si bien poursuivis par luy en dépit du Roy , & touchez devant luy & coignez , que de cinquante mille hommes , que ledit Baron Donné avoit amenez , j'ay ouï dire à homme de foy , & de la Religion , que quand ils arriverent à Geneve (où estoit leur refuge) tres a propos , ils n'estoient pas cinq-cent chevaux tels quels : de plus rongean encore son frein de dépit , il donna encore dans l'Allemagne & la Comté de Mombeliard où il fit un tres-grand ravage & carnage , & de tres-beaux feux , & tout cela avec fort petites troupes ; si bien que s'il eust eu seulement dix mille hommes frais là , il luy bastoit de se promener si avant en Allemagne , qu'il eust fait belle peur en plusieurs endroits , & ne le faut point douter , & ainsi que ce Prince le dit il l'eust fait , car son grand couragel'y eust porté fort facilement , & sa grande renommée , qui déjà avoit volé par tout là , & qui en avoit porté avec elle la terreur.

Ha ! brave Prince , tu ne devois jamais mourir , au moins que tu ne te fusses un peu promené par cette Allemagne , & montré encore à quelques trou-

troupes de Reistres , que s'ils ont fait peur à aucuns, que tu leur eusses fait à eux toute entiere , mesme qu'ils se sont rendus d'autrefois à telle gloire, qu'ils se vantoient de donner par tout peur & mort.

J'ay ouï dire qu'un peu avant que mondit Sieur de Guise allast defaire ce Baron Doné , il en manda son dessein au Prince de Parme , & luy pria de luy prester son espée pour estriller un peu ces mauvais. Le Prince luy manda qu'il n'en avoit besoin de meilleure que la sienne, de laquelle après qu'il auroit fait avec ces gens , il le prioit de luy prester plustost la sienne , qu'il tenoit la meilleure de la Chrestienté. Voilà comme de Grand à Grand la flaterie est commune comme parmy les petits, encore que ces propos tinssent plustost du vray que du flattement , à cause de leurs rares valeurs, ainsi que Monsieur de Guise le disoit , d'autant que quelques années avant Monsieur le Prince de Parme avoit mis à tel point le Prince Casimir avec neuf ou dix mille Reistres qu'il avoit menez aux Estats, qu'il falut qu'ils pliasent bagage , & s'en allerent viste , sans avoir que fort peu fait fumer leurs pistolets, autant par contrainte & necessité, que par espouvante
d'une

d'une lettre que leur escrivit le Prince de Parme, aussi bravache que jamais lettre fut écrite.

J'estois alors à la Cour quand elle y fut apportée, & le Roy la vit, qu'il trouva tres-belle, & Monsieur de Guise me la montra, & me dit que c'estoit de la façon qu'il falloit traiter & chasser ces gens-là, non avec de l'argent, ny avec peur; lesquels n'estant pas si-tost & seulement entrez en France, il ne falloit que songer aussi-tost d'amasser de l'argent pour les Reistres & les renvoyer avec cela; que si l'on eust voulu seulement employer la moitié de celui qu'on leur donnoit, à dresser une bonne & grosse armée, on les eust si bien batus & estrillez, qu'ils eussent perdu l'appetit pour jamais des bons vivres & des beaux escus de la France: Et sur tout, me disoit Monsieur de Guise, pour les défaire, il falloit avoir une bonne troupe de bons mousquetaires & harquebusiers, ainsi que j'en parle ailleurs, & que c'estoit la sauce qu'il leur falloit donner pour les dégouster, ainsi qu'il desit ceux de Monsieur de Thoré, là où si peu d'harquebusiers qu'il avoit firent tres-bien, & sur tout les mousquetaires, qu'ils n'avoient gueres veus ny ouïs, les estonnerent fort.

Cer-

Certainement qui eust voulu bravement user à l'endroit de ces gens du fer, comme de l'or ou de l'argent, on en eust eu la raison; mais aussi eust-il falu avoir pour Chef un de ces deux de Guise, ou le pere, ou le fils, encore qu'à la bataille de Moncontour nostre Roy Henry estrilla bien ceux du Duc de Deux-Ponts, qui estoient venus aux Huguenots; mais aussi Monsieur de Guise ce brave fils y estoit, & à bon escient, car il y fut fort blessé d'une grande pistoletade au bas de la jambe, & en grand danger de la mort. De cela je parleray à la vie dudit Roy, & de Monsieur de Guise, pour parler un peu de cette lettre bravache du Prince de Parme, de laquelle la substance estoit telle :

Vous, Messieurs les Reistres, qui faites estat de troubler les Princes Chrétiens, & qui vous enrichissez de la dépouille miserable de tant de pauvres creatures, qui ne vous firent jamais mal ny déplaisir; puis que vous merités justement le mauvais party auquel vous estes reduits à present, assurez-vous que vous aurez affaire à des personnes qui vous sçauront poursuivre jusques au vif & sentiment, assistés de Dieu, qui ayde toujours aux armes justes, telles que vous avez déjà connu & senty : & si les François

çois sont plus courtois que nous à traiter leurs ennemis vous n'êtes point en France, & encore moins avons-nous volonté de faire si mal les affaires du Roy nostre Maistre. Vous demandez que nous vous payions pour vuidier le païs, & nous demandons mesme payement pour vous laisser en aller vos vies sauves; apprestez-vous seulement de voir le sort des armes le plustost que vous pourrez; car nostre courrier n'attend seulement que le nombre des morts pour en porter les nouvelles en Espagne au Roy nostre Maistre.

Voilà des morts bien braves & menaçans, qui porterent tel coup qu'ils s'en allerent grand'erre, sans emporter un sol du Roy d'Espagne, comme ils avoient fait de nos Rois, & le meilleur du pot fut, que n'ayant rien fait qui vaille, furent si insolens qu'ils envoyèrent demander leur paye à la Reyne d'Angleterre, qui les y avoit fait venir & promis argent: mais elle, qui est une des habiles Dames qui oncques porta Sceptre & Couronne, leur fit une brave réponse, & digne d'elle & de sa generosité, & adressa sa lettre pour tous au Prince Casimir leur General, elle parla ainsi en briefves paróles:

Je voy bien que vos hommes ne veulent point de mon argent, quoy que
vous

vous dites, comme ayant supprimé nôtre contract, par lequel vous estes tenu de mener des gens de guerre, laissant mesmes à vostre jugement combien seront mensongers tous ceux qui baptiseront d'un tel nom vos troupes. Je suis marrie de vostre infortune, pour à laquelle subvenir je vous puis asseurer que vous obtiendrez de moy tout ce que vous sçaurez raisonnablement souhaitter, & non point davantage.

Ce ne fut pas tout, car ce Prince Casimir pensant mieux faire ses affaires & deses gens en personne que par lettre, alla luy-mesme trouver la Reyne, là où sa presence ne servit non plus; & elle, qui est une tres-habile Princeesse, & qui sçait parler & tenir majesté, & rabrouër quand il faut, parla bien à luy.

En ce mesme temps que ledit Prince estoit là, Monsieur frere du Roy avoit envoyé le gentil Chevalier Breton vers ladite Reyne, sur leurs pourparlers de mariage; mais ledit Chevalier m'a conté qu'il a veu qu'elle ne faisoit grand cas dudit Prince, & plusieurs fois luy à fait tenir la mule, cela s'entend qu'il entroit ordinairement dans la chambre de la Reyne, & ledit Prince demouroit en l'antichambre, & non sans estre brocardé d'elle, comme elle sçait bien faire, &

& en rioit avec ledit Chevalier. Voilà comment Dieu en cet endroit luy rabaissoit son orgueil & sa temerité passée.

Un autre Capitaine aussi qui a eu bien la raison de les Messieurs les Reistres, ç'a esté ce grand Duc d'Albe, par deux fois, l'un contre le Prince d'Orange, & l'autre contre Ludovic son frere; comment il les vous mena & renvoya ! J'ay ouy conter à feu Monsieur de Ferrare, que ces Reistres ne craignent gens tant qu'ils font les Turcs, si bien que dix mille chevaux Turcs ne feront jamais difficulté de frotter dix mille chevaux Reistres : ce que je trouvoy fort estrange, luy dis-je, veu que les Reistres estoient armez jusques aux dents, & si bien empistolez pour l'offensive & defensive, & les Turcs tous nuds, n'ayant pour armes que la lance, la targue, & le cimeterre. C'est tout un, disoit-il, & rien moins pour cela, & disoit l'avoir veu par experience, lors qu'il fut à l'armée de l'Empereur Maximilian ion beau-frere. Et sur le propos qu'on luy demanda pourquoy l'Empereur ne hazarda la bataille ce coup-là contre Sultan Soliman, puis qu'il avoit plus de trente-cinq mille chevaux, dont il y avoit 30000. Reistres, qui devoient eux seuls mettre en piéces & en fuite tous ces Turcs ainsi desarmes,

bien qu'ils fussent cent mille chevaux, il dit que ces Reistres les craignoient tant qu'ils ne vouloient aller nullement aux mains avec eux : & disoient encore une raison, que ces Turcs estoient couverts, & eux & leurs chevaux, de si grande quantité de plumes & panaches, & qu'allant à la charge ils faisoient de si grands cris & hurlemens, qu'avec tout cela les Reistres & leurs chevaux en prenoient si grande frayeur, qu'ils ne pouvoient chevir de leurs chevaux, & tous tournoient teste en arriere. Dieu veuille que cela n'arrive à cette heure que nous sommes sur la veille de voir de grands maux de ces Turcs sur les pauvres Chrétiens de là bas tant Hongres, Polonois, Allemans, qu'autres, & qu'il donne à grace à ces Allemans Reistres faire mieux encontr'eux qu'ils n'ont fait : car si Dieu n'a pitié de nous, & qu'il laisse prendre Vienne en Autriche, la vraye clef d'Allemagne, elle a beaucoup à patir, tout ainsi qu'elle a fait patir à plusieurs Chrétiens, & mesmes à nous autres François que vous eussiez dit qu'ils avoient pris : le prix fait la Reyne de la France, tant ils se sont pleus à y faite des voyages & de retours, & à nous piller & tuer, ainsi qu'ils nous firent à la bataille de Drux : mais nous les estraillâmes bien aussi, com

Mr. DE BRANTOME. 51

me nous fîmes aussi à Moncontour; que nous gagnâmes la bataille sur eux: aussi avions nous les Reîtres de nostre costé, qui firent bien avec leur vaillant Colonel le Marquis de Bude, qui y fut tué. Mais sur tout il faut louer les Reîtres Huguenots de la dernière charge qu'ils nous firent à Dreux, & comment ils se raillèrent bien avec leurs François, qu'ils les ramenerent bien au combat, & y allerent aussi-bien comme ils firent au commencement, conduits par le brave Monsieur de Mouy, comme ils firent bien aussi à la bataille de Moncontour, conduits par le brave Comte Ludovic. Mais sur tout il faut louer la belle retraite qu'ils y firent le soir, lesquels se retirèrent résolument ferrez, si bien qu'il les faisoit beau voir en cet ordre.

J'ay fait cette digression des Reîtres, par ce qu'elle m'est venue à propos, encore qu'ailleurs j'en parleray aux vies de nos Rois Henry III. & IV. desquels je ne veux tant dire mal, que je n'estime bien autant leurs armes & leur façon de guerre que leur vie, qui est par trop débauchée & insolente. J'ay veu un grand Capitaine s'estonner avec moy, de quoy le Roy d'Espagne, ne s'en sert point en ses guerres contre nostre Roy d'aujourd'huy Henry IV. & qu'il n'employe

un million d'or, lui qui a tant de millions pour en avoir quinze tout d'un coup, & ne hazarde une bataille contre nous autres, & fasse jouër le jeu à eux, conduits par quelques lances Bourguignonnes des vieilles Ordonnances Napolitaines & autres; je m'affeure que cela feroit un grand eschec sur nous, car voir quinze mille Reistres en deux gros osts, cela monte à beaucoup & effraye, & si sou-tient un grand choc si l'on va à eux, où l'on y perd plus que l'on n'y gagne; si bien que hazardant ces quinze mille Reistres avec autres mille chevaux, & les faisant perdre & enfoncer sur nous, il n'y a nul doute que nous serions bien malades, comme nous fusmes à Saint-Quentin; & cela fait les renvoyer aussi-tôt en leur pays, car ils consumeroient un gouffre d'argent; & la bataille gagnée par l'Espagnol, assurez-vous que la France seroit condamnée & fort malade, & s'estonne-t-on comment le Roy d'Espagne n'a hazardé ainsi une bataille; & cela seroit sans mettre en hazard ses braves soldats Espagnols, ny les faire combattre, mais seulement faire bonne mine, sinon quand ils verroient leur meilleur. S'il eust fait ainsi de l'hazardeux & point tant du retenu, il s'en fust mieux trouvé que par tant de temporisemens;

&

& m'esbahis que pour cela il n'a pris son exemple sur quatre batailles que son pere & luy nous ont données, celle de la Bicoque, de Pavie, Saint-Quentin, & Gravelines, qui ont esté leur seul gain de cause, de leur grandeur & de l'avancement de leurs Estats; car en quatre jours que ces batailles furent données & gagnées; ils ont plus gagné & nous plus perdu, qu'en cinquante ans que nous nous sommes entrefait la guerre. Il n'y a que de hazarder des batailles, comme je tiens de grands Capitaines, mais aussi il les faut bien débattre, & estre du tout ou vaincu ou vainqueur.

Voila pourquoy jadis les Romains s'agrandirent si bien en donnant les batailles & les bien débattant, sans tant temporiser; & ne faut douter si Cesar eust temporisé & retenu la bride à ne venir aux champs des batailles, jamais il n'eust conquis les Gaules, jamais il n'eust mis fin aux guerres civiles, & jamais n'eust esté Empereur du grand Empire Romain: aussi ne demandoit-il jamais qu'à venir aux mains, & même à la bataille de Pharsale; ainsi que tres-bien le représente ce grand Poëte Lucain, par sa harangue qu'il fit avant que d'aller au combat, que j'ay traduite & mise ailleurs.

Il ne faut donc point douter que sur tels

exemples le Roy Philippes devoit ainsi hazarder une bataille par ces guerriers mercenaires & estrangers; car c'est une vraye curée, puis qu'ils se sont mis à ce mestier mercenaire: & voilà pourquoy il les faut les premiers hazarder, & les premiers perdre, & leur faire effuyer bien le baston, & comme il dit, réserver & bien garder ces vieux soldats Espagnols, braves, bons & fideles, comme bons medecins pour porter ayde au corps, si de malheur il venoit estre fait malade & blessé.

Aussi pour dire vray, comme j'ay ouï discourir un jour au grand Monsieur de Guise, avec ce bon & honorable vieillard de Chevalier le bon homme Monsieur de la Brosse, ce ne sont pas les gens de pied, qui, encore que bien en soient une cause, ne gagnent pas les batailles absolument, il faut que ce soient les gens de cheval qui en fassent la victoire entiere, & la poursuivent jusques au bout; si ce n'est que la bataille se donnast au lieu si avantageux pour l'infanterie, que la cavalerie ny peust aysément avenir, où qu'elle fust fort à la discretion de l'infanterie, ainsi qu'à la bataille de Poitiers du Roy Jean les gens de pied & archers Anglois estrillerent bien nostre gendarmerie Françoise dans
les

les vignes & eschallas , qui l'embarassoient beaucoup. Au Garillan de mesme, parmy ces marests & palus, nos chevaux furent defaits, comme qui à veule lieu, comme moy , le peut facilement juger tres-propre pour l'infanterie Espagnole : & de frais & ny plus ny moins en un petit chetif combat qui fut fait en ces guerres de la ligue près Saint Yries en Limosin, où fut tûé le Comte de la Rochefaucout, brave & vaillant Seigneur, certes , avec près de cent ou six vingts Gentilshommes, tous braves & vaillans , lesquels voulant lever le siege de ladite place, soustenuë par le Seigneur de Chamberbert, tres brave & vaillant Gentilhomme , contre Monsieur de Pompadour , Seigneur tout plein de valeur aussi & chef de ceux de la ligue , furent defaits par l'infanterie & harquebuserie , pour s'estre perdus & engagez sans y penser dans certains petits marests & tartes Bourbonnoises, là où l'on les tiroit comme à canards, rencontre certes fort malheureuse, car il y mourut une fort belle & grande Noblesse.

Tant d'autres combats alleguerois-je pareils , sans emprunter ceux des Romains, desquels les gens de pied legionnaires ont gagné leurs principales batailles, & les ont faits grands , & à eux e-

estoit tout leur principal recours plustost qu'à leurs gens de cheval, ainsi que parmy les Espagnols leurs gens de pied sont beaucoup plus estimez que leurs gens de cheval.

Finissons cette digression & retournons encore à ce grand Monsieur de Guise François de Lorraine, lequel aucuns ont blâmé d'avoir rompu la trefve, si avantageuse pour la France : mais qui la rompit sinon le Pape Paul IV. & le Roy Henry pour le secourir ? On tenoit pour lors que le Pape Theatin, qui l'avoit esté auparavant & grandement austere & reformé, devint si ambitieux qu'il se proposa d'avoir les biens des principaux Seigneurs de Rome, comme des Colonnes & aucuns Ursins : en effet en fit emprisonner aucuns, & se saisit de leurs biens, dont il en sortit une si grande rumeur, qu'eux ayant recours à l'Empereur, mirent le Pape en tel destroit qu'il fut assiégé une fois dans le Castel Saint Ange, qu'il falut qu'il le gagnast & à point, estant poussé de son ambition par quelque droit pretendu par les Papes sur le Royaume de Naples & le ravoir, & aussi que de tout temps les Caraffes, dont le Pape estoit, ne sont trop amys des Espagnols.

Toutes ces choses accumulées ensemble

ble animerent le Pape d'envoyer au secours à nostre Roy , & luy envoya son neveu le Cardinal Caraffe (qui avoit este auparavant Capitaine , servant bien le Roy en Toscane) Legat, & luy porta une espée & un chapeau , dons que les Papes envoient aux Roys pour les gratifier en demandant quelque chose de meilleur, dons, dis-je, qu'on a observé plusieurs fois estre fataux & funestes, ainsi qu'on le disoit alors, & qu'ils le feroient à nostre Roy , le quel tout plein de bonne volonté & poussé de cette grande ambition du passé de ses predecesseurs , qui avoient delivré aucuns Papes de leurs oppressions garantis de la tyrannie d'aucuns , & remis en leurs sieges , mit une grosse armée sur pied , & en fit Monsieur de Guise son Lieutenant General pour un secours si saint ; encore tenoit-on que nostre Roy en avoit averty l'Empereur de se desister, à ne donner telle oppression au Pape.

Que pouvoit donc faire Monsieur de Guise , que d'obeïr à son Roy & prendre une telle charge si sainte , luy en estant tres-digne & de plus grande que celle-là ? Ce ne fut pas donc luy qui rompit la trefve. Encore alors debattoit-on que feu Monsiennr l'Amiral,

Gouverneur de Picardie, fut le premier qui la rompit, pour l'entreprise qu'il fit sur la ville de Douay, qu'il faillit à prendre & y entrer de nuit une vigile des Roys, qu'on crioit le Roy boit, sans une vieille qui donna l'alarme & esveilla la garde & le guet à force de crier. Ayant failly celle-là, il retourne à Lens en Artois, qu'il ne faillit pas, & y entra dedans, où furent commises ces pilleries & paillardises que les ennemys seurent bien reprocher, & sur ce prendre sujet d'en avoir leur revanche, & à faire la guerre à leur tour.

Tant d'autres propos s'alleguoient là-dessus, pour disputer de cette rupture de trefve, & de qui elle venoit, ou de nous ou de nos ennemys, que je m'en remets aux plus clair-voyans & bien sçachans. Monsieur de Guise conduit donc ce saint secours bravement & sagement au Pape, & si à propos, qu'il contrainst le Duc d'Albe à luy donner la paix, (le Pape pourtant plante là & nostre Roy & Monsiur de Guise,) laquelle aussi vint fort à propos, car la bataille de Saint Quentin perdue, Monsieur de Guise fut encore querir pour restaurer la France.

Parquoy après avoir long-temps séjourne son armée saine & entiere par delà

dela en Italie , & luy avoir fait perdre ce coup là fort bien le nom , que de long-tems s'estoit attribué, du cimetiere des François, la prompt & la partage en trois, l'une il l'emmene avec luy, & la mieux choisie pour ses gens de pied dans les galeres de France qui le vinrent querir ; la seconde il la donne à Monsieur d'Aumale son frere, pour la retourner avec toute la cavalerie, qu'il conduisit certes tres-bien , tres-sagement & tres-heureusement par le pais des Grisons, où il acquit tres-grand honneur ; la troisieme demeura avec Monsieur de Ferrare, dont j'en parle ailleurs.

Ce n'est pas tout que de conduire & avoir des armées, mais il les faut conserver, & qui les peut rendre & retourner au logis saines & entieres, le Capitaine en est digne d'une tres grande louange , ainsi que fit ce coup là Mr. de Guise, qui estant aussi-tost arrivé en France si bien à point, & non en secours de Pise , (comme l'on dit) il s'esmeut & s'espandit par tout une telle joye de luy, qu'on disoit, & l'a ainsi escrit ce grand Mr. le Chancelier de l'Hospital dans un de ses poëmes Latins sur ce sujet, & de la prise de Calais.

Or c'est à ce coup que cet homme nous remettra & restituera la chose toute revirée & contournée à rebours d'un

gond à l'autre ; ou du tout cela s'en est fait, & jamais de nul tems ne verra-t-on la fortune de France relevée, & demeurera meprisée & pour jamais couchée en terre. Cela se disoit & s'escrivoit alors, comme j'ay veu.

Cette gloire puis après ainsi prophétisée de tant de bouches en demeura à Monsieur de Guise par la prise de Calais; qui fut du tout inopinée à tout le monde. J'ay ouï dire que feu Monsieur l'Amiral fut le premier inventeur de cette entreprise, & que durant la trefve il avoit envoyé reconnoître cette ville par Monsieur de Bricquemaud, qui fut defait à la S. Barthelemy, mort certes par trop indigne de luy, & des bons services qu'il avoit faits d'autres fois à la Couronne de France, & que c'estoit un vieux Chevalier d'honneur & homme de bien : il est vray qu'il estoit fort zélé à sa religion, mais pour cela il ne devoit mourir, ains estre pardonné par ses grands services.

Luy donc ayant tres-bien reconnu la place déguisée, (ce disent aucuns) en fit le rapport à Monsieur l'Amiral, & la rendit si facile à prendre, que Monsieur l'Amiral en fit là dessus des memoires tres-beaux, & en projecta le dessein, & entira le plan, & de tout en discourut au
Roy,

Roi, qui y prend goût & en reserve l'exécution à la premiere bonne occasion, si bien que Monsieur de Guise venu il s'en ressouvint & depeche vers Madame l'Amirale (car Monsieur l'Amiral estoit prisonnier des Saint-Quentin) le petit Fequieres, nourry de feu Monsieur d'Orleans, tres-habile, brave & vaillant Gentil-homme & ingenieux, pour luy faire voir dans les coffres & papiers de Monsieur l'Amiral, s'il n'y trouveroit point ces memoires; ce qu'il fit, & les ayant rapportez au Roy, il les conféra à Monsieur de Guise, à quoy Monsieur de Guise y rapporta une tres-grande difficulté, voire du tout une impossibilité & nulle apparence de raison, d'aller assieger une telle place imprenable après une si grande perte de bataille avenue, & mesme en plein corps d'hiver & en cette affiette: ce que Monsieur l'Amiral vouloit en ses memoires, dautant qu'en Hiver l'Anglois se fiant à la mer & aux eaux qui regorgent & s'enflent plus alors qu'en Esté, ils n'y jettoient grand nombre de gens, & la garnison estoit fort petite au prix de la grosse qu'ils y jettoient l'Esté, la voyant foible à cause des eaux basses. Aucuns disoient que Monsieur de Guise le disoit à fort bon escient, & par raison & à la verité, d'au-

tres, pour rendre la chose difficile, afin que par après la prise il en acquist plus de gloire & en triomphast mieux.

On dit aussi que Monsieur de Senerpont Sous-Lieutenant du Roy en Picardie, un tres-bon Capitaine, faisoit la chose fort facile, pour l'avoir bien fait reconnoistre. Tant y a, que le Roy voulut que Monsieur de Guise tentast cette fortune, & luy commanda resoluement d'y aller avec l'armée qu'il luy donna, ce qu'il fit.

De dire maintenant la façon, ce seroit chose superflüe, puis que nos histoires en disent assez : mais il faut noter & admirer qu'en moins de huit jours il forçales deux forts du Pont de Nieulay, du Risban, & emporta la ville, que nous avions tenuë auparavant si forte & imprenable, que depuis deux cens dix ans que les anciens François la perdirent, jamais les autres qui vinrent après nos Roys, n'oserent pas songer seulement de l'attaquer, non pas de la voir, aussi les Anglois furent si glorieux (car ils le sont assez de leur naturel) de mettre sur les portes de la ville, que lors que les François assiegerent Calais, l'on verra le plomb & le fer nager sur l'eau comme le liege.

Leur quolibet manqua là, encore qu'on

qu'on die que leur grand Prophete & devin Merlin, predict qu'il se prendroit lors qu'il viendroît regner un eſtranger en Angleterre , & qu'une Reyne de leur païs ſe marieroit avec un eſtranger , & que ce ſeroit ſous la force & le Regne d'un grand Roy , iſſu de la race des Valois, qui vangeroit le ſang eſpandu & la deſaite miſerable des François à la bataille de Crecy, ſous Philippes de Valois, qui la perdit; bien que ce vaillant Chevalier ſans reproche & grand Maître Jean de Vienne la defendiſt ſi bien un an durant, que luy & les ſiens furent reduits à manger les rats, les chats & les cuirs de bœuf, encore qu'elle ne fuſt forte alors de la centième partie comme elle eſt aujourd'huy.

Ce fut un Roy Philippes qui la perdit ſous la Reyne ſa femme, un Roy Henry la prit; du depuis noſtre Roy Henry d'aujourd'huy l'a perduë, & le Roy Philippes ce même après l'avoir perduë l'a regagnée; & puis après en un rien noſtre grand Roy Henry la recut, & en un trait de plume, par le traité de paix qu'il fit avec l'Eſpagnol. Il faut bien dire qu'il y ayt là (comme en d'autres choſes) quelques ſecrets divins ou fatalitez que nous n'entendons pas.

Mon-

Monfieur de Guife demanda au Roi ce gouvernement pour le Capitaine Gourdan, & le fit là Gouverneur, ce que plusieurs trouverent eſtrange qu'il y fût preferé à plusieurs vieux Capitaines, grands Seigneurs & Chevaliers de l'Ordre ; & même Mr. de Senerpont, auteur à demi de l'entreprife, qui s'en fuſſent tenus fort honorez & bien contentés, ce qui en fit murmurer aucuns, qu'un ſimple Capitaine de gens de pied fût en cela preferé à eux : mais Mr. de Guife proceda en cela en grand & charitable Capitaine, car Mr. de Gourdan y perdit une jambe d'un coup de canon, & étoit bien raifon qu'il fuſt recompensé ainſi, car puis qu'il n'avoit plus les deux jambes ſaines & entieres pour aller ailleurs chercher fortune, il eſtoit bien raifon qu'il s'arretaſt & demeuratſt là où il y en avoit perdu une : auffi pour dire vray c'eſtoit un tres-bon Capitaine, vaillant & tres-fage, & tres-fidele, homme de bien, ainſi que tant qu'il a veſcu il l'a bien montré en la garde qu'il a ſi bien continuée juſques à ſa mort, que jamais on n'y a ſceu rien entreprendre ny mordre, encore que la Reyne d'Angleterre euſt une tres-grande envie de le corrompre pour la ravoir, juſques à luy en avoir préſenté (durant ces plus grands troubles qu'un chacun faiſoit ſes

affaires estant maistres comme rats en paille,) cent mille Anglots ; mais il luy manda qu'il aymoît mieux son honneur que tous ses trefors, & qu'elle les gardast pour d'autres qui les aymoient plus que la bonne reputation.

Monsieur d'Espernon en eut aussi grand' envie au temps du torrent de sa fortune, & que rien ne luy échappoit de ses mains, mais tout y tomboit. Le Roy luy manda plusieurs fois pour ce traité, & le manda le venir trouver, comme je vis, à Paris: il y vint, mais il n'y voulut jamais entendre, & dit que puis que le Roy son pere luy avoit donné ce Gouvernement, & l'avoit preferé à plusieurs grands plus que luy, qu'il le supplioit bien fort qu'il y mourust, puis que si peu il avoit à vivre.

Le Roy ne l'en pressa plus, & est mort ainsi qu'il avoit dit, l'ayant laissé à son nepveu, avec plus de trente mille livres de rente, qu'il avoit acquises là à l'entour & en cette Comté d'Oye, & deux cens mille escus en bourse, que tout à coup il a perdus, & ville & vie, mais non pas l'honneur, car il le porta sur le rempart & y demeura pour jamais haut eslevé en gloire immortelle, & la vie s'en alla combattant tres vaillamment ; ce qui fut le plus grand honneur
qui

qui luy eust sceu arriver, pour beaucoup de raisons qui se peuvent là-dessus songer, autrement s'il eust survescu il n'étoit pas bien.

Voilà comme la fortune verse ses tours à cette heure pour les uns, à cette heure pour les autres; à cette heure Calais perdu pour nous, à cette heure gagné par le Roy d'Espagne, que s'il eust esté à vendre, il en eust donné de bon & grand argent; si eust bien fait la Reyne d'Angleterre, comme j'ay dit, & pourtant ledit Roy en la prenant de la façon qu'il a fait, il en eut meilleur marché qu'il n'eust eu de beaucoup; & si eust consumé plus de tems à en faire le marché qu'à le prendre; car en autant de temps là-t-il pris comme fit Monsieur de Guise. J'espère d'en parler en la vie de nôtre grand Roy Henry IV d'aujourd'huy.

Monsieur de Guise ayant pris Calais, & voyant que ce n'estoit pas tout, & qu'il falloit bien achever la partie de la victoire, il prit par force Guynes, tres-forte place, où il y avoit dedans un tres-bon & vaillant Capitaine le Milord Gray, & Hames; & conquesta toute la Conté d'Oye; bref, il acheva de chasser les Anglois hors de France, de long-temps si empietez qu'on ne les avoit peu chasser ny déplacer aucunement,

ment, bien qu'on les eust fort battus souvent & chassiez d'ailleurs; si bien que c'estoit un vieux proverbe parmy nous; quand nous voulions mesestimer un Capitaine & homme de guerre, on disoit, Il ne chassera jamais les Anglois hors de France.

Quelle gloire donc doit avoir Monsieur de Guise de les avoir chassiez! Quelque tems après il alla assieger & prendre Thionville, ville certes du tout imprenable, autant pour l'artifice & fortifications, qui y estoient que pour le naturel, pour estre entourée de palus & marêts de la profonde Moselle, & pour quinze cens hommes de guerre qu'il y avoit dedans. Qui en voudra voir la façon comme elle fut assiegée & prise, & en combien peu de temps, lise les memoires de Monsieur de Montluc; tellement que j'ay ouï dire quand les nouvelles en vinrent au Roy, il en demeura tout esbahy, ne le pouvant aisément croire; comme de vray qui a veu la place comme moi, s'en estonnera grandement. Aucuns l'appelloient *Villa Theon*, Ville de Dieu, pour l'allusion du nom moitié Grec moitié Latin, & pour tel nom les Bourguignons la tenoient plus forte.

La secousse seconde de la France, après celle de Saint-Quentin, vint, la deroute
de

de Gravelines, qui fut grande, & telle que le Roy & ses sujets jetterent aussitost l'œil sur Mr. de Guise, comme demandant d'estre relevé par lui d'une telle cheute, qui fit teste si assésurée que l'ennemy s'arreste court; vint le voyage & camp d'Amiens, qu'on appelloit ainsi pour lors, d'autant que le Roy s'y campa à l'entour avec une fort belle & grosse armée près de trois mois, & le Roy Philippes près de là avec la sienne très-belle & forte aussi, & la retrancha fortement, & songeant s'il livreroit encore bataille, & si le sort luy en seroit encore aussi heureux qu'aux deux autres: mais il s'arresta court, diverty par aucuns de ses vieux & sages Capitaines, que le temporisement en seroit plus expedient que le hazard; puis que Monsieur de Guise estoit-là, & coustumier à estre si victorieux en tous ses exploits, que possible il y pourroit estre là de mesme.

Je l'ay ouï ainsi dire à aucuns Espagnols, & que mesme aussi ils furent très-joyeux & pensoient déjà estre au dessus de nous, quand ils eurent nouvelles en leur camp qu'il avoit esté tûé, ou pour le moins fort blessé du Baron du Luxembourg, qui fut un bruit faux, mais pourtant la joye en fut menée & solemnisée en leur camp.

Ce

Ce Baron de Luxembourg estoit un des Reistres maistres du Duc de Saxe, venu, au service du Roy avec de grandes forces, & un des principaux, qui estoit brave & vaillant & haut à la main, qui un jour que Monsieur de Guise faisoit la visite du camp fut si outrecuidé, ou pour mieux dire, tenté devin, ainsi qu'il le confessa, de luy tenir quelques paroles facheuses, voire de tirer son pistolet; mais Monsieur de Guise prompt mit la main à l'espée aussi-tost & luy en fit tomber son pistolet, & la luy porta à la gorge. Qui fut estonné, ce fut ce Baron. Monsieur de Montpesat, qui suivoit alors Monsieur de Guise & estoit près de luy, faisant de l'officieux, mit aussi-tost la main à l'espée pour le tuer: Monsieur de Guise s'escrie aussi-tost, Tout beau Montpesat, vous ne sçavez pas mieux tuer un homme que moy; ne le tuerois-je pas sans vous? Allez, (dit-il au Baron) je vous pardonne l'offense particuliere que vous m'avez faite, car je t'ay tenu à ma mercy; mais pour cela que tu as fait au Roy., au General, & au rang que je tiens icy comme Lieutenant de Roy, c'est au Roy à y voir, & en faire la justice. Et soudain commanda qu'on le menast prisonnier, ce qui fut fait, & Monsieur de Guise prend sans au-

tre-

trement s'esmouvoir cent bonschevaux, & se promene par le camp, & par le quartier de Reistres, & avertit sous main les Capitaines de cheval & de pied, d'estre en cervelle s'il en bougeoit aucun; mais au diable le Reistre qui bougea: mesme le Duc de Saxe accompagné de ses Reistres maistres le vint trouver pour sçavoir de luy en toute douceur que c'estoit, qui en trouva le trait trop insolent & point digne d'un homme de guerre, attribuant pourtant le tout au vin qu'il avoit trop beu, que le dit Baron luy-mesme confessa, dont sur ce fut pardonné & sortit hors de prison quelques jours après, & renvoyé du camp, qui pourtant retourné en son païs faisoit quelques menacés; mais il avoit affaire à un vaillant homme, qui ne s'en soucioit gueres.

Après toutes ces expéditions & voyages faits, la paix generale se fit entre les deux Roys; & pour recompense des grands services faits à la France par ce grand Capitaine, le Roy, poussé par Monsieur le Connestable & d'autres, qui n'aymoient trop alors la maison de Guise, avoit resolu de les chasser tous de sa Cour, & les renvoyer en leurs maisons. S'il ne fust mort cela estoit arresté, car je le tiens & sçais de fort bon lieu. Grand
exem-

exemple certes pour ceux , qui se fient
 en la faveur des Roys & aux grands ser-
 vices qu'ils leur ont faits , qui pensant
 pour l'amour d'eux estre bien avant en
 leurs graces , & s'en tenir bien asseu-
 rez , pour un rien en sont privez & esloi-
 nez du tout ; & qui pis est , courent la
 fortune de leur vie , comme feu Mon-
 sieur de Guise dernier , ainsi que j'espere
 écrire en sa vie.

Le Roy Henry mort & le Roy Fran-
 cois second succédé à luy , Monsieur de
 Guise comme oncle de la Reyne , fut
 mieux que jamais en sa grandeur , car luy
 & Monsieur le Cardinal son frere eurent
 toute la charge & tout le Gouverne-
 ment du Royaume , comme tres-bien
 leur appartenoit , pour en estre tres-di-
 gnes & tres-capables. Ce ne fut pourtant
 sans de grandes envies & calomnies , car
 le Roy de Navarre Antoine , comme
 premier Prince du sang , vouloit avoir
 cette autorité : cela eust esté bon si
 le Roy eust esté pupille & mineur ,
 mais il estoit majeur , & pour ce le
 Roy estoit libre de choisir & tenir près
 de soy ceux qui bon luy sembloit , & mé-
 mes de si proches & ses oncles du costé
 de sa femme.

Quant à Monsieur le Connestable , lui
 qui le vouloit faire aux autres , à luy fut
 fait,

fait, & pour ce renvoyé en sa maison, ou plustost de luy mesme il s'y en alla, sans se le faire dire, ainsi qu'il estoit tres-sage, & qu'il scavoit bien connoistre le temps & s'y accommoder. Une chose fut trouvée tres-mauvaise au commencement de ce Regne & Gouvernement de ces Messieurs de Guise, c'est qu'il fut crié par deux fois à la Cour à son de trompe, que tous Capitaines, soldats, gens de guerre & autres, qui estoient la venus pour demander recompense & argent, qu'ils eussent à vuider sur la vie. Ce bandon fascha fort & mescontenta plusieurs honnestes gens & autres, dont Monsieur de Guise & son frere le Cardinal en furent fort blasmez & accusez alors: pourtant n'eurent si grand blasme comme l'on diroit bien; car le Roy trouva son Roïaume si pauvre & si endebté qu'il ne sçavoit que faire. Les Venitiens luy demandoient une si grande somme & si excessive, qu'il n'y avoit nul ordre de la payer, & croy qu'encore aujourd'huy que je parle, on leur en doit la moitié, possible tout. Les Suisses de mesme demandoient leur paye, ausquels encore on en doit. Force Banquiers aussi demandoient. Je laisse à part les grandes despenses & courts qu'il falut faire & qu'on avoit faits pour les nopces de la

Reyne

Reyne d'Espagne, & sa conduite & convoy en Espagne; pour celles de Madame de Savoye, & de mesme les dons & presens grands qu'on donna aux estrangers qui vinrent. Bref, le Royaume se trouva alors si pauvre & diminué de finances & moyens, que de longtemps n'avoit-on veu les finances en caux si basses.

Que pouvoit donc faire le Roy, & ses financiers, que de renvoyer tels demandeurs jusques à une autrefois? lesquels on n'eust pû rassasier pour dix revenus de la France; car les gens de guerre de tout temps ont eu cela, & mêmes de ce temps là, que pour une petite harquebusade qu'ils avoient receüe, ou pour un petit service fait, il leur sembloit que le Roy leur devoit donner l'or à pellées, ainsi que j'en ay veu faire de ses traits, ce mescontenter alleguer leur vaillance, en jurant & reniant, & alleguant leurs services; bref, d'une mouche en faire un elephant. Voilà comme l'importunité de telles gens facha fort au Roy, à ses financiers, voire à tout la Cour.

Je ne dis que Monsieur le Cardinal de Lorraine, qui s'étoit reservé la Surintendance des finances, n'en fust un peu cause de tout, mais non Monsieur de Guise, qui n'y jettoit que fort peu l'œil

dessus, sinon pour les gens de guerre qui estoient entretenus & pour leurs payes, desquels il avoit pris la charge, & de toutes les affaires de la guerre, qu'il entendoit mieux qu'homme de France, luy & Monsieur le Connestable : mais de dire autrement que Monsieur de Guise eust fait faire le bandon un peu trop criminel contre les gens de guerre, il ne le faut croire, comme je l'ay veu, car il les aymoît trop & les connoissoit tres-bien ; & quand ils venoient à la Cour, il leur faisoit tres-bonne chere, jusques aux plus petits, comme j'ay veu ; & dès lors il me souvient l'avoir veu que plusieurs y venoient, qui ne sçavoient rien du bandon, ou qu'ils le sceurent, il leur disoit privement. Retirez-vous chez vous, mes amys, pour quelque temps, ne sçavés-vous pas ce qui a esté crié ? Alés-vous en, le Roy est fort pauvre à cette heure ; mais assurez-vous quand l'occasion se presentera & qu'il y fera bon, je ne vous oublieray point, & vous manderay ; comme il fit à plusieurs que j'ay veus.

On a dit que cette belle publication & ce mescontentement avec le pretexte de la Religion, ayda fort à fabriquer la conjuration d'Amboise, de laquelle la Renaudie fut le principal auteur & re-

remuër. Belle recompense certes qu'il rendit à Monsieur de Guise pour luy avoir aydé à se sauver des prisons de Dijon, où il estoit en danger de la vie, pour avoir fait une certaine fausseté (disoit-on) contre le Greffier du Tillet, pour la Cure de Champinçers en Angoulmois, qui vaut six mille livres de rente, qui est un tres-grand revenu pour un simple Curé.

Et dautant que ledit Greffier avoit grand credit à Paris, ledit la Renaudie eut son evocation à Dijon, où il fut tres-beau & bien convaincu de fausseté & prest à avoir la sentence de la mort, & le vint-on dire à Monsieur de Guise, qui estoit alors avec Monsieur son pere; & dautant que le dit la Renaudie estoit brave & vaillant, comme il le montra à sa mort, Monsieur de Guise, qui estoit jeune, brave & vaillant, & qui aimoit ses pareils, avoit veu cettuy-cy à la Cour & à Paris, comme jeunes gens se font connoistre aux Princes; Monsieur de Guise voyant que ce pauvre homme s'en alloit perdu, il avisa & tenta si bien tous les moyens, qu'il le sauva des prisons si habilement, qu'en plein jour, & jour de procession de la Feste-Dieu, il passa par la ville, (aussi ay-je ouy dire qu'il s'ayda de sottilege) & en sortit &

se fauva en Suisse & à Berne, où il demeura long-temps, & puis vint faire ce beau coup à sa perte, & non des autres qu'il avoit conjurés comme il pensoit. Voilà une tres-belle reconnoissance de courtoisie & sauveté de vie. J'ouis cela un soir conter à Monsieur de Guise mesmes à table à souper, lors de cette conjuration d'Amboise, qui fut demeslée par la valeur & sagesse de ce sage Prince.

Le Roy François vint à mourir à Orléans, là où il montra qu'il n'estoit possédé de si grande ambition pour s'impatroniser du Royaume de France, & s'en faire à demy Roy; comme l'on crioit tant de luy par quelques meschantes langues, ou du tout se faire Viceroy & gouverner le Roy & son Royaume, & en faire à son bon plaisir; mais il les fit tous mentir. S'il eust voulu cela, il luy estoit plus que tres-facile, car il eust peu se saisir du Roy de Navarre, (le Prince de Condé estoit déjà en prison) de Monsieur le Connestable, & de tous ceux qui estoient là accourus aux États à luy suspects, & comme il luy eust pleu, car il avoit toute la Cour à sa devotion, comme je le sçay, & l'ay veu que sept ou huit jour après la mort du Roy, allant au pelerinage à Clery & à pied, il emmena quasi toute la Cour avec luy & la Noblesse.

bleſſe, & demeura le Roy ſi ſeul & ſa Cour ſi ſeule, que l'on'en murmura & entre en jaloſie, je le ſçay.

De plus il y avoit quinze à vingt compagnies de gens de pied, tous bons, aſſeurés & prouvés ſoldats, tournés du ſiege du petit Lit, tous à ſa devotion, qu'il avoit mis dans Orleans, & entroient en garde tous les ſoirs, qui euſſent fait trembler non pas la Cour ſeulement, mais toute la France. Qui l'eut donc empêché que par la fumée des harquebuſades de ces braves ſoldats il n'eut diſpoſé du Roy à ſon bon plaifir, & des autres comme il eut voulu? Par le dehors d'Orleans il avoit miſ tout à l'entour & aux environs quaſi toutes les compagnies d'ordonnances & des gendarmes, deſquels il eut diſpoſé auſſi comme il luy eut plu, fors de quelques-uns, comme celles de Monſieur le Conneſtable, de Meſſieurs ſes enfans, de Monſieur l'Amiral, du Roy de Navarre, & quelques autres; mais la majeure part qu'il avoit les eut emportées à l'aiſe, auſſi qu'il lès avoit logées en tels lieux, que ſi elles euſſent branlé & bougé le moins du monde, elles eſtoient trouſſées, toutes-fois il n'y eut en grand' peine, car la plus grand' part des membres des gendarmes étoient fort à ſa devotion à cauſe

de la Religion Catholique, qu'ils commençoient à voir venir en branle pour la nouvelle qui s'eslevoit, & aymoient fort Monsieur de Guise, parce qu'on le connoissoit fort bon & zelé Catholique jusqu'à la mort, & qu'ils voyoient bien que si le Roy de Navarre se rendoit regent, qu'on tenoit déjà suspect de la Catholique Religion, qu'il en arriveroit de grands troubles en France, comme l'on vid après, car il ne faut point douter que si déslors on eust joué des mains basses en ce lieu d'Orleans comme il estoit aisé, nous n'eussions veu les troubles & guerres civiles qui se sont veuës.

Ces deux moyens donc, l'un du pre-
 texte & deffense de la Religion Catho-
 lique, & l'autre des forces que Monsieur
 de Guise avoit à sa disposition, estoient
 tres-grands pour se faire tres-grand, &
 pour attirer toute la France à son par-
 ty, & par ainsi se fust saisi de la per-
 sonne du Roy, & eussions veu possible la
 France plus heureuse qu'elle n'a esté &
 qu'elle n'eust, ainsi que j'en ay veu plu-
 sieurs discourir alors; & depuis force
 grands Seigneurs, grands Capitaines &
 personnes de grandes qualitez, mesme
 Monsieur le Cardinal son frere, l'y pouf-
 soit fort; mais il n'y voulut jamais en-
 tendre, disant qu'il n'estoit de Dieu, ny
 de

de la raison d'usurper le droit & l'autorité d'autrui ; mais pourtant pour chose de telle importance cela se pouvoit faire justement , ainsi estoit trop consciencieux ce coup là le bon & brave Prince.

Monsieur le Cardinal son frere , tout Ecclesiastique qu'il estoit , n'avoit pas l'ame si pure , mais fort brouillée ; que s'il eust esté aussi plein de valeur comme Monsieur son frere , & qu'il en avoit la volonté , il eust levé la banniere & s'en fust fait de party : mais de nature il estoit fort timide & poltron, mesme il le disoit, & rien ne le fit partir ce coup de la Cour, que la poltronnerie , ayant eu pourtant un grand crevecœur & depit , quand sortant de la ville il voyoit crier parmy les rues , les boutiques & les fenestres, Adieu Monsieur le Cardinal, la Messe est fesse.

Jeluy ay veu dire souvent que s'il eust eu la vaillance & le courage de Monsieur son frere , qu'il fust aussi-tost tourné en son logis, & eust fait en cela parler de luy: voilà donc comment Monsieur de Guise fit mentir tous ceux & celles qui le disoient brusler d'ambition & pretendre à estre Roy, ou y approcher.

On en disoit bien de mesme quand il alla en son voyage d'Italie , que quand

il auroit conquis aux despens du Roy & de ses forces le Royaume de Napels, qu'il s'en feroit couronner & intituler Roy, & en feroit la part du Roy son maistre.

Telles personnes discouroient la plus-part plus par passion que par raison ; car outre la crainte & deffense de Dieu , jamais de soy-même il n'eust sceu se maintenir en titre de Roy , sans son Roy souverain , bien qu'il eust pretension sur le Royaume : d'en demeurer Viceroy & d'en jouir de quelques terres , il l'eust bien voulu , & son Roy ne le luy eust jamais refusé , mais de vouloir estre Roy, ce sont abus.

L'exemple de Charles Martel , & du Marquis de Pescaire par le dire de sa femme , dont j'ay parlé ailleurs , doivent faire sages ceux qui veulent estre Roys & se faire par dessus leurs vrais & naturels Roys ; ils se doivent contenter d'estre Grands sous leurs ombres , comme souvent durant les grandes chaleurs on recherche les ombres des grands arbres.

On murmura aussi quand il vint d'Italie , qu'il souffrit d'estre appellé Viceroy, nom inusité en France : jamais il ne pourchassa ce titre , ce fut le Roy qui le luy donna de son propre mouvement &
le

le voulut ainsi, mais il ne le garda gueres, & se pleut davantage d'estre appellé Lieutenant General du Roy par toute la France que d'autre nom.

Voilà l'ambition donc de ce Prince, qu'on a tant crié après luy d'en avoir de grandes dans son ame, il l'avoit comme un courageux & genereux Prince qu'il estoit, mais non pas qu'il l'a voulu avancer sur son Roy, ny sur son autorité jamais, mais sur d'autres Roys & Princes, il n'en faut douter, & croy que s'il eust vescu il eust fait belle peur à l'Angleterre, car il luy en vouloit, & y avoit de beaux desseins, car je le sçai pour lui en avoir ouï parler sourdement quand il estoit en ses devis plus privez, non pas qu'il s'en vantaist trop, car il estoit tres-sobre en vanterie & avoit tousjours plus d'effets que de vents, mais on connoissoit bien à ses mots prononcez à demy, & à ses gestes, & mesmes quand il donnoit de ses doigts sur la main, qu'il avoit quelque chose de bon à couvert & esclorre.

La dessus pour une autre preuve du peu d'ambition qu'eut Monsieur de Guise sur le Roiaume de France, & du peu de volonté qu'il eut jamais de le remuer & broüiller, je feray ce conte, qu'après le sacre du Roy Charles neufvième

il prit congé de luy & de la Reyne , qui le pria bien fort de demeurer , & s'en alla à Guise pour y faire quelque séjour & passer son temps avec ses amis , (j'estois lors avec luy) résolu de n'en partir de long-temps ; il n'y eut pas demeuré quinze jours que le Roy & la Reyne luy manderent & le prièrent fort de retourner , & qu'il estoit là fort nécessaire : il s'excusa fort sur les affaires de sa maison , & sa resolution de ne vouloir pas tant faire estat de la Cour, comme il avoit fait, bien seroit-il tousjours prest d'exposer sa vie pour son service , & la luy porter quand il en auroit affaire.

Sur ce la Feste-Dieu s'approche, dont le bruit court & en donne-t-on l'allarme au Roy & à la Reyne , que les Huguenots vouloient ce jour là troubler la feste & procession , & y faire des desordres & insolences grandes, & pour ce leurs Majestez s'en vont à Paris & logent en l'Abbaye Saint Germain , parce que le Roy n'y avoit pas encore fait son entrée, comme les Roys le temps passé observoient cette coustume & scrupule: soudain leurs Majestés en avertirent Monsieur de Guise , & le prièrent d'y venir en haste , car elles avoient besoin de sa presence plus que de pas un de la France. Je vis arriver pour un jour trois courriers coup sur coup,

coup, l'un après l'autre, car j'avois alors cet honneur (bien que je fusse fort jeune) de m'aymer pour l'amour de mon oncle de la Chastaigneraye ; sur ce je luy vis dire ce mot , Si c'estoit pour autre sujet , je ne partirois , mais puisqu'il y va de l'honneur de Dieu , je m'y en vais , & qui y voudra entreprendre j'y mourray , ne pouvant mieux mourir.

Enfin il partit en si grand'haste, qu'en deux jours sur ses chevaux , & nous sur les nostres , il arriva précisément sur la vigile de la feste , si tard qu'il n'alla point ce soir trouver le Roy ; & demeura à coucher à l'Hospitel de Guise ; Monsieur d'Entragues, gentil Cavalier, & qui vit encore , qu'alors suivoit mondit Seigneur , s'en peut bien souvenir, car il y estoit , & moy aussi : que plust à Dieu fusse-je aussi sain & gaillard qu'alors.

Le lendemain au matin le bruit espars par toute la ville de la venuë de Monsieur de Guise, le peuple, qui estoit un peu estonné , ne faut point demander s'il s'en éjouit & s'il reprit cœur. La plus-part de la Noblesse de la Cour, fors quelque petit nombre de celle du Roy de Navarre , & la garde des Huguenots, du Prince de Condé , vint à son lever ,

& à si grande quantité qu'il faisoit beau voir, & montrait bien qu'il estoit encore aymé & honoré en la France. Après l'avoir toute saluée & remerciée tres-courtoisement, (car il estoit tres-courtois, & tres-propre pour gagner le cœur de tout le monde, outre ses valeurs & vertus,) il monta à cheval, pour aller au lever du Roy, là où je le vis avoir une fort belle & assurée façon, & tout autre que tout autre Prince qui fust lors en France; il estoit monté sur un genet noir, qu'on appelloit le Moret, cheval fort propre pour cela, car il estoit fort superbe, & même sur un pavé, avec une grande housse de velours noir en broderie d'argent, luy vestu d'un pourpoint & chausses de satin cramoisi, (car de tout temps il aymeroit le rouge & l'incarnat, même avant qu'il fust marié, je dirois bien la Dame qui luy donna cette couleur,) un saye de velours noir bien bandé de même, comme on portoit de ce temps là; & sa cappe de velours de même & bandée de même, son bonnet de velours noir avec une plume rouge fort bien mise; car il aymeroit les plumes, & sur tout une fort belle & bonne espèce au costé avec sa dague, car ce matin il s'en fit porter de son cabinet trois, & des trois, enchoisit la meilleure,

car

car je le vis & luy ouys dire que pour l'honneur & le service de Dieu il se battroit ce jour-là fort bien, bref; il estoit tres-bien en point & faisoit tres-beau voir ce grand homme & Prince paroître parmy trois ou quatre cens Gentils-hommes, ny plus ny moins qu'on voit un grand & espais cheſne comme l'honneur du bôcage, parmy les autres arbres.

Passant par la ville le peuple s'y affouloit avec une si grande presse, qu'il demeura près d'une grande heure avant qu'arriver au logis du Roy, tant la presse empeschoit le chemin, & la clameur & la voix du peuple applaudissoit sa venue par une voix extrême, qui demontroit la fiance & l'assurance qu'on avoit de luy ainsi accompagné. Ce Prince entra au logis du Roy, & ce qu'on nota la singulierement, ce fut que l'on disoit alors, Le Roy de Navarre, Roy & pere des Gascons, à cause qu'il estoit marié au païs; mais Mr. de Guise l'emporta ce coup-là, car il en avoit à sa suite deux fois plus, tant Gentils-hommes volontaires, que Capitaines de gens de cheval & de pied entretenus & cassez, qui le reconnoissoient encore tous à la Cour, comme aux guerres passées pour leur General.

Pour

Pour venir au point, les processions de la Cour & de la ville de Paris se firent & se parachevèrent fort devotieusement & quietement sans desordre, tumulte, ny insolence aucune à l'accoustumée, & tous disoient d'une voix, que sans la présence de Monsieur de Guise il y eust eu des insolences & débordement, auxquels dès le soir & du matin il avoit tres-bien pourveu, & parla à Messieurs de la ville les principaux, que si l'on eust branlé le moins du monde il y eust eu de la folie & eust-on tres-bien joué des mains, & les Huguenots s'en fussent trouvés tres-mauvais marchands.

Le Colloque de Poissy s'en ensuivit quelques fix mois après, où ce grand, bon & religieux Prince, voyant des nouveutez estrangez pour la Religion arriver & s'introduire, s'en alla de dépit en ses maisons de Champagne & de Lorraine, d'où il ne bougea que la guerre civile s'accommença à esmouvoir, & ce fix ou sept mois après: il fut envoyé querir par le Roy & la Reyne aussi-toit, & passant par Vassy arriva l'esmeute & le desordre que les Huguenots alors & depuis ont tant appelé, crié & renommé le massacre de Vassy, ce qui ne fut que peu de chose; je n'y estois pas, mais j'arrivay un mois après à Paris, où j'en

j'en vis parler ainsi à Monsieur de Guise & à d'autres de sa suite. Ce fuit ainsi qu'il voulut ouïr sa Messe, & que son Prestre la commençoit les Huguenots, qui estoient là auprès assemblez, virent précisément & quasi à poste, commencer à chanter leurs Pseaumes, Monsieur de Guise, qui n'avoit jamais ouï telle note, les envoya prier d'attendre un peu qu'il eust ouï la Messe, & remettre leur chant : ils n'en firent rien, mais chanterent plus haus, & s'y braverent ; surquoy il y eut aucuns de ses Officiers, pages & laquais, qui commencerent à s'en dépitier & mutiner, & les premiers qui commencerent le jeu fut Cheleque & Klinquebert, deux grands pages Allemans, que depuis nous avons veu en nos guerres Capitaines de Cornettes de Reistres, braves & vaillans, & fort honnestes Gentils-hommes & accomplis, mais sur tout Cheleque est bien aymé de nos Roys.

Ces deux pages portoient l'un l'harquebuse de chasse, & l'autre les pistolets de Monsieur de Guise, qui commencerent à tirer, & les autres après : Monsieur de Guise oyant la rumeur quitta sa Messe, & fort l'espée au poing, appaisé le tumulte, & ne seigna jamais personne, & sans luy il y eust eu autre rumeur :

meur ; mais cela ne fut rien & ne valoit pas qu'on le criaſt tant comme l'on a fait, & qu'on l'appellaſt le boucher de Vaffy, il ne le fut point là ny ailleurs, car je l'ay veu cent fois plus miſericordieux envers les Huguenots, & que le Roy de Navarre & Monsieur le Conneſtable, qui ne demandoient que pendre, & lui qui ne vouloit que leur converſion, ainſi que je l'ay veu à l'endroit de pluſieurs.

A ſa mort il ſe confeſſa de ce maſſacre, priant Dieu n'avoir remiſſion de ſon ame ſ'il y avoit penſé, ny ſ'il en fut jamais auteur, faiſant la choſe fort petite & legere ; mais pourtant parce qu'il y avoit eu du ſang reſpandu, il ſ'en confeſſoit à Dieu, & luy en demandoit pardon : car je l'ouys de mes propres oreilles, & pluſieurs qui eſtoient avec moy, & ſi ceux (dont fut Monsieur l'Eveſque d'Eriez) qui ont eſcrit ſa harangue qu'il fit à l'heure de ſa mort, ont teu ce trait, ils ont eu tort, pour montrer là ſon innocence d'une choſe que l'on crioit tant après luy.

L'armée du Roy ſe dreſſa contre les Huguenots, là où ne faut pas douter qu'il ne ſ'y eſpargna pas non plus qu'aux autres precedentes eſtrangeres, car c'eſtoit ſon gibier, c'eſtoit ſa vraye manne qu'il aymoit le plus, & le plaſir où
il

il se delectoit autant qu'à la guerre. Quand Blois , Bourges, & Rouën furent pris, les deux de force, & l'autre par composition, qui fut Bourges, & la composition tres-bien gardée, & les Capitaines & soldats qui voulurent servir le Roy, tres-bien receus & traitez, comme j'ay veu; pour quant à Rouën, il fut pris d'assaut, là où il alla luy-mesme: aussi a-t-il esté le premier General de nos tems d'armées qui a fait la faction de Colonel, de Maistre d'Artillerie, de Mestre de Camp, de Capitaine, & de soldat; & pour reconnoître les places; il ne disoit jamais, Capitaine, Sergent ou soldat, allez là, reconnoissez-moy cela, ou bien s'il les y envoyoit, lui même y alloit après s'ils ne l'avoient pas bien contenté.

Mais la plus grand' part du temps il y alloit, & luy-mesme menoit les Capitaines & soldats loger ou placer, ou dans les tranchées, les fossés, ou dans les tours, ou sur le haut des bresches, ou en d'autres lieux. Je le vis en ce siege de Rouën un jour commander à Mr. de Bellegarde, depuis Mareschal de France, parce qu'il le tenoit pour Huguenot, & qu'on l'avoit asseuré qu'en Piedmont il avoit esté un bravache, & mangeur de ravelins, & pour l'esprouver en ces
deux

deux points, il luy commanda d'aller reconnoistre un recoin d'une tour, pour reconnoistre s'il n'y avoit point un faux flanc caché, & le voyant en queste de casque & de rondelle, il luy presta le sien & la sienne; certes Monsieur de Bellegarde y alla bien & y fut en danger, car entournant il eut deux harquebusades dans sa rondelle, qu'il avoit jetée derriere soy, & vint faire son rapport à Monsieur de Guise, lequel voyant qu'il ne le satisfaisoit & ne luy faisoit si fidele rapport, & de parole si assurée comme il vouloit, guignant & tournant la teste, il dit, Donnez-moy ma rondelle, faut que j'y aille, je ne suis pas bien content de ce que m'avez dit; & pour ce armé de ses armes il s'y en va si asseurément, bien que les harquebusades donnassent fort, qu'on ne connut jamais en luy nul brin d'apprehension, ny d'estonnement, avise & reconnoist tout fort bien & à son aise, sans faire sa besogne courte, comme aucuns qui ne la demandent qu'à demy faite en ces hazards: ou du tout imparfaite: puis il s'en tourna son petit pas de mesmes dans la tranchée, où nous pouvions estre plus de mille personnes qui vîmes tout cela, & puis estant desarmé, il dit qu'il estoit plus content qu'il n'avoit esté, &
re-

reconnut une chose dont il estoit en doute.

Ce conte est tres-veritable & au veu ledit Sier de Bellegarde sur ses derniers jours ne le nier point, mais que Monsieur de Guise avoit fait ce trait pour luy faire un affront, car mondit Sieur de Guise ne l'ayma jamais gueres, comme il aymoit une infinité de braves Gentils-hommes & Capitaines Gascons, de sa mesme patrie, qui l'adoroient aussi & l'honoroient beaucoup.

L'affaut après se donne à cette ville de Rouën, lequel après qu'il l'eust ordonné comme il falloit, luy-mesme en personne l'accompagne, l'opiniaistre & le combat, si bien que les Capitaines, Soldats & Gentils-hommes, comme Monsieur d'Andoin brave Seigneur, pere de Madame la Contesse de Guichon, & le brave Castelpers, jeune Seigneur, qui furent tuez près de luy, & force autres voyant si bien faire leur General, & les animer de braves & courageuses paroles, font à l'envy & emportent la place bravement ainsi d'affaut, & poursuivent la victoire furieusement, leur General toujours à la teste, ayant après avoir faussé la brèche, & estant sur le rempart, recommande trois choses, l'honneur des femmes, la vie des bons Catholiques qui estoit

estoyent là-dedans detenus par force & necessité, & nulle mercy des Anglois, anciens ennemis de la France.

Voilà comme ce vaillant General montra chemin & exemple à ses gens de bien combattre & de se precipiter aux hazards, & n'espargner leur peau non plus que luy; aussi depuis a-t-on dit que ç'a esté le premier General de nos temps qui a montré le chemin à aucuns qui sont venus après luy, d'en faire de mesme & se perdre en pareils perils, comme nous avons veu Monsieur, depuis nostre Roy Henry III. aux sieges de Saint Jean & de la Rochelle, Monsieur son frere & Monsieur de Guise son fils, au siege d'Isouëre, & la Charité, & autres places, comme je diray en leurs vies, Monsieur du Mayne, & nostre Roy d'aujourd'huy en tout plein d'endroits, où s'ils y ont acquis de la gloire & honneur, ils en doivent cette obligation à ce grand Capitaine Monsieur de Guise, bien plus haut à louer & estimer cent fois que Monsieur de Lautrec, à qui l'on donna le nom de second Demetrius, & grand expugnateur de villes; car ainsi que j'ay ouï dire à plusieurs grands & vieux Capitaines, Gentils-hommes & aventuriers de guerre de ce temps, jamais il ne fit ses factions aventureuses & peril-

rilieuses que je viens de dire de Monsieur de Guise, mais ordonnoit des assauts, des prises de villes, ou dans sa tente, ou sur le haut d'un terrier, d'où on voyoit le passe-temps, & puis la ville prise, il y faisoit son entrée comme il luy plaisoit; mesmes que bien souvent il faisoit reconnoître les places à d'autres, ou s'il les reconnoissoit luy-mesme, c'estoit de si loin, que bien souvent l'œil le trompoit, & peu souvent alloit-il aux tranchées.

Mais selon les rapports, aucuns bons & aucuns mauvais, ordonnoit de son fait, & luy eust semblé (par maniere de dire) qu'il se fut fait grand tort, & dérogé à sa charge, s'il eust fait telles factions tres-honorables & tres-glorieuses, & pourtant il eut cet heur d'avoir esté baptisé du nom de Demetrius: j'appelle cela heur, puis qu'il ne mettoit point la main par trop avant à l'œuvre, encore qu'il fust tres-brave & tres-vaillant, comme j'ay dit en son discours.

Mais il y en a qui sont braves & vaillans à cheval & les autres à pied, & non à cheval, les uns bons pour les batailles & rencontres, les autres pour les assauts & les brèches, je laisse à discourir lequel est le plus honorable.

Mon-

Monſieur de Guife eſtoit & pour l'un & pour l'autre ; voilà pourquoy il n'a faite d'une tres-grande gloire & reputation. J'ay ouï raconter à ces vieux aventuriers que je viens de dire pour lors que ce Monſieur de Lautrec , en allant à Naples , prit Alexandrie, Pavie, & le Boſco par force, il ne bougea jamais de ſa tente, tenduë ſur un terrier, & fort ouverte par le devant à voir faire les batteries, donner les affauts & les forces : il me ſemble que cela tenoit plus d'un grand Satrape, d'un Roy Sophy, d'un Soudain, ou grand Sultan devant Rhodes, leſquels ſ'eſtudient trop à tenir leur gravité & reputation, & à faire des Raminagrobis de guerre, que non pas d'un grand Capitaine, qui ne la doit jamais tenir en guerre, ſinon à eſtre compagnon à tous ſes gens, & tout en tout & par tout, & ne prendre point à point d'honneur de ſ'abbaiſſer parmy eux, car c'eſt la plus grande gloire qu'ils ſe peuvent donner ; comme fit ce grand Marquis de Peſcaire parmy les ſiens, lequel vouloit dire qu'un grand Capitaine devoit eſtre en ſon armée ſans charge, c'eſt à dire qu'il ne fuſt point obligé ſi fort à une charge qu'il n'en deuſt jamais bouger, & n'en faire autre que celle-là ; mais que luy ſeul devoit gouverner tout,

avec

avec un grand travail de corps & d'esprit, estant present ores à l'infanterie, ores à la gendarmerie, ores aux tranchées & assauts, ores à l'artillerie jusques aux vivres, enfin d'avoir l'œil à tout : de maniere qu'un grand & sage Capitaine ne devoit jamais user des yeux d'autrui, ny s'en ayder sinon des siens propres, & que souvent les grands Capitaines estoient vainqueurs des batailles, combats & assauts lesquels se deffiant de leurs propres, ne refusoient pas de toucher avec la main toute chose, quelque petite qu'elle parust, & de peu d'importance.

Ainsi doivent estre tous grands Capitaines, comme avant ce grand Pescaire nous en avons eu deux de nos temps & des nostres, qui en ont fait de même, comme nous lisons dans le Roman de Monsieur de Bayard de ce vaillant Gaston de Foix, lequel à la prise de Bresse alla bravement à l'assaut du grand retranchement qu'avoient fait les Venitiens au dedans de la ville, où n'y voulant demeurer des derniers, & d'autant qu'il avoit pluviné & que la terre estoit fort glissante, luy-mesme, pour marcher de pied plus ferme, se fit oster les fouliers & se mit en escarpins deschaufsez, (le livre dit ainsi, mais je n'entends

tends point bien ce mot) & tous les autres en firent de mesme , donnerent l'assaut , & luy fut tiré une canonnade qui tomba auprès de luy & des siens, sans aucun mal : pourtant Messieurs de Mollard & Bayard faisant la feste , qui fut fort blessé d'un coup de pique , firent & prirent la ville. Et nostre vaillant Mr. de Bourbon, quoy ? à la prise de Rome ne fut-il pas le premier à l'eschelle ? Aussi tous sur son exemple en firent de mesme, dont ils la gagnerent. Et pour les grands Capitaines estrangers, ce susdit grand Marquis de Pescaire à la prise de Gennes, & en une infinité de places forcées par luy , & autres grandes factions siennes, ores il a esté à pied, & ores à cheval quand besoin le requeroit, bref, portant son corps & son esprit par tout : comme fit aussi ce brave & vaillant Prince d'Orange, dans le siege de Naples, & au siege de Florence, & es Fors d'alentour.

Nous avons eu aussi Don Juan d'Autriche, le Duc de Parme à cette heure de nostre temps, & ce grand & brave Duc de Biron, quoy ? Ha qu'il a bien remply le rang de ces braves & vaillans preux, comme j'espere de dire en sa vie. Ce grand Monsieur l'Amiral en faisoit

faisoit de mesme ; aussi Mr. de Montluc, témoin son nez de Rabastain, & force autres, tant des nostres que des estrangers de mesme.

Mais quand à moy il me semble n'en avoir veu de tous un pareil que nostre Mr. de Guise, car il estoit tres-universel en tout. Les Huguenots vinrent se planter devant Paris, je ne diray point pour l'assiéger, car hormis la campagne qu'ils avoient libre d'un costé, & nous aussi de l'autre, ils estoient aussi à l'estroit & en siege pour la guerre que nous avons : toutefois je croy bien que sans la presence de Monsieur de Guise, comme on le disoit, ils eussent fait quelque grand effort.

Et mesme le jour qu'ils vinrent reconnoistre nos faubourgs de fort bonne façon, (j'en parle ailleurs) ce Prince y servit bien là, après avoir fait devant quelque séjour sans grand effort de guerre, car le temps n'y fut tant occupé ; comme en trefves & parlemens, ils partent par un grand matin, & prennent le chemin de Normandie, tant pour joindre quelques Anglois, que pour toucher de leur Reyne quelque piece d'argent pour payer leurs Reistres venus nouvellement. Nostre armée les suivit près d'eux, conduite par

Monſieur de Guife, bien que Monſieur le Conneſtable y fuſt, & en euſt la principale charge, comme à luy deüe, mais le bon homme eſtoit tousjours malade, comme j'ay dit parlant de luy : les Huguenots ne voulurent que faire leur chemin, ſans s'amuſer ny entendre à bataille ny combat ; toutesſois Monſieur de Guife les pourſuit, & les preſſe tellement, qu'il les contraint d'y venir, en quoy il fut fort eſtimé.

Car comme lors j'ouïs dire, c'eſt un trait d'un tres-grand Capitaine, quand il contraint & mene ſon ennemy là de le faire combattre en dépit de luy.

Auſſi, comme j'ay ſceu depuis de Monſieur de la Nouë, Monſieur l'Amiral le ſeut tres-bien dire & en louer ce grand Capitaine, car bien qu'il n'eût autre envie que de gagner le lieu de ſa retraite, il conſidera qu'en la faiſant, il ne ſeroit poſſible que ce grand Capitaine le ſuivant, le preſſant, l'importunant & donnant ſur ſa queue, que par quelque ſurpriſe en desbandade deſſiens, il en arrivait de la conſuſion & du deſordre, comme il arrive ſouvent en telles retraites qui ſe font ſi loin, comme celle-là ſe devoit faire.

Parquoy il trouva le meilleur & le plus expedient de ſ'arreſter, tourner teſte &

ten-

tenter le hazard de la bataille, prirent le chef, Monsieur le Connestable, mirent à mal Monsieur d'Aumale qui le secundoit, estant porté par terre, & une espaule rompuë, menerent le reste au desordre, au meurtre & à la fuite. J'en descrirois bien l'exploit, mais il est assez amplement escrit par nos historiographes, & sur tout par Monsieur de la Nouë, qui estoit des plus avant enfoncez, selon sa coustumiere valeur, qui en dit force gentiles particularitez. Tant y a, que cette bataille perdue, Monsieur de Guise, qui faisoit toujours alte & tenoit ferme, en attendant son bien à point, gagna tout ce qui estoit perdu, & le restaura & remit en une belle victoire tres-signalée: il y en eut plusieurs qui s'esbahirent, voire en murmurèrent fort, que lors que ce grand Capitaine vit Monsieur le Connestable, & sa bataille perdue, qu'il ne l'allast secourir prestement; ce qu'il ne fit, car il n'estoit pas temps; mais bien l'espiant & l'occasion, il chargea si à propos sur le reste des forces Huguenotes fraisches, qui n'avoient encore rien fait, & mesme leur infanterie, qu'il fit reculer tout en un coup, ce que nous tenions deja pour tout mort & en terre.

Car il me souvient, comme y estant,

qu'après qu'il eut veu jouër tout le jeu de perdition de la bataille, & le desordre & la fuite des nostres, & sa poursuite confuse, & vauderoute qu'en faisoient les Huguenots, luy qui estoit à la teste tournant les yeux qui ça, qui là, il commanda à ses gens de s'entr'ouvrir, pour passer un peu aisément, & traversant quelques rangs, il se mit à aviser à son aise, voire se haussant sur les estriers, bien qu'il fust grand, de haute & belle taille & monté à l'avantage, pour mieux mirer; & cela fait, & connu que son temps s'approchoit, il retourne & regarde encore un peu, mais en moins de rien, & puistout à coup il s'escria: Al-lons compagnons, tout est à nous, la bataille nous est gagnée & puis donnant fort hazardeusement, s'en ensuivit le gain total de la victoire.

Ce que sceurent tres-bien dire Monsieur l'Amiral (à la mode d'Hannibal) après qu'il fut maistre de Mr. le Connestable & de sa bataille gagnée, & qu'on l'applaudissoit, Ha (dit il) je voy là une nuée qui bien-tost tombera sur nous à nostre tres-grand dommage. Aussi lors que Monsieur de Moüy, tres-brave & tres-vaillant Capitaine, commença la premiere charge, il eut commandement de Monsieur l'Amiral de ne donner

Mr. DE BRANTOME. 101
ner point à l'avant-garde, qu'il ſçavoit
conduite par Monsieur de Guise, mais
de l'eſſuyer & paſſer devant, & foudre
comme un foudre à la bataille: ce qu'il
ſceut tres-bien faire, car lors qu'on le vit
venir, chacun de l'avant-garde ſe douta
auſſi-toſt que le jeu y eſtoit préparé, &
Mr. de Guise luy-mefme le tint pour cer-
tain, & ſ'y mit preſts pour recevoir le
choc & donner auſſi à eux, & dit, Les
voici à nous: mais tout à coup nous les viſ-
mes fourvoyer de leur chemin que pre-
tendions & deſcendre & couler en bas, là
où ils firent la rafflade qui fut, & que nous
voyions à noſtre ayſe, de l'avant-garde,
qu'aucuns diſoient qu'il devoit ſecourir
ſon compagnon en ſon adverſité: mais
depuis on connut à plein que tout eſtoit
perdu ſ'il euſt party & branlé, ce que de-
puis on connut par l'effet, & que Mr. l'A-
miral meſme, & autres grands Capitai-
nes ſceurent tres bien dire.

Mais pour ne luy vouloir ceder tant de
gloire, comme ils ne vouloient, ils di-
ſoient que c'eſtoit un trait plus d'un
fin & ruſé Capitaine, que non pas d'un
zéle & curieux de la ſalvation de ſon
compagnon Monsieur le Conneſta-
ble. Mais à tout cela ſceut tres-bien
reſpondre & dire mondit Sieur de Guise,
en une harangue qu'il fit à la Reine mere,

un mois après ladite bataille à Blois , qu'elle y mena le Roy Charles, & ce fut le jour après de leur arrivée, que mondit Seigneur de Guise, ainſi que la Reyne vouloit diſner, & que ce ſage & reſpectueux Prince luy eut donné la ſerviette, il luy demanda ſi après diſner il luy plairoit de luy donner audience. La Reyne eſtonnée de ce mot, Jeſus, mon couſin, (luy dit-elle) que me dites-vous? Je le diſ, Madame, (dit Monſieur de Guise) parce que je voudrois bien vous representer devant tout le monde tout ce que j'ay fait depuis mon département de Paris, avec voſtre armée, que me donnaſtes en charge avec Monſieur le Conneſtable, & vous preſenter auſſi tous les bons Capitaines & ſerviteurs du Roy & de vous, qui vous ont fidelement ſervy, tant vos ſujets qu'eſtrangers, & des gens de cheval & de pied, & en telle compagnie il arrive devant la Reyne, qui avoit achevé de diſner: après luy avoir fait une grande reverence, comme il ſçavoit tres-bien ſon devoir, il luy alla diſcourir tout le ſuccès de ſon voyage depuis ſon partement de Paris, & venant ſur la bataille de Dreux, il la diſcourut & la representa ſi bien & ſi au vif, que vous euſſiez dit que l'on y eſtoit encore, (à quoy la Reyne y prit un
tres-

tres-grand plaisir) se mit fort sur les louanges de Monsieur le Conneſtable, de Monsieur d'Aumale, de Monsieur le Mareſchal de St. André, & du bon homme Monsieur de la Broſſe, & puis ſur tous les autres, tant morts, que vivans ; loua les François , loua les Eſpagnols , encore qu'ils n'euffent fait ſi grand cas qu'on euſt bien dit , mais auſſi ne fut leur faute, & n'eurent ſujer de grand combat, mais leur bonne mine & aſſeurée qu'ils firent tousjours tres-bien ſerrez & rangez en leur ordre & vieille diſcipline militaire ſervit beaucoup.

Sur tout il loua fort les Suiffes pour leur grand combat rendu , ſouſtenu & opiniſtré , & pour s'eſtre ralliez pour aſſez de fois après leur defaire & grande perte de leurs compagnons , & retournez aux mains ; le tout ſi bien repreſentant, que ceux qui n'y avoient eſté, maudifſoient de n'y avoir eſté, & entreloüez ſi bien de leur General. Une choſe fit-il que l'on trouva tres-eſtrange , qu'il loua force Capitaines, & des grands, que l'on ſçavoit tres-bien qu'ils avoient gentiment fui ; dont la Reyne & aucuns de ſes plus privez luy en demanderent après la cauſe & la raiſon.

Il dit que c'eſtoit une fortune de guerre, laquelle poſſible ne leur eſtoit jamais

& venuë ny aviendoit, auffi que pour une autre fois ils se corrigent assez, & eussent courage de faire mieux ; mais pourtant il passoit assez legerement sur leurs louanges, autant comme il pesoit bien celles-là de ceux qui avoient tres-bien fait : si bien qu'il estoit tres-aisé à juger là où il flattoit, & où il disoit le vray. Sa harangue dura assez long-temps, qu'un chacun oyoit fort attentivement sans le moindre bruit du monde, & aussi qu'il disoit si bien qu'il n'y eut nul qui n'en fust ravi, car c'estoit le Prince qui disoit des mieux, & estoit aussi eloquent, non point d'une eloquence contrainte ny fardée, mais naïve & militaire, avec sa grace de mesme ; si bien que la Reyne mere dit après qu'elle ne luy avoit jamais veu une façon si bonne. Cela fait il presenta tous les Capitaines à la Reyne, qui luy vinrent tous les uns après les autres faire la reverence ; & elle qui pour lors estoit en ses beaux ans, en ses beaux esprits & belles graces, les receut fort gracieusement, & fit à Monsieur de Guise sa response ; Que bien qu'elle eust sceu auparavant par ses lettres, & autres qu'il luy avoit envoyées, toutes choses, si est-ce qu'elle avoit encore receu un extrême plaisir par le rapport de sa propre bouche, & qu'à

jamais

jamais le Roy & elle luy devoient cette grande obligation de bataille gagnée, & à tous ses bons Capitaines, qu'elle remercia tous d'une fort bonne grace, comme elle sçavoit tres bien dire, & les assura d'une tres-grande reconnoissance, là où l'occasion se presenteroit, voire la rechercheroit-elle plustost avant.

Si bien que chacun se retira tres-content de cette Princeesse & de leur General. Quant à moy, je ne vis jamais mieux dire, que dit alors ce Prince, & en eust fait honte à Mr. le Cardinal son eloquent frere, s'il y eust esté.

Deux jours après il partit & s'en alla devant Orleans, là où fut sa rencontre malheureuse, pour y estre mort pour l'honneur de Dieu, le soustien de sa foy, de sa loy, & le service de son Roy, & ne faut point douter que s'il n'y eust esté tüé, qu'il n'eust pris la ville contre l'esperance du Roy, de la Reyne & de tout son conseil, qui le voulurent divertir pour voir cette place du tout imprenable, tant pour sa forteresse, que pour les bons hommes qui estoient dedans: mais ils changerent d'opinion quand ils eurent en moins d'un rien les deux fauxbourgs forcez & pris, le Portereau enlevé, les tourelles gagnées,

& nos gens avancez sur la moitié du pont, & les deux isles prestes à estre perduës, & nous y logez à leur dommage & occasion de perte de la ville.

Si bien que j'ouïs dire un jour à mondit Seigneur, Laissez faire, avant qu'il soit un mois, nous serons plus près d'eux qu'ils ne pensent; & ne le disoit point pour vanterie, car n'estoit nullement bavard, ny vanteur. Helas! sur ce beau dessein, en s'en retournant ce soir à son logis, il fut blessé par le maraut de Poltrot, qui l'attendoit à un carrefour, & luy donne à l'espaule par le derriere de son pistolet chargé de trois balles. Ce maraut estoit de la terre d'Aubeterre, nourry & eslevé par le Vicomte d'Aubeterre, lors qu'il estoit fugitif à Geneve, faiseur de boutons de son mestier, comme estoit la loy là introduite, qu'un chacun d'eux eust mestier, & en vescu, tel Gentil-homme, & Seigneur qu'il estoit; & ledit Aubeterre, bien qu'il fust de bonne maison, estoit de celui de faiseur de boutons; moy en passant une fois à Geneve, je l'y vis fort pauvre & miserable.

Depuis il fut pris à la sedition d'Amboise, & condamné comme les autres; mais Monsieur de Guise, par la priere de Monsieur le Marechal de Saint André,

dré ; luy fit pardonner & sauver la vie ; ce qu'il sceut tres-bien reconnoistre après, car il fuscita, prescha, & anima ce Poltrot de le tuer, & le presenta à Monsieur de Soubize son beau frere, qui estoit Gouverneur de Lion pour les Huguenots ; tous deux l'ayant encore à part confessé & presché, le depescherent vers Monsieur l'Amiral : en quoy aussi Monsieur de Soubize fut accusé ingrat de force gens, car ayant esté deferé par les Siennes de plusieurs choses qu'il avoit faites en Toscane, y ayant charge du regne du Roy Henry, & prest à estre en grande peine, Monsieur de Guise interceda pour luy. Ce Poltrot venu à Orleans après la bataille de Dreux, & s'estant présenté à Monsieur l'Amiral avec des lettres de Monsieur de Soubize, fut bien receu de luy, & depeché.

Surquoy mondit Sieur l'Amiral fut fort accusé de l'avoir envoyé faire le coup. Monsieur l'Amiral s'en excusa fort, & pour ce en fit une Apologie, respondant à toutes les depositions dudit Poltrot, que j'ay veüe imprimée en petite lettre commune, & point comme l'imprimerie commune, là où plusieurs trouvoient de grandes apparences en ses excuses, qu'ils disoient

estre bonnes ; d'autres les trouvoient fort palliées, & pour la meilleure & principale fut verifiée , que ledit Monsieur l'Amiral avoit mandé & averty mondit Seigneur de Guise quelques jours avant, qu'il se donnaſt garde, car il y avoit homme attitré pour le tuer. Il s'excusa auffi-toſt quand il envoya prier la Reyne de ne faire mourir ce malheureux, qu'il ne fuſt premierement acaré à luy, & confronté pour le faire dédire des menteries qu'il diſoit de luy.

Pour fin , jamais ne ſe peut-il tant purger qu'il n'en fuſt fort accusé & ſoupçonné ; ce qui lui couſta la vie par après, comme j'eſpere dire : auffi que Monsieur de Guise en ſa mort en ſa harangue qu'il fit, ſans le nommer , il l'en taxa par ces mots ; Et vous, qui en eſtes l'autheur, je le vous pardonne : voulant bien entendre Monsieur l'Amiral , diſoient aucuns. Un mot auffi luy nuist fort, quand il diſoit ſouvent, Je n'en ſuis l'autheur nullement , & ne l'ay point fait faire , & pour beaucoup ne le voudrois avoir fait faire , mais je ſuis pourtant fort aſe de ſa mort , car nous y avons perdu un tres-dangereux ennemy de noſtre religion. Pluſieurs ſ'eſtonnerent comment luy , qui eſtoit fort froid & modeſte en paroles , il alla proferer cel-

celles-là, qui ne servoient de rien & dont il s'en fust bien passé.

D'autres disoient que Monsieur l'Amiral l'avoit sceu par un Gentil-homme, que Monsieur de Soubize luy avoit envoyé devant pour luy en faire l'ouverture; on disoit que c'estoit Chastelier, pourtant grand confident de Monsieur de Soubize, & habile homme, que j'ay connu privément; je parle de luy ailleurs, qu'on n'eust jamais pris par le bec; à quoy ne faut point douter, ny prendre goust; & qu'il emboucha ledit Chastelier de dire à Monsieur de Soubize, que cela se tint fort secret, & qu'il luy envoyast le galand, mais non pas qu'il luy dist de sa part, qu'il venoit trouver pour faire le coup mais seulement pour luy porter ce mot de creance, qu'il avoit desir de bien servir la Religion, à quoy il n'avoit autre zele; ainsi que le sceut tres bien représenter mondit Sieur l'Amiral audit Poltrot; car après qu'il luy eut présenté ses lettres, & que mondit Sieur l'Amiral les eut leuës devant luy, C'est Monsieur de Soubize, dit il, qui m'escrit & me mande comme vous avez grand' envie de bien servir la Religion, vous soyez bien venu, servez-la donc bien. Monsieur l'Amiral n'avoit garde (di-

(disoit-on) de se confier en ce maraut malotru & traistre, car il sçavoit bien que mal luy en prendroit s'il estoit pris & descouvert, & que tels marauts & traistres en leur deposition gastent tout, & se débagoulent & disent plus qu'il n'y en a quand ils sont pris.

Voilà pourquoy Monsieur l'Amiral fut fin & rusé d'user de très-sobres paroles à l'endroit de ce maraut, mais usant de celle-là, il faisoit comme le pasteur, auquel les veneurs ayant demandé s'il avoit veu le cerf qu'ils chassoient, luy qui l'avoit garanty dans sa grange sous bonne foy, il leur dit & cria tout haut, afin que le cerf, qui estoit caché, l'entendist, qu'il ne l'avoit point veu, en le jurant & l'affirmant, mais il leur montrait avec le doigt & par autres signes là où il étoit caché, & par ainsi il fut pris.

Or ce Poltrot partit d'Orleans, vint trouver Monsieur de Guise, qui par un beau semblant (ou pour mieux dire vilain & faux) luy dit, que connoissant les abus de la Religion pretendue, il l'avoit quittée tout à plat, & pour ce l'estoit venu trouver pour la changer & vivre en la bonne, & servir Dieu & son Roy. Monsieur de Guise, qui étoit tout bon, magnanime & genereux, le
re-

receut fort bien & amiablement , ainſi qu'eſtoit ſa couſtume , & dit qu'il étoit bien-venu, & luy fit donner un logis, avec le commandement aux fourriers, & mangeoit ſouvent à ſa table.

Si bien que je le vis une fois venir au my-diſner, que Monſieur de Guiſe luy demanda s'il avoit diſné, il lui dit que non, & commanda luy faire place; ce qui fut fait. Toutes ces courtoifies jamais ne luy amolirent le cœur, qu'il n'achetaſt un cheval d'Eſpagne de Monſieur de la Mauvaiſhiere, qui alors ſuivoit le camp, Gentil-homme de bonne part, & fort renommé depuis pour la Pierre Philoſophale, avec Monſieur de Savoye, qu'il trompa de plus de cent mille eſcus; il fut vendu fix vings-eſcus, que Monſieur de Soubize luy avoit donnez : on diſoit que ç'avoit eſté Monſieur l'Amiral, mais il eſtoit trop habile pour faire le coup, auſſi ledit Poltrot ne l'avoüa pas. Il accompagna ſouvent Monſieur de Guiſe avec tous nous autres de ſon logis juſques au Portereau, où tous les jours mondit Seigneur y alloit; & pour ce cherchoit tousjours l'occaſion oportune, juſques à celle qu'il trouva, où il fit le coup, car elle eſtoit fort aiſée, d'autant que le ſoir que mondit Seigneur tournoit, il s'en
ve-

venoit seul avec son Escuyer ou un autre , & cette fois avoit avec luy Monsieur de Rostain , & venoit passer l'eau du Pont de Saint-Mesmin , dans un petit batteau qui l'attendoit tous les soirs , & ainsi passoit avec deux chevaux , & s'en alloit à cheval à son logis , qui estoit assez loin. Estant sur un carrefour qui est assez connu , & trop , pour la perte d'un si grand homme , l'autre , qui l'attendoit de guet à pens , luy donna le coup , & puis se mit à courir , & crier , Prenez-le , prenez-le. Monsieur de Guise se sentant fort blessé & atteint pancha un peu , & dit seulement , L'on me devoit celle-là , mais je croy que ce ne sera rien , & avec un grand cœur se retira en son logis , où aussi tost il fut pansé & secouru de Chirurgiens des meilleurs qui fussent en France.

Mais il mourut au bout de huit jours. Si faut-il que je dise ce mot , que Monsieur de Saint Just d'Allegre , étant fort expert en telles cures de playes , par des linges & des eaux , & des paroles prononcées & méditées , fut présenté à ce brave Seigneur , pour le penser & guérir , car il en avoit fait l'expérience grande à d'autres ; mais jamais il ne le voulut recevoir ny admettre , d'autant (dit-il) que

que c'étoient tous enchantemens defendus de Dieu , & qu'il ne vouloit autre cure ny remede , finon celuy qui prove-
noit de fa divine bonté , & de ceux des
Chirurgiens & Medecins efleus & ordon-
nez d'elle , & que c'en seroit ce qui plai-
roit à elle , aymant mieux mourir que de
s'adonner à tels enchantemens defendus
de Dieu. Voilà la religion sainte , &
le saint scrupule qu'avoit ce bon Prince
à ne vouloir offenser Dieu , aymant
mieux mourir que de l'offenser en cela.
Je vis tout cela , & me dit Monsieur de
Saint Just , qui estoit mon grand amy ,
qu'il l'eust guery. Ce qui est fort à no-
ter , ce bon & brave Prince pour espar-
gner douze cens francs à son Roi , cela fut
cause de sa mort ; car il me souvient que
le bon homme Mr. de Serré , qui estoit a-
lors financier en cette armée , & grand
Commiffaire des vivres , Secretaire du
Roi , & Surintendant des fortifications &
magasins de France , un tres-habile hom-
me de son mestier , & qui avoit veu toutes
les guerres de son temps de France , Pied-
mont , & Toscane , & que Monsieur de
Guise aymoît fort , & en qui il avoit beau-
coup de soulagement ; ce bon homme
donc Mr. de Serré luy remontra qu'il
devoit faire rabiller le pont de Saint-
Mesmin , qui seroit un grand soulage-
ment

ment pour luy en allant & venant du Portereau à son logis , & pour toute la Noblesse qui l'y accompagnoit , au lieu de la grande peine , fatigue & grand tour que nous faisions d'aller passer au pont d'Olivet , & que ce ne seroit qu'à l'appetit de quatre à cinq cens escus.

Monsieur de Guise luy dit, Espargnons l'argent de nostre Roy , il en a assez affaire ailleurs , tout luy est bien de besoin , car un chacun le mange & le pille de tous costez ; nous nous passerons bien de ce pont , mais que j'aye mon petit bateau c'est assez ; ces cinq cens escus feront bien besoin ailleurs pour un autre service du Roy , qui importera plus que celuy là. De sorte que si ce pont eust esté fait à l'appetit de peu , nous eussions tousjours accompagné nostre General par le pont jusques à son logis , & ne fussions allé faire ce tour & passer à la débanade à Olivet , & par ainsi luy tres-bien accompagné ce maraut n'est jamais fait le coup , lequel sceut tres-bien dire , qu'autrement il ne l'eust osé attaquer que par cette occasion , qui certes étoit fort aisée.

Pour fin , il fut pris , ou par la volonté de Dieu , ou qu'il n'eut le cœur & l'avis

l'avis de se sauver; car il courut toute la nuit, & pensant estre loin du camp, pour le moins dix lieuës, il s'en trouva près de deux. Il confessa tout, & moy-mesme je parlay à luy; il avoüa tousjours Messieurs de Soubize & Aubeterre, l'avoir suscitë & presché. Pour quant à Mr. l'Amiral, il varioit & tergiversoit fort, tant en ses interrogations qu'en son dire de la gesne & de sa mort. Il fut tiré à quatre chevaux.

Si faut-il que sur ce je fasse ce petit conte de moy, qu'un de ces ans, moy ayant quelque differend & querelle avec le Sieur d'Aubeterre, encore qu'il eust espousé ma niepce, Mr. du Mayne le soustint contre moy, sur un sujet qui seroit long à dire, & que cela ne vaut pas le parler; j'en fis la conte à Monsieur de Guise, & luy dis que je n'eusse jamais pensé que son frere Mr. du Mayne eust soustenu Aubeterre (le pere duquel avoit fait tuer son pere) contre moy, qui n'avois esté que son serviteur & de sa maison, & que lors qu'il fut tüé je portois les armes pour luy & pleuray & regrettay fort sa mort.

Monsieur de Guise trouva ce trait fort estrange & guere beau, & me dit que ce nom d'Aubeterre devoit estre pour jamais tres-odieux à la maison de Guise.

En-

Encore depuis Monsieur du Mayne l'associa avec luy en la ligue; mais l'autre la luy donna bonne, car dans six mois il le quitta à plat, & se moqua de luy, & bien employé.

Voilà la vie & la mort de ce grand Prince, descrite le plus sommairement que j'ay peu, & si sa vie a esté tres-admirable, sa mort a esté autant regrettable pour toute la Chrestienté; car des plus grands jusques aux plus petits elle fut pleurée, regrettée & celebrée de toutes sortes d'honneurs, que l'on doit à un tel & si grand Prince Chrétien.

J'en escrirois les superbes obseques qui en furent faites en France, que j'ay veues, & en d'autres pais estrangers, que j'ay ouï dire, mais cela ne serviroit de rien. En quoy faut noter que si sa mort fut fort regrettée ce coup là, elle fut après bien vengée à la Saint Barthelemy, & bien autrement que celle de Monsieur son fils dernier, dont on n'en scauroit dire une vengeance pour un seul double, ny sur les auteurs, conseillers & executeurs, qui se promenant par tout la teste levée, dont l'on s'en estonne fort, d'autant plus qu'il n'y en a aucune apparence de vengeance, si ce n'est qu'on se veuille ayder de la devise de leur grand bisayeul, le bon & brave Roy René de Sicile, qui
avoit

avoit pris pour devise deux bœufs labourant la terre, avec ces mots, *Passo à passo*, comme voulant dire & inferer, que pas à pas, & à pas mornes & lents en parvenoit enfin à son œuvre & besogne; ainsi que fit ce coup Monsieur de Guise ce brave fils, qui six ans après ou plus se vengea comme il falloit de tout à la Saint-Barthelemy. Aucuns Huguenots les plus passionnez ne regretterent point ce bon Prince que je dis, & d'autant plus grande estoit sa gloire, grande envers Dieu & les hommes Catholiques: si y en eut-il aucuns Huguenots d'honneur, & mesmes plusieurs gens de guerre & de brave soldats, qui le regretterent fort, & en dirent grands biens, comme j'ay veu. Plusieurs composerent plusieurs beaux tombeaux à son honneur, & le premier qui en fit, fut ce grand Mr. le Chancelier de l'Hospital, aussi grand Poëte que Sénateur; je le vis aussi-tost qu'il fut fait: il estoit donc tel en mots fort brieves, mais pourtant de fort grande substance étoient-ils pleins:

*Quem non bellorum rabies, non hosticus
ensis*

*Abstulit in mediis versantem sæpe periclis,
Hunc infirma manus scelerato perdidit a-
stu,*

Æter-

Æternis justo redimitum Marte coronis ,
Il fut après ainsi traduit :

Celuy que la fureur des guerres plus cru-
elles,

Ny le glaive ennemy aux dangers n'a o-
sté,

Par la debile main d'un traistre est em-
pesté,

Couronné justement de gloires immortel-
les.

Le Latin emporte le François. Il y eut aussi Monsieur d'Orat, grand Poëte Latin & Grec, qui en fit un, mais pour la prolixité je ne le mettray ici tout au long sinon les quatre premiers vers & derniers, qui sont ;

Fortia si fas est sua fortibus acta referre,
Inque suas laudes testibus esse sibi,

Fas mihi Guisardæ , qui bella tot inclita
gessi,

Vero quæ feci fortiter ore loqui.

S'il est permis aux vaillans raconter aux vaillans ses vaillances , & en ses propres louanges estre tesmoin de soy-mesme, il m'est permis à moy, le Seigneur de Guise, qui ay fait tant de guerres & de vaillances en mon temps, les proferer de ma bouche tres-veritable. Ensuite il va raconter tous les beaux faits de sa vie, & venant sur sa mort, il dit, E lors que j'avois fait perdre à Orlean

sa riviere & son pont, malheureusement j'y fus perdu, non par aucune vertu; car de celle-là je n'en cede à aucun, mais par derriere de trois balles l'on me donne la mort, & puis il conclud;

*Fraude perit virtus, quia non nisi fraude
perire*

*Vera potest virtus, si tamen illa perit;
Sed non illa perit, cujus laus usque super-
stes*

Fraude vel invita vel manet invidiâ.

Voilà comme la vertu perit par la fraude, car autrement ne peut-elle perir, si toutesfois elle perit; mais elle ne peut jamais perir celle-là, de celui duquel la gloire demeure à jamais immortelle, en dépit de la fraude & de l'envie.

Or pour reprendre ces mots de Monsieur d'Orat, parlant des vaillances de ce grand Prince, il ne faut dire autrement, qu'il n'en ayt esté remply autant que Prince du monde, ainsi qu'il les a fait paroître en tous les combats où il a jamais esté, s'y hazardant toujours plus que le moindre gendarme & soldat du monde; car naturellement il estoit fort ambitieux, tout jeune qu'il fut, & là où l'ambition entre dans l'ame d'un jeune homme, il faut qu'il
se

se hazarde par tout pour la faire valoir , ainsi qu'il fit au voyage & à la conqueste de Luxembourg par Monsieur d'Orleans, là où il fut blessé d'une grande harquebuzade pour trop se hazarder ; puis à l'affaut de Linars il en eut aussi une : à la guerre de Boulogne il s'avança & s'enfonça si avant dans la meslée du combat, qu'il eut un grand coup de lance entre l'œil & le nez, & entra si avant qu'elle s'y rompit , & en rapporta un grostronçon, qui estoit si bien joint & attaché à la teste, que j'ay oui dire au bon homme Maistre Nicolle Lavernan, tres expert Chirurgien qui l'ayda à le panser, qu'il luy falut mettre le pied contre la teste pour en tirer de grande force le tronçon, dont il endura beaucoup de douleur, & en cuida mourir, comme de fait on le tint mort long-temps ; mais avec son bon courage il en eschappa, car il laissoit faire aux Chirurgiens tout ce qu'ils vouloient ; aussi le panserent-ils si bien, qu'il eut la vie & la veuë sauve, qui fut un grand cas qu'il ne la perdît, & l'œil aussi, mais il l'avoit aussi beau & bon qu'auparavant, & jamais ne parut, ny en rien a esté jamais difforme, comme certes c'estoit un beau Prince, de belle façon & apparence, & qui sentoît bien son grand & vaillant homme de guerre,

& qui eust tousjours fait peur à son homme qui l'eust voulu attaquer.

Surquoy il me souvient qu'à la conjuration d'Amboise il estoit escheu par sort ou autrement, que le Capitaine Mazieres tüeroit Monsieur de Guise : ce Capitaine-là avoit esté autresfois en Piedmont fort renommé & déterminé soldat, & si bizarre pourtant qu'on le tenoit pour avoir de l'humeur ; il avoit fort veu, & avoit esté avec Mr. d'Aramont en Levant, outre qu'il parloit fort bon Espagnol, aussi en estoit-il de la frontiere, & si en avoit-il de la façon : sur cette mauvaise determination il fut pris comme les autres, & saisy d'une fort longue espée ; il confessa tout, & comme Mr. de Guise luy eust dit qu'il s'estonnoit fort de luy, qui avoit veu son monde, sceu & pratiqué comme il falloit tüer un homme, dequoy il s'estoit ainsi accommodé d'une si longue espée, qui en telles factions & pressés n'est si propre qu'une courte, qu'on tire & demeure plus aisément sans point d'embaras ; comme d'une grande, avec laquelle on ne se peut tourner & virer comme l'on veut, & que l'on saist plutost qu'une courte. Le Capitaine Mazieres luy respondit ; Monsieur, je sçavois fort bien ce que vous m'en dites ; mais pour en parler

ler au vray, quand je considérois vostre valeur & vôtres brave vaillance & furieuse presence, je perdois aussi-tost le courage de vous attaquer de prés, & pour ce je me résolus d'avoir affaire avec vous de loïn; que si au lieu de cette espée j'eusse peu apporter une pique, je l'eusse fait, tant l'image de vostre personne se montrait à moy terrible & formidable, & me faisoit peur.

Ce Capitaine avoit quelque raison en son dire, ainsi que l'on peut bien discourir là-dessus. En cette mesme conjuration fut pris le Seigneur de Castelnau de Bigorre, duquel j'ay parlé cy-devant, il fut executé comme les autres. Quelques trois ans après vint à la Cour, à la suite de Monsieur le Prince, un sien neveu, qu'on nommoit le Capitaine Bonnegarde, que j'ay connu gentil soldat & brave, il se vantoit en quelques endroits qu'il vangeroit la mort de son oncle Castelnau, & qu'il tueroit Mr. de Guise : qui le sceut, & sans autrement s'en effrayer il se le fit montrer pour le connoistre, & l'ayant bien veu & contemplé, il ne dit autre chose sinon; Il ne me tuera jamais. Au bout de quelques jours il luy fait faire le guet quand il s'en iroit au parc de Saint Germain luy seul avec un
au-

autre se promener : son espion luy vient dire un jour comme il estoit seul entré dans le parc & un autre Capitaine avec luy : soudain Mr. de Guise va après, & prend avec luy le jeune la Brosse, tres-brave & vaillant Gentil-homme, fils du bon homme Mr. de la Brosse, vray Chevalier d'honneur & sans reproche, tous deux ainsi s'en vont sans autre compagnie, non pas d'un seul page ny lacquais, après leurs hommes, & les trouverent qu'ils avoient fait leur tour d'allée & s'en tournoient ; Mr. de Guise ne fit que dire, Voicy nos gens, ne bougez, & je ne bouge ; & va droit à eux d'un visage assuré, & qui monstroït qu'il vouloit tuer : ce fut Bonnegarde & son compagnon qui firent place & donnerent passage à Mr. de Guise, & se mirent à coté en ostant leurs bonnets, le salüant fort reverencieusement. Mr. de Guise après avoir un peu arresté passe outre, & puis tourne son petit pas après les autres, sans autrement s'esmouvoir ny dire autre chose que, Nous en avons prou fait, la Brosse, mon homme ne me tuera jamais, il est plus respectueux, bon & courtois qu'on ne m'avoit rapporté : mais je vous jure s'il ne m'eust salué, je l'eusse tué tout roide, pendant qu'eussiez

tüé le vostre ; pour ce coup il faut estre un peu sage, ils n'emportent rien du nostre, & ne nous tüeront jamais. Monsieur le Prince sceut le trait, qu'il trouva tres beau, & en fit toutes les excuse du monde à Monsieur de Guise, & qu'il c'estoit de faux rapports qu'on luy avoit faits. Monsieur de Guise ne luy fit autre responce, sinon luy dire, Quand ce mauvais vouldra, il me trouvera tousjours. Aucuns s'estonnerent que Monsieur de Guise ne le tüast, mais il respondit qu'il estoit plus vangé par si humble satisfaction que s'il l'eust tüé, par laquelle l'autre montroit, ou qu'il n'eust tenu tel propos, ou bien qu'il s'en repentoit, ou bien n'osoit faire ce qu'il s'estoit vanté, aussi qu'il falloit mieux songer & aviser à tüer un homme qu'une beste. Force autres raisons peut-il la-dessus alleguer, car c'estoit le Capitaine du monde qui entendoit mieux les querelles & leurs pointilles, & qui sçavoit les mieux vuidier & démesler, ainsi qu'il fit tres-bien entre luy & le Prince de Condé ; dont le conte est tel :

Aprés la mort du petit Roy François II. Monsieur le Prince sortit de prison, & voulut quereller ce grand Monsieur de Guise, & de fait luy en faisoit la mine, pour le soupçonner d'avoir esté
cause

cause de son emprisonnement. Ce bruit en couroit fort à la Cour, mais je ne vis jamais Monsieur de Guise estonné pour cela, faisant tousjours bonne mine, marchant la teste haut eslevée, resolu de se bien battre si on l'attaquoit. La Reine mere, tres-sage & tres-universelle en tout, avec le conseil, avisant que le tout se pourroit tourner en une grande consequence & dangereux accident, pourchassa un accord entre ces deux vaillans Princes, par telles conditions & satisfactions, que celle de Monsieur le Prince fut, qu'il dit & proposa que celuy qui avoit esté cause & motif de sa prison estoit meschant, Monsieur de Guise fit response qu'il le croyoit, mais que cette parole ne luy concernoit ny touchoit en rien; & par ainsy ces deux Seigneurs s'embrasserent comme reconciliez, Mr. le Prince comme estant satisfait, & Monsieur de Guise comme ne s'estant prejudicié. Sur ce les uns à la Cour (comme je vis) en parloient diversement selon leurs passions & affections, & disoient que Monsieur de Guise luy avoit fait quelque forme de reparation, parce qu'il le pensoit avoir esté cause de sa prison; mais les plus clairvoyans & les plus subtils & pointilleux esprits en matieres chevaleresques, disoient que

Monſieur de Guiſe avoit tres-ſagement & ſubtilement reſpondu, en mode d'un Seigneur tres-bien entendu en teles affaires, ainſi qu'il l'eſtoit comme celuy qui vouloit dire qu'il n'y avoit nul autre qui euſt eſté cauſe ny motif de cet emprisonnement que luy-meſme, que l'on diſoit avoir commis le peché & fait la faute, pour avoir eſté mis en priſon, & par ainſi il y eut bien là du bigu, ainſi que l'on en diſoit à la Cour, & qu'il y alloit de l'un plus que de l'autre; or devinez-le. J'ay veu ce Seigneur diſcourir quelquesfois des querelles & des ſatisfactions, mieux que j'ay jamais veu faire à Seigneur ny à Capitaine; ſi bien que ſes leçons euſſent ſervy aux plus grands Capitaines: il ne ſe plaifoit nullement d'offenſer perſonne, ou ſi ſans penſer il l'offenſoit, il le contentoit, car il en ſçavoit tres-bien la maniere. A la bataille de Renty il avoit pour ſon Lieutenant Monſieur de Saint Fal, lequel pour ſ'eſtre avancé & party pluſtoſt qu'il ne falloir, Monſieur de Guiſe alla à lui de colere & luy donna un grand coup d'épée ſur ſa ſalade, pour le faire arreſter; cela luy faſcha fort, & luy dit, Comment Monſieur, vous me frappez, vous me faites tort, Monſieur de Guiſe ne s'y amuſa pas autrement, mais alla au plus preſſé.

Et

Et comme après la bataille on luy eust dit que Saint Fal se sentoist offensé de ce coup & le vouloit quitter , Monsieur de Guise dit , Laissez faire , je le contenteray : & le trouvant en la tente du Roy, il luy dit devant tout le monde, Monsieur de Saint Fal, vous vous tenez offensé du coup d'espée que je vous donnay hier, parce que vous vous avanciez trop , il vaut bien mieux que je vous l'aye donné pour vous faire arrester en un combat où vous alliez trop hazardeusement , que si je le vous eusse donné pour vous y faire aller & avancer en le refusant poltronnement ; si bien que ce coup, à le bien prendre, vous porte plus d'honneur que d'offense : & voicy tous ces Messieurs les Capitaines qui m'en peuvent estre témoins qui admirerent tous ces beaux mots & cette belle satisfaction : Parquoy vivons, dit-il, comme devant ; ce qui fut fait. Monsieur de Guise le dernier me fit ce conte à la Cour. Lors que Bussi & Saint Fal eurent querelle, son bon homme de pere Saint Fal y vint pour assister son fils.

Maintenant il est temps de faire une fin à ce discours de ce grand Duc de Guise , qui a vescu & est mort (comme j'ay dit) chargé plus de gloire & de debtes, qu'il laissa à Madame sa femme, & à

Messieurs ses enfans , que de finances ; car il devoit plus de deux cens mille escus quand il est mort, & le retranchement de la despense que Madame de Guise fit à ses enfans , principalement aux deux plus jeunes, Monsieur du Mayne & Monsieur le Cardinal de Guise depuis , qu'il falut qu'elle les mist au College de Navarre, où ils demurerent quelques années pour estudier : Monsieur de Guise encore jeune pour suivre son Roy & sa Cour, il falut qu'il tint train & maison, mais non si grande comme il a fait depuis encore qu'il ne se fust acquité de ses debtes ; car cinq ans avant qu'il mourust, il me dit qu'il devoit plus de deux cens cinquante mille escus, bien qu'il eust espousé Madame sa femme de la maison de Nevers, fort riche & belle heritiere, & eust recueilly la succession de Mr. le Cardinal de Lorraine son oncle, qu'un chacun pensoit tres belle & bonne , mais mondit Seigneur de Guise me dit après sa mort , que je luy disois & faisois la guerre , qu'il seroit à cette heure fort riche & qu'il payeroit ses debtes aux despens de la succession nouvelle, il me jura qu'il luy avoit laissé autant de debtes que Monsieur son pere, & pour ce qu'il vouloit vendre du bien pour s'en oster , car elles l'importunoient par trop.

Voilà

Voilà pourquoy il vendit la Comté de Nanteuil (l'une de ses bonnes pieces) à Monsieur de Schomberg. A ce conte donc ne faut croire , que Monsieur de Guise & Monsieur le Cardinal de Lorraine son frere ayent tant desrobé les finances des Roys Henry I. François II. & Charles IX. & sur tout Monsieur de Guise, comme l'on a tant crié en France. Ne faut aussi ajouter foy à ce proverbe qu'on est allé je ne sçay quellement trouver, que ce Roy François disoit que ceux de Guise mettoient les Roys de France & leurs enfans en chemise : je ne sçay si le Roy l'a jamais dit ; mais j'ay ouï dire à Madame de Dampierre ma tante , Dame d'honneur de la Reyne Louyse , qui estoit une vraye pancarte des choses memorables de la Cour, avoir ouï dire souvent audit feu Roy François ce mot ; Voulez-vous que je vous die , foy de Gentil-homme ? je ne fais point tant de bien à ces Princes Lorrains que je devrois ; car quand je pense que le Roy Louys XI. les a expoliez des Duches d'Anjou , & Comtez de Provence , & autres terres leurs vrayes heritages , & qu'on leur retient, j'en ay charge de conscience. Cela est bien vray, voilà donc pourquoy il faut croire que c'ont esté les Roys qui les ont mis plustost en

chemise. Il y en a aussi plusieurs, comme je leur ay veu dire, & veu imprimé, que quand ces Princes Lorrains vinrent servir nos Roys, qu'ils estoient fort pauvres, & aussi-tost ils s'accruerent de grands biens; si ne firent-ils pas tant d'acquests ny excessifs comme l'on disoit bien, & nous en avons veu de petits compagnons depuis en faire cent fois plus grand qu'eux. De plus, n'eurent-ils pas de beaux & bons partages de leur maison, que nous leur voyons encore, & qui est encore le principal bien qu'ayent leurs petits enfans, & leurs acquests sont petits, sinon la Comté de Nantueil & de Chevreuse.

Au reste quels services ont-ils faits à nos Roys? De quelles terres & places les a-t-on recompensez pour Mets conservé, Calais conquis, (si on ne l'a bien gardé qu'en peut-on mais?) Guynes, la Comté d'Oyc, & Thionville, & de si signalez services que de grands peres & peres ont faits, comme j'ay dit, & les enfans, comme j'espere dire en leur vie, où je traiteray amplement de ce sujet? Voilà donc comme ces Messieurs de Guise ont esté les grands sangsues des monnoyes de la France. Davantage, quel tort fait-on à Madame de Nemours, fille de Madame de Ferrare, en
par-

partie heritiere de la Duché de Bretagne? vraiment elle en a une belle part, pour tout potage elle est Madame de Montargis ; c'est bien loin d'avoir la moitié de Bretagne , qui vaut quinze cens mille escus & plus de revenu. Et comment contenta-t-on cette madite Dame Renée de France , pour estre fille d'un grand Roy , que de quelque legere somme d'argent pour son mariage , qu'on a veu des Dames depuis en France en avoir eu bien deux fois davantage. Et si ces Messieurs ont un peu agrandy leurs heritages , n'ont ils pas eu de bons & gros mariages des Dames Princeffes, qui sont entrées en leur maison , comme Madame Anthoinette de Bourbon, Madame Anne d'Est & Madame Catharine de Cleves ? S'ils ont mis l'argent de leur mariage à profit , n'ont-ils pas bien fait ? N'ont ils pas eu leurs estats & pensions qu'ils avoient tres-bien meritez pour bien servir leurs Roys ? Les Cardinaux aussi ont eu des biens d'Eglise beaucoup, & s'ils en ont ayde à leurs proches, quel mal ? Bref que les moins passionnez contre cette maison pesent toutes choses , & comme il y a de la raison & de l'apparence , ils jugeront mon dire tres-vray , car je ne le dis pas de ma bouche seule-

ment , mais de celles de plus grands personnages que moy : & Mr. de Guise le dernier est mort aussi endebté, tellement que la ville de Paris , après sa mort , ayant esgard à ses grands services & merites , a promis de payer partie de ses debtes.

Je ne sçay qu'en sera : mais on dira que ses debtes se sont faites pour le bapteme de la ligue : c'est assavoir , car il y en avoit bien assez avant qu'on en eût seulement fait le projet & le plan, & s'il en a fait pour la ligue , & pourquoy la ligue fut faite ? C'est une autre paire de manches , que je coudray en la vie de ce grand Duc de Guise dernier, fils de ce grand Duc de Guise dont je parle, & avec luy Messieurs du Mayne , le Cardinal de Guise , & deux autres qui moururent jeunes , & mesmes un que la ville de Paris baptisa , & l'enfant fut appelé Paris , aux premiers troubles, pour grande amitié qu'ils portoient au pere ; & disoit on alors de son bapteme , (car j'y estois) que s'il eust vescu, ladite ville luy eust eslargy de grandes liberalitez & entretiens , comme à son bon filleul, voire le vouloit-elle tenir pour fils. Monsieur de Guise qui vit aujourd'huy , & Messieurs ses freres promettent tant d'eux, que vous diriez
que

que cette noble race est fatalement destinée à toute valeur, toute vertu & toute générosité, desquels derniers j'espère en parler en la vie de Monsieur leur pere; or je fais fin.

Mondit Sieur de Guise eut cinq freres, qui furent six en tout, & furent si bien despartis qu'il y en eut trois du monde & trois de l'Eglise: les trois du monde furent Messieurs de Guise, d'Aumale & d'Elbœuf: les trois d'Eglise, Messieurs les Cardinaux de Lorraine, de Guise, & le grand Prieur du bon & saint Ordre de Jerusalem; tous six fort dignes & excellens en leurs professions, Monsieur le Cardinal de Lorreine fut tenu depuis la creation des Cardinaux l'un des premiers qui eust esté; je ne dis pas qu'aucun deux, ou en sainteté, ou en sçavoir, ou en autre vertu, & en autre particularité ne fust que luy particulièrement excellent; mais cettuy-cy fut fort universel, & pour tout il avoit un esprit fort subtil, bon jugement & bonne retentive; il estoit de tres-bonne grace & belle façon, & d'un tres-bel entregent, parlant tres-bien & tres-eloquemment de toutes choses, aussi-bien des mondaines que des divines, tres-bien entendant les affaires d'Estat de la France, voire d'autres
païs

païs estranges ; aussi , comme m'a dit autrefois Monsieur de Guise son neveu, c'estoit une des grandes despeses qu'il faisoit, qu'à sçavoir des nouvelles de toutes les parts de la Chrestinté , voire d'ailleurs, & y avoit des gens ses pensionnaires & gagez qui l'en avertissoient de toutes parts ; il entendoit aussi tres-bien les finances , & les sçavoir toutes sur le doigt , & où il en falloit prendre & excogiter des moyens pour les affaires de son Roy , & pour soy aussi , ainsi qu'il fit bien paroistre en la necessité qui vint à son Roy après la bataille de Saint-Quentin. On le tenoit pour fort brouillon , remuant , & tres-ambitieux , que s'il eust esté aussi vaillant que Monsieur son frere (comme il le disoit bien qu'il estoit poltron de nature) il eust remué de grandes affaires & grandes choses ; il estoit fort religieux , & pour ce fort haï des Huguenots , mais pourtant le tenoit-on pour fort caché & hypocrite en sa religion , & de laquelle il s'aidoit pour sa grandeur ; car je l'ay veu souvent discourir de la confession d'Ausbourg & l'approuver à demy , voire la prescher , plus pour plaire à aucuns Messieurs les Allemans , que pour autre chose , ainsi qu'on disoit ; comme je vis une fois à Reims , pour une semaine sainte , &

de-

devant Madame sa mere publiquement ; où il le faisoit beau ouïr , car encore qu'il fust bien sçavant , il n'estoit si profond en science , comme remply d'eloquence.

Après le Concile de Trente il vint à Fontainebleau , & pour le premier Dimanche de Carefme prescha devant le Roy , la Reyne & toute la Cour , là où Mr. le Prince de Condé estoit grandement accompagné de Gentils-hommes & autres de la Religion ; certainement il le fit beau ouïr , car jamais on ne vit mieux dire , & fut fort admiré , & des Huguenots & de tous , qui ne peuvent trouver à dire sur luy , sinon que quand ce vint sur la tentation du Diable , qu'il fit à nostre Seigneur Jesus Christ , comme je le dis ailleurs. A ce Concile de Trente , ce dit Cardinal se rendit tres-admirable à toute la Noble & sainte assemblée qui estoit là , tant en ses harangues , discours , disputes , que responses , & arguties ; car il estoit fort prompt , argut , & tres subtil en ses paroles & devis (on disoit qu'il avoit un esprit familier) Aussi ce grand personnage , Monsieur de Beze , le loua fort , autant pour cette belle montre qu'il fit là publiquement , que pour une particuliere conference qu'ils firent ; l'un & l'autre

ne se pouvoient exalter assez , comme deux beaux chevaux qui s'entregrattent l'un l'autre, & non pas comme deux ânes, disoit-on alors, car ils étoient hors de ce pair & de ce rang, pour être par trop remplis de sciences.

Je n'estois point alors à la Cour, ny en ce Colloque, car j'estois allé conduire la Reyne d'Escoffe; mais je sceus à mon retour à la Cour qu'on le disoit. Ainsi ce grand Cardinal fit fort paroître son digne sçavoir & sa grande eloquence, non seulement en ce Colloque, mais en plusieurs endroits & Ambassades qu'il a faites vers les Papes, les Potentats & Republiques d'Italie, vers le Roy d'Espagne, aux Congregations de Prelats, Colloque de Poissy, aux Mercuriales, és Cours des Parlemens, aux grandes assemblées & recueils d'Ambassadeurs; bref, en une infinité d'occasions belles grandes & honorables, cet homme s'est rendu si excellent, qu'il s'est acquis le nom de la perle de tous les Prelats de la Chrestienté en tout en son vivant, & s'il estoit saint (qu'on ne trouvoit pourtant trop consciencieux) il estoit bien autant mondain en ses jeunes & beaux ans: parmy la mondanité il avoit cela qu'en sa prosperité il estoit fort insolent & aveuglé,

glé, ne regardant gueres les personnes & n'en faisant cas ; mais en son adversité, le plus doux, courtois & gracieux qu'on eust sceu voir.

Si bien qu'il y avoit à la Cour l'une des filles de la Reyne, qui se nommoit Mademoiselle de la Guyonniere, depuis Madame de Lignerolles, qui luy en faisoit souvent la guerre, car quand il estoit sur le haut bout, il ne faisoit cas des personnes, ny d'hommes ny de Dames, & quand il étoit sur le bas, il recherchoit & les uns & les autres.

Si bien que c'estoit la mesme douceur & humilité, & si-tost que Mademoiselle de la Guyonniere le voyoit venir, elle, qui estoit tres habile fille, belle, honneste & qui disoit bien le mot, luy en faisoit bien la guerre, & luy disoit, Monsieur, dites-le vray, n'avez-vous pas eu à nuit un revers de fortune ? dites-le nous, autrement nous ne parlerons à vous, car pour le seur vous en avez eu. Pour faire fin, ce Cardinal a esté un tres-grand personnage en tout, il mourut en Avignon, empoisonné, si nous voulons croire la legende de Saint Nicaise.

Quand au Cardinal de Guise, ayant employé sa jeunesse plus en plaisirs & delices de la Cour, il ne put nullement approcher

procher de Monsieur le Cardinal son frere ; mais sur ses vieux jours il se mit aux affaires , & est mort en reputation d'un tres-habile Prelat , & qui avoit (contre toute l'opinion vulgaire) aussi bon sens & jugement solide que son frere , & qui avoit sa lentitude & songearde façon ; il avoit d'aussi bons avis , & donnoit d'aussi bons conseils qu'aucun qui fust parmy les affaires & conseil du Roy , & ç'a esté luy seul l'unique , & le Phoenix , sur qu'il proverbe du feu Roy François a eu pratique , qui disoit que les Princes Lorrains ressembloient les coursiers du Regne de Naples , qui estoient longs & tardifs à venir , mais venant sur l'âge ils étoient tres-bons.

Celuy-là est le seul Prince , dont est fait ce proverbe , car tous Messieurs ses autres freres & neveux que j'ay veus , ont esté tres-bons en leur jeunesse , tres-braves , tres-courageux & tres-genereux ; bref , tels en jeunesse , que sur l'âge ; & aussi Monsieur le Marquis d'Elbœuf , lequel a suivy en toutes les guerres Monsieur son frere , il ne faut point demander si ayant appris de telles belles leçons d'un tel maître & frere , s'il n'a esté un tres-honneste , brave & sage Prince , comme je l'ay veu ; aussi avoit-il bien un tres-honneste Gouverneur , qui estoit
le

Le jeune Rance de Champagne, qu'on appelloit Coutenaut, qui le gouverna tres-bien & tres-sagement. Entr'autres perfections qu'avoit ce Prince, il disoit fort bien, & estoit fort eloquent & fort homme de bien, & peu il a fait déplaisir à personne, fors une fois au Chevalier de Tenance, tres-brave & honneste Gentilhomme, & vieux serviteur de leur maison, & sur tout de feu Mr. le grand Prieur son frere, qu'il fit mettre sur un léger sujet à la chaise, & aussi-tost la barbe rase, lors que le Roy estoit à Marseille, ce qu'il ne trouva bon, & plusieurs de la Cour.

Il laissa un fils & une fille de Madame sa femme, heritiere de la maison de Rieux: le fils est aujourd'huy Mr. le Marquis d'Elbœuf, un tres-bon Prince, & d'honneur & de vertu; il fut fait prisonnier à Blois au massacre de Mr. de Guise, & donné à Mr. d'Espèron pour en tirer rançon, ce qu'il fit; & la sœur est Madame d'Aumale, une tres-belle & honneste Princeesse.

L'autre sixième frere de Messieurs de Guise, a esté Monsieur d'Aumale, faisant le troisième qui a esté un bon Capitaine, mais pourtant le tenoit-on malheureux, sans avoir toutefois donné tant de sujet de luy donner cette qualité,
com-

comme la defaite que fit fur luy le Marquis Albert de Brandebourg, (le grand ennemy des Evesques & Prestres) qui luy survint par trop de courage & de valeur, car n'estant à demy si fort que le dit Marquis, qui avoit près de vingt mille hommes, le chargea & le combattit bravement ; mais il fut défait, blessé & pris prisonnier, & avec luy ce brave Seigneur Monsieur de Roüan mort ; dont certes fut fort grand dommage, car il estoit un fort bon & vaillant Seigneur & Capitaine, & tres-bon serviteur du Roy ; aussi avoit-il cet honneur de luy appartenir, car le Comte Jean d'Angoumois avoit épousé une fille de Roüan, qui fut grand' mere du Roy François. Ledit Mr. de Roüan fut tué fort misérablement par deux soldats, lesquels ayant tous deux contentions qui l'avoit pris, & à qui il seroit, tous deux de dépit le tüerent, pour n'estre ny à l'un ny à l'autre, bien qu'il leur dist & criast qu'il y en avoit assez pour eux deux, & pour les faire riches à jamais de sa rançon. Cela arrive souvent en guerre, en quoy ceux qui la pratiquent doivent bien avoir esgard & de la prevoyance. Force autres grands Seigneurs & Gentils-hommes de marque furent tuéz en cette defaite, dont fut grand' perte pour le Roy.

Voilà

Voilà qui donna le titre premier de malheureux à Mr. d'Aumale; car en sa charge de Colonel General de la Cavalerie de France, & en tous les combats qu'il y a faits, il y a esté heureux; il fut heureux aussi en sa charge de Lieutenant de Roy en Piedmont, & mesme en la prise de Vulpian; il fut heureux aussi au retour du voyage d'Italie de Mr. son frere, dont il retourna par les Grisons fort heureusement toutes les troupes saines & sauves, sans y faire leur cimetiere; bref en plusieurs belles factions a-t-il esté fort heureux: en nos guerres civiles il fut un peu malheureux à Rouen, qu'il assiegea premierement, & le salut de assieger quelques mois après, pour n'avoir qu'un petit Camp pour entourner & assieger cette grande place.

Il fut aussi malheureux à la bataille de Dreux, car après avoir bien soustenu avec Mr. le Connestable, avec qui il estoit à la bataille, la charge & bien combattu, il fut porté par terre, & eut une espaule rompuë, aussi Monsieur de Guise le loua fort là.

Voilà comment il fut heureux & malheureux, voilà comment aussi non seul, mais les grands Capitaines sont favorisez du bonheur, & assaillis du malheur, autrement ne sçauroient estre

estre bons Capitaines & grands s'ils se sentent tousjours de la bonne fortune de Mars. Pour assurer mondit Seigneur d'Aumale grand Capitaine, il ne faut que le seul témoignage de Monsieur de Guise son frere, quand à sa mort il a dit à la Reyne de remedier à sa place, & d'y mettre un chef digne pour y commander, & en son armée, & qu'il n'en sçavoit point un plus propre que Monsieur d'Aumale son frere, qui la serviroit tres-bien & le Roy, car je l'ouïs. Ce qu'elle fit & l'envoya aussi-tost querir en sa maison d'Anet, où il estoit, pas encore bien guery de sa rupture d'épaule, & arriva à Orleans, & eut la charge absoluë de l'armée, (bien que Monsieur le Mareschal de Brissac y fust,) & poursuivit les desseins, pour si peu qu'il y fut, fort bien de Monsieur son frere; mais aussi-tost la trefve survint, & puis après la paix. Il vint quelques années après mourir au siege de la Rochelle, estant donné à Monsieur frere du Roy pour principal du conseil, car il s'entendoit bien aux sieges des villes, & à les bien reconnoistre, retrancher, battre & assaillir, & y avoit l'œil & le jugement tres-bon : aussi tout le monde luy defferoit en son opinion, dautant qu'il n'y avoit nul la qui le surpassast,

bien

bien qu'il y eust de grands Princes & Capitaines; mais ils n'avoient pas veu ce qu'il avoit veu, car il avoit veu nos guerres, & bien pratiquées, & celles d'Allemagne, qui se firent parmy les Princes & Evesques de là, où le Marquis le menoit tousjours avec luy comme son prisonnier, ne sçachant le mettre en plusseure garde qu'en sa compagnie, comme je luy ay ouï dire qu'il y avoit beaucoup veu & appris.

Estant donc devant la Rochelle, il n'y demeura gueres qu'il n'y fust tué, & non sans l'avoir souvent avant presagé, comme je luy ay ouï dire, Voici le lieu où je mourray; son Demon possible le luy faisoit dire ou qu'il sentit en sa conscience je ne sçay quoy, pour avoir esté un peu cruel (disoit-on) au massacre de Paris sur les Huguenots, qu'il espargna peu, à ce qu'aucuns disoient, encore qu'il fust homme de bien & d'honneur; mais ils luy avoient tué son frere: tant y a, ainsi que fut tiré un coup de la grande & longue coulevrine, qu'on appelloit la Vache, & venoit par flanc, ayant percé un gabion, la balle toute morte luy vint donner par le corps sans luy faire blessure sinon le meurtrir & l'estouffer: & ainsi mourut avec un grand regret de tous les nostres,

&

& une joye extrême de tous les Huguenots, qui ne l'aymoient point; pour la raison que je viens de dire.

Le jour qu'il mourut devoient encore durer les trefves qui estoient faites pour quatre jour; mais le matin du quatrième jour Monsieur de Bouillon son neveu les rompit par quelques quatre ou cinq voles de canon, dont ils en voyoient un beau coup, & belle mire: aucuns disoient que Monsieur d'Aumale son oncle le luy avoit fait faire, & ce pouvoit estre: d'autres, que Monsieur de Bouillon le fit de soy-mesme & de son propre mouvement; je sçay ce qu'il m'en dit, car il m'aymoit fort. Tant y a, que les trefves violées, & mal à propos certes, puisqu'il n'y avoit qu'un jour à les garder, car enfin il faut tousjours garder sa foy, & mettre tousjours le bon droit de son costé.

Nous nous tirâmes si fort les uns les autres, que le soir & la nuit s'approchant Monsieur d'Aumale eut le coup de sa mort, qu'aucuns opinerent pour vieille revanche de la Saint Barthelemy, & pour la fraiche dé la trefve rompuë; ce sont des secrets de Dieu. Il laissa après luy trois braves & genereux enfans, Messieurs d'Aumale, de Saint Valier, qui portoit le nom de son ayeul, montrant

trant de belles fleurs d'un fruit à venir sans qu'il mourut jeune, & le Chevalier d'Aumale, desquels je parleray en la guerre de la ligue, & en la vie de nostre Roy d'aujourd'huy.

MONSIEUR L'AMIRAL DE CHASTILLON.

MAintenant il me faut parler d'un tres-grand Capitaine s'il en fut oncques Monsieur l'Amiral de Chastillon, & l'opposer à ce grand Duc de Guise, afin qu'on en connoisse mieux la valeur de l'un & de l'autre, ny plus ny moins qu'un bon lapidaire oppose deux beaux diamans l'un contre l'autre pour mieux les apprecier; de mesme en fais-je de ces deux grands Capitaines, non que l'invention en vienne de moy seul, mais d'autres que j'ay veu en faire comparaisons, qu'ils trouvoient assez approchantes, fors qu'ils disoient, Monsieur de Guise l'emporter au poids, & disoient aussi, que le plus beau que Monsieur l'Amiral avoit fait en sa vie, avoit esté contre son Dieu, sa Religion, en laquelle il avoit esté baptisé, sa patrie, & son Roy naturel; les actions de Monsieur de Guise toutes au rebours. Mais pour cela Monsieur l'Amiral n'en a

laissé la qualité & le titre de grand Capitaine, car des Empereurs Romains il en est fort de plus grands Capitaines Payens, que Chrestiens, & rebelles sur leur patrie, voire d'autres nations, pour avoir fait telles fautes. Ils furent tous deux en leurs jeunes ans, sur le declin du regne du Roy François, & assez avant dans celui du Roi Henry, si grands compagnons, amis & confederez de Cour, que j'ay ouy dire à plusieurs qui les ont veus s'abiller le plus souvent de mesmes parures, mesmes livrées, estre de mesme partie en tournois, combats de plaisir, couremens de bagues; mascarades & autres passe-temps & jeux de Cour, tous deux fort enjouez & faisant des foliez plus extravagantes que tous les autres, & sur tout ne faisoient nulle folie qu'ils ne fissent mal, tant ils estoient rudes jouëurs & malheureux en leurs jeux.

Si eurent-ils, durant le regne du Roy François, quelque petit differend, car Monsieur de Guise fut mal-contend de luy d'un conseil qu'il luy demanda sur un mariage que je ne diray point, que Monsieur l'Amiral luy dissuada, & luy dit n'estre trop honorable pour luy, & qu'il valoit mieux (usant de ces mots) avoir un ponce d'autorité

té & de faveur avec honneur , qu'une brassée sans honneur. Monsieur de Guise disoit, qu'il ne luy avoit pas conseillé en compagnon & amy, mais en celuy qui estoit envieux de son bien & de sa bonne fortune que ce mariage luy eust peu apporter.

Mais ce differend dura peu, & pour ce furent amis comme devant ; mais quel changement vint-il après de cette grande amitié ? Il s'en conceut une partie le soir de la bataille gagnée à Renty, dans la chambre du Roy & devant luy, qu'ainsi qu'ils en discouroient devant le Roy, Monsieur l'Amiral (comme possible envieux de la gloire & de l'honneur qu'il avoit ce jourd'huy acquise) luy repugna sur un petit point que dit Monsieur de Guise : si bien que Monsieur de Guise luy dit, Ah mort Dieu ! ne me veuillez point oster mon honneur : Monsieur l'Amiral luy respondit, Je ne le veux point ; & Monsieur de Guise repliqua, Aussi ne le scauriez-vous.

De sorte que le Roy voyant ces choses pouvoir aller plus avant, leur commanda de se taire & d'estre bons amis, ce qu'ils firent, mais non comme auparavant, & sous quelque beau semblant : & puis la prise & l'emprisonnement de

Monfieur d'Andelot, avec d'autres envies ambitieufes, alluma mieux le feu de la haine, qui a duré jufques à leur mort. Monfieur l'Amiral a dit à un homme qui me l'a dit, qu'il aida fort à Monfieur de Guife à le faire aymer à Mr. le Dauphin, lequel avoit eu force favoris mais les principaux eftoient Andouin Dampierre, Saint-André, Chaffaigne raye, Chaffillon, & des Cars. Andouin fut tué devant Landrecy & fort regretté de fon maiftre ; Dampierre fut difgracié & chaffé hors de la Cour, par la menée de Mr. de Chaffillon, qui furprir & intercepta quelques lettres qui faisoient contre fon maiftre & Madame de Valentinois, que le Roy aimoit, fi bien qu'il fut chaffé de la Cour pour n'y tourner plus.

On trouva fort eſtrange ce trait ingrat de Dampierre, (il faut que j'en parle ainſi, bien qu'il fuſt mon oncle) qu'on ne faiſoit que venir de le ſortir des eſcoles de Paris, & n'avoit rien veu encore de guerres, Mr. le Dauphin le prit à luy & en telle amitié, qu'il luy fit donner une compagnie de cinquante hommes d'armes, & le fit ſon premier Gentilhomme de ſa chambre, non ſans grande envie de pluſieurs autres, qui le meritoient mieux que luy : ainſi trahit-il ſon maiftre

maître. Il avoit épousé ma tante, mais s'il fit ce coup, je ne puis que je ne le blasme & que je n'en dise le vray, Le Seigneur des Cars se trouva aussi embrenné avec luy, lequel fut aussi disgracié. Mon oncle de la Chastaigneraye ne fit pas ainsi, car il fut tres-ferme & loyal à son maître en la querelle qu'il prit & épousa pour luy contre Jarnac, parce que ledit Jarnac s'estant vanté d'avoir couché avec une Dame sa proche, & belle-mere, & l'ayant dit à Monsieur le Dauphin, il le redit à d'autres : Jarnac le sçachant, dit que quiconque l'avoit dit, qu'il l'eust dit, ou s'en fust vanté, qu'il avoit menty. Mon oncle, curieux de l'honneur de son maître, & le voyant en peine, car il craignoit que le Roy tentast, d'autant que ledit Jarnac avoit épousé la sœur de Madame d'Estampes, favorite du Roy, prit le dementy pour son Maître sur luy, & dit qu'il l'avoit dit à luy-mesme, & qu'il le combattroit là-dessus, comme il s'en suivit, (j'en parle fort au long ailleurs) & mourut sur le point & sur le regne que son maître l'eust fait tres-grand. Messieurs de Chastillon & de Saint-André restèrent seuls favorys, lesquels pourtant du temps du Roy François, eurent quelque pique qui ne dura

guerres. Monsieur de Guise, encore qu'il fust un jeune Prince, beau & de bonne grace, tres-adroit & tres-bon homme d'armes, qui se faisoit fort valloir aux tournois de la Cour, il s'accosta de Monsieur l'Amiral, jurèrent ensemble amitié telle que j'ay dite, qui dura bien quasi cinq à six ans; & pour ce dit-on, & Monsieur l'Amiral l'à dit à homme qui me l'a dit, que mondit Sieur l'Amiral le fit aymer à Monsieur le Dauphin, de telle façon que l'on l'a veu depuis & après (comme j'ay dit) que les haynes se semerent entr'eux deux, mais nontant que Monsieur l'Amiral n'avertist, du temps du Roy François second, Madame de Guise, qu'il y avoit encore une conjuration secrette contre Monsieur de Guise & sa vie, & qu'elle y prist garde & l'en avertist.

Monsieur l'Amiral ne voulut donner tel avis à Monsieur de Guise luy-mesme, comme j'ay ouï dire, afin qu'il ne pensast que pour tel avis il voulust regagner son amitié, & faire du bon & officieux compagnon; mais il le voulust adresser à Madame sa femme: & cet avis fut donné après la sedition & conjuration d'Amboise, qui estoit pour la seconde; car Monsieur l'Amiral ne sceut jamais la dite conjuration d'Amboise, à ce que j'ay
oui

où dire à aucuns des plus anciens de la Religion, & aussi à la Vigne, valet de la Renaudie, qui en sçavoit tout le secret: on ne la luy voulut jamais conferer, d'autant que les conjurateurs le tenoient pour un Seigneur d'honneur, homme de bien, sage, meur, avisé, politique, brave, censeur, pesant les choses, & ayment l'honneur & la vertu, comme il avoit tousjours fait paroistre par ses belles actions passées; & pour ce les eust bien renvoyez loin, rabrouëz, & reculé le tout, voire ayde à leur courir sus. Il n'estoit pas alors à Amboise, mais ouy bien Monsieur le Cardinal son frere, lequel je vis fort animé & coléré contre ces entrepreneurs, & aussi eschauffé à les faire pendre & faire leur procès, que tout autre, voire luy-mesme je le vis sortir courageusement sur la Motte aux Connils, ce jour qu'ils vinrent se presenter là auprès.

Il avoit raison de s'en formaliser ainsi, & Monsieur l'Amiral de n'en avoir rien secu, ny s'en estre meslé le moins du monde; car c'estoit l'acte le plus meschant, vilain & detestable qui fut jamais, car quelque belle palliation, couverture & couleur qu'ils luy peurent donner, qu'ils n'en vouloient qu'à Messieurs de Guise, (d'autres disoient qu'ils

qu'ils ne vouloient que presenter une requeste au Roy,) s'ils fussent venus à bout de leur dessein, & eussent esté les plus forts, il ne faut point douter que le Roy eust passé comme les autres, ainsi que la Vigne luy-mesme me l'a dit, & d'autres aussi.

La premiere discorde qui entrevint entre Monsieur de Guise & Monsieur l'Amiral pour la Religion, ce fut à Fontainebleau, quand le Roy François second y fit assembler une petite forme d'Estats, & que Monsieur l'Amiral presenta requeste au Roy pour ceux de la Religion, demandant liberté de conscience, & qu'il parloit de la part de cinquante mille hommes; que Mr. de Guise ne se peut contenir de colere qu'il ne dist qu'il en meneroit contr'eux cent mille bons Catholiques pour leur rompre la teste, dont il seroit chef. Le Roy François vint à mourir, là où Monsieur l'Amiral commença à entrer en vogue autant que jamais, par le moyen du Roy de Navarre, qui sentoit de la Religion, & qu'il possédoit fort, & Monsieur le Prince aussi, qui estoit on-neveu, ayant espousé sa niepce, fille de Madame de Roye sa sœur. Monsieur l'Amiral prend ce grand appuy, pour non pas seulement appuyer sa Religion,

gion , mais pour la hauffer bien haut, ainsi qu'il parut dès cette mort jusques à la premiere prise des armes , & le tout fut par les menées artificieuses & par le gentil esprit de Mr. l'Amiral , qui conduisoit & gouvernoit tout à la Cour, lors que l'Édict de Janvier se fit , comme je vis moy-mesme.

Voilà donc la Religion si haussée , si bien relevée & fortifiée ; qu'à cette prise des armes premiere tout à coup quasi toutes les meilleures villes de France furent surprises & prises par ceux de la Religion, qui fut un tres-grand cas ; mesmes Paris estoit en danger, sans les venues & secours de Messieurs le Connestable, de Guise, & Marechal de Saint-André ; Toulouse aussi, qui est après Paris la plus ferme Catholique & la plus remplie de Catholiques qui soit en France , fut prise , & sans Monsieur Boyjourdan l'aisné , tres-brave & vaillant Gentil-homme , neveu de Monsieur le Marechal de Termes , & autres vaillans & braves Gentils-hommes Gascons, que Monsieur de Montluc raconte , elle estoit Huguenotte comme les autres ; car elle fut prise vint heures , & puis recouverte par les armes & la conduite belle dudit Boyjourdan & autres braves & vaillans de la ville. De specifier

par noms les villes qui furent alors surprises, ce seroit chose superflüe, car je me souviens que lors de cette grande esmeute & sedition, quand on demandoit quelles villes estoient prises, & quelles villes tenoient pour les Huguenots ; on disoit, mais demandez qui sont celles qui ne tiennent pour eux. Et de toute cette grande, admirable & incredible entreprise fut le seul authœur & conducteur Monsieur l'Amiral ; par là on peut connoistre quel grand Capitaine ç'a esté.

J'ay ouï conter que le Prince de Parme dernièrement , quand il eut entendu là grande revolte que feu Monsieur de Guise fit de tout le Royaume de France , & mesme de la ville de Paris, en ces barricades , qui en moins d'un rien furent faites contre le Roy , qu'il dit & avoüa que Mr. de Guise estoit le plus grand Capitaine aujourd'huy de toute la Chrestienté , par une si soudaine revolte & desobeïssance ainsi faite tout à coup contre son Roy. Je croy que dans son ame il eût bien voulu en pouvoir faire de mesme au Pais-bas , pour s'en rendre le maistre & en dépouïller le Roy d'Espagne, & puis après porter le titre luy-mesme qu'il baillot à autrui , bien qu'il le portast d'ailleurs.

Voilà donc pourquoy nous devons tenir

air

nir Mr. l'Amiral tres-admirable & un tres-parfait Capitaine , d'avoir bandé contre son propre Roy , son Royaume , & l'avoir luy-mesme ainſi ſouſtenu & maintenu par ſes armes ſi bravement , & par ſon eſprit , ſes menées & conduites ſi ſagement. J'ay ouï dire qu'un jour luy devisant familièrement avec Monſieur le Mareſchal de Strozze, ſur la grandeur & ſplendeur du Royaume de France , & que mal-aiſément ſe pourroit-elle ruiner ny eſteindre , & par quel moyen pourtant cela ſe pourroit faire Mr. le Mareſchal luy reſpondit , qu'il n'y en avoit d'autre que de luy faire changer de Religion & introduire une nouvelle, affirmant que les changemens de Religion font perdre les Royaumes plus que tous autres moyens & inventions , artiſices, ambitions, nouvelles libertez , ou ſoulagement de tailles , & eſlevation de peuples ſçauroient faire , ny nouveau Prince. Et c'eſt ce que dit une fois un certain Ambaſſadeur du Pape au Roy François, qui ſe plaignant & ſe meſcontentant du Pape Clement pour quelque choſe, il lui dit, que ſ'il ne le contentoit, il permettroit la nouvelle religion de Luther en ſon Royaume, auſſi bien qu'avoit fait le Roy d'Angleterre.

Cet Ambaſſadeur luy reſpondit fran-

chement, Sire, vous en ferez marry le premier, & vous en prendroit tres-mal, & y perdriez plus que le Pape ; car une nouvelle religion mise parmy un peuple ne demande après que changement du Prince. A quoy songeant incontinent le Roy, il embrassa ledit Nonce, & dit qu'il estoit vray, & l'enayma tousjours depuis de ce bon avis.

Voilà pourquoy le grand Sultan Soliman defendit celle de Luther comme la peste, se fondant sur ces mesmes raisons. J'ay usé de ce mot de Nonce, puis qu'il s'use aujourd'huy, mais j'ay veu à mon avenement à la Cour, que l'on n'en usoit, sinon d'Ambassadeur du Pape : & quand ce nom de Nonce fut introduit, par derision on disoit, Voilà l'once du Pape ; & certes plusieurs ne gousterent bien ce mot du commencement, comme autant vaudroit qu'on dist le Messager du Pape, comme Nonce, car *nuncius* en Latin, n'est autre chose à dire que messager ; & par ainsi ces beaux pindariseurs de mots, pensant faillir, ou ne dire pas bien Ambassadeur du Pape, allerent trouver le Nonce du Pape, que (comme j'ay dit) au commencement que ce nom fut introduit parmy les Dames, filles & Cavaliers de la Cour, ils disoient souvent par de-

derision , quand l'Ambassadeur ou le Nonce du Pape arrivoit en la chambre du Roy & de la Reyne, Gare l'once du Pape qui arrive.

Surquoy feu Monsieur de la Fayette, qui rencontroit des mieux, bien qu'il begueyast un peu, dit une fois, Par Dieu, (dit-il) l'on changera tant ces noms d'Ambassadeurs, & de Nonce du Pape, qu'à la fin on viendra dire, Voilà l'Ange, ou l'Annonciateur, ou le Précurseur du Pape qui vient parler au Roy & à la Reyne.

Or pour revenir à Monsieur l'Amiral, il prit si grand goust à cette noix, que luy donna Mr. le Marechal de Strozze, qui ne l'en degousta jamais, jusques à ce qu'il en eust fait & veul l'experience, & pour ce aucuns ont voulu dire qu'il avoit plus d'ambition, que de religion, & que ses actions ont plus tendu à l'un qu'à l'autre.

Or je ne sçay ce qu'il en pouvoit avoir dans l'ame pour cela, mais le zele & la devotion qu'il a porté tousjours à sa Religion, & comme il l'a bien embrassée & servie, font foy de tout; & qui plus est, les paix qu'il a faites, car aussi-tost que le Roy luy accordoit, & à ses partisans l'exercice de leur Religion, le voilà qu'il mettoit aussi-tost
les

les armes, bas, sans retenir une seule ville pour sa seureté, & les rendoit aussi-tost toutes, ce que n'ont fait les autres qui ont commandé après luy : & quand on luy disoit pourquoy il n'en retenoit aucunes pour soy & pour eux tous, il respondoit qu'ils ne sçauroient se rendre plus coupables que de cette façon, de tenir les villes ainsi du Roy, & que puis qu'il leur permettoit ainsi la liberté de leurs consciences & l'exercicé de leur Religion, que vouloient-ils davantage ? Aux premieres & secondes guerres il rendit tout aussi-tost Orleans, qui leur avoit été tant bonne ville, & tant propre nourriture, & plusieurs luy crioient, pourquoy au moins il ne reservoit cette ville pour sa seureté, & qui estoit si proche de sa maison ?

Il rendit aux troisièmes troubles Angoulesme de mesme, que les Huguenots de Poictou, Angoumois & Xaintonge, qui ont été la fourmilliere ou pepiniere, tousjours crierent fort après luy, & le prièrent instamment de ne la rendre, voire qu'ils voulurent mal mortel à Monsieur de Sainte-Mesme, sage & bon Capitaine, qui l'avoit rendue si facilement, qu'il ne l'eust gardée pour eux. Mais ce grand Amiral estoit si grand, si craint & si redouté, & avoit pris telle

crean-

creance & pouvoir sur ses partisans, qu'ils n'eussent jamais osé le moins du monde contredire à ce qu'il avoit une fois dit & arresté, & aussi qu'il se fendoit tous-jours sur ce grand point de la Religion, que nous faut il davantage; dont par-là connoit on combien il estoit plus homme de bien & religieux qu'on ne pensoit, aussi telle bonté le fit perdre.

Car s'il se fust reservé de bonnes villes, on eust dix fois songé à le faire mourir. Bien est-il vray qu'il a esté fort ambitieux pour son Roy, & fort songeant & tendant à le faire grand; car il me souvient que lors qu'il vint à la Cour, où il mourut, & le Roy estant à Saint-Clou, au mesme logis où la conjuration fut faite contre luy, & puis nôtre Roy Henry III. fut tué après-là-même, le grand auteur & fauteur de la conjuration, & la Reyne y fut malade, un matin qu'elle avoit pris médecine, Monsieur l'Amiral entra dans sa sale, où il nous trouva, Monsieur de Strozze & moy, tous deux tous seuls, ainsi qu'il frappa à la porte de la chambre de la Reyne pour y entrer, une de ses femmes de chambre, qui étoient quasi toutes Huguenottes, au moins les principales, luy dit que la Reyne n'avoit encore rendu sa medecine, & qu'il attendist

dist un peu ; ce qu'il fit & se mit à promener avec nous, & nous discourir des affaires de Flandres, qui alloient bien, à cause des villes de Valanciennes & Mons surprises, dont il en avoit une joye extrême, & puis nous parla de nostre embarquement que nous allions faire en Brœüage, & des commandemens qu'il avoit faits aux ports de son Amirauté de nous assister de tout.

Or, dit-il, Dieu soit loué, tout va bien, avant qu'il soit long-temps nous aurons chassé l'Espagnol du Pais-bas, & en aurons fait nostre Roy, maître, ou nous y mourrons tous, & moy-mesme le premier, & n'y plaindray point ma vie si je la perds pour ce bon sujet. Et pour ce vouloit-il fort que Monsieur de Strozze rompiſt son dessein d'aller vers les isles du Perou, & allassions fondre par mer en Flandres, & luy viendrait par terre, si bien que si nous entendions ainsi, tout iroit à souhait, & derechef nous envoya en Brœüage un tres-habile Gentil-homme des siens, pour nous prier encore de nous y acheminer, & luy qui commençoit à partir.

A quoy nous fusmes esbranlés, mais nous nous donnâmes la garde, qu'au plus beau de nos belles résolutions & de-
ter-

terminé partement , la mort malheureuse entrevint de ce grand Capitaine : mort malheureuse la puis-je bien appeler pour toute la France , veules maux qui depuis s'en sont ensuivis & s'ensuivront encore , car que pouvoit le Roy souhaitter davantage & de meilleur , que de defaire de telle façon un si puissant ennemy , puis dans son ame il le tenoit tel , bien qu'il luy monstroit beau semblant , & s'en alloit de son Royaume ; & luy emmenoit vingt mille hommes de ses partisans , & , Dieu sçayt , des meilleurs , & luy alloit conquerir tout un pais aussi grand qu'un Royaume , & le luy approprier , car pour soy il n'en vouloit point , c'estoit abus , ny qu'il se voulust faire Roy de France , il en eust autant d'envie & de souhait que moy ; mais bien desiroit-il avoir une grande charge sous son Roy , tenir près de luy le rang qu'il meritoit & avoit tenu autrefois près de son grand Roy Henry , estre son Lieutenant general en ses conquestes , & en estre gratifié de quelques biens , comme de raison ; & se fust-il ainsi mieux maintenu & agrandy & se fait craindre sous l'autorité d'un tel Roy son maistre , que s'il eust voulu le tout s'approprier à luy , & s'en faire souverain ; il eust eu de la peine
grande

grande & du danger, pour longuement garder ce titre, & prééminence; & voilà ce qu'il vouloit.

Car je le sçay d'un bon lieu & d'un homme qui le sçavoit & tenoit de luy: & voilà ce que le Roy luy devoit accorder & permettre de laisser faire & purger son Royaume de gens qu'il n'aymoit pas, sans se souiller les mains d'un tres-ord massacre, ainsi que fit Bertrand du Guesclin, ce grand Capitaine, quand il purgea la France de ces meschans garnemens & faineans de guerre, & les emmena avec luy. C'estoit un vray & pareil moyen de se défaire ainsi des Huguenots, & ce fut ce que Monsieur l'Amiral sceut bien représenter au Roy, quand il luy remontra qu'il falloit faire la guerre au Roy d'Espagne, ou qu'il se resolut d'avoir encore la guerre en son Royaume; dont aucuns du Conseil en furent si scandalisez, qu'ils commencerent à crier soudement, *Tolle, tolle, crucifige, blasphemavit*, & en firent un grand bouclier & en leverent la bannière; mais ils ne la prirent pas du bon biais qu'il le falloit, pauvres gens qu'ils estoient: car Monsieur l'Amiral voyoit bien le naturel de ses Huguenots, que s'il ne les occupoit & amusoit au dehors, que pour le seur ils recommenceroient à brouiller au dedans,

dans, tant il les connoissoit brouillons, remuans, fretillans & amateurs de la picorée; je sçay ce qu'il m'en dit une fois à la Rochelle, que je l'estois allé voir, & mourut un an après, & me faisoit cet honneur de discourir avec moy, bien que je ne fusse de son party, & fusse encore jeune & fort incapable de ses secrets; mais il m'aymoit, car je luy estois fort proche à cause de Madame sa femme.

Je sçay bien aussi ce que m'en a dit Monsieur de la Nouë, lequel, tant qu'il a peu, reprit les erres de Monsieur l'Amiral, pour jeter la guerre de dedans au dehors, ainsi qu'il a fait paroistre par le long séjour qu'il a fait en Flandres; car il m'a juré cent fois qu'il n'y avoit rien au monde qui detestast tant que la guerre civile, & que Monsieur l'Amiral la detestoit bien autant, & que jamais plus il n'y retourneroit que par force.

Le Roy donc ne se voulant servir de luy en si bonnes affaires, fut, ou de lui-mesme, ou de plusieurs de son Conseil, persuadé de le faire mourir, & pour ce fut attiré le Sieur de Montravel, qui avoit tué auparavant le Sieur de Moüy son maistre, qu'on appelloit le tueur du Roy, ou le tueur aux gages du Roy, lequel ainsi que Monsieur l'Amiral se
re-

re tiroit en son logis , & estant devant celuy du Chancelier, ledit Montravel, caché en une fenestre d'un meschant petit logis, qui estoit la prés, tira à mondit Sieur l'Amiral une harquebusade au bras, ainsi qu'il lisoit une lettre en marchant.

Monsieur l'Amiral se sentant blessé, il ne dit autre chose, sinon que, Le coup vient de là, & se retira de son logis, & se fit soudainement panser. Le Roy, & toute sa Cour, tant des Catholiques que des Huguenots, fut fort troublée, mais plus des Huguenots, qui userent des paroles & menaces par trop insolentes, qu'ils frapperoient, qu'ils tueroient, ce qui causa la mort de Monsieur l'Amiral; non qu'il fut mort de son coup, car ce n'eut rien esté, mais qu'on la luy procura, veu les menaces: pour ce le massacre general de la Saint-Barthelemy fut arrêté & conjuré, je m'en rapporte à ce qui en est; il n'y en a aucun qui le sçache mieux aujourd'huy que le Mareschal, le premier & principal autheur & conseiller du fait, lequel est encore vivant, car tous les autres sont morts par permission divine, puis que Dieu ne hait tant que le sang respandu de quelque creature que ce soit, car elle est faite à sa semblance: ledit Mareschal n'est pas mort

nort encore, mais il y a près de vingt ans qu'il est si mal sain, que sa vie ne s'appelle pas vie, mais plustost martyre.

Monsieur l'Amiral estant blessé fut fort bien secouru des Medecins & Chirurgiens du Roy, & mesmes de ce grand personnage Maître Ambroise Paré, son premier Chirurgien, qui estoit fort Huguenot, & y furent tous envoyez du Roy; il fut aussi visité du Roy, qui jura & renia qu'il vangeroit sa blessure, & qu'il prist courage, & qu'il connoistroit combien cela luy touchoit. La Reyne aussi le fut voir, & leur dit à part à tous deux de grandes choses, dit-on, & leur revela de grands secrets, qui tendoient tous à leur grandeur, & son discours dura fort long-temps, qui fut entendu fort attentivement de leurs Majestez, & montrerent grande apparence par l'exterieur qu'elles le goustoient; mais tout ce beau semblant tourna après à mal, dont l'on s'estonna fort, comme leurs Majestez pouvoient jouer un tel rôle ainsi emmasqué, si auparavant elles avoient resolu ce massacre. L'heure donc de la nuit, & des matines de cette sanglante feste estant venue, Mr. de Guise en estant averty du Roy, & bien-ayse de l'occasion de vanger la mort de Monsieur son pere, s'en alla
tres-

tres-bien accompagné au logis de Monsieur l'Amiral , qui fut aussi tost forcé ; il en ouït le bruit , & se douta soudain de son malheur , & fit sa priere à Dieu.

Sur ce, Besme, Gentil-homme Allemand, le premier bien suivy monta en haut, & ayant faussé la porte de la chambre , vint à Mr. l'Amiral , avec un grand espieu large en la main , à qui Monsieur l'Amiral ayant dit, Ah! jeune homme , ne souille point tes mains dans le sang d'un si grand Capitaine ! l'autre sans aucun esgard , luy fourre dans le corps ce large espieu ; & puis luy & d'autres le prirent (Monsieur de Guise , qui estoit en bas , crioit, Est-il mort ?) & le jetterent par la fenestre dans la cour , non sans peine ; car le corps retenant encore de cette vigueur genereuse du passé , résista un peu , s'empeschant des jambes contre la muraille de la fenestre , à cette cheute : mais aydé par d'autres il fut précipité. Monsieur de Guise ne le fit que regarder seulement , sans luy faire outrage tendant à la mort. De descrire les insolences & opprobres que d'autres firent à son corps , cela est indigne de la plume & escriture d'un honneste Cavalier ; mais tant y a , que tels luy firent des injures,

res, des vilenies, insolences & opprobres, lesquels auparavant ne l'osoient regarder, & trembloient devant luy. Ainsi vit-on jadis devant Troye des Grecs les moins vaillans braver autour du corps d'Hector mort. Ainsi voit-on souvent aux deserts de Barbarie les animaux les plus timides braver autour d'un grand Lyon mort, gisant dessus le sable, qui souloit estre auparavant la terreur de tout un terroir & de toute une grande & spacieuse forest. Ceux aussi (& les plus grands) qui craignoient ce grand Amiral, & qui à esté basse s'inclinoient à luy auparavant, bravoient & triomphoient tres-arrogans autour de ce pauvre tronc. Sa teste fut aussi-tost separée de ce noble corps, & portée au Pape, ce dit-on, mais la plus saine voix au Roy d'Espagne, en signe d'un present fort triomphant & tres-agreable, qui fut accepté d'un visage tres-joyeux, & d'un cœur de même. Tant y a, que ce fust ou l'un ou l'autre qui le receut, eut grand sujet de s'éjouir; car ils perdirent un très-grand & tres-dangereux ennemy, qui leur eust bien fait du mal encore, si on l'eust laissé faire.

J'ay ouï conter à un grand Cavalier, qui estoit alors en Espagne, quand les
nou-

nouvelles du massacre de Saint-Barthelemy y arriverent, lesquelles porta un courrier du Roy d'Espagne des meilleurs qu'on peust voir, & s'appelloit Jean Bourachio, qui fit telle diligence qu'en trois jours & trois nuits il arriva de Paris à Madrid, & sans dormir, ce que le Roy son maistre admira fort; aussi luy donna-t-il bien le vin, tant pour la diligence, que pour les bonnes nouvelles qu'il luy porta.

Il ne faut point douter si le Roy d'Espagne en fut bien-aise, car au monde n'avoit-il pires ennemis que Monsieur l'Amiral & ses partisans.

Du commencement il ne peut croire que tous les principaux chefs eussent été ainsi attrapez, sans la lettre que le Roy son frere luy escrivoit, ce disoit-il, qui en faisoit bonne foy. Après que le Roy eust bien interrogé son courrier, il l'envoya de ce pas à l'Amiral de Castille, qui estoit alors à Madrid, ensemble la lettre que le Roy luy escrivoit, pour luy faire part des bonnes nouvelles qu'il avoit receuës.

Le courrier estant arrivé il commence à crier des la porte & basse-cour du logis de l'Amiral, *Nuevas, nuevas, buenas nuevas*; & montant en la salle, que l'Amiral commençoit à soupper, crioit en-

encore , *Buenas nuevas , todos los Luteranos y de los mas principales son muertos y matados en Paris ay tres dias.*

Et s'approchant de l'Amiral , il luy donna la lettre que le Roy luy envoyoit, & l'ayant leuë , il en sceut tout le discours , & par le courier aussi , & s'estant tourné vers la compagnie qui estoit à la table, il dit, *No es cosa mas cierta que todos los principales son muerto, , sino tres, & Vandomillo* (il appelloit ainsi le Roy de Navarre , comme disant , le petit Vendosme , mais il leur à bien appris depuis à l'appeller autrement ,) *primiero , alqual perdono el Rey por l'amor de su esposa , al Principe de Condé perdona tant bien porque es ninno , por tercero el Condé de Montgomery , huy oyse salvo con una vaga y hizo s'estenta leguas s'imparrar , & assi se salvo per grand miraglo de diablo , no de Dios.*

Pour lors souppoit avec cet Amiral de Castille le Duc de l'Infantusque , fort jeune Prince & peu encore pratic , qui demanda si ce Monsieur l'Amiral de France , & tous ses partisans estoient Chrestiens ? qui respondit qu'ouy. Luy après répliqua , *Como diablo puede ser que pues que son Franceses y assy Chistianos , se matan como bestias ?*

L'Amiral luy respondit , *Calla Sennor Ducque , que la guerra dy Francia , es la*
Tome III. H pax

pax d'Esppanna, y la pax d'Esppanna es la guerrady Francia con muestros dublonés. Voilà ce que m'en conta ce Cavalier, qui estoit alors à la table de cet Amiral, qui ouït tout ce discours.

Touchant l'allegresse & la contenance qu'en fit le bon & saint Pape Pie V. (on le peut appeller ainsi) de ce massacre susdit, j'ay ouy dire à homme d'honneur, qui pour lors estoit à Rome, & qui en sçavoit des secrets, que quand on luy en porta des nouvelles, il en jetta des larmes, non pour joye qu'il en eust, comme force gens font en cas pareil, mais de deuil; & quand aucuns de Messieurs les Cardinaux, qui estoient près de luy, remontrèrent pourquoy il pleuroit & s'attritoit ainsi d'une si belle dépesche de ces gens malheureux, ennemis de Dieu & de sa Sainteté; Helas, hélas! (ce dit-il) je pleure la façon dont le Roy a usé par trop illicite & defendue de Dieu, pour faire une telle punition, & que je crains qu'il en tombera une sur luy, & ne la fera gueres longue deormais! Comme ce saint homme sceut très-bien prophetizer par l'Esprit de Dieu, que je croy qu'il avoit autant que jamais eut Pape. Je pleure aussi (dit-il) que parmy tant de gens morts il n'en soit

soit mort aussi-bien des innocens que des coupables. Comme il fut vray, mesme de force bons Catholiques, que leurs ennemis faisoient accroire qu'ils estoient Huguenots.

De plus, ajousta ce bon saint Pere, possible qu'à plusieurs de ces morts Dieu eust fait la grace de se repentir & de retourner au bon chemin, ainsi que l'on a veu arriver à force en cas pareils. Comme de vray, combien avons-nous veu depuis force Huguenots s'estre convertis & faits bons Catholiques? les chemins en rompent.

Voilà le beau dire & la belle Prophe-
tie de ce saint Pere sur ce malheureux
massacre. C'est un grand cas qu'un Sei-
gneur simple & non point souverain,
mais pourtant d'un tres-haut & ancien
lignage de Coligny en Savoye, & au-
trefois souverain & tres-grand, ayt fait
trembler toute la Chrestienté & rem-
plie de son nom & de sa renommée; tel-
lement que lors de l'Amiral de Fran-
ce, il en estoit plus parlé que du Roy
de France: & si son nom estoit con-
nu parmy les Chrestiens, il est allé
jusques aux Turcs, de telle façon, & ny
a rien si vray, que le grand Sultan Soli-
man, l'un des grands personnages & Ca-
pitaines qui regna depuis les Ottomans,

un an avant qu'il mourust, l'envoya rechercher d'amitié & accointance, & luy demander avis comme d'un oracle d'Apollon ; & comme je tiens de bon lieu ils avoient quelque intelligence pour faire quelque haute entreprise, que je n'ay jamais peu tirer ny sçavoir de Monsieur de Theligny, mon grand amy & frere d'alliance, qui fut dépêché de Monsieur l'Amiral, avec le Seigneur de Villeconnin, à Constantinople, là où ils ne le trouverent point, car il en estoit déjà party pour son voyage de Siguet, où il mourut. Voilà que la esté ce grand Amiral parmy les Chrestiens & parmy les infideles.

Je parle de luy en mon livre des Colonels plus au long, & sur ce beau renom il est mort; quel dommage! Il y eut quelqu'un qui fit son epitaphe en vers Grecs, où il introduit un passant qui s'enquiert & demande là où est le tombeau de ce grand Amiral tant renommé par le monde, qu'il demande par grande admiration visiter. Un autre luy respond : Passant, sans faire plus grand chemin, tu peux bien ne passer plus outre, ou t'en retourner en arriere; car tu n'en trouveras aucun icy bas, d'autant que le monde & le ciel l'ont pris & l'ont porté ensevelir dans le sein

Mr. DE BRANTOME 173
sein de l'immortalité, où maintenant il
gist à son aise,

Parlons un peu que devint ce Besme
qui le tua; on disoit pourtant qu'alors
Sarlabous, Gouverneur du Havre, se
vanta de l'avoir tüé. Si c'est la verité, ou
qu'il s'en soit vanté à faux, c'est une re-
compense mauvaise d'un Capitaine en-
vers son Colonel, qui d'autrefois luy a-
voit commandé; mais pour le seur ce fut
Besme, possible que l'autre luy donna
quelque coup. Et pour en voir une divi-
ne vengeance, ce Besme estoit un Gen-
til-homme Allemand, que j'avois veu
d'autrefois nourry page du Cardinal de
Guise; il se mit en telle grace & amitié
de Monsieur de Guise, qu'il le gouver-
noit paisiblement, & pour ce luy fit épou-
ser la fille bastarde du grand Cardinal de
Lorraine.

Je nommerois bien sa mere, & cette
fille, dite Arne, fort belle & honneste
Damoiselle, & bien créée en la Cour
d'Espagne, & nourrie de cette nostre
grande Reine de là, à qui je l'ay veüe, &
après sa mort elle s'en vint en France de-
meurer avec la Reyne mere, qui n'en re-
fusa jamais.

Le Roy d'Espagne fut si liberal à l'en-
droit de toutes ces filles nourries avec la
Reyne sa femme, qu'entr'autres beaux

presens il leur donna à chacune trois ou quatre mille escus pour mariage, s'il me souvient bien, mais il me semble qu'il y en avoit plustost plus que moins, & ce mariage n'estoit payé ny delivré sinon lors qu'elles estoient mariées. Arne donques estant mariées, son homme se resout deux ans après d'aller en Espagne par le moyen de Monsieur de Guise, tant pour querir son mariage, que pour braver & se montrer en piaffe devant le Roy, & les Espagnols, & dire que c'estoit luy qui avoit fait le coup de Monsieur l'Amiral; & quel coup à son avantage, qu'un petit enfant en eust fait autant? il y va & sans danger, & y fut tres-bien venu & payé, dont la pluspart de son argent il le met en pierreries, bagues, joyaux & babioles, pour mieux porter son fait, & aussi qu'il sçavoit bien que Monsieur de Guise l'en déchargeroit. Outre tout cela le Roy d'Espagne le gratifia de quelque autre present, pour la gratification & recompense du meurtre, pour son retour. Il fut si imprudent & perdu d'esprit & d'entendement, ou Dieu, juste vengeur des forfaits, possible l'aveugla de telle façon, ou son démon malin ou malheureux destin l'y conduisoit, qu'il vint passer par le grand chemin des postes de la

Gu-

Guyenne, où les Huguenots avoient bien bon credit, lesquels alors faisoient quelque petite guerre pour les forteresses petites qu'ils tenoient. Parquoy il fut pris entre Barbezieux & Chasteauneuf, & mené prisonnier au chasteau de Bou-teville, ou commandoit pour lors le Sieur de Bertauville, qui commande aujourd'huy à Ponts.

Il fut là gardé long-temps prisonnier, dont fut remontré audit Bertauville ce qu'il vouloit faire de cet homme; & qu'il ne falloit qu'une heure qu'il se sauvast (comme de vray il la faillit une fois) & s'il ne sçavoit pas ce qu'il meritoit.

Parquoy un jour on luy fit accroire qu'il vouloit rompre les prisons & se sauver, comme de vray il y eut de l'apparence; si bien qu'il fut tûé, & eut ce qu'il avoit presté à Monsieur l'Amiral, & tres-bien employé, car il estoit venu trop hautain & trop glorieux, & de ce coup, bien qu'il ne fust pas plus mauvais qu'un autre, comme je le vis au siege de la Rochelle, ainsi que je le voyois fort eschauffé de retirer, Monsieur de Guise des coups & harquebusades, & luy remontrer les hazards qu'il couroit, & luy pour son honneur avec son maistre.

Que si Mr. de Guise (disoit-on) l'eust voulu croire , il n'eust acquis la reputation d'estre si vaillant comme il a esté : & croy que dès lors sa conscience l'avoit jugé pour l'avenir , car la mort de si grands personnages est tousjours fatale à ceux qui la donnent ou procurent. Plusieurs (comme cestuy-cy) s'en font ressentis, bien qu'ils fussent des plus grands, que je ne diray point. Et si diray encore plus, que bien que le Roy d'Espagne, & le Duc d'Albe , alors son Lieutenant en Flandres & au siege de Monts en Haynaut, quand cela vint, furent avec leurs Espagnols tres-joyeux de cette mort, & de plusieurs de ses partisans , si ne l'approuverent-ils jamais de la façon, & que cela sentoît plustost son carnage barbare & de Turc , que son couteau de justice Chrestienne.

Je l'ay ainsi ouï dire à aucuns braves soldats Espagnols , que le Duc d'Albe ne fit pas ainsi à ceux de la ville de Harlem , qu'il fit tous punir par forme de justice. Car aussi pourquoy Dieu l'a-t-il donnée aux Grands, sinon pour la bien exercer comme il faut , & non pour en abuser.

J'ay ouy aussi dire que lors de sa mort ledit Duc d'Albe dit , *Muerto l'Admirante, perdido un gran Capitan por Francia , y gran*

gran enemigo por Espana. Or il y en a eu aucuns qui ont voulu dire mondit Seigneur l'Amiral n'avoir esté si hardy & vaillant Capitaine comme il a esté sage, prudent, & tres-ingenieux. Appelez-vous point cela vaillant & hardy, qui a donné tant de batailles en son temps, & qui les a fait germer de la façon qu'on les a veuës?

Considerons un peu combien en tant de guerres que nous avons faites de delà & deçà les Monts, nous avons veu des batailles depuis celle de Ravenne, encore par si longs intervalles des uns aux autres, que l'on tenoit pour un grand cas de s'estre trouvé en une bataille, & y couroit-on comme à un jubilé l'un pour gagner le salut de son ame, & l'autre pour gagner l'honneur de Chevalerie, & faire appeler sa femme Madame.

Après Ravenne donc vint celle de Marignan contre les Suiffes, celle de la Bicoque, celle de Pavie, après celle de Cerizoles, celle de Renty qu'aucuns ont voulu plutôt dire rencontre que bataille : mais pourtant là où l'artillerie jouë, là où les deux grands Chefs souverain y sont en personne & en armes, là où l'on combat si bien que l'une des avant-gardes est defaite & en route, cela se peut dire bataille, comme je le tiens

de grands Capitaines. De mesmes en peut-on dire de celle du Marechal Strozze, qu'aucuns ont tousjours plûst nommée la deffaite du Marechal Strozze qu'autrement ; puis les batailles de Saint Quentin & Gravelines. Voyez donques qu'en si longues années & parmy gens si guerriers que les François, Espagnols, Suisses & Italiens, si peu de batailles se sont ensuivies & ordonnées. Voyez aussi de l'autre costé combien Mr. l'Amiral en cinq ou six ans en a donné ; celle de Dreux, que j'ay veu comparer aux vieux Capitaines à celle de Ravenne, pour avoir esté tres-bien debatue & opinastree, voire celle des Suisses, celle de Saint-Denis, avec une poignée de gens que les Huguenots avoient encontre nous, qui estions quatre contre un ; celle de Jarnac, ou Bassac, où nous avions des Reistres du Reingrave & autres estrangers, & eux n'estoient que François tous purs.

Celle de Montcontour, où les uns & les autres François, se trouverent fort entremeslez de grande quantité d'estrangers ; & puis celle d'Arné le Duc, qu'on a dit plûst rencontre que bataille. Et notez qu'à toutes ces batailles Monsieur l'Amiral menoit les avant-gardes & y estoit des premiers aux hazards & aux coups

coups , dont il en rapportoit des aucunes de bonnes marques & blessures. M'appellez-vous point donc celuy-là vaillant & hardy ? Je ne mets en conte les fois qu'il a présenté force batailles , qui n'ont manqué pour luy à estre données , comme à Talsy , à Pamprou , à Jazeneuil , à Lodun , qui faillirent pour les accidens & inconveniens , que ceux qui estoient de ce temps ont veus aussi-bien que moy , & quel'on a escrit, entr'autres Monsieur de la Nouë , qui en a parlé , & d'autres choses aussi veritables que jamais homme qui ayt escrit, bien que quelque fois il favorise un peu les siens.

En quel rang mettrons-nous aussi la defaite de la Roche la Belie, la où le Colonel General de nostre Infanterie fut pris , vingt-cinq Capitaines des siens morts , & quelque huit cens de ses meilleurs soldats.

Je laisse à dire à ceux qui y estoient, à quoy il tint qu'à ce coup la bataille ne se donnast , ny mesmes au petit Limoges. Voilà donc comment ce grand Capitaine engendroit les batailles ; que si les unes venoient à leur perfection & maturité , & les autres non , il n'en pouvoit mais , non plus qu'un pere qui engendre des enfans , les uns qui naissent

& viennent à bien , les autres meurent aussi-tost & ne viennent à profit , ne laisse pour cela à avoir fait son devoir en la procreation.

Tant d'autres endroits pareils conte-rois-je, mais je n'aurois jamais fait, qu'on pourra bien voir dans les memoires de Monsieur de la Nouë, avec plusieurs autres belles rencontres & defaites , dont entr'autres , que Monsieur de la Nouë tait, en quoy m'en estonne , que j'ay veu fort louer & renommer , quand il deffit & brulla nos poudres, lors que le siege estoit devant Bourges , que nous fusmes contraints d'envoyer à la picorée à Paris , dont l'on envoya six canons , poudres & balles pour tirer quatre mille coups , avec tout le reste necessaire , accompagné des compagnies de gendarmes de Monsieur d'Anville , s'il me souvient bien , & de Monsieur de Sipiere, à laquelle commandoit le Capitaine Bonnasse ; bon & vaillant certes , avec quatre ou cinq compagnies de gens de pied , tant du Capitaine la Chambre, bon soldat & bon matois , qui portoit ce nom pour avoir esté valet de chambre de Monsieur le Prince , & d'autres Capitaines. Monsieur l'Amiral en ayant eu avis , partit d'Orleans avec cinq ou six cens chevaux , & vous alla rassembler
tout

tout cela en un tourne main près de Chasteaudin : pendant que l'on s'amusoit à combattre, les chartiers détellent leurs chevaux, couppent cordages, & avec leurs chevaux sauve qui peut & s'enfuient; si bien que le tout demeura là à la mercy du vainqueur. Monsieur l'Amiral voyant luy estre impossible de mener & faire conduire tout cela à Orleans, afin que son ennemy ne s'en prevalust, fit arranger ensemble toutes les poudres, les balles, les canons, bouche contre bouche les uns contre les autres, & puis fit faire une longue & grande traînée de poudre, & s'estant retiré assez loin sur une petite montagne avec sa troupe, s'amuserent tous à voir donner le feu à la traînée, & voir jouer la grande fougade, qu'on n'en vit jamais une telle ny faire un tel bruit ny tintamarre, & le tout s'en alla à tous les diables.

Si ceux de Bourges ne se fussent rendus alors, ils nous mettoient en peine pour les prendre, faute de poudres. Voilà aucuns tesmoignages pour estre assez, si Monsieur l'Amiral estoit vaillant & hardy. Et certes il le pouvoit estre, car il estoit issu du tres-braves & vaillans peres, grands-peres & ayeuls, si bien que luy les ensuivant en ses jeunes guerres, il fit tousjours paroistre son genereux

reux courage qu'il avoit extrait d'eux, ainsi qu'il fit devant Landrecy & à la bataille de Cerizoles, où il fut fort blessé, n'y étant que pour son plaisir, & en d'autres endroits où il se trouvoit ordinairement.

Moy luy ayant ouï dire une fois, que bien qu'il fust assez favorisé à la Cour, à cause de son oncle Monsieur le Connestable, jamais il ne se soucioit gueres de s'y amuser ny en ses faveurs ; mais s'alloit promener ordinairement là où il y avoit des coups (& de l'honneur) à donner.

Aussi eut-il l'Estat de Colonel fort jeune, & tout pour son merite. Entel estat ne faut point qu'un poltron y entre, & qui y entre & le fait bien sans reproche, croyez hardiment qu'il est brave & vaillant, ainsi que mondit Sieur l'Amiral le fit paroistre là & depuis, car encore en ces guerres Huguenotes il faisoit l'estat de Colonel tousjours, & sur tout au siege de Poitiers, qui estoit aussi scabreux & dangereux que l'on en ait gueres veu, pour le grand nombre de braves & vaillans Princes, Seigneurs & Gentils-hommes qui estoient là.

Et si mondit Sieur l'Amiral n'eust esté aussi bon homme de pied que de cheval, je ne sçay qu'eust esté de son armée
&

& de son siege, mais il ne s'y espargna, ny aux dangers, ny aux harquebusades, non plus que le moindre soldat de son armée. Et si vous diray bien plus, car il a esté menacé cent fois d'estre assassiné, & qu'il y avoit gens attirez & de toutes parts appostez pour cela, dont il en avoit des avis certains, fust à la Cour, aux armées, aux villes, en ses maisons, & ailleurs; jamais il n'en montra aucun semblant d'avoir peur, ny ne s'en accompagna pas plus de coustilleux pour cela; mais se montroit si assuré, que bien souvent le trouvoit-on quelquefois qu'il n'avoit pas quatre hommes avec luy, comme je l'ay veu: & quand on le luy disoit, il ne respondoit que seulement, Celuy qui m'attaquera, je luy feray aussi belle peur, comme il me scauroit faire.

Je le vis une fois à Moulins, lors que leurs Majestez les accorderent Messieurs de Guise & luy, je dis ceux d'Eglise, qu'on disoit qu'ils faisoient pour tous pourtant, mais non ceux de l'espée.

Il y eut un Gentil-homme Italien francizé, que je ne nommeray point, le Seigneur Jean Baptiste, qui s'alla excuser à luy qu'on luy avoit rapporté qu'il le vouloit tuër; il ne s'en fit que rire, & luy dire seulement, qu'il ne pensoit.

soit moins de luy que d'homme de la Cour pour faire ce coup-la, le taxant froidement par ce mot, qu'il n'étoit pas assez courageux & assuré pour faire ce coup.

Lors qu'il alla trouver le Roy à Blois, on luy remontra fort la faute qu'il faisoit d'y aller, & qu'on luy donneroît la venue, Rien, rien, (dit-il) je me fie en mon Roy & en sa parole ; autrement ce ne seroit point vivre que de vivre en telles alarmes ; il vaut mieux mourir d'un brave coup, que de vivre cent ans en peur.

On luy en dit tout de mesme quand il alla à Paris, & de là trouver le Roy à Saint Clou, & qu'il tourna encore à Paris : il respondit tousjours de mesme. Telles demonstrations & apprehensions nulles de danger montroient bien qu'il étoit assuré & hardy. J'en ay veu après luy venus en telles charges, qui en ont bien eü d'autres, apprehendant & fuyant les presences des Roys comme diables, & non cet Amiral.

Aussi ay-je ouï dire à Monsieur de la Brosse le bon homme, l'un des bons, sages & vaillans Chevaliers de son temps. comme je dis ailleurs, qu'un jeune homme qui est né courageux & hardy, & qui a fait paroître son courage & sa valeur en la chaleur de sa jeunesse, il ne le perd jamais, quelque vieil âge qu'il fasse,

faſſe , ſi ce n'eſt par une grande diſgrace; mais ſ'il ne l'a eſté en jeuneſſe, qu'il ne penſe pas que l'âge luy apporte la hardieſſe, non pas meſmes la pratique des armes, ſi ce n'eſt par grand hazard & fortune, Et de fait, un jour j'eſtois en une bonne compagnie avec feu Mr. de Gua, où on vint à parler d'un Seigneur que je ne nommeray point qu'on le fit brave & vaillant, Comment mort Dieu ! (dit Mr. du Gua) voulez-vous qu'il ſoit vaillant & hardy ſur ſon âge, que jamais il n'a eſté en ſa bouillante jeuneſſe, & qu'à cette heure le commencement & l'apprentiſſage n'en eſt nullement bon ? De cas il y avoit avec nous un grand Philoſophe Medecin, qui confirma ſon dire, & dit que la raiſon naturelle y eſtoit toute peremptoire, d'autant que le ſang bouillant & chaud, qui eſtoit en un jeune homme, le rend hardy, prompt, actif & tout ardent de valeur, & ayant appris dès la jeuneſſe & de bonne heure de ſe remuer, tourner, virer, exercer & le continuer, il ne ſe peut arreſter en ſon lieu; mais celui qui eſt ſur l'âge & n'a point encore remué ſon ſang, mais laiſſé en ſon eſtre premier, il eſt bien mal-aiſe, étant ainſi arreſté & pris ſa place fixe, qu'il l'en puiſſe oſter ou faire un nouveau.

D'au-

D'autres raisons philosophales apporta t-il, que je ne veux defférer en cet art. Voilà donc comme Monsieur l'Amiral a peu estre tousjours courageux, & en toutes saisons de son âge, puis que de bonne heure il commença & continua à esmouvoir son sang & son courage. Si faut-il pourtant avouer que s'il n'eust conjoint avec sa valeur des artifices, astuces & ruses de son grand esprit & jugement, qu'il n'eust fait & parfait les grandes choses qu'il a faites: tescmoin les grandes entreprises qu'il a faites & conduites par son bon sens: & là où il ne pouvoit faire venir la peau du Lyon, il y appliquoit tres-bien celle du Renard, & sur tout en ses pertes de batailles; car tant qu'il en a donné, il les a tousjours perduës: mais c'estoit le Capitaine du monde qui se sçavoit aussi-bien relever de ses cheutes & pertes, & pour lesquelles jamais ne perdit cœur ny s'en ravaloit, que pour une perdue il ne tournast aux autres.

Je luy ay ouï dire, que les plus grandes peines qu'il a eues jamais en ses armées, & qui peuvent estre à un chef dénué de moyens, c'estoit à contenter les Reistres: Et à la dernière paix qu'il fit, il jura, & me le dit à moy une fois à part, que le plus tard qu'il pourroit, voir

voire que bien forcé il ne tourneroit jamais plus en ces guerres civiles; & s'il estoit si malheureux qu'il y retournast, qu'il feroit la guerre d'autre façon qu'il n'avoit fait, qui estoit de ne tenir plus ces grandes armées en campagne, & sur tout ne se chargeroit jamais d'une si grande troupe de Reistres, qui plustost donnoit la loy, qu'elle ne la recevoit.

Si eut-il pourtant ce jugement subtil, qu'il les sceut avoir & traiter mieux qu'homme du monde, ny que Capitaine ayt fait, ny fera sans moyens. Après la bataille de Dreux l'on voulut pratiquer les siens, je ne sçay, il les retourna à Orleans, & là leur donna tant du bec & de l'aïsse (comme l'on dit) qu'il leur fit laisser la pluspart de leurs chariots dans Orleans, & les traïsna en Normandie, lesquels pourtant en ayant perdu une grand' part dans le Portereau, & en ayant sceu nouvelles, & pour ce desesperez il les amadoua, les contenta & les plastra si bien & beau, qu'ils ne l'abandonnerent jamais, & le servirent tousjours jusques à la paix faite.

Après la bataille de Montcontour, ainsi qu'il vit qu'on les avoit à demy gagnez, & que déjà Marillac, Intendant

dant des finances, estoit arrivé à Limoges, à Perigueux avec force finances, comment il les détourna de cette proye subtilement, & les delogea de la Xaintogne, car leur faisant accroire force belles choses, il leur fit faire en trois jours trente lieuës fort grandes.

La premiere journée leur fut de Barbezieux à Brantome, & à l'entour, là où il y a douze à treize bonnes lieuës: le lendemain à Montignac, où il y a huit grandes lieuës, & le lendemain en fit autant par delà Dourdoigne.

Si bien qu'en ces trois jours il leur fit faire ces trente lieuës & leur fit passer les rivières de la Drone, de l'Isle, de la Vézère, & de la Dourdoigne, & grosses rivières, tant de leur naturel, que pour les pluyes de l'hyver, desquelles elles s'estoient enflées beaucoup.

Telles traites les harasserent de telle façon qu'on les suivoit par les pistes de leurs chevaux las & boiteux, qu'on trouvoit par les chemins si abatus, que la plus-part & eux & les païsans mesmes les laissoient à l'abandon pour les voir en tel estat.

Qui aura veu ce marcher, trouvera un grand miracle, que Mr. l'Amiral peut reduire ces Messieurs les Reistres à un tel

tel voire extravagant devoir de guerre: aussi les ayant par delà, il les en sceut tres-bien remercier & recompenser de mesmes; car après avoir joint les forces des Viscomtez, & de Monsieur le Comte de Montgomery, tournant victorieux des Navarrains & d'Ortez, il les vous promena à ce bon pais d'Agénois, se donnant des aises & des moyens jusques à la gorge.

Qui eust jamais creu qu'après une telle bataille de Montcontour perdue, & si grande déroute, ce Capitaine eust peu si bien se remettre!

Il me semble que je vois Brute & Cassie, qui sortirent de Rome, qui l'un par une porte, qui par l'autre, comme gens perdus & vagabonds, & en moins d'un an mirent une armée de cent mille hommes sur pied, & livrerent la bataille de Philippes. Ce ne fut pas tout, car il alla devant Thoulouze faire de beaux feux & apprendre à Messieurs de la ville, & sur tout à Messieurs de la Cour, de mettre de l'eau dans leur vin, & n'aller si viste en besogne, où leur colere & animosité par trop dereglée les conduisoit sans aucune consideration.

Car quiconque portoit le nom d'Huguenot, aussi-toit pris aussi-toit pendu, jusques

jusques à un fort honneste Gentil-homme de la Religion, nommé Rapin, qui estoit allé de la part du Roy & du Prince de Condé, pour porter l'Edit de la paix de Chartres, ils le firent aussi-tost venu aussi-tost executé. Ce qui fit un acte fort vilain, puis qu'il venoit de la part du Roi & chargé de ses lettres, de violer ainsi un droit de paix.

Cela n'estoit pas beau, mais assurez-vous qu'ils en payerent bien l'amnistie & penderie, car il n'y eut maison de tous ces Messieurs qui ne fust exposée au feu, ainsi Mr. l'Amiral les polica; car, comme je luy ay ouï dire, il faut aussi-bien establir la police par le mal, comme par le bien.

Après donc s'estre bien chauffé le long de ces beaux feux, il mena son armée en Languedoc, & de-là envoya quelques-unes de ses troupes saluer un peu la plaine & belle vallée de la Comté de Roussillon, si qu'aucuns Gentils-hommes s'approcherent près de Perpignan; mais ils ne firent qu'aviser & gagner de loin, comme fit jadis ce Roy d'Angleterre à Jerusalem; ce que les Espagnols n'eussent jamais peu croire que Huguenot fust allé plumer la poule en leur país.

Cela fait allerent en Dauphiné, Vivarets,

rets, & s'y promenerent, ayant plus souvent la baguette en la main que l'espée, le pistolet & l'harquebuse, fors qu'à Arne le Duc, où se fit cette rencontre qu'on nommera bataille si l'on veut, puis que je l'ay veu à aucuns ainsi appeller.

Cependant la paix se fit, par laquelle Messieurs les Reistres furent tres-bien payez aux dépens du Roy, & fort contents de Monsieur l'Amiral, & luy promettant un autre retour pour ce mesme prix quand il les employeroit, & s'en retournerent, pourtant un tel renom de Monsieur l'Amiral par toute l'Allemagne, qu'il en resonnoit bien autant qu'en France.

Voilà comme sagement ce grand Amiral gouverna & ferra fort doucement ces Messieurs les Reistres si mal-aisez à ferrer. Et notez qu'avec leur rude & barbare bizarrerie ils luy portoient tousjours si grand respect, qu'ils ne faisoient jamais chose insolente & hors de devoir, que quand il leur remontroit, ils s'en corrigerent & luy obeïssient, voire le craignoient-ils.

Quant aux François parmy eux, il se sçavoit si bien faire craindre, que vous eussiez dit que c'estoit un Roy, jusques aux Grands.

J'ay

J'ay ouï faire un conte, qu'après le siege de Poitiers plusieurs Gentils-hommes, qui s'estoient retirez de l'armée & s'estoient allez rafraichir en leurs maisons ou aux villes, quand ils le vinrent retrouver après la bataille de Montcontour, il parla à eux, ne faut point dire comment, & les taxa & tança comme s'ils eussent esté à ses gages.

Il y eut le Sieur de Genlys le jeune, qu'on appelloit Yvon, qui avoit la teste prés du bonnet, qui voulut parler pour tous, & , Mort Dieu! (dit-il) Monsieur, qui eust jamais pensé aussi que vous eussiez donné le bataille si legèrement? Comment (dit Monsieur l'Amiral) & petit Capitaine de merde, osez-vous controller mes actions? Et sur ce luy voulut donner de l'espée; mais il en fut empesché & prié de luy pardonner, ce qu'il fit, après qu'il luy eust fait toutes les humbles excuses & satisfactions qu'il peut, & si estoit grand & de bon lieu, & si avoit commandé à l'artillerie devant Poitiers, & si depuis ne cessa de le rechercher & honorer comme son Roy; aussi luy donna-t-il la charge de mener ses troupes en Flandres, qui furent défaites & luy pris. Voilà comment cet Amiral sçavoit regir ses gens, qui ne luy devoient ny cens ny tentes,

tes, & rien qu'une salutation, car ils n'estoient ny ses sujets ou vassaux, ny ses stipendiez, ny ses mercenaires.

Et toutefois quand ils estoient en sa presence, un seul petit mot de courroux les étonnoit, & en absence son seul signet leur faisoit faire ce qu'il vouloit, tant il avoit pris une habitude de leur imperier, qu'il sembloit qu'elle luy fust née & que ses partisans la luy deussent.

Quant aux soldats & autre menu peuple des siens, s'ils delinquoient par trop, il les sçavoit bien chastier, car il avoit esté toute sa vie si grand politique de guerre, qu'encore qu'il eust affaire de gens, il ne leur pouvoit permettre le vice, & de tous tant qu'ils estoient, il estoit tres-aymé & honoré, que quand ils avoient une Parole de privauté de luy, ils s'en tenoient aussi contens, comme s'ils l'eussent eue du Roy.

Aussi quand une telle accordance regné entre le chef & les membres, ils sont invincibles, comme tant qu'il à vescu ses gens ont fait de plus beaux exploits de guerre qu'ils n'ont faits jamais après.

Et quand il mourut ils demeurèrent si éperdus & estonnez, que les plus obstinez en leur Religion la changerent soudain, sinon de cœur pour le moins

par apparence, & la plus-part des plus galans d'eux d'alors vinrent à la Rochelle rendre l'humiliation à Mr. frere du Roy, comme j'ay veu; & nonobstant qu'ils ayent depuis eslevé la teste, si regrettent-ils tousjours ce grand Amiral & le trouvent à dire..

Il faut que je dise ce mot, & puis plus. Lors que le Roy de Pologne s'en alla en son Royaume traversant l'Allemagne, il commença par les terres de ce grand Comte Palatin, grand l'appellé-je, car il estoit tres-grand en tout, qui le recut tres-honorablement comme à luy appartient.

Un jour entr'autres il le mena avec deux ou trois des siens (je croy que le gros Villecler en estoit un, & Monsieur du Gua) dans son cabinet, là où de prim'aspect il vit le portrait de feu Monsieur l'Amiral, tout de son haut & fort au naturel.

Le Comte luy dit, Vous connoissez bien cet homme, Monsieur; vous avez fait mourir en luy le plus grand Capitaine de la Chrestienté, & ne le deviez pas, car il vous a fait & au Roy de tres-grands services..

Alors le Roy luy alla pallier le meurtre les mieux qu'il peut & le plus doucement, & que c'estoit luy qui les vouloit
faire

faire tous mourir, & qu'ils l'avoient prevenu.

Monsieur le Comte respondit seulement, Nous en sçavons toute l'Histoire, Monsieur: & puis sortirent du Cabinet. Mais je tiens de tres-bon lieu, que le Roy fut estonné quand il vit ce portrait, & ouït les paroles de l'autre, & entra en apprehension que ce jeu eust esté fait à poste pour luy donner quelque estrette.

Voilà la reputation que donna ce Comte Palatin à Monsieur l'Amiral. Et certes il estoit tel, quand on considerera tous ses nobles faits: que si, comme j'ay dit cy-devant, Monsieur de Guise a esté un fort universel Capitaine, cettuy-cy l'a esté aussi, & pour cheval & pour pied, ainsi qu'il le montra (comme j'ay dit sur la fin) encore au siege de Poitiers, où il montra encore de vieux coups d'escrime du temps qu'il estoit Colonel, & pour cheval, & pour vivres, & pour finances, & pour artilleries.

Enfin (pourtant jelaisséray à de plus spirituels que moy à parfaire la comparaison d'eux deux,) Monsieur de Guise eut une chose plus que lui que je ne diray point.

Si Mr. de Guise fut fort eloquent,

Monfieur l'Amiral l'eftoit auffi, mais il eftoit plus fçavant que luy; car il entendoit & parloit fort bien Latin, comme je l'ay veu, car il avoit eftudié & lifoit & eftudioit tousjours quand il pouvoit & eftoit hors d'affaires; & fut trouvé après fa mort un beau livre qu'il avoit luy-mefme composé, des chofes plus memorables de fon temps, & mefme des guerres civiles. Il fut apporté au Roy Charles, qu'aucuns trouverent tres-beau & tres-bien fait, & digne d'eftre imprimé; mais le Marefchal de Rets en detournale Roy, & le jetta dans le feu & le fit brufler, envieux du profit & de la recreation que le livre euft peu apporter au monde, ou envieux de la memoire & de la gloire de ce grand personnage. Ce qu'il ne devoit, puis que l'envie ne regne que parmy les pareils, & qu'autant de femblance (disoit-on) y avoit-il, comme d'un afne à un noble cheval d'Efpagne.

Or c'eft affez parlé de ce grand Capitaine, j'en parle ailleurs au livre des Colonels, comme je fais de Monfieur d'Andelot fon frere, & en parleray en plusieurs autres endroits où l'occasion fe prefentera.

Si faut-il qu'avant que je finiffe ce long discours, je faffe encore ce petit, fur
la

la calomnie & coulpe grande qu'on a tant donnée à ce grand Monsieur l'Amiral, d'avoir esté cause, par la guerre civile, de la ruïne & pauvreté de la France. Ce que trouverent une fois tout au contraire deux grands personnages, l'un de guerre & l'autre d'État, & tres-bons Catholiques, que j'ouïs un jour discourir à la Cour dans la chambre de la Reine mere, que tant s'en faut que cette guerre eust appauvry la France, qu'elle l'avoit du tout enrichie, d'autant qu'elle descouvrit & mit en evidence une infinité de tresors cachez sous terre, qui ne servoient de rien, & dans les Eglises, & les mirent si bien au soleil, & les convertirent en bonnés & belles monnoyes à si grande quantité, qu'on vit en France reluire plus de millions d'or qu'auparavant de millions de livres & d'argent, & paroistre plus de testons neufs, beaux & bons; & fins forgez de ces beaux tresors cachez, qu'auparavant n'y avoit de douzains. Telsmoin un Seigneur de par le monde, qui des Reliques de Saint-Martin de Tours, & des barres d'argent; données par le bon Roy Louys XI, en fit une grande barrique de testons: & tant d'autres Seigneurs & Princes en firent de mesme d'autres tresors & reliques, le tout forgé

pourtant au coin & à l'effigie de nostre petit Roy Charles IX. qui pour lors regnoit. Il en paroist encore force beaux & bons. Je ne veux pas dire pourtant que ce fust beau & licite de despouiller ainsi les Eglises pour en vestir & enrichir les particuliers.

Toutefois au Roy Charles ou Louys d'Anjou premier, il fut accordé pour lors par le Pape, de prendre les reliques de son Royaume, pour en faire son profit, & pour les frais de la guerre. Voyez l'Histoire de Naples. Ce n'est pas tout, les riches marchands, les usuriers, les banquiers & autres raquedeniers, jusques aux Prestres, qui tenoient leurs escus cachez & enfermez dans leurs coffres, n'en eussent pas fait plaisir, ny presté pour un double, sans de gros intersts. & usures excessives, ou pour achaptz & engagements de terres, biens & maisons à vil prix.

De sorte que le Gentil-homme, qui durant les guerres estrangeres s'estoit appauvry & avoit engagé son bien ou vendu, n'en pouvoit plus, & ne sçavoit plus de quel bois se chauffer, car ces marautes usuriers avoient tout-rafflé; mais cette bonne guerre civile (ainsi l'appelloient-ils) les restaura & mit au monde.

Si

Si bien que j'ay veu un tel Gentilhomme, & de bon lieu, qui auparavant marchant par país avec deux chevaux, & le petit laquais, il se remonta si bien qu'on le vit durant & après la guerre civile, marcher par país avec les six & sept bons chevaux, & brave comme le bastard de Lupé, & ainsi les autres tant d'un party que d'autre : & ayant ainsi continué & rachetté leurs biens, voire acquesté & augmenté les rançonnemens que l'on faisoit de ces gras usuriers Milords, quand on les tenoit une fois, leur faisoient bien sortir de par le diable leurs beaux escus, & leurs bourses, en dépit d'eux, & fussent-ils enfermez dans les os de leurs jambes.)

Et voilà comme la brave Noblesse de France se restaura par la grace (ou la graisse pour mieux dire) de cette bonne guerre civile. Force honnestes gens anciens, qui estoient de ce temps comme moy, en sçauront bien que dire, s'ils en veulent bien faire la recherche & la reveüe, & en toucher la verité sans passions.

Ce n'est pas tout, car nostre Roy Charles, qui avoit tant de debtes sur les bras, & qui devoit à Dieu & au monde, à cause de celles grandes des Roys son grand-pere & pere, estoit au tapis &

au safran sans cette bonne guerre, qui luy en rapporta de bons profits & emolumens, à cause de ces descouvertes de tre-fors & de venditions & alienations des Reliques, joyaux & biens temporels de l'Eglise, le tout pourtant par la permission du Saint Pere, dont-il en tira de grands deniers, desquels toute la France s'en ressentit.

Et principalement les Gentils-hommes, dont je viens de parler, & les gens de guerre, tant d'ordonnances que de gens de pied, qui point avarees, mais nobles dépensiers prodiguoient l'argent, qui ça qui la, en belles dépenses & braveries, sans l'embourser.

Et qu'ainsi ne soit, nous voyons aujourd'huy en la France plus de doublons, qu'il n'y avoit il y a cinquante ans de petits pistolets, comme j'ay veu, & pareillement plus de testons que de douzains, comme j'ay dit.

De plus, qui est un cas estrange, que l'on considere & que l'on le recherche, on trouvera que quasi toutes les bonnes villes de la France, qui se sont ressenties par ces guerres de pillages, de sacs & de rançonnemens, sont, aujourd'huy plus opulentes & riches que les autres, bien qu'il n'y en ayt gueres de pucelles, j'usques à la bonne ville de Paris, qui na-

nagueres estoit si pauvre & abatuë qu'elle n'en pouvoit plus, jusques aux plus belles femmes qui en donnoient à f. pour du pain.

On la trouvera aujourd'huy plus superbe, plus riche & plus magnifique que jamais, & n'y trouve-t-on rien à dire de toutes choses qui affluent & abondent jusques à estre saoule, si elle ne veut estre insatiable, comme je croy qu'on ne la scauroit pas saouler.

Je me souviens qu'aux premieres guerres quand nous prîmes Roüen d'assaut, elle fut pillée l'espace de deux à trois-jours à discretion, & quand le Roy alla quelque quinze à seize mois après pour reprendre le Havre, & passa dedans avec toute sa Cour & aucunes troupes de son armée, l'on n'y trouva rien à redire pour le sac, & vis la Reyne mere s'en estonner, tant elle s'estoit bien remise, & autant ample & opulente que devant, si bien qu'il ne nous y manqua rien.

J'ay veu la ville d'Angoulesme pillée & repillée par deux fois, à la premiere & troisieme guerre, moitié par sac, moitié par les grandes & grosses garnisons qui logerent dedans des Huguenots & d'autres, aussi de celles des Catholiques par après de mesme; bref je l'ay veüe fort abbattuë & appauvrie: elle

est aujourd'huy, à ce qu'on dit, la plus pecunieuse ville de nôtre Guyenne après Bourdeaux & la Rochelle, ce qu'on ne croiroit pas.

Et la ville de Perigueux, quoy qu'elle a esté pillée des Huguenots, l'espace de cinq à six ans, aujourd'huy on n'y trouve rien à redire qu'elle ne soit aussi riche, voire plus que jamais. Tant d'autres villes en conteroie-je, mais j'en laisse la curiosité à de plus entendus que moy.

Bref; il faut dire de la France, ce que disoit ce grand Capitaine Prospero Colonne de la Duché de Milan, qui ressembloit une oye bien grasse, que tant plus on la plumoit, tant plus la plume luy revenoit. La cause donc est deüe à cette bonne guerre civile, tant bien inventée & introduite de ce grand Monsieur l'Amiral.

Ce n'est pas tout, les gens d'Eglise, lesquels crient le plus après les Huguenots & leur guerre, y ont gagné autant que les autres, tesmoin les tresors, richesses & Reliques qu'ils ont vendu sous main, en faisant accroire que des Huguenots les avoient pris par force, aucuns autres fouillezen terre, qu'ils avoient cachez, & donnoient à entendre qu'ils avoient tant derobé, & non tant certes qu'eux-

qu'eux-mesmes s'en estoient secretement accommodé.

Et si par la dispense du Pape & par la volonté du Roy en ont vendu, s'ils en vendoient pour cinq cens escus, ils en vendoient pour mille, faisant accroire qu'ils n'en avoient peu tirer davantage des orfevres, changeurs, marchands & revendeurs, qui possible estoient faits à la poste des vendeurs.

Le tresor de St. Denis en fait foy, qui fut estimé de l'Empereur Charles, quand il le vit si beau, si riche & grand, en si grande admiration, qu'il le dit estre bastant pour payer deux rançons de Roy, y ajoutant le Crucifix d'or.

Du depuis on vit tout cela deffiguré & dissemblable au passé. Davantage, comment ont-ils fait leurs orgues, ces Messieurs du Clergé de France, en l'alienation des biens temporels, que pour cinq cens escus de taxe ils en vendoient pour mille, allant en augmentant tousjours au plus haut sans abaisser. Et pour le departement des decimes, comment s'en sont-ils déportez & enrichis, les haussant si haut, sous excuse, pretexté & licence de la guerre & de ses frais, que le profit leur en redondoit plus grand qu'à celuy du Roy & de ses finances. Et jamais decimes ne monterent si haut, non pas

du Regne du Roy Henry , qui les mit pour une fois à sa grande neceffité, à cinq & six decimes, que l'on a veus depuis taxés si excessivement, que les pauvres petites Abbayes, petits Prieurez & cures, sont si pauvrement detenués , que les possesseurs d'auparavant ont esté contrainsts de faire *Cedo bonis*, & quitter tout à plat , & le tout par l'avarice & l'enrichissement de Messieurs les gros & gras, pourvus des grandes dignitez & grades, préeminences , jusques à leurs facteurs, collecteurs, ramasseurs & receveurs des decimes , qui s'y sont étrangement enrichis, comme un nommé Castille, que j'ay veu n'a pas quarante ans , n'avoir vaillant que ce qu'il portoit de ses habillemens, & ce qu'il déroboit à tasts, il fit si bien que luy , ou ses heritiers ont vaillant aujourd'huy plus de quarante mille livres de revenu.

C'est gratté cela, mieux que ne sçauoit faire un frippier sur le drap. Que pouvoient donc faire les grands Surintendans? Avoient-ils raison ces Messieurs de crier tant après les guerres civiles, leurs meres nourrices ? Que peut-on dire des Messieurs de la Justice, sinon qu'ils ne s'y sont pas trop appauvris. Comment appauvris ? Mais, maistres-enrichis & accreus en tres-grands biens & acquests.

Je m'en rapporte aux pauvres plaidoyans, qui ont passé par leurs mains : & ce qu'on a trouvé en eux de mauvais, c'est qu'ils ont esté fort peu doux & gracieux (au moins aucuns) à l'endroit des pauvres Huguenots, leurs demy peres nourriciers ; car ils en ont fait mourir (au moins aucuns) une infinité par leurs sentences, arrests & cousteaux de leur execution, plus pour porter seulement le nom d'Huguenots, que pour autres grands sujets. Grande rigueur pourtant de faire mourir leurs bienfaicteurs. Que dira-t-on aussi d'un tiers estat, qui avec les autres en disoit sa rastellée, & débagouloit pis que pendre après Monsieur l'Amiral & sa guerre ? Y ont-ils beaucoup perdu ? Non certes, mais beaucoup gagné, & enrichis ; car marchands, artisans, gens de mestier, & autres de ce tiers estat, se sont si bien accreus, que ce qui se vendoit auparavant un teston, aujourd'huy se vend l'escu pour le moins. Aussi, comme dit Cornelius Tacitus, parlant de l'Empire de Tibere lors florissant, que l'Empire Romain s'estant accru en une tres-haute grandeur & magnificence, les biens des particuliers s'en accrourent : aussi de même en accrut la France ses enfans & nourrissons.

De forte que si tant d'estrangers, gens de guerre par trop mercenaires, n'en eussent emporté tant d'or & d'argent au dehors, il ne faut douter que la France étoit pleine comme un œuf, & ne l'eust-on fceu jamais espuiser.

Mais, disent aucuns qui les a fait venir ces Messieurs les estrangers, plus prompts aux trompettes & tabourins d'argent que de cuivre ? Il faut sçavoir cela, & est fort aisé : aux premieres guerres nous en eusmes premiers des Suiffes, & des Lansquenets du Comte de Reingrave ; Monsieur d'Andelot partit pour avoir des Reistres & les amena fort bien.

Nous eusmes des Espagnols en Guyenne, & puis en France, ceux-là ne nous cousterent rien, par le bon secours & par la grande liberalité de ce grand & auguste Roy, d'Espagne ; les Huguenots eurent quelques Anglois dans Rouën & le Havre, par le bon secours aussi & par la liberalité de la Reine d'Angleterre.

Mais tant y a, j'ay vëu les Huguenots nous donner deux batailles sans aucuns estrangers, assavoir celle de Saint-Denis, où nous avions des Suiffes six mille, à celle de Jarnac ils n'en avoient non plus, nous avions des Suiffes, & mesme des Reistres, fort peu pourtant, que

que le jeune Comte Reingrave avoit : les Huguenots puis après en ont eu prou , & trop pour avoir nuit à la France beaucoup. Je laisse cela du surplus à en parfaire le discours plus grand à des gens plus curieux : & quand tout est dit , puis que c'estoit une guerre intestine de nation à la mesme nation , nous la devons desmesler entre nous autres ensemble , sans y appeller la nation estrangere , comme l'on fait d'estranger contre étranger.

Certes la guerre en eust esté plus noble , voir en mesme compagnie mesmes enseignes , pareilles & mesmes armes , mesmes sonneries de tabourins & trompettes , & mesmes façons & ordres de guerre ; ainsi qu'on vit aux plaines de Pharsale mesmes Romains , (dit Lucain) mesmes Aigles , mesmes armes & pareilles ordonnances de gens & formes de guerre : bien que Pompée eust force estrangers ramassez & vraye racaille : Cesar en avoit aussi , mais plus disciplinez & aguerris pource à la milice Romaine.

Pour moy , & pour en faire fin , je sçay bien ce que j'en ay ouï dire & jurer à Monsieur l'Amiral , (ainsi que j'ay dit cy-devant) combien cela le fascha d'avoir esté contraint de s'estre jamais aydé
de

de ces Reistres , & dequoy il estoient jamais venus en France ; & que s'il estoit à refaire , ou que la guerre recommençast jamais , (que Dieu l'en engardast) il n'appelleroit jamais de telles gens pour s'en servir , ils estoient trop fâcheux , avarés , importuns , & trop mal-aisez à contenter. Nostre grand & brave Roy d'aujourd'huy en a pris l'instruction , qui a fait , & parfait ses guerres , & acquis son Royaume sans ces gens-là , fors quelques troupes que Monsieur de Turenne luy amena , qui ne servirent gueres , aussi il s'en desfit bien tost.

En quoy il montra son grand cœur & sa grande sagesse de se passer de telles gens , & démesler sa guerre par les siens propres ,

J'en ay parlé ailleurs , où je les louë pourtant , ne voulant mal dire nullement de la valeur qu'ils ont , ny de leur belliqueuse nation , car on ne leur sçauroit rien reprocher qu'un peu trop d'avarice , car en tout ils sont braves & vaillans gens de guerre.

MONSIEUR LE PRINCE
DE CONDE'.

P Arlons à cette heure de Monsieur le Prince de Condé, Louys de Bourbon, que plusieurs de nostre temps disoient avoir esté dressé au commencement de ces guerres civiles de la main de ce grand Monsieur l'Amiral, duquel je viens de parler, bien qu'il eust fait auparavant un tres-beau commencement d'un tres-brave Prince, & tout rempli d'esprit & fort belle montre, & de l'un & de l'autre, aux guerres estrangeres, tant aux charges de cheval qu'il eut, & de chevaux legers & de gendarmes, que de pied; car il fut Colonel de l'Infanterie en Piedmont, comme j'ay dit ailleurs. Surquoy je me souviens d'un conte, que quand la Reyne merre eut fait Madame la Princesse de la Roche sur Yon sa Dame d'honneur, Monsieur le Prince de Condé luy voulut remontrer (voire s'en mocquer, car il s'en aydoit) le tort qu'elle s'estoit faite & à ses parens en cela, elle, qui avoit espousé un Prince du sang, d'avoir accepté cette charge pour quasi servir de servante. A qui elle respondit, qu'elle ne se pensoit pas plus faire tort
en

en cela, ny aux siens, que luy en la charge qu'il avoit autrefois prise de Colonel de sa belle infanterie & pieds puans de gens de pied, par la suecession encore de deux Gentils-hommes qui estoient moindres que luy, comme feu Bonni-vet & le Vidafme de Chartres. Parquoy qu'il avisaſt à ſes fautes, & non aux ſiennes, ſ'il y en avoit en cela pour elle, mais n'y en ſentoit aucune, puis que ce n'estoit ſe faire tort de ſervir ſa Reyne & ſa Dame ſouveraine en une charge ſi honorable.

Ce fut à Mr. le Prince à ſe taire, combien qu'il parlaſt tres-bien & auſſi-bien & à propos, je ne diray pas que Prince, mais qu'homme du monde, & ſur tout qui diſoit bien le mot, & ſe moquoit bien, & aymoît fort à rire : auſſi de luy fut faite une chanſon en France, à mode d'un vaudeville, qui diſoit,

*Ce petit homme tant joly
Tousjours cauſe & tousjours rit;
Et tousjours baiſe ſa mignonne;
Dieu gard' de mal le petit homme.*

Car il eſtoit de fort baſſe & petite taille, non que pour cela il ne fuſt auſſi fort, auſſi verd, vigoureux & adroit aux armes, & à pied & à cheval, autant qu'homme de France, comme je l'ay veu en affaires.

Au

Au reste, il estoit fort agreable, accostable & aymable ; aussi l'Italien disoit. *Dio mi guarda del bel gigneto del Principe de Condé & del'animo & stecco del Admiraglio*: Dieu me garde de la douce façon & gentille du Prince de Condé, & de l'esprit & curédent de l'Admiral , parce qu'il en portoit tousjours un , fust à la bouche , ou sur l'oreille , ou en la barbe.

On tenoit ce Prince de son temps plus ambitieux que religieux ; car le bon Prince estoit bien aussi mondain qu'un autre, & aymoît autant la femme d'autrui que la sienne, tenant fort du naturel de ceux de la race de Bourbon, qui ont esté fort d'amoureuse complexion.

Il fut esleu de ceux de la Religion & de la conjuration d'Amboise leur Chef, non qu'il le sceust autrement, (disoit-on) mais sans luy sonner mot, & sourdement l'esleurent , usant en cela de la façon d'Allemagne, & tel appelle-t-on le Capitaine muët.

Et si leur entreprise eust bien reüssi à souhait alors, on la luy eust fait sçavoir aucuns disoient pourtant qu'il la sçavoit, & mesmes qu le Sieur de Malliguy, brave & vaillant Gentil-homme, & de fort bonne maison, qui luy estoit,
fort

fort familier, favory & parent, se trouvant avec luy à Amboise, quand il vit le tout descouvert, s'en alla aussi-tost sans s'estonner à l'escurie dudit Prince, & y prit le meilleur courtaut qu'il avoit, & se sauva viste, dont bien luy en prit, & s'en alla à Geneve, dont plus n'en revint.

Car en se baignant dans le Lac, il se noya parmy un sable mouvant : l'on courut après luy, mais il s'en alla grand' erre; & disoit-on alors à la Cour, comme je l'ouïs, que s'il eust esté pris, il eust mis mondit Sieur le Prince de grand' peine.

Toutefois le Dimanche matin quand les conjurateurs se presenterent à la porte des bons hommes, pour entrer dans la ville à Monsieur d'Aumale, qui estoit constitué pour la garde de la porte, Monsieur le Prince s'y rendit, & ayda à les chasser, & y fit bonne mine; mais depuis on connut la faute; & en fut soupçonné.

Surquoy il en fit quelque rodomontade de quelque certain démenty en l'air, mais non en presence, comme s'est dit & escrit, car alors il n'osoit parler si haut, bien que d'ailleurs il eust la parole belle, bonne, haute & hardie; mais pourtant connoissant qu'il n'y faisoit pas bon

bon pour luy, & que l'on commençoit à descouvrir le pot aux roses, il partit de la Cour, & s'en alla trouver le Roy de Navarre son frere, dont pourtant l'on se repentit bien (car je le sçay) de quoy on l'avoit laissé aller.

Mais pour avoir ce coup eschappé, il n'eschappa pas sa prison; car il vint à Orleans, là où il fut attrapé à bon escient, & croyoit-on que sans la mort du Roy François, son procès eust esté fait, & luy sentencié.

Lors qu'il entra dans le logis du Roy, non à cheval comme le Roy son frere, comme aucuns ont dit, car je le vis, mais ayant mis pied à terre, jamais je ne vis Prince faire meilleure mine; mais au sortir de la chambre du Roy qu'il fut conduit en prison par Monsieur d'O, & de Chavigny, il estoit bien autant estonné, & le Roy de Navarre aussi, lequel pensoit à son arrivée, comme premier Prince du sang, parler haut, braver & estonner toute la Cour.

Ce fut à luy à caler & faire non du Prince, mais du simple Gentil-homme, car je le vis deux fois venir trouver Monsieur le Cardinal de Lorraine, en son jardin une fois, & l'autre en sa chambre, pour le prier d'interceder pour son frere; mais il parloit à luy plus souvent

vent desouvert que couvert, & l'autre se mettoit tres-bien à son aise, car il faisoit grand froid.

Mais deux mois après on vit bien un autre revire-marion de fortune. Cette conjuration d'Amboise fut le principal sujet de sa prison; car le Roi s'estoit imprimé si bien cette opinion, que si elle eust pris fin, qu'il eust passé le pas, comme-Messieurs ses freres, & de Guise & autres, & qu'il se fust fort bien mis en son siege Royal, ce disoit-on; car il estoit de cœur haut, & ambitieux, & qui aymoît plus une Royauté, qu'une Principauté.

Et pour ce dès-lors ne le tint-on jamais pourtant plus religieux qu'ambitieux: & ce qui l'aveugla plus en son ambition, ce fut aux premières guerres civiles, quand il se vit quasi commander à la moitié de la France, morceau tres-friand, que Mr. l'Amiral son oncle luy avoit tres-bien préparé.

Et ce fut ce que dit un Seigneur de par le monde, Le diable y ayt part, qu'un tel en est le chef, je connois son humeur; s'il a mis une fois le nez dans cette petite forme d'Empire, jamais il ne s'en departira & troublera tousjours la France, pour entretenir sa grandeur, il nous feroit meilleur que le seul Mr. l'Amiral
s'en

s'en meflast, car il a l'ame plus douce, plus capable en tout que l'autre.

Il devint en telle gloire qu'il fit battre monnoye d'argent, avec cette infcription à l'entour comme un Souverain, *Louys treizième, Roy de France*, laquelle monnoye Monsieur le Conneftable, retenant tousjours de cette bonne paffe ancienne, tout en colere representa à une affemblée generale, qui fut faite, au Conseil du Roy, l'an 1567, le 7 jour d'Octobre, après midy au Louvre. On en detesta fort & la monnoye & l'infcription.

Je ne fçay s'il est vray, mais il s'en disoit prou en la chambre du Roy & de la Reyne, voire en la bassecour. Une autre ambition le faist; lors que le Duc d'Albe passa vers Flandres, Mr. le Prince, avec d'autres remontrèrent au Roy, que, puis que l'Efpagnol s'armoit, il falloit auffi s'armer, & border la frontiere de gens de guerre, comme portoit l'ancienne coutûme; & ce fut lors qu'on envoya faire la levée de six mille Suiffes, qui vinrent après.

Et quoy qu'on die & le trouve-t-on en escrit, ce fut Mr. le Prince & les Huguenots qui premiers crierent après cela, car j'estois alors à la Cour, & ceux qui l'ont eferit, possible ne le fçavoient-ils pas mieux que moy.

Et

que s'il s'en mesloit jamais, qu'il l'en feroit repentir, & le rendroit aussi petit compagnon, comme il vouloit faire du Grand.

Tant d'autres propos luy dit-il (car il le tint long-temps) que nous n'oyions point, car nous autres qui estions à luy, nous nous en tenions de loïn; mais nous voyions bien qu'il luy parloit de hautes paroles & de grande braveté, ores tenant son espée sur pomeau fort haute, ores faisant semblant de taster à sa dague, ores enfonçant & ores haussant son bonnet: & bref, nous connusmes en luy une contenance fort bravache & altière, & telle que depuis, bien qu'ayons veu en mille endroits une tres-bonne façon en luy, jamais aucuns qui estions ne la reconnusmes si belle & assurée.

Nous vismes bien aussi Monsieur le Prince tousjours descouvert & parler doux à son geste; & la Reine ayant achevé de soupper, ce jeu se demesla, qu'elle sceut bien au long par Monsieur son fils, qu'elle en ayma davantage; & puis de Monsieur le Prince, qui en fit quelque plainte, mais elle ne s'en soucia, & Monsieur le Prince aussi ne la fit gueres longue à la Cour & s'en alla, & non sans la garder bonne à mondit Seigneur; car au bout de trois mois & demy

la journée de Meaux fut dressé, & voilà d'où en fut la première source, que beaucoup ne sçavent pas, & la couvrent sur la Religion, comme fait Monsieur de la Nouë, car possible ne sçavoit-il pas ce que je vis.

Monsieur aussi ayant sceu que cette partie avoit esté autant faite pour luy, voire plus que pour le Roy, la luy garda aussi meilleure, car ayant esté fait Lieutenant general du Roy, après la mort de Mr. le Connestable, il ne cessa jamais qu'il n'eust raison dudit Prince, qu'il haïssoit à male mort, & plus que tous les Huguenots; car il ne tint pas à luy que la bataille ne se donnast à nostre Dame de l'Espine. Il ne voulut point aussi la paix, sinon pour attrapper ledit Prince en sa maison de Noyers en Bourgogne, comme il la faillit belle.

Aux troisièmes troubles il l'agaça & pressa de tant de petits combats, & escarmouches, qu'enfin il le mena à la bataille qui fut donnée vers Jarnac & Bascac, où ce Prince vint fort resolu & en tres-brave & vaillant combattant, mais pourtant fasché d'y venir, soit qu'il connust son heure ou son desavantage, & pource en y allant il dit, que puis qu'on avoit fait un pas de clerc il le falloit franchir, & qu'aussi un peu avant

vant qu'aller à la charge, il avoit eu contre la jambe un coup de pied de cheval du Comte de la Rouchefoucaut, qui comme desesperé du mal, accompagné de son brave cœur, combattit tres-furieusement.

Mais cela ne dura gueres, car il fut porté par terre, & le premier qui descendit pour le prendre prisonnier, ce fut un honneste Gentil-homme de Monsieur de la Vauguion, qui s'appelloit le Rozier, & ainsi que Monsieur d'Argentée vint à passer Monsieur le Prince, il le reconnut & se rendit à luy; mais sur cette entrefaite arriva le Baron de Montefquien, brave & vaillant Gentil-homme, qui estoit Capitaine des gardes des Suisses de Monsieur frere du Roy, qui ayant demandé qui c'estoit, on luy dit que c'estoit Monsieur le Prince, Tuëz, tuëz, mort Dieu! (dit-il) & s'approchant de luy, deschargea son pistolet dans sa teste, & mourut aussi-tost. Il n'avoit garde de la faillir autrement, car il avoit esté fort recommandé à plusieurs des favoris dudit Monsieur, que je sçay bien, pour la haine qu'il luy portoit dès le jour que j'ay dit; & aussi qu'il n'y a rien qu'un grand haïsse tant qu'un autre General son pareil, mais puis encore celuy qui ne l'est pas & se veut

égaler à luy. Il ny avoit pas huit mois que j'avois sauvé la vie audit Baron de Montesquien, que j'aymois fort depuis le voyage de Malte, qui au partir de là fut la premiere fois qu'il vint & se produisit à la Cour, par le moyen du Comte de Brissac, qui le prit en amitié pour estre brave & vaillant Gentil-homme, & qui estoit bon homme avec cela ; & ledit Comte le fit aymer à Mr. & lui fit donner cette charge.

Le Roy Charles donc ayant entrepris de faire un combat sur l'eau à Paris, devant le Louvre, il se mit dans son grand batteau couvert, qu'on a veu long-temps devant le logis du Contreroolleur du Mas.

Le Roy tenoit & gardoit son batteau avec les siens contre Monsieur & les siens, qui le vinsmes assaillir. Ainsi que nous voulions monter & que le Baron estoit à demy monté, voicy Fervaques, qui a esté toujours rude joueur, qui poussa du haut en bas ledit Baron dans l'eau, qui s'alloit noyer sans moy, qui courus du bout du batteau & le pris par le collet & le jette dans nostre batteau, lequel n'en pouvoit plus ; mais il se remit tellement qu'ellement, & aussi-tost se mit à genoux & me remercia, & qu'il me devoit la vie, & depuis m'apella
tous-

tousjours son pere , bien que je fusse plus jeune que luy :

Il fut tüé par après au siege de Saint Jean , d'une grande harquebusade. Les Huguenots disoient que c'estoit par permission ou punition divine.

Pour tourner à Monsieur le Prince , estant mort , Monsieur n'en fut nullement marry , maistres-joyeux , car il avoit opinion qu'il luy en eust fait faire de mesmes , car d'ennemy à grand ennemy , il n'y a que se garder. Monsieur le voulut voir après la bataille achevée , & son corps fut chargé sur une vieille asnesse , qui se trouva là à propos , plus par derision que pour autre sujet , & fut porté ainsi bras & jambes pendantes à Jarnac en une salle basse sous celle de Monsieur & sa chambre , où ledit Prince le jour avant avoit logé.

Quel changement ! Comme à Coutras le Roy de Navarre logea en la chambre de Mr. de Joyeuse , où il avoit couché le soir auparavant , & l'autre estoit estendu mort dessus : si on leur eust dit à tous tels revers de fortune , ils ne l'eussent pas creu.

Ledit Prince demeura assez en spectacle à tous ceux du camp qui le voulurent aller voir. Puis Monsieur de Longueville son beaufrere en demanda le corps à

Monsieur, pour le faire ensevelir, qui luy fut octroyé librement. Il fut fait de luy cet epitaphe ;

L'an mil cinq cens soixante-neuf,

Entre Farnace & Chasteau-neuf,

Fut porté sur une anesse

Cel qui vouloit oster la Messe.

Il y eut quelques-uns des siens pris, comme Clermont d'Amboise, & Corbozon, qui ne voulurent jamais croire sa mort ; mais Monsieur le fit à eux voir leur saoul, dont ils en furent tres-dolens, car ils estoient fort aymez de leur maistre. Ainsi alla la mort dudit Prince, qui en trois batailles qu'il donna à son Roy, ne se ressentit gueres de la fortune : à la dernière il y mourut.

A la penultième de Saint-Denis, il la perdit comme les autres, mais aussi il se sauva avec grand honneur. A la première, qui fut celle de Dreux, il fut pris prisonnier, non sans grand danger de la vie, si Monsieur de Guise luy eust voulu rendre ce qu'il luy avoit voulu prester à la conjuration d'Amboise ; mais au lieu d'un tel remboursement, quand il luy fut présenté, il luy fit force honneur & bonne chere, le retira avec luy, luy presenta la moitié de son lit, & couchèrent tous deux ensemble aussi familièrement comme si jamais n'eussent esté ennemis,

nemis, mais comme bons amis & cousins germaines qu'ils estoient. De tout le soir il ne fut gueres veu, & Monsieur de Guise le luy conseilla & demeura en sa garderobe, bien qu'elle fust fort petite & chétive, car c'estoit une maison de village fort champestre. Force gens le vouloient voir, mais Monsieur de Guise l'avoit defendu, car une personne affligée n'ayme gueres cette veüe ny visita-tion.

J'eus pourtant credit de le voir assez près d'un feu, faisant demonstration grande de sa douleur & d'une apprehension grande. On luy porta à souper, & soupa; puis tout le monde retiré, & Monsieur de Guise se voulant coucher, il donna congé à un chacun, non sans avoir demeuré long-temps assés près du feu à causer de la bataille parmy nous, où chacun y estoit receu pour son escot & son dire.

Luy & Monsieur le Prince coucherent ensemble, & le lendemain nous allasmes à son lever. Il se mit à escrire au Roy & à la Reyne, le plus briefvement qu'il peut, & sortit voir le champ de bataille, non trop loin pourtant, car il disna & y alla après à bon escient.

Cependant le Prince se leva, qui estoit encore au lit quand nous estions en sa

chambre , les rideaux tous tirez au dedans : s'il eust esté pressé de se lever pour aller à la garde-robe , il eust esté bien estonné, ce disoit-on.

Puis quand salut desloger, Monsieur de Guise le redonna à Monsieur d'Anville (que nous nommions alors Monsieur l'Amiral , pour avoir eu l'Estat de son cousin,) à le tenir en bonne garde , & pour faire l'eschange de luy & de Monsieur le Connestable, ainsi que le porte le droit de la guerre.

En quoy il faut noter deux belles choses, que l'on tenoit alors pour telles, & se doivent tousjours tenir ; l'une faut louer la magnanimité & generosité de ce grand Prince & Capitaine Monsieur de Guise, qu'il usa à l'endroit de son ennemy prisonnier, à le traiter de cette façon si honneste qu'il fit, ce qu'un autre possible n'eust pas fait, veu les grandes raisons qu'il avoit de son costé : l'autre du bel avisement & consideration qu'eut Monsieur d'Anville de presenter à Monsieur de Guise son prisonnier Monsieur le Prince.

Car c'estoit à luy à qui le premier il avoit donné sa foy & luy presenta comme à son General, (c'estoit bien en cela sçavoir son devoir de guerre) à qui l'on doit deferer toutes choses , & sur
tout

tout les prisonniers qu'on aura pris. Si Monsieur d'Anville n'eust esté sage & avisé Capitaine, comme certes il l'a esté tousjours, & que c'eust esté un temeraire & n'eust sceu que c'estoit de son devoir, il n'eust jamais fait ce trait, voyant son pere pris, & qu'il y alloit de bon pour le racheter par cet eschange; ce qu'il ne fit, & s'acquitta par ainsi de son devoir, & acquit encore davantage l'amitié de son General, en luy manifestant par tel acte qu'il estimoit la generosité de Monsieur de Guise, & connoissant en luy une telle vertu & bonté qu'il ne feroit jamais faux bon à Monsieur le Connestable.

Voilà comme il fait bon en telles occurrences d'opposer telles choses, & ne croire son courage bouillant. Pour un tel trait cuida sortir entre Monsieur de Longueville, & Monsieur d'Espernon, grand esclandre durant ces dernières guerres; car Monsieur d'Espernon venant de Boulogne en France trouver le Roy, & passant près Montreuil, & rencontrant la garnison de cheval, conduite par Monsieur du Mesny, Gouverneur de la place, la defit tres-heureusement & force demeurèrent prisonniers, dont ledit Sieur du Mesny en estoit un; & puis vint au giste à Corbie, où

estoit pour lors Monsieur de Longueville, Lieutenant de Roy en Picardie, qui demanda les prisonniers ; mais Monsieur d'Espernon les luy refusa : surquoy s'esmeut question , & Monsieur de Longueville jura qu'il ne sortiroit autrement de la ville, & le brava fort, jusques à mettre un gros corps de garde devant son logis, & fermer les portes de la ville.

A quoy Mr. d'Espernon prit pied & apprehension qu'on lui en vouloit prêter une tout de mesme comme à Angoulesme, qu'on le faillit à tuer un jour de Saint Laurens, comme il dit depuis, & pour ce se resout bravement se defendre & mourir les armes en main. Mais sur ces entrefaites il se moyenna quelque espee d'accord , par la menée & dexterité de quelques honnestes gens : l'accord ne s'en suivit pourtant tel qu'ils despartirent amis.

Car si Mr. de l'Espernon l'eust trouvé après , il l'eust querellé à bon escient , comme je sçay fort bien. En quoy plusieurs dirent que Monsieur de Longueville en devoit faire plus ou moins, & les autres, qui moyennerent la sortie de Monsieur d'Espernon les devoient aussi accorder du tout absolument, & les faire bons amis & embras-

braffer ces deux grands , qui estoient
~~aux~~ baitans, par le moyen de leurs ~~amis~~,
 serviteurs & credits, d'esmouvoir toute
 la France.

Plusieurs dirent que Mr. d'Espernon
 avoit tort , & que du premier abord il
 devoit presenter ces prisonniers au Lieu-
 tenant general du lieu où ils avoient esté
 pris , & reconnoistre le Lieutenant ge-
 neral & Gouverneur de là, bien qu'il
 fust grand & eust grandes charges
 & grades, mais la representation d'un
 Roy en sa Lieutenance c'est une grande
 chose.

Je laisse cela aux meilleurs discou-
 reurs , pour tourner encore au Prince de
 Condé, lequel laissa après soy une tres-
 belle & braye lignée, Messieurs le Prin-
 ce de Condé son heritier principal , le
 Prince Conty , & le Cardinal de Bour-
 bon, & du second mariage, Monsieur
 le Comte de Soissons , gentil Prince
 certes & tout plein d'honneur & de ver-
 tu. Si Monsieur le Prince de Condé der-
 nier ne fust mort par poison , (com-
 me on dit) il eust esté aussi grand Capi-
 taine comme Monsieur son pere ; car il
 avoit un tres-beau commencement , &
 lors qu'il mourut il estoit fort jeune : il
 sçavoit aussi-bien attirer les hommes à
 soy, comme Mr. son pere , car il estoit

tres-liberal, doux, gracieux & tres-eloquent, choses fort attrayantes.

J'ay ouy dire à feu Mr. de Montpensier, & le debattoit contre moy, qu'il estoit beaucoup plus eloquent que Mr. son pere : tant y a, que s'il estoit si bien-disant, il avoit le defect de l'oreille, car il n'oyoit pas bien. Il estoit brave, vaillant, genereux & fort adroit aux armes & à cheval, bien qu'il fust fort petit comme le pere.

Or de tous ces braves freres j'espere en parler aux vies de nostre feu Roi Henry troisieme, & le nostre de present quatrieme. Je les remets donques là, pour dire que quand Monsieur le Prince le premier fut mort en cette bataille, la plus-part des Catholiques, & mesmes de ceux de nostre armée, entrerent en cette forte creance que c'estoit fait des Huguenots, puis qu'ils avoient perdu leur grand & principal Chef & Capitaine, qui certes estoit grand & suffisant, & qu'on tenoit avoir si bien appris de Monsieur l'Amiral, qu'il s'en alloit esgal à luy, voire aucuns tenoient qu'il le surpassoit, ce qui estoit faux, & croyoient que les Huguenots n'auroient point la creance, ny porteroient respect, creance & honneur à Monsieur l'Amiral comme à un Prin-

Prince, qui estoit un grand Prince du sang, & de grade & d'autorité, qu'ils avoient si bien honoré & tenu pour leur grand défenseur & protecteur, qu'aucuns furent si impudens de l'appeller leur Roy.

Mais il en arriva bien autrement, car de tant qu'il y en a eu, il n'y eut aucuns qui branlassent, fors un ou deux de ses plus privez, & tous se rangerent sous sa protection, autorité & obeissance, qui se targuant & couvrant de l'ombre de Messieurs les Princes de Navarre & de Condé, tous deux fort jeunes, conduisist si bien leur barque, qu'ils ne trouverent nullement à dire leur grand pilote mort, qui fut un grand heur & honneur à Monsieur l'Amiral, demeurèrent tous fermes & affectionnez à leur party.

Aussi il n'y a ligue, ny association si ferme ny si obstinée que celle qui se fait pour la Religion, & mesmes pour une nouvelle & contrainte, comme je tiens d'un grand personnage, & ce qui affermit & appuya encore mieux cette colomne, qu'on croyoit à demy panchée & tombante, ce furent leurs braves & vaillans Capitaines qui restèrent encore sur pied, comme Monsieur d'Andelot, l'un des vaillans &

renommez de la France, mais il mourut tost après, Monsieur de la Rochefoucault, tres-grand Seigneur en Guyenne, & qui avoit beaucoup de creance parmy ceux de la Religion du pais, & principalement parmy la Noblesse, de laquelle il estoit fort reveré.

Il estoit aussi fort vieux Capitaine, bien qu'il fust jeune pour les guerres estrangeres qu'il avoit veuës dès son petit âge, estant à la suite de Monsieur d'Orleans, & tousjours continué sous le Roy Henry, qui l'aymoit uniquement, & luy estoit plus privé & familier qu'aucuns de ses favoris, & se joüoient ordinairement ensemble, comme s'ils eussent esté pareils, car ledit Comte estoit de tres-bonne & tres-plaisante compagnie, & disoit des mieux le mot, au reste tres-bon Seigneur, & qui n'offensoit jamais personne; toutefois aux guerres civiles se voyant beaufrere du Prince, Roy des Huguenots, il devint un peu glorieux; mais quant à moy je ne le trouvay jamais tel, car il estoit trop de gaillarde humeur. Les bons trompettes des François, & Reistres parmy leurs clairons sonnoient souvent cette chanson & quinte:

Le Prince de Condé

Il a esté tué,

Mais

*Mais Monsieur l'Amiral
Est encor à cheval,
Avec la Rochefoucault,
Pour acheter tous ces Papaux, Papaux
Papaux.*

Il y avoit Monsieur de Mouÿ, un tres-brave & vaillant Capitaine, il le montra à la Bataille de Dreux, car ce fut luy qui fit la premiere charge, avec les cinquante ou soixante Casques blanches eslevées.

On le tenoit pour plus vaillant que sage Capitaine, mais il montra & l'un & l'autre, quand il conduisit le Duc des Deux Ponts jusques en Guyenne avec ses troupes, & prit la Charité contre une infinité d'obstacles qu'il trouva par les chemins. Il avoit aussi fort pratiqué les guerres estrangeres, & s'y estoit fait signaler bien fort.

Il y avoit aussi Monsieur de la Nouë, qui porte le nom aujourd'hui & à l'heure que je parle, du plus grand Capitaine de la France, pour les grandes experiences qu'on a connuës en luy, j'en parle ailleurs fort au long. Il y avoit aussi le Seigneur de la Louë, pareils en nom fors une lettre, & pareils aussi en valeur; il avoit eu charge de la venerie du Roy, mais il ne s'amusa tant à la chasse des cerfs que des hommes, & menoit mieux

& Monsieur l'Amiral l'allerent voir en son lit, & y tenir le conseil; à Monsieur le Prince il escahappa quelque mot de regner; Monsieur, (luy dit Monsieur de Briquemaud) il semble par vostre dire que vous tendez plus à l'ambition qu'à la Religion; je vous quitte si venez là, prenons le party de Dieu, autrement je me retire.

Ce page estoit alors en la chambre, qui ouït ces mots & me les dit depuis. Il y avoit aussi ce brave & déterminé Monsieur le Comte de Montgommery, que j'ay veu nommer de Dompneur de la Gascogne, & en peu de temps il s'en alla lever le siege de Navarrains, qui de soy-mesme se leva le sentant venir, & luy ne se contentant de cela, assaillit & prend en plein jour de prim'abord Monsieur le Baron de Terride, vieux, ancien, sage & bon Capitaine, fort estimé par les guerres passées du Piedmont, avec toutes ses troupes; retourne après triomphant à son bel aise, & se promene par la Gascogne, comme il luy plait sans aucune resistance.

De telle sorte que ce qu'on en disoit, on le reputoit plustost à miracle qu'à autre chose; je pense bien qu'il y a quelque Historien qui en parle, sur tout Monsieur de Montluc. J'en ay ouy conter
les

les Grands faits à Gentils-hommes qui estoient avec ledit Comte, que j'escrirois volontiers, mais on ne les sçauroit croire.

J'ay ouy conter de l'humeur de ce Capitaine, que c'estoit le plus nonchalant en sa charge, & aussi peu soucieux qu'il estoit possible, car il aymoit fort ses aises & le jeu; mais quand il avoit une fois le cul sur la selle, c'estoit le plus vaillant & soigneux Capitaine qu'on eust sceu voir, au reste si brave & vaillant qu'il assailloit tout, foible ou fort, qui se presentast devanc luy: aussi a-t-il fait de belles guerres, & y a esté tres-heureux, comme il fut dans Rouën, là où tint le siege plus long-tems que la forteresse, ny la place, ny l'armée devant composée de si grands Capitaines les plus grands de la France ne le requeroient.

Souffrit les assauts tant qu'il peut, & au dernier cedant à la fortune & combattant au dernier point, se retira bravement, & non si à la hâte qu'il cuida estre pris, & se voulant jetter dans l'esquif de la galere en laquelle il se mit, & tira vers le Havre; mais en chemin à Codedebec il rencontra une palissade, qui avoit esté faite si forte pour en garder le secours de la mer, qu'à vogue rancade il la faussa & se sauva bravement, qui fut un

un effort. Dequoy les bons mariniers des galeres s'en esbahirent pour jamais, bien qu'il n'y ait force pareille que d'une galere voguante à pleine voile & rame de toute force.

Aucuns disoient que c'estoit un miracle : d'autres disoient que celuy qui avoit eu la charge de faire la palissade, l'avoit faite de cet endroit foible, parce qu'on le soupçonnoit favoriser ce party.

Je ne le nommeray point, je parleray de ce Comte en d'autres lieux, ensemble de ses freres, Corboson, ou Saint-Jean, & le jeune l'Orge, tous braves & vaillans Gentils-hommes, que j'ay connus tels, & deux fort mes grands amis, & tous de la Religion.

Je parleray aussi de plusieurs autres bons Capitaines Huguenots; que si je voulois à cette heure particulariser, je ne scaurois fournir, tant il y en a eu de tres-bons, & de cheval & de pied, desquels je parle au chapitre des Colonels; car il faut confesser le vray, que l'on y a reconnu de braves & vaillantes gens & de bons Capitaines : & si en est venu après les morts de bons, qui ont vescu, & vivent depuis & à cette heure, comme j'ay ouï dire à gens plus clairvoyans que moy.

Ils n'ont appris que des morts, & si ne
les

les ont nullement surpassé. Ainsi fut le Prince de Condé accompagné de ces braves gens , & ainsi luy & Monsieur l'Amiral se sont fait craindre , & ont planté l'Evangile , qui bourgeonne & verdoye aujourd'huy encore , & sans lesquels il seroit sec & de couleur de feuille morte,

Et diray bien plus , que si tous ces bons Capitaines se fussent mis de nostre costé , & eussent fait pour le Roy , ils eussent esté tous Grands , tous honorez de grades , de nobles charges & pensions & ordres , & si en eussent esté mieux dignes & d'estre Mareschaux de France , que plusieurs que nous en avons veus.

Mais ce qui est un grand cas , ils avoient l'œil & le cœur si fort tendus à leur Religion , & l'embrasserent de telle devotion , qu'au diable s'ils s'en soucioient d'un seul brin de nos honneurs & estats , & comme je leur ay veu dire , & le monstrier par effets. Le Roy de Navarre Anthoine de Bourbon , fut frere aîné dudit Prince de Condé , qui soustint & favorisa au commencement les Huguenots ; aussi estoit-il de la Religion , disoit-on , & en sentoît dès le regne du Roy Henry , qu'il avoit son Ministre David , & le faisoit prescher où il passoit , car c'estoit en Careme , & le

le vis prescher à Poitiers que j'estois fort jeune.

Il le mena à la Cour, qui lors estoit à Fontainebleau ; mais ayant parlé à Monsieur le Cardinal de Lorraine, ledit David chia sur la Bible & le Ministre & tout.

Le Roi Henry ne trouva bon qu'il eust mené avec luy ce Ministre, qui ne portoit pourtant le titre de Ministre, mais de prescheur du Roy de la Reyne de Navarre, & par ce titre il n'estoit si odieux que par celuy de Ministre.

La Reyne de Navarre pour lors, qui estoit jeune, belle & tres-honneste Princesse, & qui aimoit bien autant une danse qu'un sermon, ne se plaisoit point à cette nouveauté de religion, ny tant qu'on eust bien dit, & pour ce je tiens de bon lieu, qu'elle le remontra un jour au Roy son mary, & luy dit tout à trac, que s'il se vouloit ruiner, & faire confisquer son bien, elle ne vouloit point perdre le sien, ny si peu qui luy estoit resté du Royaume des Roys ses predecesseurs, lesquels pour l'heresie avoient perdu le Royaume de Navarre ; heresie l'appelloit-elle, dautant que le Pape Jules avoit déclaré heretiques (mal à propos) tous ceux qui iroient encontre sa sentence donnée sur la confiscation dudit

dit Royaume : mais à aucuns j'ay ouï affirmer que ce nom d'heretique n'estoit pas bien adapté. Ce Roy, si la guerre Espagnole eust continué, avoit bien resolu d'en avoir sa raison sur l'Espagne, où il y avoit de bonnes entreprises, & s'aydoit du Roy de Fez, vers lequel il avoit envoyé en Ambassade les Capitaines Montmor, Gascon, & Melchior, Portugais, qui m'en entretint fort un jour à Lisbonne, où il s'estoit retiré après la mort dudit Roy, qu'il plaignoit fort & ses desseins, qui eussent facilement reüffy, & m'y fit toute bonne chere, ayant veu ma mere Dame d'honneur de la Reyne de Navarre en sa Cour & ne bougeoit d'avec moy à me faire montrer tout plein de singularitez, & quand j'allois voir le Roy & la Reyne, sœur de l'Empereur encore restée de toutes les autres, qui se portoit fort bien.

Les desseins de ce Roy n'estoient pas petits, & l'alliance avec ce Roy de Fez tres-bonne & ferme.

La Reyne sa femme changea bien après, car son mary se changea en Catholique, & elle se changea en Huguenote tres-ferme.

Le Roy Henry mort, & le Roy François venu à la Couronne, l'on eut quelque

que petit soupçon que ledit Roy de Navarre sçavoit quelque chose de la conjuration d'Amboise, d'autant que les principaux conjurateurs estoient de son Gouvernement, voire aucuns de ses vassaux & serviteurs : toutefois cette raison estoit foible ; mais bien forte celle qu'ils estoient de la Religion, que ledit Roy sous main tousjours embrassoit & favorisoit, ainsi qu'il le fit paroistre fort à descouvert quand le Roy Charles vint à la Couronne & qu'il fut Regent par la menée des Estats, par un Edit fait, qu'on n'eust plus à parler de la conjuration d'Amboise ny en rechercher ceux qui en estoient soupçonnez : dont j'en vis aucuns Huguenots qui en estoient bien-aisés, que je connois, & disoient ces paroles : Or hier nous n'estions pas de la conjuration d'Amboise, & ne l'eussions pas dit pour tout l'or du monde ; mais aujourd'huy nous le disons pour un escu, & que l'entreprise estoit bonne & sainte. L'innocence de Monsieur le Prince fut publiée avec l'Edit de Juillet, le Colloque de Poissy après se moyenna par l'Edit du Roy de Navarre, & ce fut luy qui à ses propres despens (ce disoit-on) envoya querir les Ministres estrangers pour s'y trouver ; & ce fut un Gentilhomme qui estoit à luy, & s'appelloit Mon-

Monſieur d'Eſtourneau, mon voiſin & bon amy, qui les alla querir & les mena en France : depuis il eſt mort Maiſtre d'Hoſtel du Roy d'aujourd'huy : & furent leſdits Miniſtres retournez par ledit Gentil-homme ; qui m'a tout conté, tres-content & bien ſalariez de la bourse dudit Roy.

Ce ne fut pas tout, car il fit faire & publier l'Edit de Janvier, & rien ne voyoit-on à la Cour que Miniſtres, & n'oyoit-on que preſches, ne quitant pour cela la Meſſe par beau ſemblant.

Je retournois alors d'Eſcoſſe, ayant conduit la Reyne, que moy & mes compagnons, qui pouvions eſtre environ cent Gentils-hommes, ſuivant Monſieur le grand Prieur de Lorraine, & d'Anville, quand nous viſmes ce changement nouveau depuis noſtre depart, nous fuſmes bien eſtonnez.

Sur ce le Pape & le Roy d'Eſpagne ne dorment pas, & font tant qu'ils gagnent ledit Roy par belles paroles & offres de le recompenser de ſon Royaume de Navarre par celui de Sardaigne, qui n'eſtoit pourtant ſi grand & ſi riche que celui de Navarre, en ce qu'il vouluſt ſouſtenir la religion Catholique, & employer ſa puiſſance pour extirper l'heresie.

À quoy

A quoy il preste l'oreille tres-volontiers; car & qu'est la chose qu'on ne fasse pour regner? Et pour ce le Sieur des Cars son grand favory, qui estoit tres-bon Catholique, fut envoyé vers le Pape, duquel il fut tres-bien receu & renvoyé vers son maistre, plus plein de belles paroles & grandes promesses, que d'autres choses & presens; toutefois si bien gagné, outre le bon zele qu'il portoit à sa religion, qu'il reduisit du tout le Roy son maistre à la demande du Pape: dont s'en ensuivit la guerre civile, dans laquelle il s'embarqua si bien qu'il y estoit plus avant & en severité plus grande contre le Huguenots que le Triumvirat mesme.

Aussi fit-on de luy un pasquin, qu'il n'y avoit rien pire qu'un renegat; & sur ce alleguoient les renegats d'Alger & d'ailleurs: & un autre où ils faisoient une anatomie, où ils n'y peurent jamais trouver de cœur ny de fiel, y ayant appelé tous les meilleurs Medecins & Chirurgiens de la France.

Si estoit-il brave, vaillant, tout plein de courage, mais il avoit de la bonté, & pour ce on le peignoit ainsi. Il ne laissa, étant ainsi embarqué en la Catholique, à se souvenir de son profit particulier, & des promesses qu'on luy avoit

faites, & pour ce dépescha le President de Selva, fort digne homme de son estat, vers le Roy d'Espagne, mais le malheur ! il fut pris, & mené à Orleans, où sans Monsieur le Prince il couroit fortune de la vie, en eschange de l'exécution qu'on avoit faite à Rouen du President Mandreville, duquel la mort devoit estre expiée par la mort égale d'un autre President.

En tout cette guerre, pour si peu de temps que ledit Roy la mena comme Lieutenant general du Roy, ils'y montra fort animé, brave, vaillant, courageux, eschauffé, colere, & prompt à en faire pendre, comme j'ay veu. Aussi les Huguenots l'en haïssoient comme un beau Diable, & le dépeignoient de vilaines injures que j'ometts ; car ces Messieurs sçavent aussi-bien mal dire, que bien dire.

Le siege de Roüen se fit, où il n'esparigna ses pas ny sa peau, non plus que le moindre soldat du monde. Si bien que luy s'appareillant pour aller à l'affaut, moitié mené du brave & genereux courage qu'il à toujors possédé, moitié d'ambition & d'emulation qu'il portoit de tout temps à Mr. de Guise, qui en telles factions se hazardoit tousjours des plus avant, comme j'ay dit, estant dans
le

le fossé, & prest à monter, ainsi qu'il s'estoit tourné pour passer, (dont il en fut fait un epitaphe, que j'ometts pour reverence,) il eut une grande harquebusade dans l'espaule, mesme coup quasi qu'eut après Monsieur de Guise, dont il tomba à demy, & rendit sa gorge. Aussi-tost il fut jugé à mort par les Chirurgiens, & Medecins, ainsi qu'après quelques jours qu'on pensoit qu'il en eschapperoit, il mourut, repentant (ce disoient aucuns) d'avoir ainsi changé de Religion, & resolu de remettre la Reformée mieux que jamais, ainsi qu'il le manda à Monsieur le Prince son frere, par un sien Maistre d'Hostel, qu'on appelloit Osquerque, qu'il avoit envoyé vers luy le visiter.

Cela se disoit parmy aucuns de nous autres: au contraire du Roy Henry d'Angleterre, qui sur la fin de ses jours voulut remettre la Religion Catholique; il estoit temps vraiment, après tant de maux faits.

Dé sorte qu'il ne fut gueres regretté, car il estoit en termes de brouiller. D'autres le regretterent fort, car il estoit tout bon & gentil Prince, & mesme la Reine mere, qui, tousjours apprehensible, avoit opinion que comme Grand qu'il estoit, il retenoit plusieurs

Capitaines, Gentils-hommes, soldats & autres, qui sans luy fussent de l'autre côté avec le Prince, qui aymoient mieux estre avec l'aîné & le chef des armes & du nom, qu'avec le cadet, & que luy mort à veuë d'œil on les verroit tous disparus de l'armée du Roy, & les uns après les autres iroient trouver Monsieur le Prince.

Mais Mr. de Guise, qui n'estoit peureux, assëura la Reyne & luy dit, Non, non, Madame, n'entrez point en telle crainte & apprehension, car pour moins d'un rien je vous en releve; la bande, qui en partira de l'armée du Roy, en sera fort petite; ce que je ne croy encore, & si elle en part, ce sera autant la purger & bien nettoier, & n'y restera que le beau grain, pur & net; ce qui sera le meilleur pour nous: car là où il y a des traistres & gens doubles, tout va mal: & s'il y en reste, je les tiendray si court & les feray si bien veiller, qu'ils n'oseront seulement faire trembler une feuille d'arbre.

Je tiens ce conte d'un grand Seigneur, qui estoit alors present, & c'estoit en la chambre de la Reine à son coucher, qui commença à se rassurer & connoistre à veuë d'œil le vray de ce que luy dit Mr. de Guise, qui pourtant regretta
le-

l'edit Roy, car ils estoient cousins germains & grands amis de longue main, dès que ce Roy étoit Mr. de Vendôme, Lieutenant de Roy en Picardie, & appelloit tousjours Mr. de Guise, mon compagnon. Cela s'entend quand il estoit en sa grandeur; & Mr. de Guise l'appelloit Monsieur, quelquefois Mr. mon cousin. Le Roy de Navarre l'y appelloit aussi, & quelquefois Seigneur cousin. Enfin souvent ils se divertissoient par appellations, comme il leur venoit en humeur, ainsi que je l'ay veu.

Mais quand il vint en sa grandeur de Regent, il ne l'appelloit jamais que mon compagnon; car on luy donnoit la reputation que ç'a esté l'homme qui s'est plus perdu en sa prospérité & faveur de fortune, estant devenu fort arrogant, pour l'avoir veu comme on l'avoit veu fort petit & bas de fortune, bien qu'il fut tres grand en tout, de race, de maison, de grandeur, d'autorité, de mérite, de valeur & de vertu, mais non de fortune qu'il eut après. Au reste, il devint, disoit-on, ingrat un peu à l'endroit d'aucuns des siens, qui l'avoient suivy en son adversité, & peu vindicatifs envers ceux qui luy avoient fait du deplaisir & offensé, & l'avoient quit-

té pour aller ailleurs ; ainſi qu'il fit envers Mr. de Beauvais Naugy, un tres-fage, vaillant & brave Capitaine, qui avoit eü des belles & grandes charges, & mourut vaillamment, (diſent les Histoires) qu'il avoit pouſſé & avancé & fait ſon Lieutenant de gendarmes quand il eſtoit en Picardie, qui le quitta pour aller à Mr. de Guiſe : dont il luy en voulut mal mortel, juſques à l'en menacer, ce que l'autre craignit fort quand il vint à ſa regence. Mais rien pour cela, car plus grands amis que devant. Dont je ſçay ce que l'on en dit alors à la Cour. Telles bontez pourtant ſont fort à louer, & telles nonchalances de vindiſtes tres à priſer parmy les Roys, Princes & grands Seigneurs, ainſi que je ſçay bien l'enſuivre en cela noſtre Roy d'aujourd'huy ſon fils, qui d'autant plus en approche de Dieu, lequel defend les vengeanceſ : dont j'eſpere alleguer force notables exemples de ſa genereuſe bonté en ſa vie.

On ne donna que ces deux vices à ce grand Roy Antoine : ſinon auſſi qu'il eſtoit fort adonné à l'amour : mais qui ont eſté les Roys & les Grands qui n'avoient aimé des Dames ? Autrement ils ſont dénaturez & adonnez au grand & enorme vice.

Pour

Pour le reste il estoit tres-bien né, brave & vaillant, car de cette race de Bourbon il n'y en a point d'autres, estant de belle taille & plus haute de beaucoup que celle de tous Messieurs ses freres, la Majesté toute pareille, la parole & l'éloquence tres-bonne. Il acquit & laissa après soy une tres-belle réputation en Picardie & en Flandres, quand il fut Lieutenant de Roy, & quand ils'en alla Roy de Navarre commander en Guyenne; car il conserva tres-bien à ses Roys ces pays, & si en conquesta.

De sorte qu'on ne parloit en cela que de Mr. de Vendosme, mal recompensé pourtant de ces Roys, & mesmes du Roy Henry, quand il l'oublia en son traité de paix entre luy & le Roy d'Espagne, qu'il ne se fit aucune mention du recouvrement de son Royaume de Navarre, d'un seul petit trait de plume & en voulut long-temps mal à Monsieur le Connestable.

Et certes il y eut du tort; car ce Prince avoit tres-fidelement servy la Couronne de France, pour laquelle soustenir, au moins les siens, la Reyne Jeanne étoit desheritée, & estoit aussi cousine germaine du Roy, & tres-bonne & vertueuse Princesse.

Ce brave Roy , & Mr. de Guise contendoient si fort ensemble en compéti-
ce de gloire , que toutes leurs actions de
guerre tendoient à l'envy à qui feroit
mieux. A l'affaut de Linars y voyant al-
ler Mr. de Guise, où il y fut fort blessé, il
y voulut aller tout Lieutenant de Roy
qu'il fust.

Les petites emulations pourtant se
convertirent après en inimitiez sourdes,
sans se descouvrir pourtant, & mesmes
quand il vit Mr. de Guise si ennobly de
beaux faits , & qu'on ne parloit que de
luy , & qu'il le voyoit si bien avancé &
favori de son Roy.

Si bien que parmy leurs pages & la-
quais des uns & des autres, on voyoit
faire des quadrilles & des parties, & crier
à la Cour, Bourbon, Bourbon, à part Gui-
se, Guise & Lorraine à part.

Ces petites choses piquent quelque-
fois autant ou plus que des grandes , si
qu'il en cuida arriver une grosse batterie
entre cette race de pages & laquais, sans
Mr. de Brezay, qui les estrilla bien une
fois, & ce durant le Roy Henry.

Le Roy François venant en regne , là
fut la grande pique & l'inimitié à cause
que Mr. de Guise ne luy ceda l'autorité
& préeminence de tout l'Estat, mais non
qu'il en vinst grande rumeur & esclandre
descouvert. J'en

J'en parle ailleurs : le Roy Charles vint après à regner, & le Roy de Navarre en vogue, comme j'ay parlé au discours de Mr. de Guise, & ailleurs au discours de Mr. le Connestable ; il y eut bien quelque petite brouillerie, mais tout se passa doucement, & la guerre civile venue jamais ne furent mieux.

Voilà ce qu'en bref j'en puis dire, sinon que pour bien achever la gloire & ses louanges, je dis quand en son temps il n'auroit fait autres belles choses que d'avoir fait & procréé nostre grand Roy d'aujourd'huy Henry IV. il a fait beaucoup & est digne de tres-grandes & incomparables louanges, à qui la France doit tout son bonheur, ainsi qu'on dit tout au contraire d'Agrippine, mere de Neron, que quand elle n'eust fait autre mal que d'avoir conçu & engendré Neron, elle meritoit la mort & estoit indigne de tout los.

Ce grand Roy de Navarre eut encore deux tres-braves & vaillans freres, les deux Messieurs d'Anguien, l'un celuy qui gagna la bataille de Cerizoles, duquel j'ay parle cy-devant, & l'autre qui mourut à la bataille de Saint-Quentin, jeune Prince, qui promettoit tant de luy, que s'il eust vescu, il n'eust rien

cedé à tous Messieurs ses freres , ainfi qu'il le montra à fa mort , qu'il pouvoit efchapper , comme d'autres qui fuirent.

Mais il ayma mieux faire cette glorieufe fin à cette bataille : mefme Monsieur de Nevers , beaufrere de ces quatre Princes de Bourbon , pour avoir espoufé Marguerite de Bourbon leur fœur , s'y trouva lequel après avoir combattu & fait ce que Prince d'honneur & de valeur peut faire , & voyant devant fes yeux une fi miferable perte , fit fa retraite honorable dans la Fere, ralliant ce qu'il peut des fiens à foy , où il fervit beaucoup le Roy , & toute la France , car avec fi peu d'hommes qu'il amaffa , il refit encore un petit corps d'armée , & fit tenir l'ennemay en cervelle & en bride , qui vouloit tirer plus avant.

Si bien qu'ayant envoyé un trompette vers le Prince de Piedmont pour reconnoître les morts & recommander les prifonniers, Comment (luy dit Mr. le Prince) trompette, vous me venez-icy parler de la part de Mr. de Nevers? Vous eftes un menteur , je vous feray pendre ; il eft mort, je le fçay bien.

Mais quelque parole que luy peut dire le trompette contraire à la fienne , il ne
le

le peut croire , le menaçant tous-jours de le faire pendre , à quoy se fousmit le trompette s'il n'estoit vray, dont Monsieur le Prince en demeura esbahy & fasché , & dit à aucuns des siens , S'il est vray , comme il le sceut tost après, le Roy de France n'a pas perdu tous ses bons Capitaines , comme en voilà encore un des siens sur pied , qui nous donnera encore bien de l'affaire , & nous empeschera de faire tout ce que nous eussions bien voulu.

Ce tesmoignage d'un tel Prince ne fut pas petit pour la valeur & suffisance de Mr. de Nevers , ainsi qu'il le fit paroistre , car il fit tousjours bonne mine & reste si bien à l'ennemy , que le Roy Henry eut loisir de redresser une armée bonne & bien gaillarde , dont il l'en fit son Lieutenant general , ayant auparavant mis si bel ordre & garnisons dans les places , que l'ennemy ne fit pas ce qu'il pensoit.

Voilà la grande obligation que le Roy & son Royaume eurent à Monsieur de Nevers , car sans luy , sa sagesse & valeur , tout fust allé mal. Ce ne fut pas le premier ny le dernier service qu'il fit à son Roy , car estant Lieutenant de Roy en Champagne , comme certes il l'a

tres dignement & fidelement servy en cette charge , il facilita fort le voyage d'Allemagne & le retour du Roy , & luy assëura aussi fort son chemin pour entrer au Pais de Liege , ayant mis en l'obeïssance de sa Majesté les fors dessus la rivière de Meuse comme jamais & autres, qui fut la cause de la prise de Dinant & Bouvines.

Il fatigua fort aussi le siege de Mets, si bien qu'il empeschoit fort les courses de l'ennemy qui estoit devant , qui ne se pouvoit estendre gueres au loin dans la France ny Champagne , pour recouvrer vivres, comme il eust bien fait sans les courses ordinaires de Monsieur de Nevers , qui estoit quasi tousjours à cheval , ou y envoyoit pour les empêcher.

Si bien que cela engendra une si grande famine au camp de l'Empereur, qu'il faloit qu'il y fust venir les vivres de de-là, qui n'y peut à la fin fournir. Il servit aussi tres-bien le Roy à l'envitaillement de Mariembourg avec Monsieur l'Amiral, qui estant venu joindre Monsieur de Nevers en Champagne, & leurs forces jointes ensemble, en vitallèrent cette place, avec toutes les peines pourtant & tous les maux du monde, tous les froids & pluyes que jamais hyver produisit.

Car

Car ce fut au commencement de Novembre & à la barbe du Prince d'Oránge, qui avoit une bonne armée de l'Empereur, & Reyne Marie pour l'empêcher, & menaçoit à tous coups de les combattre.

Mais Messieurs de Nevers & Amiral firent ce coup-là fort heureusement, se retirerent de mesmes, qui fut une tres-belle execution, que le Roy admira fort, & tout le monde, puis qu'il falut combattre le ciel, qui est une grande impossibilité. Tant d'autres beaux exploits a fait ce Prince, qui ne se peuvent escrire pour leur prolixité, & aussi que nos Histoires en parlent prou.

Car de toutes les guerres l'Empereur n'a jamais peu enjamber sur son Gouvernement ; mais luy souvent gaignoit sur ses terres. Il accompagna aussi Monsieur de Guise, & l'assista bien à la prise de Thionville. Bref, ce Prince a esté, tant qu'il a vescu, tres-utile à son Roy, aussi estoit-il tres sage & tres-bon Capitaine : il ne pouvoit estre autrement, estant issu de cette grande maison de Cleves, où il y a eu de tout temps de tres bons hommes de guerre & grands Capitaines, comme de frais fut son grand pere Messire Engilbert, de Cleves, qui accompagna le Roy Charles VIII.

au Royaume de Naples, & qui fut l'un des conducteurs des Suiffes à la bataille de Fornouë, qui les y fit si bien & si vaillamment combattre, luy à la teste, comme gentil-Prince & vaillant Colonel. Luy & son fils n'estoient que Comtes d'une des nobles & grandes Comtez de France, & Monsieur de Nevers, François de Cleves, duquel je parle, en fut le premier Duc, qui certes monstroit bien qu'il estoit issu d'une tres grande & tres-illustre maison.

Car il estoit tres-grand, tres-riche & tres-opulent, & avec cela très-magnifique, splendide & tres-liberal s'il en fut oncques, despensant fort; tenant grande maison tousjours à la Cour & aux armées, un tres-beau & fort paisible grand joueur, ne se souciant point de l'argent; & toutefois sa maison tant bien reglée & allant tant bien, que nul n'en portoit mal content, & paroissoit bien par ces grandes despenses qu'il y avoit un grand fonds en cette maison, comme depuis il a apparu aux partages de Mesdames ses filles, avec tout cela un tres-homme de bien & d'honneur, & nullement coquin ny pressant demandeur après son Roy;

Car, à ce que j'ay ouï dire à ce grand Monsieur de Vyginacre & grand favory,
il

il s'est peu reffenty des grands bienfaits de ses Roys. Il espousa en secondes nocces Madame d'Anguien, sa cousine du costé de feu sa femme, & qui estoit aussi cousine de feu Monsieur d'Anguien, car elle estoit fille de Monsieur de Saint-Pol & de Madame de Touthville, heritiere.

Il n'eut d'elle aucune lignée, mais elle eut de luy un bon avantage de sa maison. Il mourut de sa belle mort, & laissa son heritier Monsieur le Comte d'Heu, que nous avons appellé ainsi, & puis Monsieur de Nevers, car il ne survescut gueres son pere. Il mourut à la bataille de Dreux par un tres-grand inconvenient, car ainsi qu'il alloit à la charge avec Monsieur de Guise, il y avoit près de luy Monsieur Blanc, enseigne de Monsieur de Guise, qui tenant son pistolet couché sur le devant de la selle de son cheval, Monsieur de Nevers luy dit, Mon compagnon, tenez vostre pistolet haut, car s'il delache, vous m'en donnerez dans la cuisse. Il n'eut pas plustost dit ce mot, que le pistolet se delache & luy donne le coup qu'il craignoit.

Si ne laissa-t-il de combattre de toute furie & desespoir; mais il falut de la douleur qu'il s'allast faire panser: après il mourut, dont ce fut un tres-grand dom-

dommage ; car il n'eust rien deu à ses braves predecesseurs, ainsi qu'il promettoit par sa belle façon, & par la pratique de guerre qu'il avoit faite ; car n'ayant pas quinze ans il fit le voyage de Monsieur de Guise en Italie, en charge de deux cens chevaux legers, de laquelle il s'en acquitta tres-dignement, & puis la continua aux autres guerres jusques à la paix faite.

C'estoit le plus beau Prince, à mon avis, que j'aye jamais veu, & le plus doux, & le plus aymable : Nous le tenions tel parmy nous, & lors qu'il s'en alla espouser Madame sa femme en Espagne, fille de Monsieur de Montpensier, il y fut aussi tout tel estimé & admiré autant de ceux de la Cour que de tout le Païs.

Ce fut tres grande perte de ce Prince. Il laissa son jeune frere, que nous appellons le Marquis d'Isbe, son successeur & heritier, qui mourut aussi fort jeune & avoit épousé Mademoiselle de Bouillon, une tres-belle & honneste Princesse, & qui l'est encore telle, bien qu'elle s'avance sur l'âge ; mais il ne luy fait encore aucun tort à sa beauté.

Ce Prince, qui s'appelloit Jaques de Cleves, s'il eust vescu, bien qu'il fust de foible habitude, si promettoit-il beaucoup

coup de soy , car il avoit en luy beaucoup de vertu. Tous ces deux Messieurs de Nevers freres ne demurerent gueres possesseurs de ces belles terres & grands biens que Monsieur leur pere leur laissa, car estant ainsi morts jeunes, ils les laisserent à Mesdames leurs sœurs, qui furent Mesdames de Nevers, de Guise & la Princesse de Condé, trois Princesses aussi accomplies de toutes les beautez de corps à mon gré, comme d'esprit qu'on ayt point veues.

Si bien que quand nous parlions à la Cour de ces trois Princesses, bien souvent nous les disions les trois Grâces de jadis, tant elles en avoient de ressemblance ; & comme de vray, je les ay veuës tres-belles, tres-bonnes & tres-aymables. J'espere en parler ailleurs au traité que je feray des Dames.

Le Seigneur Ludovic de Mantoüe espousa Mademoiselle Henriette de Nevers ou de Cleves, fille aînée, & pour ce la Duché luy escheut, & ledit Seigneur fut Duc de Nevers. Il avoit esté nourry du Roy Henry près Monsieur le Dauphin & en sa Cour, si bien qu'il fut tres-bon & loyal François, de telle sorte qu'estant pris fort jeune à la bataille de Saint-Quentin, où il combattit tres-vaillamment & acquit beau-

beaucoup de reputation , le Seigneur Ferdinand de Gonsague son oncle, après l'avoir fort careffé, luy dit qu'il falloit desormais tenir le party du Roy d'Espagne, qui luy laisseroit sa rançon, & luy feroit de tres beaux avantages; il luy respondit qu'il avoit la croix blanche si gravée dans son cœur, à cause de la belle nourriture qu'il avoit eüe du Roy de France, & le bon traitement qu'il en recevoit ordinairement, qu'il ne le sçau-roit faire.

De telle responce si genereuse, son oncle l'en estima davantage. Tout jeune qu'il estoit, il a tousjours promis qu'il feroit un jour grand Capitaine. Il estoit de son naturel fort froid & moderé, & n'estoit nullement éventé, comme plusieurs jeunes gens de sa volée.

Mais pourtant quand il se faisoit quelques belles parties, ou de cheval ou de pied, il en estoit tousjours, & si s'en acquittoit tres-dignement, & sa partie paroissoit fort, comme il fit à Bayonne en plusieurs endroits, comme je l'ay veu bien fort paroistre, car il estoit fort adroit à tout, & avoit avec luy tousjours une belle suite de Gentils-hommes, tant de ses vassaux que de la Cour, & de ceux qui avoient servy Messieurs ses beaux-freres.

Il estoit un tres-beau Prince, agreable & de belle haute taille, mais elle se gasta par ce malheureux coup qu'il eut à la jambe aux seconds troubles, estant Lieutenant de Roy en Piedmont & Marquisat de Saluces, il fut commandé d'emmener les vieilles bandes par de-là avec quelque Cavalerie legere; ce qu'il fit, & vint trouver Monsieur nostre General à Vitry, comme je vis, avec de belles forces avec luy. En venant il fit tout plein de beaux effets, car il y prit force places que tenoient les Huguenots, dont Mascon en fut une, qui tint bon & se laissa bien battre & assaillir, car il y avoit de bons hommes dedans avec le Sieur de la Cliette qui commandoit, brave Gentil-homme, certes, qui avoit d'autrefois suivy Monsieur d'Anville aux guerres du Piedmont. De sa maison estoient sortis autrefois de bons & braves gens, entr'autres le bastard de la Cliette, qui fut en son temps Lieutenant de cent hommes d'armes de Monsieur de Bourbon, estant Conestable de France.

Enfin ladite place de Mascon fut prise avec beaucoup de reputation de Mr. de Nevers & de ses gens; & si le Roy ne lui eust mandé de venir aussi-tost joindre Monsieur son frere, il y eut fait de bons services en Dauphiné, Lyonnois, & Bour-

Bourgogne. Estant donc arrivé en nôtre armée, il demanda congé d'aller jusques à Nevers voir Madame sa femme, qu'il n'avoit veüe il y avoit long-temps. En y allant il vint à rencontrer quelques Gentils-hommes Huguenots, qui alloient à l'armée, dont la plus-part estoient ses vassaux & voisins, sans dire gare il les chargea, & en porta par terre un & son vassal, qui tout par terre lui deschargea son pistolet à la jambe vers le genou, & le blessa tellement que l'on en attendit plustost & long-tems la mort que la vie.

Mais pour avoir esté bien secouru de bons Chirurgiens, & par la bonne assistance de Madame sa femme, il eut la vie sauve, mais il demeura ainsi estropié, comme nous l'avons veu, & tres-mal sain toute sa vie, dont ce fut un tres-grand dommage, car il estoit un tres-beau & bon Prince, & ne laissa pour tout cela à bien servir le Roy & se trouver en toutes les bonnes occasions qu'il falloit.

Au siege de la Rochelle je l'y ay veu peiner & travailler comme s'il eust esté le plus sain & gaillard du monde. Il faut que je die, & d'autres avec moy, que l'une des belles choses qui s'y soient faites, fut celle que Monsieur de Nevers in-

inventâ & ordonna, qui fut l'escalade que nous donnâmes le plein jour, le matin à six heures en Esté: ce que l'on trouva estrange, le matin à plein jour donner une escalade; mais il la debatit si bien au Conseil du Roy qu'il fut creu, & si l'on s'y fust gouverné la place étoit nostre.

L'entreprise estoit telle que toute la nuit devant on ne fit que donner des fausses alarmes à ceux de dedans, & tirer si haut qu'ils furent si fort fatiguez, que le lendemain les alarmes cessant, & croyant que tout s'estoit passé, ils se mirent tous à dormir & chacun tirer en son logis & laisserent la garde du retranchement si foible, & encore demeura-t-elle si fort endormie & assoupie, que nous eûmes un bon loisir de faire nostre escalade.

Le Roy de Navarre, qui ne venoit que de frais dresser sa garde, pria Mr. qu'il fist la premiere pointe, qui la fit tres bien, & la fit beau voir à tous leurs beau mandils neufs de velours jaune, avec du passement d'argent & noir. Entr'autres premiers fut un la Flesche d'Anjou, un la Cassagne, & un la Tour, Gascons, qui ne venoient que de frais du siege de Monts, d'avec Monsieur de la Nouë, tres-braves & renommez soldats.

En

En ce siege on leur avoit commandé que quand ils seroient montez sur le rempart, qu'ils avisassent bien la contenance de l'ennemy, & fissent signe s'il y faisoit bon, & qu'ils firent bien: mais au lieu d'attendre que quatre ou cinq cens montassent, comme les uns après les autres, ils y alloient tant qu'ils pouvoient, & ne leur en donnerent le loisir & se mirent tous à crier, Dedans, dedans, ils sont à nous, & donnerent si grande alarme que l'ennemy s'esveille, s'assure, prend les armes, commence à tirer à ceux des nostres qui estoient montez, qui prirent l'espouvante de telle façon que nous les vismes tomber avec si grande confusion & peur sur nous, qui estions prests à monter, & à deux eschellons, qu'ils nous renverserent par terre, & cuidasmes estre crevez, & mesmes les corcelets.

Monsieur de Longueville, qui estoit ce jour-là de garde à son tour, comme estoient tous les Grands avec leur suite, estoit déjà au premier eschellon, tant il estoit vaillant. Monsieur de Strozze & moy, qui estions avec luy, cuidasmes aussi estre tuez de deux grenades, qui nous tomberent à nos pieds, par ainsi tout cessa.

Voilà

Voilà la faute que nous fîmes en cette belle entreprise, sans laquelle nous eussions bien donné de l'affaire à la ville, car ceux de dedans me le dirent bien après, que je fus parlementer avec eux. Il y en a aujourd'huy encore force vivans qui le peuvent dire. Il y en eut aucuns qui soupçonnerent ces deux soldats nostres, qui estoient Huguenots, avoir donné à dessein cette alarme, par l'avis d'une que je ne nomme point, pour les avertir & esveiller, car ils estoient tous endormis.

Toutefois ces pauvres soldats y furent fort blesez & moururent quelques jours après, qui fut dommage, car ils estoient braves & vieux soldats.

Le Roy de Navarre les regretta fort, qui me les mena voir panser en une sale basse, où ils estoient couchez. Il s'en peut bien souvenir possible encore. Je leur demanday sur quoi ils donnerent ainsi cette alarme & ce cri. Ils me dirent qu'ils les voyoient ainsi esveillez déjà & grouiller en rumeur, & branler & crier bellement aux armes, & que s'il y eust eu avec eux seulement deux cens hommes, & eussent donné, ils gaignoient le retranchement.

Voilà nostre entreprise d'escalade tres-bien inventée par Mr. de Nevers, & mal executée par nous : car il estoit tres-

tres-ingenieux, & n'avoit faite d'inventions, & les premeditoit & confideroit bien avant, car il n'alloit point viste en besogne.

Aussi le Roy de Navarre & les Huguenots disoient de luy, quand il alla avec son armée encontr'eux en Poitou, il nous faut craindre Mr. de Nevers avec ses pas de plomb, & son compas en la main, comme de vray il a esté un tres-sage & meur Capitaine, & le leur fit bien paroistre; car au beau mitan de l'Hyver froidureux, pluvieux & fangeux, prit en peu de temps Mauleon & Montagut, dans lequel il y avoit un bon homme dedans, Mr. du Preau, Gouverneur de Chastelleraut, qui a fait beaucoup de belles preuves de sa valeur aux guerres de Flandres l'espace de six ans, & en France, comme je dis ailleurs, & acquit beaucoup d'honneur en la defense de cette place; car elle ne venoit que d'estre demantelé par le Marechal de Rets, & tres-mal fortifiée depuis. Il prit aussi la Ganache & autres places, & sans qu'il fut mandé par le Roy, après la mort de Mr. de Guise, pour aller secourir la citadelle d'Orleans, il eust fait autres conquestes & expéditions. Lors que Monsieur frere du Roy partit de la Cour & prit les armes, il fut fait Lieutenant de Roy & com-

commandé par luy de la suivre & luy rompre ses desseins.

De sorte qu'à la Cour cela se disoit, que pour attraper Monsieur, qui s'en alloit à belle erre, le Roy y avoit envoyé un boitieux ; mais pourtant si la Reyne ne fust intervenüe, qui vouloit adoucir tout, il l'attrappoit à bon escient, & luy eust pratiqué le proverbe, *qui va piano va lontano* : car il luy dressoit une belle entreprise que je sçay. Il me fit cet honneur de me la communiquer à Bonneval en Beauffe, ainsi que nous le suivions vers la riviere de Loire, d'où nous luy allions bien empêcher & couper le passage & de venir en Guyenne.

Mais la Reyne luy manda une nuit un courier, & commanda de ne passer plus outre ; parquoy il se retira à Paris. Or plusieurs s'enquirent lors que la ligue commença à s'eslever, après la mort de Monsieur de Guise, que Monsieur de Nevers ne s'y enfonça bien avant ; ce que l'on croyoit, d'autant qu'il avoit esté des premiers avec le Marechal de Rets à la bastir ; mais il n'en fit rien, car cette guerre se fit plustost contre le Roy & pour vengeance, que contre la Religion ; & luy estoit fort serviteur du Roy & de l'Estat, ainsi qu'il le fit bien

paroitre après la mort du Roy : car il tint le party du Roy bien qu'il fust de la Religion, & luy voyant que l'Estat s'en alloit perdu & dissipé, si nostre Roy, qui estoit legitime & de tout droit vray Roy, n'estoit maintenu en son siege & autorité, se mit de son costé ; aussi qu'il avoit le cœur si grand & haut, que pour un demy Royaume il n'eust pas voulu obeïr à Mr. du Mayne, car il se sentoît aussi grand que luy en dignité, autorité & tout, & plus vieux & pratic Capitaine.

De plus, il avoit si grande fiance en Dieu que nostre Roy se feroit Catholique, & pour ce le Royaume en branle se pourroit relever & appuyer tres-bien par cette conversion, ainsi que nous le voyons à l'œil. Ce ne fut pas tout, car il alla vers le Pape pour interceder pour le Roy à le vouloir recevoir en son giron, & en celuy de l'Eglise ; il y peü beaucoup, & y alla à ses propres despens qui fut grande peine à ce bon Prince mal dispos & cassé, entreprendre si lointain & fascheux voyage.

Sa Sainteté enfin ravisée & voyant le bon effects de la Religion Catholique dont le Roy usoit, tout est bien allé Dieu mercy, comme nous voyons. ne faut point demander si mondit Sieur

de Nevers fut aise de voir une telle conversion, & mieux que jamais le servit, tant en son Gouvernement de Champagne, qu'aux armées avec le Roy & ailleurs, son Lieutenant general: si on l'eust attendu lors que Mr. l'Amiral de Villars fut defeat vers Dorlens, tout en fust allé mieux, & il ne tint pas à luy, car il venoit à belles journées, & se hastant tant qu'il pouvoit, manda bien qu'on l'attendist. Cette defaite porta ce coup un grand prejudice au service du Roy, & une fort grande perte d'environ quatre à cinq cens Gentils-hommes, comme j'ay ouy dire: ainsi qu'il fit aussi à la prise de Cambray, là où ce bon Prince, tres-loyal & tres-generoux, envoya Monsieur son fils se perdre dedans, (n'ayant pas encore quinze ans) pour le secourir & garder, & y entra si heureusement, autant conduit par son bonheur & par sa vaillance, que par la prevoyance & le bon ordre que luy ordonna ce sage Capitaine Monsieur son pere: dont en cela on ne scauroit assez louer sa genereuse bonté & son loyal zele, d'avoir ainsi exposé, pour le service de son Roy & du Royaume, Monsieur son fils, n'ayant que celuy-là, qui estant seans se montra si assuré & courageux, qu'il se jettoit ordinairement

rement aux hazards comme le moindre soldat de leans.

Mais il faut pourtant céder à la nécessité & à la force ; dont fut fait une composition belle & honneste , comme chacun sçait : & ce jeune Prince fut fort honoré de tous ceux de l'armée Espagnole , & mesme d'aucuns vieux Capitaines Espagnols & Italiens , qui avoient jadis combattu sous son grand oncle le Seigneur Ferdinand de Gonzague ; & tous l'admirerent & s'esbahirent fort de quoy ce jeune Prince s'estoit ainsi allé precipiter , & l'enleverent jusques au ciel , & luy offrirent beaucoup de services , luy trouvant la façon tres-belle.

J'espere de parler de luy & de ses faits plus au long dans la vie de nostre Roy. Ne faut point demander si Mr. son pere fut aise de voir son fils retourné sain & sauve , avec une tres-glorieuse reputation qu'il rapporta de ce siege. Mais au bout de quelque temps il mourut , aucuns disent de tristesse , pour ne voir lors les affaires du Roy aller si bien qu'il desiroit , d'autres disent de maladie , car il estoit tousjours mal sain depuis son coup , dont il delaisa Madame sa femme tres-desolée , car elle l'aymoit & honoroit fort , & luy en faisoit de mesme , &
le

le mariage en estoit bon & heureux, duquel est sorty ce jeune Prince leur fils que je viens de dire, Madame de Longueville, fille aînée, tres sage, belle & vertueuse Princeesse & bonne, & Mademoiselle de Nevers, tres-belle Princeesse aussi. Ce fut une grande perte de ce Prince, car il estoit tres-bon Prince & tenoit encore de cette vieille bonne paste, que peu voit-on aujourd'huy en tenir parmy nous.

Il estoit fort splendide, comme Monsieur son beau-pere & ses beaux-freres, car il despensoit fort honorablement à la Cour, & son train & ordinaire alloient tousjours bien. Quand il luy falut faire quelques festes & magnificences & festins, nul ne l'en a jamais surpassé, car il emportoit tousjours le prix. Quand il s'y mettoit il jouoit, & peu, & non si souvent que Monsieur son beau-pere; mais quand il y estoit, il jouoit fort gros jeu, comme il fit au voyage de Pologne. Il estoit fort provident en ses affaires, ainsi qu'il le fit paroistre au bien de Madame sa femme, lequel encore qu'il fust tres-grand, il le trouva un peu brouillé pour les grandes dettes des peres & freres passez, & nettoia & accommoda si bien la maison, qu'elle étoit des grandes de la France & des

aisées. Il estoit fort doux, affable & gracieux, & faisoit tres-bon avec luy. Il estoit tres-grand & profond discoureur, & parloit bien, & disoit aussi-bien le mot comme Madame sa femme, qui le disoit aussi-bien que femme de France, & qui avoit aussi bonne grace.

Or c'est assez parlé de ce Prince, j'espere encore en parler en la vie de nos deux Roys derniers, car je l'honorois fort & le tenois pour l'un de mes bons Seigneurs & amis, comme Madame sa femme m'a esté tousjours l'une de mes meilleures Dames de la Cour, & que j'ay tousjours honorée, ainsi que sa vertu & ses merites me l'ont toujours commandé.

MONSIEUR DE MONT- PENSIER.

PUIS que nous sommes encore sur les Princes, il en faut encore continuër d'eux, & parleray de Monsieur de Montpensier. Le premier Monsieur de Montpensier, Louys de Bourbon, fut extrait de l'estoc de ce grand Roy Saint Louys, ainsi qu'il est vray, & qu'il en faisoit grande jactance, & tascha fort de l'imiter en l'observance de sa sainte Religion Catholique, & en probité de mœurs
tant

tant qu'il pouvoit, bien qu'il fust homme comme un autre. Toutefois il vivoit plus saintement que le commun, pour le moins le monstroit-il fort par apparence du reste je n'en puis juger, puis que cela appartient à Dieu de connoistre le juste.

Il fut petit fils de ce Mr. de Montpensier, dit Messire Gillibert de Montpensier, qui fut laissé Viceroy par le Roy Charles VIII. au Royaume de Naples, qu'il garda le mieux qu'il peut : mais après il le perdit par faute de secours & d'argent, dont il en mourut de tristesse, autres disent de poison, autres de la mort naturelle; qu'il avança des mal-aïses qu'il receut après la traitté d'Atelle mal accompli, comme je l'ay ouy dire audit Mr. de Montpensier son dit petit fils, dont je parleray maintenant ; les Histoires tant des nostres, que des estrangers en parlent diversement.

Monsieur Philippes de Comines y vient au point, auquel je renvoye les Lecteurs, & mesme quand il parle du traité d'Atelle, qu'il dit estre le plus ignominieux qui ayt esté jamais veu, après celuy des Fourches Claudiennes du tems des Romains; puis qu'estant encore de reste cinq ou six mille hommes de guerre, tant François, qu'Allemands,

Suiſſes & Italiens, ils pouvoient donner une bataille, ou quand ils l'euffent perduë, n'euffent perdu tant de gens de coup de main, comme ils en perdirent de pauvreté, faim & miſere. Si que poſſible l'euffent-ils gagnée, pourquoy non? Les Arragonnois s'en mocquoient fort, & s'en moquent encore, comme je l'ay veü dans Naples ſans rire; meſme que dans le chasteau vous envoyez des peintures, ce qui nous doit faire mal au cœur quand nous les voyons. Lesdits Arragonnois & Eſpagnols diſoient & diſent encore, que ce malheur arriva audit Monsieur de Montpenſier par une vengeance divine, pour avoir rompu les treves faites dans le Caſtel-Novo, en ſortant par mer, laiſſant ſes pauvres oſtages, gens de bien & d'honneur, tels que les hiſtoires nomment, à la mercy du couſteau de la juſtice. Que ſi Ferdinand euſt eſté auſſi cruel qu'aucuns de ſes predeceſſeurs, ſans faillir ils avoient tous la teſte tranchée par juſte droit de guerre.

En quoy ledit Monsieur de Montpenſier fut blaſmé fort, tant des ſiens que des eſtrangers. Ce Gillibert ne mourut ſans enfans, car il laiſſa Louys, Charles & François de Bourbon. Ce Louys mourut au Royaume de Naples, y allant ſous la
con-

conduite du Comte d'Armagnac; duquel Louys on trouve par escrit, que visitant là les os & la sepulture de son pere, & luy donnant de l'eau benite, il devint si transy & si perdu de deüil & de tristesse, que tout soudain il tomba tout estendu mort sur le tombeau. Je l'ay ainsi ouy raconter à aucuns dans Naples, qui mesmes me disoient qu'il eust mieüx valu qu'il eust redoublé son courage pour en faire une belle vengeance, que mourir ainsi, & d'autant plus en eust-il esté honoré & loué.

Monsieur Charles de Bourbon ne fit pas ainsi, car tant qu'il prit le party de son Roy, il haussa autrement son courage & esveilla ses esprits; car il fut grand ennemy des Espagnols, & en sacrifia plusieurs d'eux sur la memoire de son pere: mais après il les ayma bien autant, quand il se mit avec eux, qui luy firent acquerir beau renom & belle mort à la prise de Rome, comme j'ay dit.

Son jeune frere François, tres-vailant Chevalier, fut tué à Marignan. De tous ces trois enfans, venus dudit Gillibert & de Clere ou Clerice de Gonzague, dont est tres-grande alliance entre ces deux maisons de Bourbon & Mantouë, là où ledit Mr. de Bourbon fut

tres-bien retiré & receu quand il tira en Italie au service de l'Empereur, fut leur sœur & premier-née dite Louyse de Bourbon, qui fut femme de Louys de Bourbon, Prince de la Roche sur-Yon, d'où sortit Mr. de Montpensier duquel je parle, & qui le premier a esté Duc, & les autres auparavant ne portoient que titre de Comtes.

Mr. le Prince de la Roche sur-Yon, dit Charles de Bourbon, & Suzanne du Bourbon, dite Madame de Rieux, mariée en cette grande maison de Rieux en Bretagne. J'ay veu cette Dame Louyse de Bourbon que je dis, sœur à Monsieur de Bourbon, une tres-honorable, sage & vertueuse Dame, qui a vescu cent ans, & sa vieillesse estoit tres-belle, car le sens & sa parole ne luy avoient point manqué.

Le Roy François second demeura avec sa Cour trois jours à Champigny, & l'alloit voir tous les jours en sa chambre (dont elle ne bougeoit pour son imbecille vieillesse) avec tous les Princes & Grands de la Cour; si faisoient les Reynes, & mere & regnante, & toutes les Dames, & entroit lors qui vouloit: tout le monde la regardoit fort attentivement, & moy aussi bien que les autres, & tous l'admirions, autant pour
sa

sa venerable vieillesse , que pour estre
sœur de ce grand Mr. de Bourbon ; &
les plus vieux qui l'avoient veu, nous di-
soient qu'elle ressembloit fort à son frere
de visage , & d'autant plus la regarda-
on. Il ne scauroit avoir plus haut de trente
ans qu'elle est morte , là où le Roy , la
Reyne & tous les Princes de la Cour , &
d'ailleurs ses alliez, envoyèrent Ambas-
sadeurs & Agens , pour se trouver à ses
obseques , ainsi qu'est la coustume de ce
faire parmy les Grands.

J'ay fait cette digression de cette ge-
nealogie , que j'ay apprise meismes de
Monsieur de Montpensier pour mon-
strer son droit à aucuns douteux sur
sa succession de Mr. de Bourbon , la-
quelle il retira en partie petite à la
fin , avec de grandes peines & procès,
puis que le bien estoit confisqué à la Cou-
ronne.

Il n'en peut avoir grand cas du temps
du Roy François , pour la haine qu'il
portoit à Monsieur de Bourbon , &
que la playe qu'il luy avoit faite estoit
fort recente encore , & aussi qu'il estoit
fort exact observateur de ses Edits & de
ses droits.

Car il en pretendoit de tres-grands
par celuy de Madame la regente , dont
fourdit le mescontentement & la rebel-

lion dudit M^{de} Bourbon. Du temps du Roy Henry il en eut quelques lipées, par le moyen de Madame Jaquette de Long-Vic, de la maison ancienne de Givry, issuë de celle de Challon & des Palatins de Bourgogne.

Cette Dame Madame la Duchesse de Montpensier, du tems du Roy François, par un moyen que l'on disoit alors. Monsieur d'Orleans la servant, quel mal pour cela? (Mr. de Rostain, qui vit encore, le sçait bien) eut grande faveur à la Cour: mais elle n'y peut rien faire à cette succession, pour la raison que j'ay dite; aussi qu'elle estoit jeune, & non si spirituelle comme elle le fut depuis. Du tems du Roy Henry elle eut beaucoup de faveur, car elle devint plus habile & gouvernoit fort la Reyne.

Le Roy François second vint à son Regne, où elle peut beaucoup, car je l'ay veu gouverner si bien le Roy & la Reyne, que j'ay veu aussi deux fois de mes yeux, que le Roy faisoit recommander la cause de madite Dame, qui faisoit tout, & son mary peu, & solliciter contre la sienne propre. Cela estoit fort commun à la Cour; & si vis une fois Monsieur le Cardinal de Lorraine, de la part du Roy en parler à Messieurs de la Cour, qui l'avoit
aussi

aussi envoyé querir à son Hostel de Cluny, lors que le Roy alla à Orleans, & leur recommanda le droit de ladite Dame, (elle y estoit presente) jusques à dire que le Roy la vouloit gratifier en cela, qu'il renonçoit pour sa part, & son droit à cette succession, & qu'il n'en vouloit nulle portion ny part, & qu'ils passassent & coulissent cela le plus legerement pour luy qu'ils pourroient.

Pour fin cette Princeesse & ce Prince, & les leurs les uns après les autres ont tant travaillé, sollicité & plaidoyé, qu'ils en ont eu pied ou aïlle, fors la Duchesse de Chastelleraut, que les Rois par cy-devant n'avoient voulu desmordre, & l'avoient mise à leur propre, laquelle depuis donnerent pour appennage à Madame leur sœur naturelle légitimée, que nous avons veu long-temps appeller Madame de Chastelleraut, aujourd'huy Madame d'Angoulesme.

A cette heure cette Duché est retournée à cette maison de Montpensier, laquelle peut maintenant dire avoir connu la fortune d'une & d'autre façon, car elle a demeuré long-temps pauvre, & disoit-on du regne du Roy François & Henry au commencement, que Monsieur de Montpensier estoit le plus pauvre Prin-

Prince de toute la France, & il est mort le plus riche après le Chef de son nom, qui est le Roy de Navarre ; car il a laissé à son heritier plus de trois cens mille livres de rente, & en argent monnoyé & autrement, bagues, joyaux & meubles, plus de trois cens mille escus, (ce disoit-on à la Cour, & comme je l'ouïs dire à un Grand, qui le sçavoit bien) lors qu'il mourut.

Si bien qu'on disoit de luy, qu'il ressembloit les Chevaliers de Malte, qui sur l'âge avoient des biens & honneurs, car de ces regnes-là que je dis, il n'eut tous ces grands biens. Il ne fut non plus avancé en grades ny honneurs, ny à la Cour ny aux armées, auxquelles pourtant il se trouvoit près de la personne de son Roy en simple & privé Prince, ne commandant qu'à sa compagnie de gendarmes, (le pere de Fontaine Guerin, brave & vaillant Capitaine, estoit lors son Lieutenant) qu'il avoit toujours belle, & la mettoit toujours en besogne, à laquelle il sçavoit toujours bien commander ; que si elle faisoit une petite faute, il disoit qu'elle avoit fait de la sorte : si bien qu'un temps cela couroit à la Cour, qu'on disoit, Vous avez fait la compagnie de Monsieur de Montpensier, ce qui estoit autant à dire, Vous

Vous avez fait de la sotte. Il estoit tres-brave & tres-vaillant Prince, ainsi qu'il le fit bien paroistre à la bataille de Saint-Quentin, là où il fut pris en combattant vaillamment, & là il eut pourtant quelque petite charge de Regiment, au regne du Roy François second, pour l'amour des hauts bruits & crieries qu'on faisoit, que les Princes du sang étoient du tout reculez d'auprès de la personne du Roy, & n'avoient nulles charges, grades ny dignitez.

On luy donna le Gouvernement de Touraine & d'Anjou, & à Monsieur le Prince son frere celui d'Orleans, où fut son Lieutenant Monsieur de Sipiere, qui servit beaucoup contre la conjuration d'Amboise. Aux regnes de nos autres Roys Charles & Henry mondit Sieur de Montpensier commença & continua d'avoir force grandes charges: quand la premiere guerre civile vint: il fut Lieutenant de Roy en tous ces Pais d'Anjou, le Mans, le Perche, Touraine & autres Pais circonvoisins; & là en cette guerre voulant du tout imiter le Roy Saint Louys son grand miroir contre les infideles, cettuy-cy (disoit-on) de même se monstra animé contre les heretiques, qu'il haïssoit mortellement, jusques-là, que quand il les prenoit à com-
po-

composition, il ne la leur tenoit nullement, disant qu'à un heretique on n'estoit nullement obligé de garder sa foy, ainsi qu'il le pratiqua bien à l'endroit du Capitaine des Marais, qu'il prit dans le Chasteau de Rochefort sur Loire, par honneste capitulation & sur sa foy, & puis le fit executer aussi tost, se fondant sur son apophtegme que je viens de dire.

Quand on luy amenoit quelques prisonniers, si c'estoit un homme, il luy disoit de plein abord seulement, Vous estes un Huguenot, mon amy, je vous recommande à Monsieur Babelot. Ce Monsieur Babelot estoit un Cordelier, sçavant homme, qui le gouvernoit fort paisiblement, & ne bougeoit jamais d'auprès de luy, auquel on amenoit aussi tost le prisonnier, & lui un peu interrogé, aussi tost condamné à mort & executé.

Si c'étoit une belle femme & fille, il ne leur disoit non plus autre chose, sinon, Je vous recommande à Monsieur mon Guidon, qu'on la luy mene. Ce Guidon estoit Monsieur de Montoiron, de l'ancienne maison de l'Archevêque Turpin, du temps de Charlemagne, & en portoit le nom de Turpin.

Il estoit un tres-beau Gentil-homme, grand, de haute taille, & avec cela si bien
pro-

proportionné de son membre, qu'on disoit estre démesuré & extravagant & infatiable ; avec cela repaïssoit ainsi ces pauvres prisonnières, lesquelles, possible aucunes, mesme les femmes, en estoient tres-aises & contentes, & eussent désiré tousjours telle punition.

Quant aux pauvres filles, je croy que le mal leur estoit cuisant pour un temps. Je ne sçay si tout cela est vray, mais j'estois present un jour à un dîner de feu Monsieur de Guise, à qui on fit ce conte, en présence de Madame de Guise sa femme, de Mademoiselle de la Mirande, & autres Dames & filles de la Cour, qui estoient à table, auxquelles mondit Sieur de Guise leur en fit à toutes la guerre, & ne fut sans bien rire & homme & femme ; & si ce mot se dit un long-tems à la Cour parmy les Dames & galans de la Cour, qui leur disoient, Je vous recommande au Guidon de Monsieur de Montpensier, dont aucunes, qui en sçavoient le *tu autem*, & démesurée proportion, disoient, ou par timidité, ou par hypocrisie, Ah ! Dieu nous en gard'. D'autres disoient, il ne nous feroit que la raison.

Voilà la punition de ces pauvres Dames Huguenotes, inventée par Monsieur de Montpensier ; qui me fait penser
avoir

avoir esté prise & tirée possible de Nicephore, par Mr. Babelot, où il dit que l'Empereur Theodose osta & abolit une coustume, qui étoit de long-temps dans Rome, à sçavoir que si quelque femme avoit esté surprise en adultere, les Romains la punissoient, non par la coërsion du crime qu'elle avoit commis, mais par plus grand embrasement de paillardise; car ils enformoient en une estroite logette celle qui avoit commis l'adultere, & puis après permettoient impudemment, qu'elle assouvist sa lubricité & paillardise son saoul, & d'un chacun qui voudroit venir & qui estoit plus vilain & sale.

C'est que les compagnons galans & paillards, qui alloient, se garnissoient & accommodoient de certains sonnettes au temps qu'ils avoient compagnie avec la Dame, à ce qu'au mouvement elles faisant un son & tintinnement, donnassent non seulement avertissement aux passans & escoutans de leur fait & besogne qu'ils y estoient, mais aussi afin que par ce moyen & à ce son de sonnettes fust enseignée cette peine conjointe avec injure & opprobre. Quel opprobre! dont elles s'en foucioient beaucoup.

Vrayement voilà une terrible coustume

me

me que ce sage Empereur abolit, ainsi que le dit l'Historien Nicephore, dans lequel possible Mr. Babelot l'avoit feuilletée & tirée pour la faire pratiquer à ce brave Guidon ; lequel au bout de quelque temps despesché de Mr. son Capitaine vers le Roy en poste, vint à la Cour, où il n'avoit jamais esté guerres veu ; mais je vous assure qu'il fut là bien veu & connu, & fort admiré pour sa grande vertu naturelle, & mesme des Dames, dont j'en vis aucunes qui en rioient bien sous bourre, & en disoient bien leur rastellée.

J'ay fait cette digression, parce qu'elle m'est venue en main, & m'en fût eschappée une autrefois, & aussi qu'il faut un peu rire quelque petit coup, & n'estre pas si serieux qu'on ne se jette sur la bouffronnerie & risée.

Pour tourner à mondit Sieur de Montpensier, après qu'il eust bien purgé son Gouvernement d'Anjou, Touraine, & autres, puis par l'assistance aussi que luy firent Messieurs de Chavigny & Puygaillard, deux tres-bons Capitaines, & le Capitaine Richelieu, qu'on appelloit le Moine Richelieu, qui avoient tous fait tres-bien autrefois en Piedmont, & ailleurs fait de tres-belles preuves de leur valeur, il fut envoyé

ye Lieutenant de Roy en Guyenne, Poy-
tou, Oniz, Xaintonge & Angou-
mois, où il servit tres-bien le Roy; &
les Huguenots trembloient fort sous luy,
& eussent encore plus fait sans que le
Roy de Navarre vint à mourir, & ce
bon homme s'alla proposer en son ambi-
tion, (car il en avoit sa bonne part,
comme ceux de sa sorte en doivent a-
voir) qu'il tiendrait sa place en Fran-
ce, comme lors premier Prince du sang,
après Monsieur le Cardinal de Bourbon.
Mais son chapeau rouge l'excusoit, qui
nonobstant y aspirait un peu, & pour
ce demanda au Roy son congé, que
moitié l'un, que moitié l'autre luy ac-
corda. Ils s'en vint à la Cour, disant aux
uns & aux autres, quand il s'offroit à
eux, ce seul mot, à cette heure j'ay moy-
en de vous tous reconnoistre & faire
plaisir à mes amis, car vous sçavez bien
que le Roy de Navarre est mort, (sans
dire autre chose) & que je m'en vais à la
Cour. Mais y estant, comme je l'y vis
arriver au Bois de Vincennes, il se don-
na garde qu'il trouva sa place prise, &
qu'il n'en tint autre qu'auparavant, car
il avoit à faire à une maistresse fem-
me que la Reyne mere, qui ne vouloit
point de compagnon en ce lieu-là, & aus-
si à feu Monsieur de Guise le Grand, qui
s'en-

'entendoit avec elle , & qui d'un seul lin d'œil gouvernoit la France , pour la grande creance qu'elle avoit en luy , & qu'il avoit les forces en main.

Toutefois il sembla (& le disoit-on) que mondit Sieur de Montpensier en fut du mal-content , & voulut induire Monsieur le Cardinal d'en faire de mesme , car ils ne bougeoient d'ensemble ; mais on leur donna à tous deux cette petite soupe à la gorge , (ainsi parloit-on) qu'ils servoient les Chefs du Conseil.

Et sur ce encore la Reyné les sceut si bien mener & plastrer , qu'ils se sentirent encore tres-heureux de ce petit morceau. Ceux qui estoient de ce temps , qui ont veu ces mysteres comme moy , se souviendront bien si je dis vray ou non , car j'ay veu tout cela aussi-bien qu'eux.

Les seconds troubles vinrent , où Monsieur de Montpensier fut ordonné du Roy avec Monsieur de Nemours , de mener l'avant-garde , qui fut autant que s'il eust esté Lieutenant de Roy ailleurs , voire plus , là où est la personne de son Roy , ou de Monsieur son frere , qui le represente en tout , & tel que celuy-là , car il n'y en eut jamais en France qui ait eu telle autorité.

Les

Les troisièmes troubles s'ensuivirent par après coup sur coup; il fut Lieutenant de Roy, & à luy ne firent nul scrupule d'obeir les plus grands & bizarres Capitaines d'alors, comme Messieurs de Martigues, de Brissac, & de Strozze.

Ce fut lors qu'ils deffirent les Provençaux en Perigort, qui fut une defaite de grande importance pour les Huguenots. Cela fait, ils s'alla joindre avec Monsieur nostre General vers Chastelleraut; & bien luy servit d'estre bon & sage Capitaine, de faire bonnes & longues traites pour cela, car Messieurs le Prince & l'Amiral le suivirent de près, pour se mettre entre-deux & empescher leur assement.

Mr. de Montpensier menoit tousjours l'avant-garde, où il estoit tousjours fort honoré des nostres, & redouté des Huguenots; car il ne parloit que de pendre, comme il fit à Mirebeau, & s'il eust esté creu, il ne s'en fut gueres eschappé d'eux; mesmes à ce grand Mr. de la Nouë, & qui meritoit toute courtoisie, lors qu'il fut pris, il ne se peut garder de luy dire, Mon amy, vostre procès est fait, & de vous & de tous vos compagnons, songez à vostre conscience. Mais Mr. de Martigues vint là, qui le sauva, comme je diray ailleurs.

Lcs

Les quatrièmes guerres s'esmeurent, Monsieur de Montpensier fut encore lieutenant de Roy, car il ne refusa jamais de ces commissions, pour la haine qu'il portoit aux Huguenots, & pour le zèle de sa Religion. Il vint en Poitou, où il trouva de l'affaire, & un homme que je viens de dire, Monsieur de la Nouë, qui luy en donna bien, & mesme au siege de Fontenay & Lusignan, qu'il prit pourtant à la fin. Aussi voit-il de bons Capitaines, & de cheval, (comme Mr. de Chavigny, M. du Rude, Gouverneur de Poictou, Puy-aillard, & autres,) & de gens de pied, Mestres de Camp, Messieurs de Sarriou, de Buffy, & Luce.

Le siege de Lusignan fut fort long, & le grand combat, j'en parleray possible ailleurs.

Il fut pris, & pour eterniser sa memoire, il pressa & importuna tant le Roy nouveau venu de Pologne, qu'il voulut gratifier en cela, qu'il fit raser de fond en comble ce chasteau, dis-je ce beau chasteau si admirable & si ancien, qu'on pouvoit dire que c'estoit la plus belle marque de forteresse antique, & la plus noble decoration vieille de toute la France, & construite, s'il vous plait, d'une Dame des plus nobles en lignée,
en

en vertu, en esprit, en magnificence, & en tout qui fut de son temps, voire d'autre, qui estoit Merlusine, de laquelle il y a tant de fables, & bien que ce soient fables, si ne peut-on dire autrement que tout beau & bon d'elle, & si l'on veut venir à la vraye verité, c'estoit un vray soleil de son temps, de laquelle sont descendus ces braves Seigneurs, Princes, Roys & Capitaines, portant le nom de Lusignan, dont les Histoires en sont pleines, cette grande maison d'Archiac en estant sortie en Xaintonge, & Saint Gelais, dont les marques en restent tres-insignes.

Lors que la Reyne mere fit la treve avec Mr. frere du Roy à Jaseneuil, que Mr. estoit à Saint Maixant, (j'estois alors avec elle, & Messieurs de Strozze, de Grillon, Lanillac, & la Roche-Poussay, il n'y avoit que nous quatre de Courtisans avec elle,) l'envie luy prit, en s'en retournant à Poitiers, de s'esloigner un peu de son chemin, & passer à Lusignan, pour en voir les ruines.

Certes elle les y vit, & qui luy touchèrent fort au cœur, si bien que je l'en vis parler fort tendrement, & dire ces mots, Hé! falloit-il que si belle, forte & noble place, à l'appetit d'une certaine opiniastrerie mal à propos de Monsieur
de

de Montpensier, ait esté ainsi ruinée de fond en comble ! Quand le Roy mon fils y eust esté en personne, & qu'elle luy eust fait telle résistance, il ne l'eust jamais voulu faire abattre, je m'en assure ; pour le moins ce n'eust pas esté par mon conseil.

Car c'estoit la perle antique de toutes ses maisons, & le plus bel ornement qu'on y eust sceu voir. Jamais je ne l'avois veüe, (dit-elle) sinon lors qu'estant bien jeune j'y passay au voyage de Perpignan ; mais pour ma jeunesse, d'alors je n'en avois jamais conceu l'impression de sa beauté & grandeur, comme je la comprends encore par sa ruine ; que si je l'eusse eüe si bien empreinte en mon esprit, comme je l'ay, je vous assure que le Roy mon fils n'eust donné jamais à Monsieur de Montpensier le congé de l'abattre à l'appetit de sa passion, & jamais Chamerault n'eust triomphé de si noble & riche despouille, pour bastir & agrandir sa petite maison de Marigny.

Car il faut noter que le Roy en donna toute la ruine audit Sieur de Chamerault, qui avoit esté son Enseigne de gendarmes quand il estoit à Monsieur, dont il en a fait bastir une tres-belle maison, qui n'est qu'à deux lieuës de Lusignan, qui s'appelle Marigny.

Tom. III.

N

Voilà

Voilà ce que j'en vis dire à la Reyne, qui se promena, avisa par tout, & s'y amusa si fort, que bien que l'on luy dist qu'il faisoit tard, & qu'elle n'arriveroit qu'à la nuit noire à Poitiers, comme elle fit, n'en laissa sa contemplation.

Je la vis aussi fort blasmer le Sieur de Sainte Soline, qui l'avoit laissé prendre & perdre en étant Capitaine, & en avoit acheté la Capitainerie du Sieur du Vigan, que luy & ses predecesseurs de la maison du Fou, avoient gardée plus de six-vingts ans.

Car on disoit que ledit Sainte Soline, aymant un peu trop l'avarice, n'avoit leans qu'un pauvre vieux mortepaye, qui se laissa surprendre; que s'il n'eust ouvert la porte, l'eust bien fermée seulement, & n'eust parlé à personne, cette place étoit imprenable à tout le monde.

Voilà la pitié & ruine de cette place. J'ay ouy dire à un vieux mortepaye, il y a plus de quarante ans, que quand l'Empereur Charles vint en France, on le passa par là pour la delectation de la chasse des Daims, qui estoient là dedans un des beaux & anciens parcs de France, à tres-grande foison, qu'il ne se peut faouler d'admirer & de louer la beauté, la grandeur & le chef-d'œuvre de cette maison, & faite (qui plus est) par une
telle

telle Dame, de laquelle il s'en fit faire plusieurs contes fabuleux, qui sont là fort communs, jusques aux bonnes femmes vieilles, qui lavoient la lessive à la fontaine, que la Reyne mere voulut aussi interroger & ouïr.

Les unes luy disoient qu'elles la voyoient quelquefois venir à la fontaine, pour s'y baigner, en forme d'une tres-belle femme, & en habit d'une veuve. Les autres disoient qu'elles la voyoient, mais tres-rarement, & ce les Samedys à Vespres (car en cet estat ne se laissoit-elle guerres voir) se baigner, moitié le corps d'une tres-belle Dame, & l'autre moitié en serpent. Les unes disoient qu'elles la voyoient se promener toute vestuë avec une tres-grave majesté. Les autres, qu'elle paroissoit sur le haut de sa grosse tour, en femme tres-belle, & en serpent. Les unes disoient, que quand il devoit arriver quelque grand desastre au Royaume, ou changement de Regne, ou mort, & inconvenient de ses parens les plus grands de la France, & fussent Roys, que trois jours avant on l'oyoit crier d'un cry tres-aigre & effroyable par trois fois. On tient cettuy-cy pour tres-vray.

Plusieurs personnes de-là, qui l'ont
ouy, l'affurent, & le tiennent de pere en
N 2. fils.

filz, & mesme que lors que le siege y vint, force soldats & gens d'honneur l'affirment qui y estoient.

Mais sur tout quand la sentence fut donnée d'abattre & ruiner ses chasteaux, ce fut alors qu'elle fit ses plus hauts cris & clameurs. Cela est tres-vray par le dire d'honnestes gens. Du depuis on ne l'a point ouïe ; aucunes vieilles pourtant disent qu'elle s'est apparue, mais tres-rarement.

Pour fin & vraye verité finale, ce fut en son temps une tres-sage & vertueuse Dame, & mariée & veuve, & de laquelle sont sortis ces braves & genereux Princes de Lusignan, qui par leur valeur se firent Roys de Chypre, parmy les principaux desquels fut Geoffroy à la grand' dent, qu'on voyoit représenté sur le portail de la grande tour, en tres-grande stature.

Je n'ay gueres veu de personnes, qui ayant veu ce chasteau en son lustre & splendeur, & puis en sa memorable ruine, qui n'ayent dit de Monsieur de Montpensier & son opiniastrété folle en cela ; si que les Roys ses enfans (disoit la dite Reyne) n'en avoient tant fait envers les villes qui avoient tenu, eux presens, contr'eux, & ne les avoient demoliés ; & luy avoit voulu faire plus qu'eux, & se faire craindre & respecter.

Aussi

Aussi tint-on de ce temps-là , que ce Prince fusdit ne l'emporta guere loïn qu'il n'en eust une estrette bien serrée ; car le Roy le voulant continuër en sa charge de Lieutenant General , & l'envoyer en Xaintonge , & aux Isles , pour achever ses conquestes & l'y faire obeïr , il n'y voulut point aller ; ains voulant passer son ambition plus avant , ce luy sembloit , il sçait comme le Roy s'achemine à Reym's pour s'y faire sacrer , il s'y achemine aussi pour s'y trouver au sacre , & y tenir le premier rang , après Monsieur & le Roy de Navarre , & l'oster à Monsieur de Guise , qui estoit là avant luy , mais à quelles journées & en plein hyver ! les plus grandes que j'aye jamais veu faire ; car lors le Roy m'ayant envoyé vers Monsieur de la Nouë à la Rochelle , & m'en retournant en poste le retrouver , je trouve mondit Sieur de Montpensier à Blois , ainsi que je courois , & luy à ses journées il arriva le soir à Paris , que je n'y estois arrivé que le matin , & comme j'estois allé voir Madame de Guise , qui estoit alors en couche , & que je parlois à elle , nous nous donnâmes la garde que nous vîmes Monsieur de Montpensier sur les bras , dont e-fus fort estonné , pour l'avoir laissé

294 MEMOIRES DE
bien loin, marcher de mesme de Paris à
Reyms.

Mais le Roy ayant esté averty de son intention à vouloir tenir le rang audit sacre, & entendu Monsieur de Guise aussi, qu'il ne luy vouloit pas ceder, ny perdre le sien, & mal aisément souffroit passer telle paille par le bec, (car il eust falu que c'eust esté ou Dieu ou le Diable) commençant à entrer en colere & rumeur, & protester que si Monsieur de Montpensier se hazardoit le moins du monde de vouloir enjamber sur sa dignité, qu'il luy feroit autre tour que ne fit Philippes le Hardy, Duc de Bourgogne, à l'endroit de son frere, car il le prendroit par le collet, & le chasseroit de-là, & le jetteroit par terre, ou possible feroit pis, selon que sa colere le domineroit, tout son beau-frere qu'il estoit. Car en cela ce sont des premiers anciens Pairs de France, qui tiennent lieu & rang-là; non pas les Princes du sang, ny autres. Je vis le Roi, la Reyne, & toute la Cour esmeuë bien fort pour cela, & à trouver remede pour y pourvoir, mais on n'en peut trouver aucun pour la brave resolution de Monsieur de Guise.

Ce fut donc à opiner, & arrester du tout de mander à Monsieur de Montpensier
fier

sier de ne se hâster point tant à venir. Nonobstant il vint près de deux lieues de Reims , resolu de passer plus outre. Mais ayant bien sceu au vray la resolution de Mr. de Guise , & qu'il y auroit du bruit & de la batterie, & n'y feroit bon pour luy, & que le Roy luy manda qu'il avoit peur de quelque grand scandale, ce fut luy qui s'arresta tout court , & ne se trouva au sacre , qu'il avoit tant abbayé dès la prise & ruine de Lusignan, qui luy fut possible malencontreuse en cela , (ce disoient aucuns) & que Madame Merl. sine avoit là beaucoup operé.

Il en couva pourtant en son ame un grand depot & une extrême colere contre Monsieur son beau-frere, (mais cela s'accorda après) & un tres-grand mescontentement contre le Roy ; & quelques mois après Monsieur ayant pris les armes , pour estre malcontent & maltraité du Roy, sa Majesté luy voulut donner sa Lieutenance generale contre Monsieur ; mais il la refusa tout à plat, disant ne vouloir aller contre le fils & frere de ses Roys , & que mondit Sieur avoit quelque occasion de se mescontenter & mutiner, & qu'il le falloit appaiser & contenter.

A quoy il poussa si bien avec la Reyne,

que l'accord se fit & treves furent accordées à Jafeneuil, entre Saint-Mexant & Poitiers, & luy furent accordées force villes & places pour sa retraite, à quoy cependant mondit Sieur de Montpensier travailla fort pour l'y faire entrer & ses gens, & principalement à Angoulesme, où il receut un affront que je diray ailleurs. Ainsi Mr. de Montpensier se lia les bras contre Mr. & ses gens, & les Huguenots, qui tous estoient avec luy, & l'avoient esleu leur Protecteur : ce qu'on trouva à la Cour & en France fort estrange, que celuy, qui avoit esté si grand ennemy & le fleau des Huguenots, maintenant il estoit à demy leur appuy & soustien. Ce qui fit penser & dire à aucuns ; qu'il se laissoit plus donner à son mescontentement & à son ambition qu'à sa Religion. Ce que n'eust pas fait son grand patron le Roi Saint Louys avec les Sarrafins, disoit-on. Il en bailla un pareil exemple, lors que Monsieur de Nevers & luy eurent une grande querelle, pour quelque parole que Mr. de Nevers avoit dit en secret de Monsieur frere du Roy à Mr. de Montpensier, à cause de son mescontentement & elevation, qu'il alla rapporter à Mr. ; dont Monsieur en voulut estre esclarcy & en avoir raison.

Mais

Mais Mr. de Nevers nia les avoir dites, & donna quelque démenty en l'air. Dont s'ensuivit une grosse querelle, & à qui feroit plus d'amas de ses parens, amis & serviteurs.

Surquoy le Roy de Navarre s'envoya offrir à Monsieur de Montpensier, avec tous ses Huguenots, que Mr. de Montpensier, sans aucun respect de sa Religion, contraire à la Huguenote, accepta tres-volontiers & fort librement. Il y avoit de l'autre costé Mr. de Guise avec tous ses bons Caholiques (je sçay bien que m'en dit un jour Monsieur de Guise.) Si bien qu'il y eust eu du combat & de la tuerie, sans la defense du Roy, qu'il leur en fit, & l'accord qu'il en traita après.

Voilà ce qu'on en a plus voulu objecter à Monsieur de Montpensier, de s'estre voulu ayder des Huguenots, & aussi qu'il traita & fit la paix avec le Roy de Navarre & les Huguenots, lors que nous ayions le siege devant Broüage.

Ce bon & grand Prince faisoit estat & grande gloire (comme j'ay dit) d'estre descendu de l'estoc de ce grand & bon Roy Saint-Louys, & s'efforçoit fort à l'imiter, & se façonner à ses bonnes & saintes mœurs & belles devotions.

Il avoit certes raison ; car de plus beau modèle & patron n'eust-il sceu choisir ou trouver pour s'y conformer , & non à celui du Duc Charles d'Anjou , Roy de Naples , son frere , qui pour valeur n'en ceda rien à son dit frere ; mais le surpassa bien en toute cruauté , témoin celle dont il usa envers le Roy Manfred & Conradin, après les avoir déconfits en bataille , & envers les prisonniers qui furent pris, tant Seigneurs, Gentils-hommes, qu'autres, les uns massacrez, les autres les yeux crevez, les autres morts en prison miserablement de faim & de vermine, jusques à la Reyne femme de Manfred , & ses enfans morts ainsi en prison.

Voyez l'Histoire de Naples & autres, qui en content assez à mon avis de ses cruautés. Aussi ne les porta-t-il gueres loin ; car Dieu, juste vangeur des cruautés , luy en rendit de bonnes & cuisantes , & de durs chastimens , comme les Vesperes Siciliennes, où tant de braves & genereuses ames en patirent , jusques à une infinité d'innocentes ; son armée de mer defaite par trop defastreusement ; son fils y pris pendant son deffy contre le Roy d'Arragon ; & puis de dépit & tristesse il mourut. Il y avoit bien de sujet , de sorte que j'ay cuy dire
dans

dans Naples à de grands personnages, discourant de luy, que bien luy a ser-vy d'avoir eu un frere si saint & hom-mè de bien que son frere le Roy Saint-Louys : car sans luy & ses intercessions ils le pensoient damné en enfer ; & ainsi, me disoient-ils, il faut que d'une race il en sorte des uns & des autres, comme fait un potier, qui d'une même terre & argille fait des pots & des vases, les uns pour l'honneur & la beauté, & les autres pour l'infamie & la salauderie.

Ainsi me parloient ces grands person-nages à Naples, non qu'ils ne me l'exal-tassent grandement, comme de vray il y avoit une infinité de sujets ; mais par sus tous la Reine sa femme Madame Bea-trix de Provence, qui le fit bien valoir, jusques à vendre ses plus precieux jo-yaux, pour luy faire avoir une Couronne : j'en parle ailleurs.

Pour fin ce grand Prince a esté tres-brave & vaillant, & à tousjours tres-bien fait où il s'est trouvé, & est mort en re-putation d'un bon & sage Capitaine, & laissa après soy un tres-brave & vaillant fils Monsieur de Montpensier, que du temps du pere nous appellions le Prin-ce Dauphin, duquel j'espere parler en la vie de nos deux Roys derniers,

ensemble de Mr. de Montpensier d'aujourd'huy, qui tout jeune qu'il est, a fait tout plein de belles preuves de ses armes & de son courage, ainsi qu'il paroist aux belles & honorables marques qu'il a receuës d'une grande arquebusade au visage, sans autres grands combats, rencontres & sieges, qu'il a déjà faits en un si bas âge, que c'est une chose tres-estrange, outre que c'est un tres-bon & gracieux Prince, vraye semblance de ce bon Roy Saint-Louys, autant en beauté qu'en valeur, comme j'en parleray ailleurs.

Monsieur le Prince de la Roche sur-Yon fut frere à Mr. de Montpensier, il ne fut par apparence si grand, comme luy religieux, mais pourtant il le fut, & fort bon Catholique encore qu'aucuns ont eu opinion contraire, mais c'estoient abus. Bien est vray qu'il estoit plus politique que passionné Catholique, comme Mr. son frere, & qu'il conseilloit & rendoit plus à appaiser les troubles de la France par la douceur, que par la guerre & la rigueur, & pour ce aucuns l'en tenoient plus sage.

Aussi s'il n'eust esté bon Catholique & sage Prince, on ne l'eust donné au Roy Charles IX. pour son principal Surintendant & Gouverneur par dessus
Mr.

Mr. de Sipiere , qui l'estoit du temps qu'il estoit Monsieur d'Orleans; & quand il vint à estre Roy, l'on avisa par l'avis de la Reyne mere du Roy de Navarre & autres grands du Conseil , que pour honorer davantage la personne du Roy, qu'il eust près de soy un grand Prince du sang, & avisast à ses actions, bien que Monsieur de Sipiere ne perdist jamais sa charge.

Car il la meritoit tres-bien, & c'estoit un tel homme qu'il falloit à la jeunesse du Roy, qu'il dressa si bien, que nous en avons d'elle de tres-magnanimes effets : aussi Mr. le Prince luy cedit beaucoup, connoissant sa suffisance aussi grande que de Seigneur de France; & Mr. de Sipiere, qui estoit tres-sage, portoit aussi grand honneur & grande reverence à Mr. le Prince.

Si bien qu'ils s'accordoient tres-bien ensemble, & il faisoit tres-bon voir ces deux Messieurs les Gouverneurs près la personne du Roy, tenant leurs rangs comme il falloit, l'un haut, & l'autre un peu bas.

Enfin s'en ensuivit d'eux la belle & honorable nourriture que nous en avons veüe.

Ce Monsieur le Prince fut en ces jeunes ans fort pauvre, & sans la veuve du

du Mareſchal de Montijan, & Madame Philippe de Montefpedon, riche heritiere qu'il eſpouſa, il eſtoit plus que tres-pauvre, ainſi le tenoit-on à la Cour du Roy François: mais il ſe remit ſi bien, que ſur ſes ans il devint fort riche, & pour ce tres-magnifique & tres-splendide, tant en luxes & grandes deſpenſes de table, qu'en beaux meubles & autres magnificences, qu'il fit fort paroître en Eſpagne, lors qu'il y fut conduire la Reyne d'Eſpagne, & auſſi au voyage de Bayonne, ou reconnoiſſant & renouvelant ſes vieilles connoiſſances de ce temps, il les feſtina tres ſuperbement, & y fit tres-bien l'honneur de la maiſon de France pour ſon coſté: car il eſtoit tres-liberal: autant que Mr. ſon frere avare. Au retour de ce voyage il mourut, n'ayant laiſſé après luy aucuns enfans, en ayant perdu l'un des beaux, gentils & honneſtes jeunes Princes qu'on euſt ſceu voir, (Mr. le Marquis de Beau-Preau ſe nommoit-il) qui mourut à Orleans ainſi que le Roy & toute ſa jeuneſſe ſe jouïoient à cheval.

On dit que le Comte de Maulevrier le porta par terre & le creva, dont Monſieur ſon pere en eut ſi grand dépit qu'il chercha ledit Comte long-temps pour le tuer, & fut à luy à ſ'abſenter & à ſe perdre

dre

dre de veuë de luy, car il y alloit de la vie.

Toutefois le Roy & la Reine, quelque temps après, obtinrent de Mr. le Prince qu'il oublieroit le tout, & ne lui demanderoit rien, en ce qu'il ne se montraft jamais devant luy; autrement il perdrait patience & entreroit en si grande colere & regret de son ancienne douleur, & ne se pourroit tant commander qu'il ne le tuast.

A quoy il ne faillit pas une fois, que nous tournasmes de la prise du Havre, que Mr. le Prince sortant de la chambre des filles, qui estoit en un lieu bas, & le Comte y voulant entrer, fut rencontré, & aussi-tost mondit Sieur le Prince mit l'espée au poing. Ce fut à l'autre à avoir bonnes jambes, & par bon rencontre va trouver une fuye qu'il contourna plusieurs fois, ainsi que Monsieur le Prince le poursuivoit tousjours l'espée au poing.

Enfin il se sauva galamment, dont il y eut après de la risée parmy nous, songeant à cette fuite; que ledit Comte faisoit encore plus valoir quand il la contoit, car c'est l'homme du monde qui est de la meilleure & plus plaisante compagnie. Mais alors & sur le coup il n'y avoit pas à rire pour luy, qui gagna plus

plus à la mort de ce Prince, qu'en sa vie; car il n'eust falu qu'un malheur, ou bien qu'il se fust du tout banny de la Cour; il faloit pardonner à la passion de cet honorable pere & Prince, car il n'avoit que ce fils, son seul espoir, sa seule joye & consolation, sa seule attente de le voir un jour, ce que déjà la jeunesse si belle & si accomplie luy promettoit; & l'avoir veu mort de telle sorte, c'estoit un grand dommage, & pour le pere & pour le fils. Entr'autres belles vertus qu'on donnoit à mondit Sieur le Prince, c'estoit qu'il estoit fort homme de bien & d'honneur, & qui ne trompoit point les personnes qui s'addressoient à luy à la Cour, & auxquels avoit une fois promis.

Aussi une belle fille de la Cour (de laquelle il estoit amoureux, voire jouissant) l'appelloit le Grison fidele, sur l'exemple & allegorie d'un fort beau cheval grison que le Roy avoit, qu'on appelloit ainsi.

Il estoit brave & vaillant, & le montra en une querelle qu'il eut contre Monsieur d'Andelot, tres-mauvais garçon, dont je parle ailleurs.

Il étoit tres-sage & fort avisé, & avoit un tres-bon sens, & le tenoit-on meilleur que celui de Monsieur son frere. Aussi le Roy Henry le fit Gouverneur de

Pa-

Mr. DE BRANTOME. 305
Paris & de l'Isle de France , après la
bataille de Saint-Quentin , où il le servit
tres-bien & à son contentement , & de
tout le Royaume.

MONSIEUR LE MARE-
SCHAL DE S. ANDRÉ.

C'Est assez parlé des Princes , parlons
à cette heure encore un peu d'aucuns
par cy-devant.

Ceux qui n'ont bien connu Mr. le Ma-
reschal de Saint André , Messire Jaques
d'Albon , pour ses faits de guerre , & qui
n'ont ouy que parler de sa vie delicieuse ,
n'ont peu jamais bien juger ny croire
qu'il eust esté si grand Capitaine qu'il a
esté ; car il a esté fort sujet de tout temps à
aimer ses aises , ses plaisirs , & grands luxes
de table. C'a esté le premier de son temps
qui les à introduits à la Cour , & certes
par trop excessifs (disoit-on) en friandi-
es & delicateffes de viandes , tant de
chairs que de poissons & autres friands
mangers.

Pour les superbetez & belles parures
de beaux meubles tres-rares & tres-ex-
quis , il en a surpasse mesme ses Roys ,
ainsi qu'on a vëu long-temps paroistre en
aucunes de ses maisons , & principale-
ment à Valery , l'une des belles & plai-
fan-

lantes de la France , & après sa mort qu'on les a veu vendre à Paris aux enchans, desquels on n'en peut jamais quasi voir la fin, tant ils durerent. Entr'autres il y avoit une tente de tapifferie de la bataille de Pharsale, que le Marechal de Vieilleville achetta , dont il en decore sa belle sale de Durtal, qui est une chose tres riche à voir, & qui se peut quasi parangonner à l'une de ces deux belles tentes du feu Roy François, que j'ay dit ailleurs, qui estoient hors de prix. Il avoit aussi deux tapis velus, tous d'or Persien. Bref, qui voyoit de ce temps-là Valery meublé, n'en pouvoit assez estimer ny en priser les richesses: la plus part desquels meubles Madame la Marechalle de Saint André, estant veuve, donna à Monsieur le Prince de Condé, avec ladite maison de Valery, tout en pur don, pensant l'espouser.

D'autres disoient par caprice; car estant de la Religion & ne voulant accomplir le mariage promis entre sa fille Mademoiselle de Saint André, & Monsieur de Guise, que les deux peres avoient accordé, elle luy fit ce beau present par amourettes, afin qu'elle espousast Monsieur le Prince, & sa fille le Marquis de Conty, depuis Prince de Condé. Tant y a, que ce fut là une liberalité qu'une gran-

grande Emperiere ou Reyne n'en eust voulu user.

Or si mondit Sieur le Marechal se montra un vray Lucullus en luxes, bombances & magnificences, il s'est montré, durant les guerres, au camp, aux armées, tout pareil en valeur, en cœur, & en reputation de grand Capitaine. Estant jeune il fut estimé des galands de la Cour en tout, si bien qu'il fut esleu de Monsieur le Dauphin pour un de ses plus grands favoris. Il eut la reputation d'avoir tres-bien fait & combattu à la bataille de Cerizoles :

Si bien (comme j'ay dit ailleurs) qu'allant des plus avant à la charge, où il faisoit bien chaud, Monsieur d'Anguien jaloux voulut se debander à l'en-vy aussi-bien que luy ; mais luy ayant esté remontré le grand tort qu'il faisoit au grand devoir de sa charge & à toute l'armée, & qu'il se souvinst de Monsieur de Nemours à la bataille de Ravenne, qui par trop de hardiesse se perdit & fit perdre les autres ; il respondit seulement, Qu'on fasse donc retirer Saint-André.

Ce voyage le mit en grand honneur, & en faveur de son maistre plus que devant, & s'y maintint si bien, & mieux que le Sieur de Dampierre mon oncle,
que

que tant qu'il a vescu il ne l'a jamais perduë d'un seul point, tant il fut bien sage & avisé & bon Courtisan, comme il a esté tousjours à s'y bien maintenir & à complaire à son maistre en toutes les façons qu'il luy voyoit estre agreables.

Il le fit premier Gentil-homme de sa chambre quand il fut Roy, qui est un des grands honneurs qui soit en la maison du Roy, pour coucher en sa chambre & estre près de luy à son lever & coucher.

Si bien qu'à toutes heures il en avoit l'oreille, en quoy il fit tres-bien ses besognes, tant pour les grandes dignitez que pour les biens qu'il eut & acquit à foison : il fut fait Mareschal de France, & eut la place de Mr. le Mareschal du Bié, qui venoit de bonne maison, aussi elle tomba en bonne maison, & s'estonna-t-on à la Cour comment il eut cette charge si jeune, laquelle ne se donnoit qu'aux plus anciens Chevaliers. Après le traité & l'accord de Boulogne, entre le Roy Henry & le petit Roy Edouard d'Angleterre, le Roy son maistre l'envoya vers ledit Roy Edouard, pour en faire un serment tres-solemnel, & luy porter aussi son Ordre, qu'il luy donna, avec les ceremonies accoustumées, fors celles de l'Eglise.

Auf-

Aussi ledit Roy bailla le sien au dit Mareschal par la permission de son Roy, qui ne l'eust ozé prendre autrement, & envoya le sien pareillement au Roy Henry; si bien que pour un coup s'est veu à la Cour pour la feste de Saint George celebrer & porter cet ordre de trois François, ce que l'on observoit par curiosité; à sçavoir le Roy, Mr. le Connestable, qui l'avoit eu du Roy Henry d'Angleterre, durant sa faveur, & mondit Sieur le Mareschal; ce qui estoit une chose belle à voir, car la solemnité en est tres-belle, & l'ordre & le manteau tres-beau, avec la jarretiere, dont l'institution est fort antique, & plus que de tous les autres, fors celuy de l'Annonciade de Savoye, qu'on tient la plus ancienne.

Or il faut noter que lors de la partance dudit Sieur Mareschal vers Angleterre, bien que la paix fust entre l'Empereur & le Roi, toutefois les mains demangeoient si fort à l'Empereur, qu'il ne cherchoit que les occasions à toute heure pour la rompre. A quoy veilloit la Reine d'Hongrie sa bonne sœur, qui le sçavoit tres-bien servir selon son goust, tout ce qu'elle pouvoit, du coste de son Gouvernement des Pais-bas.

Si bien qu'ayant armé grand' quantité de navires, leur faisoit tenir la mer de ce costé

costé en grande sujettion, & plusieurs insolences en sortoient sur nos navires François, à les devaliser de leurs biscuits, vins & munitions, jusques aux ancres & voiles, & ladite Reyne ayant sceu le voyage dudit Mareschal vers l'Angleterre, fit tenir ladite armée entre Calais & Douvre, afin qu'il ne passast qu'à leur mercy.

Dequoy averty Monsieur le Mareschal, prit le chemin de Diepe, là où il fit arrester deux ou trois navires Flamans, pour deux ou trois jours seulement, pendant lequel temps il peust estre passé, & prist terre en Angleterre. Ce qui s'executa si dextrement & gracieusement, qu'il n'y eut un seul marinier offensé, ny chose dans leur navire ostée, ny navire qui ne fust realaisché aussi-tost qu'on sceut ledit Mareschal arrivé en Angleterre.

A quoy ladite Reyne prit pied & pointilla aussi-tost qu'elle fit arrester à ses ports tous les navires François, à l'appetit de trois petits navires Flamans arrestez pour trois jours seulement, leur faisant oster les voiles, mettre la marchandise en terré, & consumer les mariniers, qui estoient en grand nombre, & les marchands en frais de poursuites, sans leur faire autre réponse, sinon qu'on

qu'on leur avoit retenu en France leurs navires , combien qu'ils fussent déjà delivrez , & que cette retention fust seulement particuliere à Diepe , & pour juste cause , où l'autre estoit generale , sans cause , & executée avec tous les termes d'aigreur. Davantage , cette colere s'estendit sur les marchands , qui par terre trafiquoient à Anvers , bien qu'ils n'eussent rien de commun avec ceux qui navigoient , & leur faisièrent toutes leurs marchandises qu'ils portoient sur leurs chariots.

J'omets tant d'autres insolences , qui feroient trop longues à reciter , par lesquelles on pourroit à plein connoître , combien bonne maîtresse estoit cette Reyne des desseins secrets , entreprises & actions de l'Empereur son frere ; & disoit-on alors , si elle eust peu attrapper mondit Sieur le Marechal & son armement , qu'elle l'eust fort bien retenu & rançonne pour un mignon & favori du Roy , & butiné , tant l'animosité & ambition d'un Grand transporte son ame quelquefois !

A quoy sceut tres-bien remedier par sa sagesse ledit Sieur Marechal , tant pour l'aller que pour le retour , dont il fut fort loué & estimé , non pas pour ce fait seul , mais en plusieurs autres , qui s'en-

s'ensuivirent après, & en toutes les armées, où après Monsieur le Connestable il avoit tousjours sa principauté & charge de commander, ou en l'avant-garde, ou en la bataille, ou arriere-garde sur les retraites ; car il estoit tout plein de valeur & de sage conduite.

Il fit tres-bien au ravitaillement premier de Mariembourg, comme il fit aussi à la bataille de Saint-Quentin, où il fut pris prisonnier avec beaucoup de reputation & l'espée sanglante en la main ; & puis fut l'un des plus principaux moyenneurs de la paix entre les deux Roys ; & puis la guerre civile entrevenue, d'autant qu'il estoit tres-bon & ferme Catholique, il se montra fort ennemy des Huguenots ; & disoit-on que ce fut luy le premier qui fit l'affociation du Triumvirat. Aussi les Huguenots le haïssoient fort & l'appelloient Arquebusier de Ponant, & n'eussent sceu dire bien au vray pourquoy. Il fut envoyé au devant de Monsieur d'Andelot, pour luy empescher le passage de France avec les Reistres ; mais il le trouva si fort, & marchant en si bel ordre, que le costoyant pourtant tousjours, pour en espier une occasion pour le combattre jamais il ne peut ; car Monsieur d'Andelot ne vouloit que passer ,
&

& joindre Messieurs le Prince & Amiral : & mondit Sieur Marechal (eux ayant été joint) sçachant qu'ils venoient assieger Corbeil, & prendre Paris par là, (comme on dit en commun proverbe) il s'y alla jeter dedans & le garda si bien qu'ils en leverent le siege & vinrent assieger Paris.

J'ay ouy dire de bon liu, & nous le tenions aucuns, que ce fut luy qui ordonna l'ordre de la bataille de Dreux, qui fut en mode de croissant, mettant en chaque bataillon de gens de pied un regiment de gendarmerie, estant pourtant en haye. Messieurs de Guise & Conestable trouverent cette forme belle & bonne, & la luy defererent, tant parce qu'ils le tenoient de bon esprit & avisé Capitaine, que parce que tous trois s'entendoient si bien, que ce que l'un vouloit, l'autre l'approuvoit, & n'avoient nulle contestation ensemble, ce qui est fort rare.

Le matin avant la bataille, il vint trouver Monsieur de Guise en sa chambre, qu'il n'estoit pas encore jour, & y entrant il demanda au jeune Tranchelion, brave Gentil-homme, qui en fortoit, ce que Monsieur de Guise faisoit. Il luy dit qu'il venoit d'ouïr la Messe, & de faire ses Pasques, & qu'il vouloit

déjeuner pour monter à cheval. Ah ! Dieu, (ce dit-il, car je l'ouys & y estois) je suis bien malheureux que j'en aye autant fait, & ne me sois mieux préparé, car le cœur me dit que j'auray aujourd'huy je ne sçay quoy !

Ce jour là il fit tout ce qu'un grand Capitaine pouvoit, fut à combattre, fust d'aller de deçà & de-là, à commander où il falloit. Mais le soir venu ayant échappé le grand hazard de tout le jour & qu'on pensoit le tout gagné, parut une troupe de cinq cens chevaux de vaincus, qui s'estoient ralliez par le moyen de Messieurs de la Nouë & Avaré disoit-on, qui vinrent à nous pour retenir la fortune & le hazard d'un nouveau & second combat : ce que de nos temps ne s'est gueres veu.

Monsieur le Marechalles voulant aller recevoir avec Monsieur de Guise, & faisant en diligence chercher son second cheval de bataille, parce que le sien premier il avoit si fort promené lassé & harassé tout le jour, & à combattre & à aller, venir & tourner qu'il n'en pouvoit plus. Sur ce second cheval estoit monté Pierre Gourde page de la chambre du Roy, Gentil jeune homme Provençal & brave & vaillant, qui fut tué en Perigord à la defai

te des Provençaux, (j'en parle ailleurs) qui par cas estant monté sur ce bon cheval, vint à passer un Reistre devant luy & se mit à le poursuivre, si bien qu'oublant son devoir & sa charge, & croyant plustost son brave cœur, il se perdit en telle façon qu'il ne peut en cela servir son maistre, qui s'aydant de son premier cheval, alla tres hardiment au combat, & lui faillant au besoin tous deux tombèrent par terre sans se pouvoir relever. Sur ce il fut pris par un Gentil-homme Huguenot, qui l'ayant monté en croupe derrière luy, vint un, qu'on appelloit Aubigny, à qui Monsieur le Mareschal avoit autrefois fait déplaisir, voire, disoit-on, jouïssoit de son bien par confiscation, qui le reconnut & luy donna un coup de pistolet par la teste, dont il tomba mort par terre.

On le trouva à dire sur la retraite tout le soir & toute la nuit, jusques au lendemain matin sur les neuf heures, qu'après avoir esté bien cherché & recherché parmy les morts, il fut trouvé dans un petit fossé à l'entrée du bois, près duquel avoit esté fait un combat. Monsieur de Guise le regretta bien fort, & plus que je ne sçaurois dire, & se courrouça fort, comme je vis, contre aucuns des siens que je ne dis, qui ne

ſçavoient rendre conte ny nouvelles de luy, & qui l'avoient ainſi abandonné & perdu, ſans pouvoir ce dire qu'il eſtoit devenu.

Enfin il fut là trouvé, & ne fut veu jamais un plus bel homme mort, par le dire & opinion de tous ceux qui le virent, & de moy auſſi. Il fut fort regretté d'aucuns, & d'autres nullement & meſmes de la Reyne, qu'on diſoit avoir debattu au Conſeil étroit du Triumvirat, qu'il la falloir jetter en un ſac dans l'eau, laquelle opinion fut trouvée fort, voire plus qu'eſtrange, d'opiner ainſi la mort de ſa Reyne, femme de ſon Roy, & qui l'avoit tant aymé & favoriſé, & elle & tout; juſques-là que quaſi ordinairement quand il n'y avoit plus grand queluy, il la ménoit ordinairement danſer le grand bal, car le Roy ménoit tousjours Madame ſa ſœur. Si ne l'avoit-on jamais trouvé cruel pourtant. Quand il prit Poitiers aux premiers troubles, & de ſurpriſe, à cauſe du chasteau, que le Treſorier Pineau tenoit pour le Roy, & de force, auſſi il n'y exerça ſi grande cruauté ny ſi rigoureuſe juſtice qu'on diſoit qu'il devoit faire. Auſſi ſon viſage ne portoit en ſoy aucune façon cruelle, car il eſtoit fort beau & de bonne grace, la parole belle, & l'eſ-

l'esprit gentil, & bon jugement & bonne cervelle. Et comme on voit en tous arts, & sur tout en celuy de la guerre, les personnes, qui ont un tel don de nature, y apprendre aussi tost & mieux, & s'y faire plus expertes que les grossières & idiotses & tardives, de mesme en fit ce Marechal, car en ses jeunes ans il se rendit meilleur Capitaine pour si peu de guerre qu'il avoit pratiqué, qu'un autre en plus vieilles années & plus longues experiences, ainsi qu'il a fait paroître en toutes les charges qu'il a eues, & les factions qu'il a exercées, dont entr'autres fut la retraite (qui est fort à noter) qu'il fit au retour du camp de Valenciennes, auprès de Quenoy, menant l'arriere-garde.

Le Roy Henry dont ayant demeuré long-temps devant Valenciennes défiant tous les jours à la bataille l'Empereur Charles, qui s'estoit si bien retranché qu'il n'estoit pas possible au Diable mesme de le ravoir & le tirer de-là, il s'avise de s'en déloger & aller assieger quelque place, qui fut Renty, pour l'attirer à ce qu'il desiroit le plus, & ainsi qu'il y marchoit droit, & que mondit Sieur Marechal menoit l'arriere-garde, & faisant sa retraite & la queue avec deux mille chevaux seulement, tant

de gendarmerie que cavalerie legere , conduite par Messieurs d'Aumale Colonel , le Seigneur Paulo Baptiste Fregoule , vieux & gentil Capitaine chevauleger , le Prince de Condé , Messieurs le grand Prieur de France , le Marquis d'Elbœuf , son frere d'Anville , de Suzze , de Saux , & de Cursol , tous avec leurs compagnies de chevaux-legers , & avec eux le Capitaine Langue avec sa compagnie d'arquebusiers à cheval , qu'on dit n'en avoir veu de plus belles jamais en France , & celle de Salsede aux premiers troubles , après celle de Monsieur le Marechal de Strozze devant Marolles , comme j'ay dit , car le dit Capitaine Langue estoit un tresbon Capitaine , qui les sçavoit bien mener , & qui avoit une fort belle façon & representation brave , car il estoit fort grand , haut & proportionné à l'avenant , ses arquebusiers tousjours bien choisis & montez sur de bons courtauts , dont le moindre de ce temps valoit bien soixante escus , & aujourd'uy vaudroit bien le double , & tous portant de fort grandes arquebuses à rouët & bonnes , qui n'eussent jamais , ainsi que portent aujourd'uy aucuns Carabins Espagnols : la compagnie estoit de cent chevaux , & marchoient

choient tousjours avec la Cavalerie. Il avoit appris cela de Monsieur de Strozze , ce disoit Monsieur de Guise , qui louoit fort & le Capitaine & les soldats , ainsi que luy ay veu discourir d'autresfois. Pour la gendarmerie qui y estoit , il y avoit deux regimens , à l'un desquels commandoit ce brave & genereux Monsieur d'Anguien , & à l'autre Monsieur le Vicomte de Turenne , un Chevalier tout plein d'honneur & de valeur , ainsi qu'il fit paroistre à la mort à la bataille de Saint-Quentin.

Toutes ces braves troupes marchant en un bel ordre , vinrent à découvrir au Quesnoy six mille chevaux de l'Empereur , que conduisoit Monsieur de Savoye , qui venoient droit à eux ; & déjà les premiers s'attaquaient aux derniers des nostres. Monsieur le Mareschal voyant la partie n'estre pas esgale , ny les forces non plus , & que de secours il n'en faloit esperer de l'avant garde & de la bataille , qui estoient déjà bien loin d'un ruisseau qu'il leur faloit passer , vint à considerer qu'attendre les ennemis plus longtemps , ce seroit se perdre manifestement , de passer aussi le ruisseau soudainement , ce seroit autant donner de frayeur de desordre & d'embaras aux siens

avoient passé le ruisseau, elles prenoient place de bataille aussi-tôt & se presentoient à eux, qui les mettoient en grand doute s'ils estoient de çà ou de là l'au, & entrèrent en opinion que toute l'armée y estoit pour donner bataille. Ce qui les fit tenir sur bride, jusques à ce qu'ils se donnèrent la garde qu'ils virent toutes nos troupes passées de-là le ruisseau & placées, fors quelques chevaux légers des Seigneurs de Saux, Suze, & Cursol, qui tousjours escarmouchoient, pendant que les nostres avoient le loisir de passer, & puis se retirèrent en belle contenance, jusques à ce qu'ils furent au ruisseau, & lors les ennemis les chargerent à toute bride sur cette bonne occasion : mais ils trouverent là les arquebusiers du Capitaine Langue, ce qui fut un très-grand service. Voilà comment-on devoit faire à la bataille de Saint-Quentin, touchant ces arquebusiers, comme j'ay dit ailleurs, & comme fit aussi ce grand Monsieur de Guise le dernier, contre l'armée du Baron Doné, à ce passage du ruisseau, comme j'en parle aussi ailleurs qui les receurent & arresterent tout à coup à belles arquebusades, dont ce fut à eux à ne passer plus outre & à se retirer, & les nostres de mesme; tousjours en fort belle

le ordonnance de guerre. Voilà un exploit de ce Mareſchal , qui fut fort eſtimé , & des noſtres & des ennemis comme certes il eſtoit tres-digne d'admiration ; car autant ſe priſe une belle retraite , & telle que cella-là , comme un combat ſanglant , ainſi que j'eſpere en faire un diſcours à part. Et ſi Mr. le Mareſchal acquit là beaucoup de reputation , j'ay ouy dire que les grands Capitaines , qui eſtoient là de l'Empereur pour commander , eurent là grande faute d'yeux , de jugement , de courage & volonté de combattre ; & meſmes eſtant ſix mille chevaux contre deux mille , qu'ils devoient bien eſtendre leurs yeux , & leur jugement , pour les bien reconnoiſtre , & plus les trouvant en ſi peu de nombre , les charger à toute bride ſans marchander tant par de petites eſcarmouches. Toutefois ceux qui excuſent les Imperiaux , diſent que Mr. le Mareſchal s'eſtoit placé ſi bien en lieu ſi avantageux & commode , (ce qui fut un trait de grand Capitaine) ou que le lieu par hazard s'y addonnaſt, qu'il en fit perdre aux ennemis la veüe , la connoiſſance & le jugement.

Ce bel exploit , avec pluſieurs autres , donne bien à croire à une infinité de perſonnes , que non ſans cauſe il prit pour ſa
devi-

devise le bras & l'espée d'Alexandre le Grand, coupant le nœud indissoluble en Gordic, palais antique de Midas, donnant à entendre certain moyen qu'il tenoit plus que les autres, à rendre par sa vertu faciles & aisées les choses, estimées de plusieurs difficiles & impossibles.

Les mots de la devise estoient, *Nodo virtute resolve*. Outre cette excellente vertu de guerre qui estoit en luy, il se plaisoit fort aussi à employer sa faveur à l'endroit du Roy, pour les gens de bien & d'honneur qui en faisoient profession, & leur faisoit faire force bienfaits. Je me souviens qu'au retour du siege de Mets, il fit donner au Roi de son espargne, au Capitaine Bourdeille, mon puisné frere, douze cens escus, qui estoient comme aujourd'huy trois mille, pour avoir été blessé à Mets, à une sortie un jour sur le camp du Marquis Albert, de trois grandes arquebusades, deux dans le col, & l'autre au miran du bras, dont il cuida mourir sans Maître Doublet, Chirurgien de Mr. de Nemours, qui de ce temps emportoit la vogue des Chirurgiens de France, & fit dedans Mets d'estranges cures, & un chacun alloit à luy, bien qu'il y eust Maître Ambroise Paré, tant renommé depuis & tenu pour le premier de son tems; & toutes ces cures faisoit ledit Doublet

pour du simple linge blanc , & belle eau simple venant de la fontaine ou du puits ; mais sur cela il s'aydoit de sortileges & paroles charmées , comme il y a encore force gens aujourd'huy qui l'ont veu , qui l'asseurent du depuis.

Il y eut quelqu'un là present qui l'ouït ainsi parler , & dit à un autre , Voilà le discours du Roy Picrocole de Rabelais , ou de la femme du pot au lait , qui le portoit vendre au marché , & en faisoit de beaux petits songes & projets , mais sur ce il se cassa. Ainsi qu'il luy arriva , car estant party d'avec le Roy , & marchant en bonne resolution & affection de le bien servir avec son armée , il n'alla gueres avant , car il tomba malade à Chastresfous. Montl'hery , & là il mourut. Il y a un tres-grand Prince de par le monde aujourd'huy , qui me dit au siege de la Rochelle , & le tenir du feu Roy Henry troisieme , qu'il mourut comme enragé & desesperé. Ce que je ne croy , car ce Prince estoit de la Religion , & ne vouloit trop grand bien à Monsieur de Tavannes. Il peut estre aussi qu'ouy , car Dieu envoie telles afflictions aux sanguinaires. Tant y a , que lors qu'il mourut , il mourut un tres-grand Capitaine , & s'il eust fait le siege de la Rochelle , possible seroit-elle en la dis-

disposition du Roy, & tres bien prise, possible que non; mais l'on s'y fust comporté d'autre façon qu'on ne fit, parce qu'il s'entendoit bien en cela, & commandoit fort imperieusement.

Monsieur l'Amiral & luy avoient esté contemporains, & un peu compagnons de Cour; mais Monsieur de Tavannes estoit plus vieux que luy, & avoient esté fort fols enjoeüz de leur temps à la Cour, & rudes; mais Monsieur de Tavannes le surpassoit, jusques à monter sur les maisons, & à sauter d'une rue en l'autre sur les tuilles. On disoit sur leur fin, que c'estoient deux grands Capitaines de ce temps, qui portoient le nom de Gaspard chacun, sçavoir l'un Gaspard de Colligny, qui estoit Monsieur l'Amiral, & l'autre Gaspard de Saux, qui estoit Monsieur de Travannes; mais Monsieur l'Amiral le surpassoit fort, comme il a paru par les grandes & grosses pierres qu'il a remuées en son temps, ce que n'eust sceu faire si aisément l'autre. Voilà ce qu'on en disoit alors.

MEMOIRES DE
MONSIEUR LE MARE-
SCHAL DE BIRON.

P Arlons maintenant de Monsieur le Marechal de Birón , lequel nous pouvons dire tous estre aujourd'huy le plus vieux & le plus grand Capitaine de France : nous le pouvons bien dire tel , puis que Monsieur de la Nouë l'a ainsi baptisé en son livre ; car il s'entend tres-bien en cette graine , & ses effets & prouësses , & ses vertus nous le dépeignent tel. Il fut nourry page de la grande Reyne de Navarre Marguerite de Valois , & retint si bien de sa noble nourriture , qu'avec ce qu'il estoit esveillé , d'un fort & gentil esprit , la nourriture le luy accroût davantage , car une belle naissance & une bonne nourriture ne scauroient estre ensemble qu'elles ne fassent bien les jeunes gens. Sortant de page il s'en alla aux guerres de Picdmont pour lors , auxquelles il s'adonna si bravement & vaillamment , qu'il y acquit une tres-belle reputation , & une grande arquebusade aussi en la jambe , dont toute sa vie il en a esté estropié & boiteux , comme l'on l'a veu. Monsieur le Marechal de Brissac luy donna son guidon

don de cent hommes d'armes, & tel drapeau ne se donnoit le temps passé, & mesme d'un si grand Mareschal que celui là, à jeunes gens, qui n'eussent fait de fort signalées montres de leur valeur : aussi pour tout cela le Roy le fit Gentil-homme de sa chambre, & estant beau, grand & honorable pour lors, qu'il ne cedit à petites gens, comme l'on l'a veu depuis le donner. Le voyage de Mr. de Guise en Italie se fit, où il eut une compagnie de cent hommes de cavalerie légère, & les garda jusques à la paix faite entre les deux Roys, & tousjours en tres-belle reputation de toujours bien faire. La guerre civile premiere s'esmeut, où pensant au commencement estre avance en quelque charge & honneur, il vit au Bois de Vincennes faire cinq ou six Chevaliers de l'Ordre, & luy ne le fut point, croyant bien l'estre & le bien meriter aussi-bien qu'aucuns, disoit-il ; & mesme y nomme le Sieur de Montpezat, lequel pourtant lors avoit eu plus grandes charges que ledit Monsieur de Biron, car au voyage de Monsieur de Guise il estoit grand Maistre de l'artillerie, & fut Lieutenant de Monsieur de Guise de sa compagnie de gendarmes, qui estoit un tres-grand honneur de l'estre d'un si grand

grand Capitaine & le plus grand de la France. Voilà ce qu'on disoit pourquoy ledit Mr. de Biron ne devoit estre dépité & envieux de l'honneur de Mr. de Monpezat en cela.

Et luy respondit que les grandes charges quelquefois ne portoient pas tant de fruits de merites comme les faveurs, tellement que le voilà bien dépité, mutiné & rongé sa colere le mieux qu'il peut. Et notez que la principale occasion pourquoy il n'eut cet honneur, & ne faisoit-on pas grand cas de luy, c'est qu'il estoit tenu pour fort Huguenot, & mesme qu'il avoit fait baptizer deux de ses enfans (ce disoit-on à la Cour) à la Huguenotte, ce que les grands Capitaines d'alors, comme le Roy de Navarre, Messieurs de Guise, le Connestable & Marechal de Saint André abhorroient comme le peste, & les Religieux, le monde & tout. Voilà pourquoy mondit Sieur de Biron estoit regardé de fort mauvais œil; si bien qu'il resolut de partir de la Cour & se retirer en sa maison, & pour ce ayant pris congé du Roy & des Grands, il vint trouver le Sieur du Perron, aujourd'hui Marechal de Rets, qui commençoit alors à entrer en grande faveur du Roy & de la Reyne, pour luy dire adieu,

ce

ce qu'il fit, en luy contant son mescontentement & sa resolution de vouloir se retirer chez luy, Monsieur du Peron songeant en soy de s'obliger cet honneste & brave Gentil-homme, le pria de ne bouger encore, ainsi qu'il estoit botté & prest à partir, & d'attendre un peu qu'il eust parlé à la Reyne, à laquelle il remontra le mescontentement de ce Gentil-homme, & qu'il estoit pour bien servir le Roy, & qu'elle le devoit arrester & contenter par belles paroles & promesses, lesquelles ne manquoient jamais à la Reyne (aussi Monsieur Ronfard luy dedia lors l'Hymne de la promesse.) Elle ne faillit doncques à l'envoyer querir & parler à luy & l'arrester. J'estois à la Cour alors & vis tout cela, & sçay fort bien tout le mystere. Ledit Sieur de Biron se mit à suivre l'armée pour quelque temps sans charge aucune, & puis après fut donné pour assister à Messieurs d'Auffun, de Losse & Chantemesles, qui estoient lors grands Mareschaux de Camp, & luy estoit sous eux pour quelque temps, mais il en sçavoit bien autant qu'eux. Monsieur de Guise le commença à goustier, bien qu'il fist tousjours quelque signe & dist quelque petit mot Huguenot, & ne s'en pouvoit garder,

mais

mais secretement & montrant une secreete affection à ce party. Il se fit enfin si capable en sa charge, qu'il falloit qu'on se servist de luy, & pour ce de toutes ces guerres ne bougea jamais de l'armée & s'y opiniastra si bien, qu'il ne faillit à toutes les belles factions qui s'y firent, jusques à ce que la paix se fit, & eut la charge de mener en Languedoc & Provence les Regimens de Sarlabous le jeune & de Raimolle, avec quelque Cavalerie legere de Scipion Vimercat & de Centurion Genevois & autres, pour y establir la paix, qu'on ne vouloit bien recevoir, & principalement en Provence, qui estoit du tout mutinée & envenimée contre les Huguenots : mais Mr. de Biron y mit le Regiment de Raimolle aux garnisons qu'il y falloit, & y establit aussi bon ordre, police & si bonne paix, que le Roy & la Reyne puis après y arrivant y trouverent le tout si tranquille & quiete, qu'ils commencerent alors à concevoir une grande opinion dudit Sieur de Biron, & louèrent fort, & se contenterent extrêmement de luy. Voila son premier commencement de grand avancement & de charge. Durant la paix il se pouffoit tousjours & s'entremesloit des affaires le plus qu'il pouvoit, & en recherchoit
les

les occasions, & pour ce la Reyne s'en servoit en aucunes. La seconde guerre civile vint après, & le siege de Paris, la bataille de Saint-Denis, le voyage de Lorraine, Mr. de Biron se trouva à la Cour si à propos qu'il fut fait Marechal de camp avec Monsieur le Vicomte d'Auchy & Monsieur de Montreuil Gouverneur d'Orleans. Ces deux derniers estoient grands personages, & qui avoient bien veu, & sur tout Mr. le Vicomte d'Auchy, qui estoit à mon gré un des hommes du bien du monde. Monsieur de Biron, qui estoit prompt & soudain, vouloit estre creu le plus souvent, & luy & le Vicomte estoient le feu & l'eau, & quelquefois se trouvoit-on bien des opinions de l'un & quelquefois bien de l'autre; mais pourtant tout alla bien pour nous en cette seconde guerre. La troisieme arriva, & Mr. de Biron se trouva encore à propos à la Cour pour bien servir le Roy, & c'estoit ce qu'on disoit de luy pour lors, qu'on eust dit qu'il eut gagé la fortune pour l'avertir à heure precise quand il faudroit venir à la Cour, & y feroit bon, pour y bien faire ses affaires & celles de son Roy: car quand il eust demeuré deux ans à sa maison & qu'il venoit à la Cour, il y arrivoit tousjours à bonne heure pour luy.

A cette

A cette troisieme guerre il y fut malheureux, ar deux fois, l'une au logis de Jazeneuil, & l'autre du petit Limoges, là où il fut fort blasmé & tancé de Monsieur nostre General, & tenions-nous en l'armée qu'il l'avoit menacé de luy donner des coups de dague; mais ce fut à Monsieur de Biron de dire ses excuses le plus bellement qu'il peut, car s'il eust parlé le moins du monde haut, Monsieur luy en eust donné, tant il estoit en colere contre luy; & luy reprochant qu'il estoit Huguenot, & en favorisoit le party, & avoit fait ces fautes expres pour luy faire recevoir une honte, & lui faire couper la gorge & à toute son armée. Monsieur de Tavannes, qui estoit haut à la main & fort impetueux, parla aussi bien à luy, jusques à luy dire, qu'il apprist bien sa leçon; & qu'il vouloit se mesler de tout & d'un mestier qu'il ne sçavoit pas encore, & qu'il luy feroit bien apprendre, & qu'il estoit Huguenot, & qu'il n'oyoit jamais la Messe, & quand il y alloit, c'estoit par forme d'acquit. Tout cela lui fut reproché au Conseil, & ce fut à Monsieur de Biron à caller & à se faire, car il voyoit bien les gens avec lesquels il avoit affaire; & qu'il n'estoit aussi si grand en grade, & Capitaine comme il a esté

été depuis, & que pour estre tel il faut
 aire avant de grands rebuts & des fau-
 es, & grands pas de clerks : les scien-
 es ny les arts ne naissent pas avec nous,
 a pratique & l'estude nous la donnent,
 & avant que les avoir, nous faisons
 bien des incongruitez. Ceux pourtant
 qui vouloient excuser monsieur de Bi-
 ron disoient qu'il n'avoit si grande fau-
 te comme on le blasmoit. Il y a enco-
 re force gens, qui vivent aujourd'huy,
 qui en sçavent prou; sans que j'en parle,
 & aussi que les histoires en traitent,
 Tant y a, que Mr. de Biron fit tres-
 bien tousjours en cette expedition, tant
 qu'elle dura, & mesme en la batail-
 le de Moncontour, n'osant neantmoins
 passer plus outre des commandemens
 de Monsieur de Tavannes, qui vouloit
 tout regenter & que tout passast par son
 avis & son œil, comme bien luy ap-
 partenoit, & croy que ce que Monsieur
 de Biron a veu & pratiqué sous luy,
 ne luy a point nuit à s'y faire tel qu'il
 a esté. Cette bataille finie il conduist fort
 bravement & heureusement le siege &
 la prise de Saint-Jean, après laquelle
 il fut employé à faire la paix, & fut de-
 pesché avec Monsieur de Theligny vers
 Messieurs les Princes & Amiral en Lan-
 guedoc pour la traicter, & la mena

si bien & beau qu'elle se fit, pensant tout le monde qu'elle ne seroit gueres bonne, ferme & stable, parce qu'elle seroit mal-affise & faite par un boiteux (le Pasquin en fut fait ainsi;) le boiteux estoit Mr. de Biron, qui avoit esté auparavant fait grand Maistre de l'artillerie après la mort de Mr. de la Bourdaisiere; Monsieur de Roissy, qu'on appelloit Mal-affise, un tres-grand, subtil & habile personnage d'Estat, d'affaires, de science, & de toutes gentilleses, s'en mella aussi. Voilà le sujet de Pasquin. Comme de vray, de cette paix en sortit deux ans après la feste de Saint-Barthelemy, pour laquelle festoyer fust envoyé mondit Sieur le grand Maistre de Biron, querir la Reyne de Navarre pour la Cour, laquelle n'y voulut jamais venir que sa ville de Lestourne fust rendue & à elle; après l'y conduisit pour traiter le mariage de Mr. le Prince son fils & de Madame sœur du Roy, pour lequel accomplir mondit Sieur le grand Maistre de Biron fut envoyé de Blois & dépesché pour aller querir Mr. le Prince: (je sçay ce qu'il me dit avant que partir) enfin il le mena si bien & beau, accompagné de toute la fleur des Huguenots, qui pensant tous braver & gouverner tout le monde, prirent là une fin miserable.

Ceux

Ceux qui en eschapèrent, en blasme-
 rent mondit Sieur de Biron, & luy en
 l'onneurerent toute la coulpe, disant qu'il
 es estoit allé tous amadouër & appaster
 pour les mener tous au marché de la
 boucherie, & pource commencerent à
 le bagouler contre luy; les uns l'appel-
 loient Tonneleur, parce que, comme
 il est un tonneleur avec sa tonnelle aux
 perdrix, il les avoit tous avec sa parole
 tonnelez & amassez, pour les faire tous
 nourrir; les autres l'appellerent le faux
 perdrier; (les austrulliers, fauconniers
 & chasseurs connoissent ce mot) les au-
 tres en parloient en plusieurs sortes,
 comme la passion les transportoit: mais
 tant y a, ç'a esté un tres-grand valeureux
 & tres-habile personnage, & si ne lais-
 sa-t-il pour toutes ces calomnies, soup-
 çons & causeries, qu'il ne fust en gran-
 de peine à cette feste, & bien luy prit
 d'estre brave, vaillant & assuré, car il
 se retira aussi-tost en son arsenal; bra-
 qua force artillerie à la porte & autres
 venuës, fut si belle & assurée conte-
 nance de guerre, qu'aucunes troupes de
 Parisiens, qui n'avoient eu jamais af-
 faire à un tel homme de guerre, s'a-
 prochant à sa porte, il parla à eux si
 bravement, les menaça de leur tirer
 force canonnades s'ils ne se retiroient,
 ce

ce qu'ils firent aussi-tost & n'osèrent plus s'y approcher, ny rien faire à luy de ce qu'ils vouloient & qui leur avoit esté commandé; car pour le seur il estoit pros- crit ainsi que les autres que je sçay, com- me il me dit luy-même à son retour de Broüage, car il m'estoit bon parent & amy, & me discourut fort de ce massa- cre. On disoit que Monsieur de Tavan- nes, qui ne l'aymoit trop, & le Comte de Rets non plus, luy presterent cette charité de proscription. Après la furie totale de ce massacre passé le Roy l'en- voya querir sur sa parole & affiat; com- me l'on dit, & le dépescha en Xain- tonge, d'où il estoit Gouverneur, & par consequent du Pays d'Onix, pour fai- re sommier la Rochelle de vouloir pren- dre sa premiere obeïssance au Roy, & la gagner par toutes voyes de douceur.

Il nous vint trouver en Broüage, sur la rupture de nostre embarquement, & nous porta alors commandement du Roi de luy assister, si les Rochelois ne se vou- loient remettre, après avoir essayé & tenté toutes douces voyes, & y ayant envoyé vers eux force honnestes gens pour parlementer, & mesme Mr. le Baron de Tonnay Boutonne, & Mr. de Vigean, qui n'y gagnerent rien, sinon quelques bons coups d'espée, que le
Sieur

Sieur de Vigeaneut & emporta pour sa part, & fut laissé pour mort dans la rue. Il le de son lit à la Jarrie, de dépit qu'ils eurent contre luy, de quoy luy, Huguenot & de la Religion, venoit parler contre'elle & son party.

Ces douceurs toutes faillies & desesperées, falut venir à la force, & pour ce le Roy luy manda de bloquer la ville, en attendant la grande armée pour assieger à bon escient & point à faux. De descrire tout ce siege, il me semble que je le décrirois aussi bien qu'homme qui y fust, car dès le commencement jusques à la fin je n'en bougeay, moitié heureux moitié malheureux; mais je le remettray à la vie de nôtre feu Roy Henry.

Pour ce coup je diray que Monsieur de Biron fut malheureux en ce siege, car il s'y travailla & peina, fit tous les devoirs d'un grand Capitaine & d'un bon grand Maître d'Artillerie, &, qui pis est, y receut une grande arquebusade; toutefois la plus grand' part des assiegeans avoient opinion qu'il s'entendoit avec ceux de dedans, & que luy & les siens leur donnoient avis de tout ce qui se faisoit au dehors: ce qui est le plus grand abus du monde, car s'il eust pris cette ville, il en estoit

Gouverneur, & possesseur de la plus importante place de la France ; & luy, qui estoit un Capitaine ambitieux, je vous laisse à penser s'il eust voulu eschaper ce bon morceau s'il l'eust peu prendre ; & si on l'eust voulu croire, & Monsieur de Strozze, la ville eust esté prise, en la gagnant pied à pied, comme nous avions fait à la fin ; mais on y alla si fort à la haste & en precipitation des assauts & batteries, qu'on n'y faisoit jamais la besogne qu'à demi : & si vous diray bien plus, que pour l'envie qu'avoit le dit Sieur de Biron de l'avoir, il en fut en grand' peine & danger, ainsi qu'on le pourra sçavoir par ce discours.

Sur le declin de ce siege les Polonois presserent si fort leur nouveau Roy esleu de s'en aller en Pologne, & luy proposerent tant d'affaires urgentes, qu'il n'estoit possible d'y mettre ordre sans sa presence. Ce n'estoient pas seulement les Polonois, mais les François qui y estoient envoyez, comme Monsieur de Valence & le jeune Lansac, & ne l'en sollicitoient pas seulement, mais le Roy & la Keyne principalement, laquelle Reyne, esperduë de joye de son fils Roy luy sembloit qu'il n'y seroit jamais. & pour ce luy manda de faire une capitulation à la Rochelle, quoy qu'il fust.

Ceux

Ceux de dedans ne voulurent pas faire pour eux seulement, mais pour autres villes, comme Montauban, Nismes & autres.

Le pauvre Sancerre, qu'on vouloit bien comprendre, mais on trancha la broche tout à trac pour eux, car on les faisoit pris de jour à autre la corde au col, & toutefois ces braves & determinez tinrent encore plus de cinq semaines après la paix, qui s'en ensuivit: laquelle faite le Roy de Pologne leva le siege de-là avec son honneur, ce qu'il desiroit plus que tout, & avec une capitulation telle quelle, mais tenant plus pourtant de l'ombre honorable qu'autrement.

Or durant tous ces parlemens, qui durerent plus de quinze jours, les trêves faites, Mr. de Biron fit tout ce qu'il peut pour divertir le Roy & la Reine, à n'entendre à aucune composition, & que sur la vie on luy laissast faire, qu'il auroit la ville, la corde au col, dans un mois, ou pour le plus tard dans cinq semaines, sans rien perdre ny hasarder, sinon à faire de bons blocus. Cet avis & ces lettres n'aportèrent nul coup pour cette fois. D'envie que la Reyne avoit de voir son fils & l'envoyer prendre possession de son Royaume,

me, qu'on luy faisoit si beau, si grand, si riche, si opulent & si puissant: d'en parler au Roy de Pologne, il n'eust ozé, car il avoit encore plus d'envie d'aller voir son Royaume, ainsi que j'ay eu cet honneur de luy en voir discourir avec un ravissement d'aise si grand, qu'il se perdroit quand il en parloit: mais quand il y fut, il changea bien d'opinion, car il n'y trouva pas la feve du gasteau qu'il pensoit, & dans son ame eust mieux aimé la ville de la Rochelle que le Royaume de Pologne.

Voilà combien pensant bien remonter en une chose, l'on perd l'autre certaine. Monsieur de Biron, quand il vit qu'il ne peut venir au dessus du Roy, de la Reine & du Roy de Pologne, sur ce fait s'avise de brouiller d'ailleurs, & écrire à Monsieur le Cardinal de Lorraine & aucuns principaux du Conseil qu'il s'empeschassent ce levement de siege & cette paix, & qu'on luy laissât faire seulement, qu'un temporisement de six semaines rendroit au Roy la ville de la Rochelle plus sujette à luy qu'elle ne fut jamais, comme certes estoit vray.

Monsieur le Cardinal, qui estoit un vray brûillon d'affaires, se met à remener là-dessus, & à gagner ceux

Conseil, pour divertir le Roy & la Reine de cette capitulation & paix, qui importunerent tant leurs Majestez, & principalement la Reine, qu'elle ne sceut trouver remede pour s'en dépestrer, si non d'escrire & mander par l'Abbé de Gadagne, en qui elle se fioit du tout, au Roy de Pologne son bon fils, les belles menées & manigances que traitoit Mr. de Biron contre luy, & qu'il parlât bien à lui, comme il falloit, & des grosses dents, comme l'on dit, & de mesme en escrivit audit Cardinal & autres Mèssieurs les beaux Conseillers de ce fait, des lettres bien hautaines & menaçantes; ce qu'il sceut tres-bien faire, car de sa propre main il en fit les lettres, comme je sçay, & si braves & si rigoureuses, qu'ils furent tous estonnez & demurerent court, si bien qu'ils n'oserent plus en sonner un seul petit mot.

Quant à Monsieur de Biron, estant, sans y penser, un matin allé trouver le Roi, & dans sa garderobe, où le Conseil tenoit cette fois, étoit fort estroit & garny de peu de gens; le Roi de Pologne le vous entreprend d'une façon qui ne tomba pas à terre, comme on dit, car d'abordade il lui donna cet mot, Venez-ça, petit gaillard, j'ay sceu de vos nouvelles; vous vous meslez de faire

des menées contre moy & d'escire à la Cour; je ne sçay qui me tient que je ne vous donne de l'espée dans le corps & vous estende mort par terre; ou pour mieux faire, que je ne vous fasse donner des Commissaires pour examiner & s'informer de vostre vie & de straites qu'avez faits contre moy, le Roy & son Estat, & puis vous trancher la teste. Et vous appartient-il aller contre mes volontez & desseins? Vous que je sçay bien qui vous estes? Sans le Roy & moy que seriez-vous? & vous vous oubliez; vous voulez faire du galand, vous voulez prendre la Rochelle, &, dites-vous, dans un mois ou six semaines, & voulez en avoir l'honneur & m'en priver; vous m'avez trop interessé le mien, petit galand que vous estes; car vous sçavez que la volonté du Roy, de la Reyne & la mienne n'estoit de venir à la prise de cette place, que m'aviez tant assuré de la prendre en un rien, fust par amour ou par force, sinon sur le point de la prise, de peur d'aucun affront à moy: je viens à Chastellerault, où j'y fis quelque séjour; vous me mandastes que j'estois trop loin, & que je m'avancasse à Poitiers, & qu'y étant, plus près je m'avancerois, tant plus intimiderois-je les Rochelois à se rendre, qui déjà y branloient: j'y fis là
aussi

aussi quelque séjour , tout à coup vous me mandastes en diligence que je marchasse à Niort, ce que je fis , & que le tout estoit en bon estat de se rendre, & que jamais il n'y fit meilleur ; j'y vins , je m'y arrestay encore , & n'y voyant non plus d'apparence qu'auparavant , pour fin il me falut venir sur vostre foy, & que je serois maistre de tout, (ce disiez-vous) où y estant , je n'y trouvay encore rien prest, non plus que quand j'estois au commencement de mon voyage ; & qui pis est, je n'y vis ny trouvay aucuns preparatifs d'aucun siege. Vous m'avez fait demeurer cinq mois ; à cette heure que j'en puis sortir à mon honneur, vous me le voulez traverser , & proposez d'y demeurer & l'emporter , & triompher de cet honneur par dessus moy. Je vous apprendray à vouloir faire du grand Capitaine à mes dépens , & ne l'estes pas aux vôtres.

Tant d'autres paroles fascheuses luy jetta-t-il , que jamais il n'osa repartir pour les parer , sinon que tout doucement faire ses excuses au mieux qu'il peut ; autrement le Roy de Pologne luy eust fait un mauvais tour, tant il estoit en colere contre luy , & ainsi se departit, & le Roy monte à cheval & s'en va à Aymande.

Ce matin j'estois à la porte de mon logis , qui donnois à dîner à Messieurs de Strozze & de la Nouë ; je vis passer Monsieur de Biron , & seul à cheval ; il n'avoit que son Escuyer Baptiste avec luy : je luy crie s'il vouloit venir dîner avec nous , & aussi-tost il vint à moy & met pied à terre , & nous dit qu'il ne vouloit pas dîner , car il estoit tout fâché , & nous prenant tous trois à part il nous dit. Je vous veux faire mes plaintes à tous trois , comme à mes plus grands amis que j'aye icy.

Le Roy de Pologne se vint fâcher à moy , dit-il , & parler à moy comme au moindre de ce camp , dont le cœur m'en creve. Et puis nous conta partie de ce qui s'étoit passé , car il ne nous rendit pas toutes les grosses paroles que le Roy luy avoit dites : mais ce fut un tres-grand Prince , qui nous les dit le soir , à Monsr. de Strozze & à moy , qui y estoit present , & que ce pauvre homme (usant de ces mots) luy avoit fait pitié. Du depuis le Roy de Pologne luy fit tousjours fort froide mine , & mesme à son retour de Pologne.

La Reyne ayant mandé à tous les Princes , Seigneurs & grands Capitaines du Royaume , de la venir trouver à Lyon ; pour recevoir leur Roy & luy faire

faire honneur à son entrée de son nouveau Regne, je vis quand il luy fit la reverence, mais il ne luy fit meilleure chere qu'à aucuns de nous autres, dont je sçay bien ce qu'il m'en dit, car il m'aymoit fort, & bien souvent me disoit des choses qu'il ne disoit à un autre.

Ce voyage seul ne luy fut à propos ny à souhait, comme les autres, car le Roy partant de Lyon, pour aller en Avignon, ne l'employa en rien, ny luy commanda de le suivre. Surquoy il prit sujet de lui demander congé de s'en aller en sa maison, qu'il lui donna fort facilement & aussi-tost, & y demeura tout le long de l'Hyver & l'Esté, jusques à la fin d'Aoust, que les nouvelles vinrent que Monfr. de Thoré avoit fait sa levée de Reistres, & s'en venoit en France, que la Reyne l'envoya querir par la priere de Monsieur de Guise, qui ne vouloit avec luy d'autres Capitaines que Monsieur de Biron & Monsieur de Strozze, pour bien estriller Monsieur de Thore & tous ses Reistres, disoit-il, s'ils se mesloient d'entrer en France par son Gouvernement ou par ailleurs. Je le vis arriver à la Cour & faire la reverence au Roy, qui luy fit assez bonne chere.

Monfr. de Guise fait donc son voyage

ge en Champagne , n'y emmene que ces deux Capitaines qu'il vouloit , & vous estrilla bien Messieurs les Reistres , comme cela s'est veu , & l'honneur seul en fut à Monsr. de Guise , Monsr. de Biron & Monsr. de Strozze , bien que le Mareschal de Rets y fust : mais il y estoit allé en homme privé , & non en Mareschal , n'y ayant aucunes charges , non plus que le moindre Gentil homme de l'armée ; dequoy un jour je l'en repris , car sa femme estoit ma cousine germaine , & luy remonstray que cela n'estoit pas beau à luy , qui estoit Mareschal de France , de se trouver en une telle affaire en homme privé , & n'exercer point sa charge ; que jamais cela ne s'étoit veu. Il me respondit qu'il ne s'en soucioit point , mais qu'en quelque estat qu'il fust il pust servir son Roy & lui monstrier que l'ambition ne le menoit point , mais l'affection qu'il portoit à son service. Et notez que le Roy ne l'aymoit pas , ny luy ny tous ceux qui l'avoient precipité à ce voyage de Pologne , & qui avoient trouvé moyens de le faire , car ce Mareschal alloit tousjours trois journées devant en Allemagne , pour luy preparer les logis & les chemins , & pour gagner les cœurs des Princes ; & pour ce ledit Mareschal faisoit tout

ce qu'il pouvoit pour se remettre en grace aux dépens de sa vie , sa charge & son honneur. Il alla là donc ainsi privé , surquoy il fut dit , que quand il arriva au camp ainsi privé , Monsieur de Biron dit en quelque part assez haut, Ah ! mort Dieu ! nous ne voulons point icy de Commissaires ny Clercs des vivres, nous y avons mis ordre. Il le disoit, parce que le commencement dudit Marechal, nommé du Perron, fut, qu'il eut quelque charge de Commissaire & Clerc des vivres, du Regne du Roy Henry II. & exerça cet estat quelque temps , & puis chargea l'espee & fut Cornette du petit Monsieur Feuquieres , Gentilhomme , Capitaine de chevaux-legers dans Roye. Il y eut quelqu'un qui, oyant dire ce mot à Monsieur de Biron, dit à un autre tres-grand , que je sçay bien ; Voilà mal rendu la pareille au Marechal de Rets, du bon trait qu'il luy fit au Bois de Vincennes, au commencement de la guerre civile. Mais ce n'est pas tout que de faire un bon office , il ne faut puis après le defaire ny l'ensailir par un autre mauvais, ainsi que le Sieur de Biron croyoit, que luy & Monsieur de Tavannes l'avoient mis au papier rouge des proscrits.

Cette defaite de Monsieur de Thoré

ensuivie, au commencement que Mr. se mutina contre le Roy son frere, la Reine, qui ne desiroit rien tant que d'appaiser le tout & de rendre les deux freres bons amis, envoya querir Mr. de Biron & venir vers elle, pour luy assister à ce bon office & devoir, dont s'en ensuivit la bonne reconciliation, paix & entreveüe d'eux deux, tres-agreable à tout le Royaume. Cette paix se convertit en guerre contre les Huguenots, à cause des premiers Estats de Blois.

Monfieur de Biron fut envoyé vers le Roy de Navarre pour le convertir, mais rien moins. La guerrè se fait à Brouage, par Monfieur du Maine, Lieutenant du Roy en l'armée de Guyenne; il se prend: cependant Mr. de Montpensier & Mr. de Biron traitent la paix, qui fut faite à Bergerac, après laquelle il fut fait Mareschal de France, & peu de temps après Lieutenant du Roy en Guyenne, là où il fit la guerre au Roy de Navarre, & luy donna de la peine, bien qu'il commençast alors d'estre grand Capitaine, & avoit avec luy Mr. de la Nouë, & luy fit tout plein d'affronts & galanteries.

Si bien que se fit l'entreveue de Coutras, de Mr. frere du Roy, & Roy & Reyne de Navarre, pour traiter la paix,
qui

qui s'ensuivit. Après ce le Roy un jour devisant avec Mr. de Bourdeille mon frere, à qui il faisoit cet honneur de l'aymer & luy conceder toute privauté de parler à luy & causer familièrement avec luy, tombant sur le propos de Monsieur de Biron, de qui ledit Roy estoit tres-malcontent, & en disoit pis que pendre: mon frere se mit à en dire beaucoup de bien. Mais, dit le Roy, qu'a-t-il jamais tant fait que vous le louiez tant. Ce qu'il a fait? dit mon frere, Sire, par Dieu quand il n'auroit jamais fait autre chose, sinon faire conniller un Roy de Navarre, il a beaucoup fait, & sçavez-vous qui en est cause, c'est vous-mesme; que si vous estiez bien uny avec vostre Roy & frere, vous nous feriez à tous la loy & nous braveriez, & nous suppediteriez tous, où que nous autres petits compagnons, targuez & appuyez de l'autorité de nostre Roy, & des charges qu'il nous donne, nous vous bravons & vous donnons la loy. De fait, en cette guerre Monsieur le Mareschal de Biron, estant alors Lieutenant de Roy, fit plus de mal audit Roy, que la Reine lui fit, & le fit fort tenir en cervelle & conniller; & faire plus du cheveu-leger que du Roi, non pourtant qu'il luy emportast grand' chose du sien. (disoit-on)

que

que si ledit Sieur Marechal y eust voulu aller à la rigueur, il luy eust fait du dommage: si luy fit il tousjours bravement teste sans estonner, non pas seulement sans se détourner de ses plaisirs à la chasse, qu'il ayme extrêmement & y alloit le plus souvent quand l'envie luy en prenoit.

Sur ce Mr. frere du Roy envoya la paix à Coutras & au Fleix, maison du Marquis de Trans: mais il ne laissa de hayr à male mort ledit Sieur Marechal, car de capricieux à capricieux, & de brave à brave, mal aisément la concorde y regne; si bien que nostre Roy avisa de retirer mondit Sieur Marechal de la Guyenne, par des plaintes que le Roy de Navarre luy fit, & remonstrances, qu'ils ne scauroient jamais bien compatir ensemble & n'émussent la guerre, s'il demeurait davantage près de luy; & pour ce l'envoya querir pour venir à la Cour, où il luy donneroient meilleure récompense. Je l'y vis arriver un peu après les nopces de Monsieur de Joyeuse, & le Roy luy fit tres-bonne chere, & y demeura quelque temps, jusques à ce qu'il fut envoyé en Flandres vers Mr., avec les forces qu'il y mena, tant de François que de Suisses, & les conduisit bravement & heureusement, & le

le monstra bien au pas & passage de Gravelines , fort perilleux & scabreux , ayant en teste le Capitaine la Motte, Gouverneur , un tres-bon & brave Capitaine François , renegat qu'il estoit , sans perdre un seul homme , non seulement là , mais après la feste de Saint Anthoine à Anvers, qu'il se falut desengager & sortir d'un grand danger , où il estoit engagé & eschoüé.

J'en parleray en la vie de Monsieur , & par consequent dudit Mareschal , & de l'honneur qu'il y acquit en aucuns combats , qu'il rendit & soustint bravement. On l'accusa qu'il avoit esté l'auteur principal de cette entreprise dudit Anvers , par la suscitation de la Reyne mere , qui ne se contentoit de voir son fils à demy Seigneur de cette ville & autres , & n'y commander que par l'organe du Prince d'Orange & autres Seigneurs des Estats. D'autres disoient que mondit Sieur le Mareschal , après qu'il la sceut estant hors de la vile , & non pas tost , la reprouva & detesta fort , & en remontra à Mr. les inconveniens. Tant y a , qu'il y perdit son second fils le Baron de S. Blancert , dont ce fut grand dommage. Voilà comment les François se sont tousjours comportez en toutes leurs conquestes de long - temps , car
ils

ils y ont voulu imperier trop superberment, & avoir tout, jusques aux femmes, tant ils sont insatiables. Estant nos François tous tournez en France, & Mr. ne voulant encore quitter sa part de ces Pais bas, ainsi qu'il premeditoit son voyage (tant il estoit courageux & ambitieux,) il vint à mourir. Dommage certes incomparable, arrivé à la France depuis cent ans! Car c'estoit le plus genereux Prince & brave, qui nasquit il y a long-temps, duquel la fortune n'eust peu limiter le courage ny son ambition de la moitié de l'Europe, ainsi que j'espere le faire toucher au doigt en sa vie, que je pretends faire à part, avec autres sept que j'ay proposé, qui sont le Roy Henry III, Mr. d'Alañçon, Mr. de Guise Henry de Lorraine, le Prince de Parme, le Duc de Biron, le Prince Maurice, & le Roy de Navarre nostre Roi d'aujourd'huy.

Monsieur mort, la ligue commença à se produire peu à peu, de laquelle on dit que Monsieur le Marechal de Biron y fut convié, voire qu'il y entendit & presta l'oreille, moyennant trente mille escus qu'on luy presenta, & se trouva de vray à Bourg sur mer, chez Mr. de Lanfac, & semblablement mesdits Sieurs le Marechal de Saint Luc, de
Luf-

Luffan & de Lanfac , qui mettoient la nappe & faisoient le festin. Là il se dé-messa & traita-t-on de plusieurs affaires, dont j'espere en parler en la vie de Monsieur de Guise , comme j'en ay sceu par la bouche d'un de ces Messieurs les conviez. On dit que ce qui en fit perdre le goust audit Mr. de Biron, ce fut qu'on luy avoit promis lesdits trente mille écus, & quand ce fut à les produire & livrer, on ne produisit que des bagues, joyaux & pierreries , dont il dit qu'il n'en avoit affaire, & que telles pieces ne pouvoient pas donner à manger ny à vivre. D'autres, la plus saine part, disent que certainement il se trouva en ce festin , entendit leurs paroles & desseins, qu'il de sa prouva; & même de quoi ils les fondoient sur la religion & d'exterminer l'heresie , dont il s'en mocqua. Tant y a, que le Roy après ne trouva point en cette guerre meilleur ny plus loyal serviteur ny nullement partial, sinon que de sa Majesté, ainsi qu'il fit paroistre en la charge de l'armée qu'il luy donna pour venir en Guyenne , où il s'acquitta tres-dignement, jusques à se precipiter aux hazards & dangers, comme quand il estoit jeune , & se presenter de mesme aux escarmouches , comme il fit au siege de Maran, où il eut une grande arquebusade
dans

dans la main. Jamais bon cœur ne peut mentir.

Monsieur de Guise mort, il alla trouver son Roy bien à propos, & duquel il avoit tres-grand besoin, qui receut aussi une grande joye, secourut son Maître en tres-grande necessité, car quasi toute la France étoit bandée contre luy, à cause de ce massacre de Monsieur de Guise.

Son Roy mort, luy ayant pris de longue main creance parmy les gens de guerre, tant François qu'estrangers, que tous l'aymoient & adoroient, il les assura & gagna si bien, que voicy un grand coup celuy-cy, voire le plus beau qu'il ayt fait de son temps, pour matiere d'Estat, que voicy le Roy de Navarre, sans contradiction de la voix & du consentement de tous mis en la place du feu Roy, quasi pareil trait que fit le Prince Bascha après la mort de Sultan Soliman, pour son successeur; si bien que tout le Monde tient & est aisé à presumer, que Monsieur le Marechal le fit Roy, comme il luy sceut, à ce que j'ay ouy dire, depuis une fois bien dire & reprocher; car les Catholiques le voyant Huguenot l'eussent abandonné, & les Huguenots n'estoient assez forts pour le mettre en ce siege; mais par l'industrie dudit Sieur Ma-

Mareschal ils furent convertis & reduits d'obeïr à ce nouveau Roy, tout Huguenot qu'il estoit, sinon par bon vouloir, au moins pour vanger la mort du pauvre trépassé injustement massacré, qu'il donnoit ainsi à entendre. Ce ne fut pas tout, car il le faloit maintenir & conquerir les places où il n'estoit Roy qu'à demy ; à quoy ledit Sieur Mareschal assista si bien à son Roy, qu'avant mourir il luy ayda à en recouvrer de belles & bonnes, gagenr la bataille d'Yvry, & sortir d'Arques & de Dieppe, comme j'espere dire en la vie de nostre Roy ; & puis en reconnoissant la ville d'Espernay il vint à avoir la teste emportée d'une canonnade : mort tres-heureuse certes, si l'on veut croire Cesar, que la moins opinée est la meilleure, je mets aussi celle qui fait languir. Mais, disent aucuns Chrestiens, on n'a loisir de se recommander à Dieu ny de le prier pour son ame. Si tout Chrestien fait, comme Dieu nous commande de nous tenir à toute heure preparez, (car nous ne sçavons à quelle heure viendra le larron pour nous surprendre) & en tous momens songer à Dieu & l'espier, aussi est bonne & salutaire cette mort soudaine, comme la plus languissante : ainsi ay-je ouï dire à un grand personnage Theologien. Voilà

là en plus brieſſs mots ce que je peux dire de mondit Sieur le Mareſchal pour à cette heure, juſques à d'autres endroits que les occaſions ſ'en preſenteront; & peux dire avec verité, que lors qu'il eſt mort, il eſt mort un tres-univerſel, fuſt pour la guerre fuſt pour les affaires d'Eſtat, leſquelles il a traittées autant & les à ſceuës auſſi-bien que Seigneur de France. Auſſi la Reyne mere, quand elle avoit quelque grande affaire ſur les bras, l'envoyoit querir tousjours, fuſt en ſa maiſon ou ailleurs, & avoit ſon grand recours en luy. Luy-meſme, en gogue-nardant, il diſoit qu'il eſtoit un maistre aliboron, qu'on employoit à tout faire, comme il eſtoit vray, & ſ'entendoit avec elle tres-bien en tout, fuſt pour affaire de paix, fuſt des guerres, auſquelles il eſtoit tres-univerſel, & pour commander & pour executer. Il avoit fort aymé la lecture, & la continua fort bien dès ſon jeune âge. Il avoit eſt curieux de ſ'enquerir & ſçavoir tout, ſi bien qu'ordinairement il portoit dans ſa poche des tablettes, & tout ce qu'il voyoit & oyoit de bien, ruſſi-toſt il le mettoit & eſcrivoit ſur leſdites tablettes; ſi bien que cela couroit à la Cour en forme de proverbe, quand quelqu'un diſoit quelque choſe, on luy diſoit, Tu as trou-
vé

vécéla ou appris dans les tablettes de Biron: meſme le greffier Fol du Roi Henry, juroit quelquefois par les divines tablettes de Biron. Tant y a, que toutes ces belles & curieufes obſervations, avec ſon gentil eſprit & braves experiences & valeurs, l'ont rendu un des grands Capitaines de la Chreſtienté, je ne diſ pas ſeulement de la France: & ce que j'ay veu pluſieurs ſ'eſtonner de luy, que luy, qui n'avoit jamais traité grandes affaires avec Pais eſtrangers, ny moins eſté Ambaſſadeur, pour le mieux entendre, comme un Monſieur de Lanſac, de Rambouillet & le Mareſchal de Rets & autres chevaucheurs de couſſinets, il en ſçavoit plus que tous eux, & leur en euſt fait leçon, tant de celles de dehors que dedans du Royaume. Il étoit tres-vaillant, comme l'on l'a veu en bien des endroits perilleux en faire preuves manifeſtes.

Je luy vis faire un trait à la Rochelle, tres-digne de ſa vaillance. Le jour que nous commençâmes le ſort de Courcille, le ſoir venant, & qu'on vouloit commencer à ſe retirer, voicy que nous viſmes ſortir ſur nous de la porte de Saint Nicolas, cinq ou ſix cens arquebuſiers, conduits & ſouſtenus de quelque vingt chevaux ſeulement, ſur leſquels
s'en

s'en débänderent deux à part sur le haut des vignes, conviant à tirer un coup de pistolet, & c'estoit Campet, que depuis on appella Monsieur de Saugeon, un tres-brave & vaillant Gentil-homme, comme il l'a bien monsté depuis, & déterminé avec cela.

Monsieur de Biron dit aussi-tôt à Monsieur de Strozze, de faire marcher quelque trois cens arquebusiers, que Monsieur du Guase trouvé tres à propos menoit de son regiment bravement, & fit attaquer l'escarmouche, qui ne durera gueres, pour l'amour de la nuit qui survint. Cependant Monsieur de Biron ayant fait avancer à soy la compagnie de Monsieur de Savoye, que certes il faisoit tres-beau voir, & commandé de faire alte, il s'en va luy seul avec son Escuyer Baptiste attaquer Saugeon & son compagnon, tirerent chacun leur pistolet à propos, qui porterent si bien l'un & l'autre, que le cheval de Saugeon, qui estoit un tres-beau cheval d'Espagne, qu'il avoit eu de Flangeat: un gentil soldat mort un peu avant, eut un coup dans le corps, dont il tomba soudain; & le maistre engagé Monsieur de Biron courut aussi-tôt l'espée au poing à luy, luy criant, Rends toy. L'autre le reconnut aussi-tôt, & dit, Ah! Monsieur,

fieur, sauvez moy la vie. Monsieur de Biron luy dit, Me connoissez-vous? qui suis je? Ah! Monsieur, vous estes Monsieur de Biron, & moy je suis Campet. Aussi-tost il fut sauvé, & Monsieur de Biron nous emmena gentiment son prisonnier à nous autres qui estions à l'infanterie : qui fut un grand honneur à ce General, d'avoir pris le principal & le plus mauvais & vaillant homme de toute la troupe : & je luy dis premier, Par Dieu, Monsieur, vous avez fait une chose aussi remarquable & memorable, & d'aussi heureuse & vaillante rencontre, qu'il arriva il y a long-tems à General d'armée, il faut qu'il en soit parlé à jamais.

Il traita fort humainement son prisonnier, car il n'estoit point massacreur de sang froid, comme tout gentil Chevalier doit estre. Mais Monsieur nostre General après, scachant la prise du dit Saugeon, manda qu'on l'envoyast au chasteau de Niort pour prison, dont bien luy servit de se sauver & d'en sortir par son bel esprit, car on l'eust fait mourir, d'autant qu'on le tenoit pour un fort déterminé & resolu soldat pour faire un coup, & qu'il s'étoit vanté qu'il ne mourroit jamais qu'il n'eust eu sa part de la vangnance du massacre de Paris,

Tels

Tels coups de vaillance, comme celuy-là, de Monsieur de Biron, portent sur soy quelque extraordinaire & plus beau signal qu'une infinité d'autres, qui se font en foule. Avec cette vaillance, qui estoit née & acquise en luy, il avoit beaucoup de belles vertus: il estoit tres-magnifique, splendide, liberal & grand dépensier, fust en paix fust en guerre; si bien qu'un jour un sien maistre d'Hôtel luy remontra le grand débordement des dépenses, qui se faisoient en sa maison, & la grande superfluité de serviteurs & valets, bouches superflues & inutiles qu'il y avoit, dont ils s'en passeroit bien, & pour ce y falloit faire un reglement & casserie. Monsieur de Biron lui dit, Sçachez donc premierement d'eux s'ils se peuvent passer de moy, car s'ils le peuvent ou le veulent, je le veux bien, Monsieur le Maistre; mais je m'assure qu'après que vous aurez parlé à eux, il faudra qu'ils demeurent. Voilà tout le reglement qu'il y fit. C'estoit le meilleur compagnon du monde, & avec qui il faisoit le meilleur, & faisoit d'aussi bons contes quand il estoit en ses bonnes.

Il nous donna un jour à Monsieur du Gas & à moy, qui aymoient bien les bons mots & qui en disoit d'aussi bons, à dis-

ner;

ner; il nous en fit quilevoient la paille: entr'autres d'un Curé de Saint Eustache, qui un jour en son sermon blasfant les jeuneurs & jeunereffes de la Cour & de Paris, dit, Leurs collations sont si superfluës en friandises, potages, fruits de four, confitures & autres mets delicats & mangers somptueux, jusques à crever; &, qui pis est, se lavent les mains, disent graces & benedicité. Voilà de terribles consequences. Inferant par là que c'estoient totalement des soupers & non des collations, comme si on ne doit pas prier & rendre graces à Dieu aussi bien pour la collation comme pour le souper. Ce mot, qui pis est, est fort à noter & est ridicule.

Un autre Curé, detestant les forciers, qui se donnent au Diable pour avoir des poisons & morceaux venefiques, pour faire mourir les personnes, il dit que sans se donner au Diable, il ne faloit qu'aller chez les apotiquaires & en acheter de bonnes poisons, qu'il nommoit par nom, & puis en donner à boire & à manger, en un rien on faisoit mourir qui on vouloit, sans se donner au Diable. Il luy sembloit par là que ce n'estoit point se perdre & se donner au Diable, sinon par paroles passées entr'eux deux.

Le Pape Jules dernier, qui estoit fort
Tome III. Q bon

bon compagnon, fit une fois venir à son la bande de *gli matti & passurelli*, qui sont à Rome, car il y en a aussi bien qu'en France, à Saint Mathurin & autres lieux, & en voulut aucun voir de leur urine & sçavoir spécialement ceux qui luy sembloient de plus gaye & mathurine que humeur, & de quel bois il se chauffoient, & faisoit interroger un particulierement devant luy d'où il estoit & quel il estoit, qui luy respondit qu'il estoit ce mesme Ange Gabriel qui fit l'Annonciation à la Vierge. L'autre fier compagnon, qui estoit là auprès, s'écria soudainement & dit, Il en a menti, faites le fouetter, car alors j'estois Dieu le Pere, & j'en donnay la commission à un autre. Tant d'autres contes raconterois-je que je tiens de mondit Sieur le Marechal, qui sont encore plus subtils, car il n'en estoit jamais dégarny, & nullement communs, que vous n'eussiez dit là où il les peschoit, desquels il n'en estoit point chiche quand il estoit en ses gayer humeurs, & en compagnie de personnes qui les escoutoient, & quand il estoit hors de ses coleres, auxquelles il estoit fort sujet, & à offenser quelques fois, mais plus de paroles que d'effet, s'il n'en eust eu un grand sujet. Lorsque St Jean fut pris par honneste composition
aini

ainsi que Mr. de Pilles & ses gens se retiroient, Mr. de Biron estoit à la teste, qui les conduisoit: on luy vint dire que quelques-uns de nos gens en devalisoient quelques-uns sur la queue: il tourna teste aussi-tost & mit l'espée au poing & cuida tout tuer des troupes, qui estoient en haye qui deça qui delà, pour faire passer les autres, & en estropia une infinité, Ha! coquins, leur disoit-il, il n'y a pas deux jours que vous ne les osiez pas regarder au visage ny les attaquer, à cette heure, qu'ils se sont rendus & sans force & résistance, vous leur voulez courir sus; je vous tueray tous & apprendray à faire deshonneur à vostre Roy, que l'on dit qu'il a rompu sa foy.

Je le vis une fois en la plus plaisante colere du monde. Un jour venant au logis de Monsieur nostre General, ainsi qu'il s'approchoit & qu'il y avoit force chevaux de Seigneurs & Gentils-hommes, attendant leurs Maistres qui estoient dans le logis du General, comme cela se fait aux Cours & aux armées, il y eut un fort beau courtaut d'un Gentilhomme, qui valoit bien deux cens escus, qui ainsi qu'il s'approchoit fit semblant de l'y ruër, il mit aussi-tost la main à l'espée & coupa tout à trac d'un revers

le nazeau au cheval, qu'il ne luy paroif-
 soit que les dents, dont il paroiffoit si
 laid, qu'il fit rire tout le monde. Le
 Gentil-homme s'en vint à luy se plain-
 dre, après que sa colere fut passée, con-
 noissant son humeur, car autrement il
 eust bien trouvé à qui parler, & que son
 cheval estoit gasté & perdu pour jamais,
 & qu'il en avoit refusé deux cens escus.
 Quand vous en auriez refusé mille, luy
 dit-il, je luy en eusse fait de mesme,
 car je n'ay qu'une bonne jambe, je ne
 la veux pas perdre: mais venez-vous
 en en mon escurie, je vous en donneray
 un qui le vaudra. Ainsi dispoisoit-on de
 ce brave Seigneur, quand sa colere estoit
 passée; & certes on pouvoit endurer de
 luy, puis qu'il estoit si accompli Sei-
 gneur & Capitaine. Entre toutes ses
 perfections de guerre c'estoit un homme
 qui reconnoissoit le mieux une affiette
 & logement de camp & place de ba-
 taille; il s'entendoit tres-bien à carti-
 ger & en faire luy-mesme de cartes &
 les deviser à d'autres. Je l'ay veu con-
 noître mieux des pays & contrées que
 plusieurs autres Gentils-hommes mesme
 de la contrée, jusques à nommer de
 petits ruisseaux, qu'ils ne sçavoient & ne
 connoissoient pas. Ce n'est pas tout ce-
 la, car il a fait & façonné Monsieur
 le

le Mareſchal de Biron ſon fils de telle ſorte qu'il n'en doit rien au pere, & la plus-part du temps fait ſes logemens ſans voir les Païs & contrées, & ſans les reconnoiſtre, ains à veüe de Païs. Si bien qu'on peut dire aujourd'huy, que c'eſt le plus digne Mareſchal de camp qui fut en l'Europe. Ce n'eſt paſ tout, encore, après noſtre Roy, c'eſt le plus grand Capitaine de toute la Chreſtiente, le plus brave, le plus vaillant & le plus hazardeux quel'on voye : tant de combats, où il s'eſt trouvé depuis, en font foy, & en la pluspart deſquels il a tousjours eſté bleſſé, moitié peu moitié beaucoup : il eſt tel qu'on le peut dire fée, & que toutes les guerres & combats, qu'autrefois les Paladins de France & Chevaliers errans ont faits, n'approchent rien de ſes vaillances. Je remets à les raconter par aucunes particularitez dans ſa vie, que j'ay faite, & celle de noſtre Roy d'aujourd'huy, leſquels tous deux joints enſemble, & qu'ils euſſent les moyens & les gens qu'ils diroient bien, ils pourroient (ſi crois-je) conquerir toute l'Europe : ce ſont eſté eux, qui ont eſté les vrayſ fleaux de ceux de la ligue, & commencé à l'eſtre des Eſpagnols. Auſſi quand le Roy & tous parlent dudit Mareſchal à la Cour &

à l'armée des Mareschaux de France, ils ne donnent point de queue à cettuy-cy, sinon que Mr. le Mareschal simplement, & les autres, bien qu'ils soient plus vieux, la traînent longue après eux, comme une pertuisane.

Ce n'est pas sa vieillesse qui l'a rendu ainsi grand Capitaine, car il ne pouvoit avoir que trente-deux ans, mais ce sont ses assiduelles pratiques de guerres & combats, qui l'ont mis là. Encore avons-nous cette grande obligation à ce brave pere, de nous avoir laissé ce brave fils, lequel il dressa en ses premiers rudimens, & luy donna de si bonnes leçons, qu'après sa mort il a pris sa place, son nom & renom du plus grand Capitaine de nostre France, qu'il ayme & chérit tant, qu'il luy faut donner cette gloire de ne luy avoir fait de faux bons, comme quelques-uns, mais l'avoir tousjours bien defendu par sa brave espée, & luy avoir esté tres-loyal; sinon sur la fin de ses jours, dont en partit, ainsi que j'en parle en sa vie. Grande perte & grand dommage pour toute la France, voire pour toute la Chrestienté ! Car il l'eust bien servie, qui toute d'une mesme voix l'a plaint, & dit qu'il ne devoit point ainsi mourir par le faux rapport qu'on fit de luy, disoit-on. Sa
mort

mort est assez descrite ailleurs, si en parleray je encore en sa vie assez à part. Ce Seigneur Monsieur de Biron n'avoit garde d'estre autre que très-brave & vaillant, estant d'un tel pere & d'une mere tres-generouse, l'exercice & les plaisirs de laquelle, pour la plus-part, sont plus à la chasse & à tirer de l'arquebuse, qu'à autre exercice de femme, & avec cela une tres-sage, vertueuse & chaste Dame, comme sa patrone Diane chasseresse. L'exercice principal de mondit feu Sieur Mareschal estoit la guerre, & n'aymoit rien tant que cela. Le fils en estoit de mesme, & y estoit du tout adonné.

J'ay ouy faire un conte, que quand le Prince de Parme estoit a Codebec, Mr. le Mareschal d'à present dit & representa au Roy devant son pere, que s'il luy vouloit donner quatre mille arquebusiers bons & choisis, & deux mille chevaux, qu'il luy empescheroit le passage. Monsieur le Mareschal sur cela rabroua fort son fils devant le Roy, & luy dit que c'estoit un habile homme pour le faire, & s'y montra si difficultueux qu'il en rompit le coup. Le soir après il luy dit & remonstra qu'il sçavoit bien qu'il auroit fait ce coup, ou il fust mort; mais il ne-faloit jamais

tout à coup voir la ruïne d'un tel ennemy des François, car si tels sont une fois du tout vaincus & ruinez, les Roys ne font jamais plus cas de leurs Capitaines & gens de guerre, & ne s'en foucient plus quand ils en ont fait, & qu'il faut tousjours labourer & cultiver la guerre, comme on fait un beau champ de terre ; autrement ceux qui l'ont labourée, & puis la laissent en friche, ils meurent de faim. Voilà que c'est que d'un cœur genereux, qui a une fois succé du lait de la Dame Bellone, jamais il ne s'en saoule. Or dautant que j'espere encore bien au long parler de ces braves Mareschaux, pere & fils, dans les vies de nos deux Roys Henrys derniers, & du fils à part, j'en fay la fin pour cette heure.

MONSIEUR LE MARESCHAL DE MATIGNON.

A Prés que Monsieur le Mareschal de Biron fut party de Guyenne, fut en sa place subrogé le Mareschal de Matignon un tres fin & trinquat Normand, & qui battoit froid, dautant que l'autre battoit chaud ; & c'est ce qu'on disoit à la Cour, que le Roy & la Reyne disoient qu'il faloit un tel homme au Roy de
de

de Navarre & au païs de Guyenne ; car cervelles chaudes les unes avec les autres ne font jamais bonne soupe. Je me souviens que lors qu'il prit congé du Roy à S. Maur pour y aller, nous nous promenâmes après midy sous les noyers plus d'une grande heure, qu'il faisoit chaud comme un beau Diable, & me demanda, comme bons cousins que nous estions du costé de Madame la Mareschalle sa femme, à cause du Lude, plusieurs avis des mœurs, complexions & bizarreries de ce Païs. Je scay bien ce que je luy en dis, & sur tout qu'il ne falloit là se rendre tout eschauffé. Il avoit meilleur conseil de sa teste & d'autres que de moy ; mais tant y a, qu'il s'y comporta à son commencement, & au mitan & sur la fin, & tousjours, de mieux en mieux, avec la lentitude & son mot usité, accordé & son serment, col Dieu ; si bien que quand il est mort il a esté fort regretté, & l'a-t-on trouvé tellement à dire, qu'on a dit, & dit-on encore, qu'il n'en viendra jamais un en Guyenne de plus propre, bien que Mr. le Mareschal d'Orlano, vaillant & tres-sage Capitaine, s'y gouverne aujourd'hui tout de mesme, duquel je parleray au long dans la vie de nos deux Roys, & qu'on tient pour plus vaillant que son pre-

deceſſeur. Quand la guerre ſ'eſleva contre les Huguenots , ce Mareſchal de Matignon la fit ſelon les occurences qu'il voyoit & les commandemens de ſon Roy , ny trop douces ny trop rigoureſes. Luy & Mr. du Mayne quelquefois ſ'entendoient bien , quelquesfois mal. Lors que la bataille de Coutras ſe donna , ſi Monſieur de Joyeuſe l'eufſt attendu , qui venoit avec de bonne troupeſ poſſible il ſeroit en vie , & la bataille point perduë , ny la reputation ny la vie de pluſieurs braves Gentils-hommes François , qui y eſtoient ; mais un ſeul voulut triompher pour tous , tant eſtoit grande l'ambition de ce jeune Seigneur , duquel fut tres-grand dommage , car il eſtoit un tres-brave & vaillant Seigneur , ſa mort le couronna tel. Après la mort de Monſieur de Guiſe , que la ligue commença le plus à ſ'eſchauffer , & que toute la France ſe bandoit , comme à l'envy & de garde faite , contre ſon Roy , aucuns de Bourdeaux en voulurent faire de meſme que les autres , & commencerent à faire quelques barricades ; bien ſervit audit Sieur Mareſchal de Matignon d'être brave & aſſuré , ce qu'aucuns n'eufſent jamais creu , car Bourdeaux eſtoit perdu , mais il y alla avec ſes gardes tout

en pourpoint, & l'espée au poing, & la teste baiffée, & si resolument, qu'il les fit abandonner & envoler tout ce beau & nouveau dessein en fumée, & ainsi preserva la ville au Roy, qui pourtant panchoit un peu, & ne vouloit encore recevoir les commandemens du Roy, ny exercer en son nom la justice, ny recevoir les sceaux; mais aussi enfin temporisa tant, & les sceut si bien amadouër & attirer, sans y apporter aucune violence ny force, qu'ils vinrent à la connoissance du Roy. C'estoit le Capitaine le mieux né & acquis à la patience, que j'aye jamais veu, & tres habile: enfin il attrappa finement le Baron de Vail-
lac, au commencement de la guerre & de la ligue, en laquelle il estoit fort embrené, disoit-on, & sans quelques fautes, que je diray ailleurs, la ville estoit prise par le chasteau Trompette, dont il estoit Capitaine; mais un jour il l'envoya querir pour venir au Conseil, auquel il luy dit d'intrade & profera à bon escient ces mots, que si soudain il ne mandoit à sa femme de luy ouvrir & rendre le chasteau, qu'il le feroit pendre haut & court à la veüe du chasteau mesme. Ce que ledit Baron apprehenda aussi-tôt, & manda à sa femme d'avoir pitié de sa vie; qui, pleine de compassion, fit ouvrir

la porte à Monsieur le Marechal , lequel entré en chassa route la vieille garnison , & y en mit une nouvelle à sa poste , & luy donna congé de s'aller loger ailleurs, voire luy donna cinq cens escus, à ce qu'il m'a dit, pour aller trouver le Roy & se purger à luy. Il entreprit le voyage , mais il ne le fit qu'à demy & s'en retourna, sentant qu'il n'y faisoit pas bon pour luy ainsi que fit le Renard, qui ne voulut aller voir le Lyon, qui contrefaisoit du malade. Si ce Marechal n'eust attrapé lors cette place , & par finesse & adresse , Bourdeaux eust eu de l'affaire. Pour fin c'estoit un fin , rusé & habile Normand : mais pourtant durant sa charge de Normandie il ne l'estoit pas , comme il le fut depuis ; aussi avoit-il affaire avec un autre Normand aussi fin que luy , & plus vaillant , disoit-on. A la prise des armes du Mardy-gras il luy prit les villes de Saint Lo, Quarentan, & Domphront, & luy commençoit fort à le fatiguer ; sans que le Roy , n'ayant pour lors grande affaire contre les Huguenots, qui estoient tres-foibles en France depuis la Saint-Barthelemy, luy ayda de tres-bonnes & belles forces , tant de cheval que de pied. Entr'autres Mestres de Camp luy donna

ces braves, Buffy, Luffay & Lavardin, dont en un rien les places occupées furent reprises bravement, & le Comte de Montgomery pris & défait : de sorte que la renommée courut grande de sa suffisance en guerre & de son heur ; si bien qu'un jour la Reine en son disner après cette glorieuse victoire, je luy ouys fort louer Matignon & sa bonne fortune, & qu'il le falloit envoyer en Guyenne, pour avoir raison des Huguenots de là comme de ceux de Normandie. Je ne me peux garder de luy dire, Madame, il trouvera d'autres gens à qui parler là bas, & faut qu'il ne s'y frotte sa mitaine, bien qu'un Normand, qui fut le Comte de Montgomery, y a bien regenté autrefois, quand il défist Monsieur de Terreides, & estrilla les Gascons ; mais aussi il avoit avec luy des Gascons & Normands tout ensemble. La Reine respondit, Matignon en fera tout de mesme, si un Normand à eu cet heur, l'autre Normand Matignon l'aura de mesme. Pour ce coup il n'y fut envoyé, Monsieur de Montpensier eut cette charge. La Reine estant regente dès-lors prit en grande opinion & amitié ledit Matignon, qu'aucuns appelloient la Roche Matignon, & le tint en grande estime & le gratifia en plusieurs bienfaits ;
qui

qui fut cause que Mr. de Carouge , un fort brave & honneste Seigneur, se plaignant un jour à la Reyne de quelque chose qui luy avoit esté refusée , & qu'il meritoit bien y estre autant gratifié que la Roche Matignon. Elle luy respondit que Matignon avoit fort bien servy le Roy en cette guerre & defaite de Montgomery. Monsieur de Carouge luy repliqua, Madame, je pense que Mr. la Meilleraye & moy l'avons mieux servy , car nous luy avons tres-bien conservé ses places , que nul n'y a osé attenter ny prendre , & Matignon a laissé perdre vilainement les siennes , & puis pour les reprendre il a ruiné tout le pays , & fait dépenser au Roy pour son armée je ne sçay combien de cens mille escus, qui luy faisoient bien besoin ailleurs & à cette heure : Pensez donc, Madame à qui le Roy a plus d'obligation , à luy ou à nous. La Reyne luy repliqua encore. Aussi le Roy vous en sçait un tres-bon gré, & vous en est fort obligé & moy aussi, & vous tenons tous trois au même ratelier. Car tous trois étoient Gouverneurs de la Normandie en trois parts, elle le disoit en riant, car elle disoit bien le mot. Ouy, Madame, respondit Carouge, à l'un vous lui donnez bon foin & bonne avoine, & aux

au-

autres deux vous ne leur donnez que de la paille, & les traitez à coups de fourche; mais, Madame, je ne veux croire & prendre le cas, que tout ainsi que nous autres achettons un cheval au marché aux chevaux, qui est maigre & harassé, pour le faire remettre & engraisser & nous en servir après; aussi de mesme vous voulez faire de la Roche Matignon; & le mettre au monde, car il a bien besoin de vostre support contre le Baron de Flais, qui luy fait gagner les quatre coins de son Gouvernement, tant il le craint. Ce Baron de Flais estoit un fort brave, déterminé, vaillant & honneste Gentil-homme, comme je l'ay connu tel, neveu de Monsieur le Cardinal de Peleve, qui avoit querellé contre luy, & l'a tellement bravé & luy a présenté si souvent la raison, que nonobstant sa charge & autorité, il ne luy a jamais rien peu faire, mais bien souvent luy l'a bravé. J'estois alors à la Cour quand toutes ces paroles de Monsieur de Carouge se dirent, qui m'en fit le conte, car nous estions parens & bons amis. L'on trouvoit qu'il avoit bien parlé ce coup-là; aussi disoit-il des mieux & estoit un fort honneste Seigneur, créé du grand feu Monsieur de Guise.

Pour

Pour retourner à Monsieur de Matignon, la Reine le prit si bien en grace & amitié, que bien souvent il luy ser-voit de Chevalier d'honneur en l'absence de Monsieur de Lansac; ce que plusieurs trouvoient estrange, car son halei-ne puoit plus qu'un anneau de retrait, disoit Madame de Dampiere sa paren-te, & le publioit ainsi, qu'il luy vou-loit mal mortel, & a demeuré dix ans en haine & contestation telle avec luy, que là où il sçavoit quelle estoit, il s'en ostoit & fuyoit de loin, comme un Diable fuît l'eau benite; aussi elle le menoit beau, comme elle sçavoit tres-bien faire quand elle vouloit mal à quelqu'un, & mieux que femme qui fut jamais, & ne l'appelloit jamais que Goyon, parce que c'estoit son sur-nom, & que jamais Goyon, fust ou poisson ou homme, ne valoit rien: outre plus disoit que son pere, qui avoit esté premier valet de chambre de Monsieur de Bourbon, son plus favory, & sça-voit tout ses secrets, l'avoit trahy & tout revelé au Roy; ce qui estoit bien fait, autrement il estoit atteint de léze Majesté, & pour ce n'y alloit rien de son honneur: & pour dire qu'il estoit valet de chambre, non importoit & ne touchoit rien en son honneur, car de
ces

cestemps les Rois & les grands Princes du sang se servoient de valets de chambre par Gentils-hommes, & que je l'ay ouy dire à force anciens. Enfin la Reine les mit d'accord, car elle l'aymoit fort. Lorsque Monsieur frere du Roi prit les armes, elle le donna à Monsieur le Marechal de Nevers pour Marechal de Camp, qui le trouva peu capable pourtant, & je sçay bien ce que j'en vis dire à Monsieur de Nevers; aussi ne demeurat-il que douze jours, & puis se retira en son Gouvernement, craignant que Monsieur prist cette route. Après il fut fait Marechal de France, dont pour son premier coup d'essay il alla assieger la Fere, où, s'accommodant à sa lentitude accoustumée, il y employa plus de temps qu'il ne falloit, & disoit-on qu'il luy faudroit beaucoup de siecles pour faire la conqueste d'un seul petit Pays à son Roy, au prix de cette petite piece conquise; & si disoit-on plus, que si Mr. de Guise ne fust survenu, que de deux mois n'eust esté prise, qui trouvant les approches & les batteries tres loin, les fit aussi-tost approcher de la contrescarpe, ce qui fut cause de la capitulation & reddition de la place.

Tout l'honneur parmy les galands Gentils-

tils-hommes & Capitaines en demeura à Monsieur de Guise, qui ne porta jamais balance pour ses actions. La Reine pourtant soustenoit tousjours ledit Mareschal, comme sa creature, car sans elle il n'eust esté ce qu'il a esté, & sans elle Mr. frere du Roy luy eust fait un mauvais party à Mante, (je l'ay dit ailleurs, ce me semble) & n'estoit pas aimé ny ne se faisoit aymer.

J'ay ouï conter que lors que Monsieur d'Espernon alla en Gascogne, tenant lors un rang comme si c'eust esté Monsieur; qui ne venoit que de mourir, arrivant à Bourdeaux; Mr. le Mareschal y alla au devant à la Bastide, & le trouva jouant aux dez; il se salua simplement, comme un simple grand homme, & ne laissa le jeu pour luy, & le planta là: ce que l'autre beut comme lait, car, comme j'ay dit, il estoit fort propre pour la patience, ainsi qu'il y a des gens, mais qu'ils en ayent il souffrent tout. Que c'est que la fortune changeante! Il n'y avoit pas deux ans qu'il luy avoit commandé devant la Fere, ayant son Regiment, où il fit son commencement de tres-bien faire, aussi estoit-il fort jeune. Du depuis il luy prit Bourg sur mer, & ne le luy voulut jamais rendre, jusques au bout de cinq ans, que le Roy
luy

luy commanda à Rouën & les mit d'accord.

Ce Bourg avoit esté surpris par les menées de Mr. de Lansac, bien qu'il fust lors en Espagne, & mena si accortement cette entreprise, laquelle il exécuta si heureusement, s'aydant d'un Gentil soldat, nommé l'Aubifaire. Cependant Mr. d'Espéron estant à Xaintes, sur le point de partir vers France, s'y achemina en telle diligence, que les entrepreneurs, s'estant plus amusez à piller qu'à parachever la victoire, prirent l'épouvante dudit Mr. d'Espéron, & se sauverent par la mer avec si peu de butin qu'ils peurent emporter. Monsieur de Lansac m'a dit depuis, que s'ils eussent tenu seulement quatre jours, qu'il venoit au secours, menant une fort belle armée Espagnole de mer, avec laquelle il eust bien fait du mal à Bourdeaux & au País.

Monsieur d'Espéron, s'accommoda dudit Bourg fort bien, & le mit en sa main, y établit bonne & forte garnison sous Compagnol, pour la commander, qui le garda tres-bien jusques à la restitution commandée par le Roy entre les mains de Monsieur de Roquelaure, qui y mit le Seigneur de Tilladet. Mr. le Marechal demanda sa place, qui estoit de

de son Gouvernement, à Mr. d'Esper-
non, lequel, autant ambitieux que cou-
rageux, ne la voulut point rendre, di-
fant qu'il l'avoit secouruë, gagnée &
conquise à la sueur de son corps, & que
de droit elle estoit sienne. Monsieur le
Mareschal respondit, qu'il n'avoit eu
affaire de son assistance, ny qu'il la fust
venu secourir, car il estoit assez bien
porté sur le lieu pour la reprendre, fust
tost ou tard, quand & qu'il luy eust
pleu, & qu'il n'avoit rien à regarder sur
son Gouvernement, ny qu'il s'en mes-
last. Sur ce j'en vis faire une dispute à
aucuns, & mal à propos pourtant, à
sçavoir si un Gouverneur secourt & re-
prend une place d'un autre Gouverneur
surprise & perduë, s'il s'en doit impa-
troniser, emparer & la rendre sienne.
Selon les anciennes loix & coustumes de
nos grands Roys passez, cela ne se doit
mettre en dispute, il la faut rendre à
son premier & vray Gouverneur, en e-
sperance qu'il luy rendroit peut-estre la
pareille, quand il aura affaire de luy en
mesme endroit : mais aujourd'huy,
temps tout autre, tout est de chassé.
Mais bien plus estoit qu'un Gouverneur
ne devoit ny eust osé anciennement par-
tir de son Gouvernement pour aller se-
courir un autre Gouvernement & Gou-
ver-

verneur, sans l'exprés commandement du Roy, ainsi que Madame la Regente en cuida mettre en peine feu Monsieur de Guise Claude de Lorraine, lors qu'il alla en la plaine de Saverne defaire les païsans revoltez d'Allemagne, comme j'ay dit ailleurs. Aucuns tiennent qu'en ces nostres guerres les Gouverneurs, même les plus voisins, se sont dispensés & ont esté tenus de se secourir les uns les autres, sans autre commandement du Roy, mesme quand il y va d'une affaire pressée & de conséquence.

Tant y a, sans autre forme de décision Monsieur d'Espernon ne rendit point la place conquise; surquoy il alleguoit ses raisons le mieux qu'il pouvoit; mais la meilleure estoit sa bienveillance. Et qui est un grand cas, jamais le Marechal ne s'efforça le moins du monde de la reprendre, & disoit tousjours que le Roy luy en feroit raison, à qui cela touchoit plus qu'à luy. Ce que le Roy luy sceut bien objecter & retorquer, car lorsque Monsieur d'Espernon vouloit aller en Provence, Monsieur le Marechal manda au Roy pour un grand conseil & fort autentique, qu'il rompiſt ce coup & empeschast ce voyage, & lui fist commandement exprés de ne bouger de ses Gouvernemens de Xainton-

ge & Angoumois, là où il le tiendrait plus en bride & sujettion qu'en Provence, s'il y estoit une fois, où il auroit des portes de toutes parts de derriere, par le moyen desquelles il luy pourroit beaucoup nuire.

Le Roy luy manda qu'il le remettoit de ce bon conseil, & qu'il ne luy disoit rien qu'il ne le sceust & preveust aussi bien que luy, mais que pour le bien exercer & tenir Mr. d'Espernon en tel destroit qu'il disoit, en Angoumois & Xaintonge, il luy faudroit un autre homme que luy, qui n'avoit pas eu le courage, ny la hardiesse, ny l'esprit de luy offrir Bourg tant seulement, & qu'à grand'péine donc pourroit-il le ranger à telle sujettion qu'il disoit. La responce du Roy fut belle & fondée sur une bonne raison. Aucuns pourtant ont tenu le Mareschal plus vaillant qu'il ne faisoit monstre, & le plus assuré aux arquebusades qu'on eust sceu voir, & qu'en sa jeunesse on n'avoit pas creu ny veu, ny moins aucuns encore. Aucuns croient à cette heure que cela ne vient de son courage naturel, mais d'un esprit familier, que j'ay veu aucuns tenir & affirmer qu'il en avoit un, & se fondoient sur son Gouvernement qu'il a heureusement gouverné & regy, plus par engins, in-

industrie & subtilitez, que par force & braveté, & pour les bons succez aussi de ses affaires propres & domestiques, ainsi que j'en ay oui parler de plusieurs autres; car de dix mille livres de rente qu'il avoit quand il alloit en Guyenne, il est mort & ayant acquis cent mille, en douze ans qu'il en a esté Gouverneur. C'est gratter cela. Aussi a-t-on dit de lui après la mort, Bienheureux est le fils de qui l'ame du pere est damnée, qui est une vieille maxime, que l'on ne se peut jamais tant tout à coup enrichir que l'on ne se donne au Diable. D'autres disent, qu'ayant manié les deniers du Roi, il les a ménagés si bien, & les a fait passer si bien par invisibilibum, avec la faveur de son petite esprit Farfadet, ou Astarot, que tres-subtilement, en disant, favorisat, carouzat, comme dit maistre Goinen son passé passé, il les a fait sauter dans ses coffres, au lieu de sauter dans ceux du Roi. Soit que ce soit, il est mort le plus riche Gentil-homme de France; dont il ne souvient, que lors qu'il fut nostre Mareschal de camp en cette petite armée de Monsieur de Nevers contre Monsieur, il n'avoit que dix chevaux de bon train; il avoit un courtaut bay, pour le meilleur des siens, sur lequel il alloit ordinairement : & par Dieu, moy, qui

qui n'estois qu'un petit compagnon, j'en avois bien autant.

J'ay ouï dire que lors qu'il mourut, ainsi qu'on portoit sa viande pour souper, il y avoit force poulets, gelinottes, pigeons, perdreaux & autres mets; il dit, ça, ça, soupçons, nous parlerons bien à eux, mais d'autres aussi parleront bien à nous tantost (notez ce mot.) Pourquoy s'estant assis & mangeant d'une gelinotte, il se renversa tout à coup sur sa chaise tout roide mort, sans rien remuer. Aucuns prirent sujet sur ce mot, d'autres parleront bien à nous, & infererent qu'il prevoyoit les Diables en chemin qui le venoient querir : mais par la plus saine voix il mourut d'une lèthargie, à laquelle il estoit sujet, & de laquelle se doutant de mourir, il portoit ordinairement, par l'avis de son Medecin, dans sa gibbeciere une petite burette d'eau de vie, afin, quand ce mal le faisoit, qu'il eust aussi-tost recours à en boire : mais il en fut si soudain surpris, qu'il n'eut le loisir de mettre la main à l'escarcelle.

Que c'est que la mort ! L'on a beau estre subtil & agile de la main, comme un basteleur ou un matois à couper une bourse, quand elle nous vient saisir, nul remede ne s'y peut apporter, quelque
pre

prevoyance ou diligence que l'on y fasse. Voilà donc la mort de ce Marechal, qu'aucun ont opiné être ainsi avènement par punition & vangeance de l'injure qu'il fit à cette bonne & vertueuse Princesse nostre Reine Marguerite, qu'il entreprit & chassa si ignominieusement de la ville d'Agen laquelle il pouvoit bien espargner pour l'amour de la Reyne sa mere, quand il n'en eust eu autre sujet, bien que d'ailleurs il en eust à foison, de laquelle il avoit receu tant de bien & d'honneur, encore que le Roy le luy eust commandé : mais ce fut luy-mesme qui en rechercha les occasions, & en avertit le Roy, qui en fut bien-aise, ny de la perdre non plus ; & devoit songer avant que de faire un tel coup, & faire accroire au Roy un *qui pro quo* d'apotiquaire ; car ce n'est pas peu de chose ny petit crime que d'offenser une belle Reine, de laquelle & autres ses semblables Dieu en prend la protection. On disoit que ce Marechal s'étoit si fort hâté aux commandemens du Roi, qu'il n'avoit rien tant en affection que de les exécuter, en telle façon que ce fust. Si ay-je ouï dire à de grands personnages plus suffisans que moy, qu'il n'est pas bon de toujours complaire aux Rois, car ils sont hommes comme nous ; & peuvent

faillir, à dire & commander quelques-fois plus par passion que par raison, & pour ce le plus souvent faut balancer leur dire & leurs deliberations. J'en ay parlé ailleurs.

Cette bonne Reine ne meritoit pas cette venuë. Aussi Dieu, qui est misericordieux pour les uns, & justicier pour les autres a donné possible cette sentence à ce Marechal, sur ce sujet, de mourir ainsi soudainement, qui est une grande punition de Dieu, puis que tous les jours nous le prions qu'il nous preserve & garde de mort subite.

Ce n'est pas tout que de cette mort, car un peu auparavant il perdit son fils, dit le Comte de Thorigny, qui mourut de sa mort naturelle, qu'il regretta si fort qu'il en cuida mourir de regret, & fort mal-aisément s'en peut-il remettre; jusques-là qu'il en garda la chambre huit jours, sans vouloir voir aucune lumiere, disant que celuy, qui le rendoit du tout digne de voir la clarté du soleil, luy estoit mort. Ces paroles furent fort estranges à beaucoup de gens, car c'estoit luy qui avoit donné la lumiere au fils quand il le mit au monde, & non le fils à luy; bien que le fils s'estoit fait assez honneste homme, fort habile, & plus fin Normand que

que luy, jusques à lever la parole & estoit bien parvenu.

Ce ne sont pas paroles de pere qu'il devoit dire ; c'est tout ce que pouvoit dire le pere du Roy Saint-Louys, s'il l'eust survescu ou veu en son grand lustre, puis qu'après sa mort le plus beau titre qu'il porta au cercueil, fut qu'il estoit le pere du Roy S. Louys.

On a veu souvent force peres regretter de mesme leurs enfans, & qui valoient bien autant ou plus que celuy là, & dire, J'ay perdu toute ma joye, ma consolation, mon bien, mon plaisir & mon baston de vieillesse : mais aller dire qu'il avoit perdu celuy qui le faisoit reluire au monde, il se faisoit tort à luy & à sa reputation, & donnoit une mauvaise opinion de luy, que l'on a tenu pour un bon & sage Capitaine, & qui avoit une tres-bonne cervelle & de tres-bons & sages avis ; mais il estoit par trop long, lent, & muzard en beaucoup de choses, & principalement autant en ses deliberations qu'en beaucoup de ses effets : aussi ne luy firent-ils faire rien qui valust au siege de la ville de Blois, qu'une autre moindre Capitaine eust emportée.

MONSIEUR DE BUSSY.

LE premier Colonel qu'eut Monsieur, ce fut Monsieur de Bussy, duquel estendre les louanges plus avant qu'elles sont, il me seroit impossible, car elles le sont assez par tout. Pour son premier coup d'essay, lors qu'il le fit, il commença à faire des siennes, car il cuida en l'armée de Monsieur *rebeluer todo el mundo* (comme dit l'Espagnol) à Moulins. Il faut donc sçavoir que Monsieur de Turenne, venant trouver Monsieur vers Moulins, il y emmena de ses forces ; entr'autres il y mena quelques douze cens arquebusiers tels quels, sous la charge de Monsieur le Comte de Lavedant, qui en estoit le Colonel, & entra ainsi & avec son drapeau blanc dans le camp. Monsieur de Bussy, qui estoit de soy assez ombrageux, sans que cette enseigne blanche luy portast davantage d'ombre, il en parla à Monsieur pour la faire cacher, autrement il feroit quelque desordre, d'autant que cela luy touchoit par trop, Monsieur le pria de temporiser un peu, & qu'il ne falloit pas mescontenter Mr. de Turenne, qui estoit un Seigneur d'honneur & de moyens, & qui volontairement

ment l'estoit venu servir. Mr. de Buffy temporise deux ou trois jours ; enfin perdant patience se resolut luy avec douze honnestes hommes ; braves & bien choisis & determinez , montez sur de bons chevaux d'Espagne, de prendre, arracher & envahir ce drapeau des mains du Port'enseigne Colonelle à la teste des troupes , ainsi qu'elles marchoient en campagne , & le rompre à leur veü. Il ne faut point douter qu'il ne l'eust fait , car qu'est la chose impossible à une douzaine de compagnons braves , vaillans & jurez. Mr. en sceut le vent , qui s'en facha à Monsieur de Buffy , d'autant que le scandale estoit irreparable & irreconciliable , il s'en fust ensuivy , & puis accorda le tout.

J'ay ouï raconter ainsi ce fait à aucuns des jurez & determinez de la compagnie , lesquels je ne pourrois pas nommer tous , car il ne m'en souvient plus , mais entr'autres il y avoit le Baron de Vitaux , l'un des plus determinez , dangereux & assurez pour faire un coup qu'homme de France , comme il à fait d'autres plus hazardeux : il y avoit le brave Chevalier Breton , Piedmontois , vaillant au possible , & qui de frais estoit venu du Piedmont , pour avoir fait un coup resolu en tuant son ennemy : il a

fait depuis de tres-belles preuves de sa valeur & de sa vaillance. Il y avoit Scheval, homme d'affaires & de main, encore qu'il n'eust qu'un bras, qui mourut depuis à Anvers, à la feste & au festin de Saint-Antoine, qu'il avoit aydé en partie à preparer & dresser. Il y avoit aussi le jeune la Guyonnières, jeune homme, mais vaillant & assuré. Il y avoit le Capitaine Bartholomé, jeune homme, & s'appelloit le Capitaine Provençal, mais je ne l'appellois jamais autrement, car il estoit fils de ce brave Capitaine Bartholomé Provençal, qui estoit l'un des vieilles bandes d'Italie que Mr. de la Molle emmena de Ferrare. Les autres, qui estoient avec mondit Sieur de Buffy, me sont oubliez, dont j'en suis bien marry, car leur nom meritoit bien d'estre dit & loué; & afin que je n'esgare ma memoire dudit Capitaine Bartholomé, il faut qu'en me détournant je fasse ce petit conte de luy.

Il avoit esté à feu Mr. d'Arramont, & alla avec luy en Levant, lors qu'il y fut envoyé du Roy Henry en Ambassade, qui fut reçu & bien venu aussi honorablement que jamais fut Ambassadeur; car le Grand Seigneur, faisant le voyage de Perse, voulut qu'il vint avec luy; ce qu'il fit, & pouvoit avoir avec luy

luy cent honnestes hommes, Capitaines ou soldats, bons & signalez François, desquels le Grand Seigneur voulut qu'il en arborast une Cornette aux armoiries de France, à laquelle il vint avoir cet honneur, qu'elle marchoit à la droite. Quelle gloire pour cet Ambassadeur & pour sa nation François, de tenir tel rang auprès du plus grand Monarque du Monde ! Après que Tauris, la principale ville de Perse, fut prise, & que le Grand Seigneur eut à plein jouy de sa victoire, il s'en retourna à Constantinople, & d'Arramont luy demanda congé pour aller faire son vœu au Saint Sepulcre de Jerusalem ; ce que le Grand Seigneur luy accorda, & luy donna gens & Janissaires de sa garde pour le conduire assurément. Estant en Jerusalem, il accomplit saintement son vœu, & y demeura quelques jours, & tous ceux de la troupe, à son imitation, visiterent ledit Saint Sepulcre le plus dévotieusement qu'ils peurent, fors le Capitaine Bartholomé, lequel estoit pour lors un jeune homme fort bizarre, assez libertin & grand rieur de nos vœux & de nos ceremonies Chrestiennes, & pour ce ne fit comme les autres. Monsieur d'Arramont l'en pria souvent d'y aller, mais il promettoit beaucoup & rien, & en

faisoit beaucoup accroire. Enfin un jour Monsieur d'Arramont l'en pria & l'en sollicita tant que pour l'amour de luy il y allaſt, s'il ne le vouloit faire pour d'autres occasions ou ſujets, & qu'il l'en aymeroit toute ſa vie, & qu'il s'en trouveroit tres-bien; ce qu'il fit, & Monsieur d'Arramont l'y mena luy meſme: Où eſtant entré ledit Bartholomé, dit qu'il ſentit en ſoy auſſi-toſt l'ame atteinte d'une telle devotion & religion à ſon Dieu, qu'il alla oublier toutes les deriſions qu'il avoit faites, ſe proſternant devant ſon Dieu, fit ſes prieres & repentances ſi ferventement qu'onques depuis ne ſe ſentit de ſes erreurs & folies, & remercia cent fois Monsieur d'Arramont, qui eſtoit cauſe d'un tel bien pour luy. Ledit Bartholomé me fit ce conte, lequel encore qu'il fuſt de bonne humeur & gaillarde, ſi eſtoit-il bien changé à ce qu'il avoit eſté, comme il le diſoit luy-meſme, & d'autres qui l'avoient veu, & ne ruoit plus tant ſur la religion & ſur ces deriſions comme il avoit fait. Son fils eſtoit galand comme luy, & ſe diſoit Huguenot, mais qu'il eſtoit reformé. Tant y a, que c'eſtoit un des vaillans jeunes hommes & determinez que l'on euſt ſceu voir.

Monsieur de Grillon l'avança à la
Cour,

Cour , & me le fit connoître , & parce que j'avois connu & aymé le pere , je ne l'appellois que le Capitaine Bartholomé , & m'aymoit fort. Monsieur de Buffy le prisoit fort & le faisoit fort de son espée.

Pour tourner encore à Mr. de Buffy, cet estat de Colonel luy estoit bien deu, car il estoit un tres-vaillant homme ; aussi ne faut-il pas qu'un poltron prenne cette charge , ny aucunes gens de pied, pour biens'en acquitter au moins, car il y en a force qui l'ont qui ne valent pas grand cas. Il y en avoit plusieurs qui disoient qu'il se pouvoit faire une riche comparailon de Monsieur de Brissac & de luy ; & certes elle se pouvoit en plusieurs choses ; mais d'autres croient que Monsieur de Buffy n'eust esté jamais si grand Capitaine , comme Mr. de Brissac ; je m'en rapporte aux raisons qu'on y pouvoit alleguer. Quant aux vaillances , elles estoient égales , & quant à leurs ambitions aussi , qui estoient telles que s'ils se fussent trouvez en un mesme temps à une Cour ou à une Armée , jamais ne se fussent accordez , & se fussent trouvez souvent aux mains, ny plus ny moins que deux furieux Lyons ou hardis levriers d'attache , qui s'en veulent coustumierement. Aussi n'a-t-on veu deux

Cesars bien compatir ensemble. Si est-ce que je ne trouvois pas Mr. de Brissac querelleur tant que l'autre, sinon en matiere qui luy importast beaucoup ; l'autre pour un rien querelloit. J'estois avec luy lors qu'il querella Monsieur de Saint-Fal à Paris : nous estions chez les Comediens, où il y avoit bonne troupe de Dames & Gentil-hommes , ce fut sur un manchon de broderie de jayet, où il y avoit des XX ; Monsieur de Buffy disoit que c'estoient des Y Y. dés-lors il vouloit passer plus outre que de paroles ; mais une Dame que je sçay qui avoit grande puissance sur luy , commanda de se taire, & ne passer plus avant , craignant un scandale arriver auprès d'elle , qui luy importeroit de beaucoup. La chose superseada jusques au lendemain , qu'il alla quereller ledit Saint-Fal en la chambre de sa maistresse , que Mr. de Buffy avoit fort aymée , & luy avoit conseillé de se remarier, car elle estoit veuve. C'estoit Madame d'Assigny , mere de la premiere femme du Marechal de Brissac , de present l'une des belles de France, & elle ayant choisy cetuy-cy , Mr. de Buffy en conceut quelque jalousie , se repentant de son conseil , & ne l'avoit pas pris pour luy , ny elle & tout , car elle estoit tres-riche ; & pour ce querella l'autre sur
un

un pied de mouche, comme on dit, de ce manchon. Estant donc sortis de la chambre, ils se battirent en troupe, car Monsieur de Buffy avoit cinq ou six honnestes & vaillans hommes, dont le Chevalier Breton en estoit l'un, Monsieur du Gla & le jeune de la Guyonneries & autres. Mr. de Saint-Fal, qui se doutoit, avoit avec luy cinq ou six Escossois de la garde, d'autant qu'aucuns des siens en estoient venus, & se battent. Deux de ces Escossois avoient des pistolets, qui les defferrèrent, & l'un blessa Monsieur de Buffy au bout du doigt. Monsieur de Saint-Fal le voyant blessé se retira. Arriva alors Monsieur de Grillon, son intime amy, lequel il pria de l'aller appeler soudain en l'isle du palais, où il l'alloit attendre. Par cas Mr. de Strozze & moy nous vinsmes à passer par là & le vinsmes en l'isle du palais tout seul, qui attendoit son homme, & les deux guets bordezz d'une infinité de monde. Nous trouvâmes Monsieur de Rambouillet, Capitaine aux gardes, en quartier, qui nous pria d'aller ensemble dans le mesme batteau pour engarder cette batterie, & allant prendre terre, Monsieur de Buffy s'escria à Monsieur de Strozze, Mr. luy dit-il, je vous suis serviteur, je vous honore fort, je vous prie de

ne me divertir point de mon combat, vous venez pour cela, je le sçay. Et à moy il me dit seulement, Cousin, je te prie, va-t-en, car il m'aymoit fort : & à Monfr. de Rambouillet il dit, Monfr. de Rambouillet, je ne feray rien aux commandemens de vostre charge, retournez-vous en : Et le dit d'une furie l'espée en son fourreau & en la main. Il m'a dit depuis qu'il estoit si dépité de se battre & si enragé, que si nous n'y eussions esté Monfr. de Strozze & moy, il eust fait un mauvais tour à Monfr. de Rambouillet, car il n'avoit avec luy qu'un seul archer. Enfin Mr. de Strozze & moy prîmes terre les premiers, & remonstrasmes à Monsieur de Buffy le tort qu'il se faisoit de desobeïr ainsi à un Capitaine des gardes, parlant de par le Roy ; aussi que le Roy commençoit dès-lors à le desgouter. Pour tout nous luy donnasmes tant du bec & de l'aisle qu'il nous creut, remettant la partie à une autrefois, & s'en retourna, & trouvasmes Monfr. frere unique du Roy qui commençoit alors l'amitié extrême qu'il luy a portée depuis, & qui couroit & l'amena en sa chambre. Monsieur de Rambouillet vit encore, s'il s'en souvient, & pourra tesmoigner si je ments : & le Roy vint après, qui
s'é-

s'étoit allé promener dehors, qui commanda aux gardes de se saisir de l'un & de l'autre, & aux uns & aux autres de ne se battre. Monsieur du Buffy demeura dans l'hostel de Monsieur, l'autre ailleurs : & puis commanda à Messieurs de Nevers & Marechal de Rets de les accorder. Monsieur de Buffy demandoit tousjours le combat en champ-clos ; je sçay qui luy donna ce conseil, qui fut moy, sans me vanter, & d'autant qu'en France il ne se pouvoit donner sans la permission du Souverain, qui ne le vouloit jamais, ny la Reyne sa mere, pour l'amour du feu Roy Henry son Seigneur, qui avoit fait serment de n'en donner jamais, depuis celuy de Monsieur mon oncle. Il fut arresté qu'on iroit a Sedan, où Monsieur de Bouillon donneroit le champ. Je puis assurer que Mr. de Buffy m'en pria des premiers pour y aller avec luy, car il me tenoit alors pour un de ses grands amys, cousins & confidens. Enfin tout fut rompu, & le Roy vouloit resolument qu'ils s'accordassent : & Monsieur de Buffy estant venu devant Monsieur le Marechal de Rets, il lui dit que le Roi lui avoit commandé de l'accorder & qu'il le faisoit. Mr. de Buffy luy respondit froidement, Mr., le Roi le veut-il, je le veux donc
auf-

aussi ; mais dites-moy aussi , Monsieur , en accord faisant , Saint-Fal mourra t-il ? Nenny , dit le Marechal , & pourquoy ? Ce ne seroit point un accord , lors dit Buffy , je ne veux donc point d'accord , Monsieur. Car il dit qu'il ne scauroit d'accorder si Saint Fal ne meurt.

Pour fin , après avoir bien contesté & debattu , l'accord se fit , & ne se donnerent jamais rien plus. Je croy que le combat en eust esté furieux , car Saint-Fal estoit un brave Gentil-homme ; il est vray qu'il estoit jeune , & alors ne commençoit qu'à venir. J'avois oublié à dire que lorsque Monsieur de Buffy entra dans le Louvre pour faire cet accord , il étoit accompagné de plus de deux cens Gentils-hommes que nous estions : le Roy estant dans la chambre de la Reine , qui nous vit parler , il prit jalousie ; & dit que c'estoit trop pour un Buffy , & se fascha dequoy l'on avoit tenu l'assemblée de l'accord ailleurs que leans ; & il fut là bien accompagné , & le fut encore mieux au bout d'un mois là-mesme à Paris , où il cuida estre tué la nuit , sortant du Louvre , & se retirant chez luy , en la rue de Grenelle , à la Corne de Cerf , où il estoit venu loger exprés pour l'amour de moy , où j'estois tout auprès : il fut assailly de douze bons hommes ,
dont

dont j'en nommerois aucuns , montez sur des chevaux d'Espagne , qu'ils avoient pris en l'escurie d'un tres-grand , qui leur tenoit la main ; tous chargerent au coup & tous tirerent leurs pistolets , & en firent une escoppeterie sur luy & ses gens : mais cas admirable ! il ne fut ny blessé ny frappé , ny aucunes de ses gens , fors un , qui eut eu coup de pistolet au bras , qui soudain commença à songer en soy , voyant que ses gens s'escartoyent , & à la faveur de la nuit , car les flambeaux estoient aussi-tost esteints , se retira bellement , & approchant d'une porte toute poussee , pourtant s'y vouloit taper , afin que les autres , qui le poursuivoient , ne le peussent voir. La fortune fut si grande pour luy , que la porte ne se trouva point fermée , mais poussee seulement ; pourquoy il s'escoula tout bellement dans la maison , & poussa toute la porte & la ferma tres-bien sur luy. En quoy il monstra bien qu'il n'avoit faite de jugement , ny l'avoit perdu , ny qu'il fust poltron , car en telles choses les poltrons l'y perdent & ne sçavent nullement leur party prendre pour se sauver , quand la partie n'est pas bien faite pour eux , ou que la grande apprehension , & la crainte du mal qu'ils ont , leur fait hebeter les sens , qu'ils ne

ne ſçavant ce qu'ils font, non plus que niais ou enfans ou infenſez, ainſi que j'en nommerois bien aucuns. En quoy faut louer Monsieur de Buſſy, dont bien luy ſervit, car autrement il eſtoit mort, d'autant que les autres le ſuivoient & le cherchoient à cheval, & par ainſi il evada. J'eſtois alors malade d'un groſſe fievre tierce, & oyant cette eſcope-terie, je creus que c'eſtoit la garde qui eſtoit là aſſiſe, & dis en moy-mesme que teles gens eſtoient indiscrets & mal créés de tirer ainſi la nuit : toutefois j'en vais ſçavoir ce que c'eſtoit, car j'ouïs une grande rumeur. Mes gens trouverent Mr. de Grillon, avec cinq ou ſix de ſes gens, & un bon eſpieu en la main, qui cherchoit Monsieur de Buſſy, lequel s'eſtoit retiré, après que les autres s'en furent allés, chez Monsieur Drou, Capitaine des Suiffes de Monsieur, où il l'alla trouver, & le ramena à ſon logis ſain & ſauve, & m'envoya de ſes recommandations, & me manda comme il l'avoit eſchappé belle. Le lendemain luy, ayant ſceu d'où il étoit venu le jeu, commença à braver & menacer de fendre nazeaux & qu'il tièroit tout. Après il fut averty de bon lieu qu'il fuſt ſage & fuſt muet & plus doux, autrement qu'on joueroit à la prime avec luy, car

car de tres Grands s'en mesloient , & de bon luy fut averty de changer d'air & de s'absenter de la Cour pour quelques jours : ce qu'il fit avec un tres-grand regret , & ce qui fut cause qu'il sortit de Paris bien accompagné d'une belle Noblesse & bien montée , car toute celle de Monsieur y estoit , à laquelle il avoit commandé expressement de l'aller conduire , & nul Gentil-homme du Roy n'y alla que Monsieur de Grillon , de Neuville & moy , encore que j'eusse la fièvre , mais ce n'estoit pas mon jour ; dont le Roy n'en fut content par après , mais je m'excusay qu'il estoit mon parent & bon amy , & mesme qu'on nous avoit assuré qu'on le vouloit tuer par les ruës , où nous pensions nous battre à chaque canton ; à quoy le Roy m'excusa fort facilement , car il me portoit lors bon visage. C'estoit le jour des nopces de Chemeraut que je luy en parlay , à sa premiere pause du bal , ainsi qu'il menoit la mariée. Je conteroïs là-dessus force particularitez gentilles , mais elles seroient trop longues : si diray-je cette cy ; c'est qu'ainsi que nous marchions par cette ville , Mr. de Grillon le brave prit sept ou huit bons hommes avec luy pour marcher devant , & comme menant les coureurs. Quand il fut
à la

à la porte Saint-Antoine ; se doutant que la garde, qui y estoit, ne nous vou-lust empescher la sortie, Monsieur de Grillon fit ferme sur le pont, avec deux ou trois, & les autres les avancé vers la baville ; cependant il fait semblant s'a-muser à parler à un, & faire bonne mi-ne, en attendant que le gros arrivaît, & que la garde ne prist alarme : cependant nous arrivâmes & sortîmes si excorte-ment, que jamais ne s'enfuivit aucun bruit. Messieurs les Mareschaux de Montmorency & Coffé estoient sur le haut des tours de la Bastille prisonniers se promenant, qui avisant le jeu eussent fort voulu, comme ils dirent depuis, que c'eust esté pour eux. Quand nous fûmes au petit Saint-Antoine ; nous fîmes alte, & la plus part s'en retour-na dans la ville, voyant qu'il n'y avoit point de danger, dont j'en fus un de ceux-là, à cause de ma fièvre, & en di-sant tous adieu audit Sieur de Buffy, il me pria tout haut par sus tous, comme estant son bon cousin, que quand je se-rois au Louvre, que je portassé la parole pour luy, qu'on avoit fait un affront à Buffy, dont il s'en sentiroit avant que de mourir, & bien-tost, contre quicon-que fust ; & puis me pria de porter ses humbles recommandations à une Da-me

me, de laquelle il portoit deux faveurs sur luy, l'une à son chapeau & l'autre à son cou, car il portoit un bras en escharpe, & que les faveurs seroient bien cause qu'il en tüeroit quelques-uns avant qu'il fust long-temps, & que l'affront qu'on luy avoit fait, seroit vangé par plus de sang qu'on ne luy en avoit voulu faire perdre. Je ne faillis à dire le tout & m'en acquitter, comme je luy avois promis. Depuis il me comparut à la Cour, quelques années après que Monsieur eut fait son accord avec le Roy, qui avoit les armes contre luy. Monsieur se tint à la Cour mieux que devant, en bonne union avec luy. Buffy aussi y vint trouver son maistre, & qui ne se pouvoit contenir, & portant envie à Monsieur de Quielus, grand favory & aymé de son Roy, salut qu'il se prist à luy, & le querella, mais le Roy leur fit commandement à tous deux sur la vie de ne se demander rien. Par cas, au bout de deux jours, Monsieur de Buffy sortant des Tuilleries, monté sur une bonne jument d'Espagne, ayant le Capitaine de Rochebrune, Limousin, avec luy, près la porte neuve sur le quay, se rencontra Monsieur de Quielus, qui alloit d'où il venoit, accompagné de Monsieur de Beauvais Nangy & deux autres: Mon-

sieur

sieur de Quielus le voyant en beau jeu, perdit patience & oublia le commandement de son Roy, ou plutôt s'assurant de son vouloir, chargea Monsieur de Buffy, qui voyant la partie toute faite sur luy, (car il le voyoit venir du long du quay) bravement se démesla d'eux & gentiment se sauva & s'en alla au pont Saint-Cloud, d'où il escrivit une tres-belle lettre au Roy, dont la substance est, qu'il mande l'affront que Quielus luy a fait, & s'en plaint à luy, ne luy demandant autre justice ny raison, sinon qu'il le supplie de vouloir pardonner audit Quielus, & luy donner grace, d'autant qu'il a violé son commandement, & pour ce est criminel, & estant tel il ne le veut ny peut combattre, car il se feroit tort, pour le peu de gloire qu'il y avoit; mais ayant été par donné de luy, & en sa grace, & remis de son crime, alors il le combattra sans aucun scrupule, car resolument il faut qu'il se combatte contre luy. Le Roy voulut que les choses n'allassent plus avant, & Mr. de Buffy se retira de la Cour. Si je voulois raconter toutes les querelles qu'il a eues, j'aurois beaucoup à faire. Helas! il en a trop eu, & les a toutes démelées à son grand honneur & heur. Il en vouloit souvent par trop à plusieurs, sans au-

aucun respect. Je le luy ay dit cent fois , mais il se fioit tant en sa valeur qu'il méprisoit tous les conseils de ses amys. S'il eust esté plus respectueux, on ne luy eust suscité le massacre cruel où il est tombé ; car faisant l'amour à une Dame, il y fut attrappé. Aussi dit-on de luy que les deux Dieux, qu'il avoit les plus aymez & qu'il tenoit les plus cherys, le firent mourir. L'on fit de luy force epitaphes à la Cour & en France dont j'en recueillis un, qui se trouva bon & digne d'estre mis icy en François, qui est celuy-cy :

E P I T A P H E.

*Passant, tourne le monde & va chercher
Bussy;*

*Son cœur plus grand qu'un monde a mis
son corps icy.*

*Tu as veu d'autres morts; tu n'en vis ja-
mais une,*

*Qui ayt si peu laissé mourir pour le trépas.
Son plaisir fut sa mort, ses plaisirs ses
combats.*

*Il fut craint du Soleil, bien aymé de la
Lune.*

*Delaisné seulement de l'ingrate fortune,
Qui ne l'avoit aymé, car il ne l'aymoit
pas.*

Son

Monfieur de Buffy le voulut quereller & luy faire un affront tres-grand & le tuer, fans une perfonne que je fçay, & l'appelloit larron d'honneur, d'autant qu'il avoit parlé par trop fobrement à la Reyne de luy, & par trop haut loué l'autre.

THIMOLEON DE COSSE,

Comte de Briffac.

MOnfieur le Prince ayant eu, par Monfieur l'Amiral fon oncle, le Gouvernement de Picardie, qui d'affez longue ancienneté, & dès la mort de Monfieur de Pienne, du temps du Roi Loys XII, appartenoit à ceux de la maifon de Vendofme, & luy ne pouvant tenir deux tels eftats qu'eftoient ce Gouvernement, & celuy de Colonel des bandes de Piedmont, & auffi pour l'amour de la guerre civile, le Roy en grâtifia Monfieur le Marefchal de Briffac, encore qu'il fust bien jeune; mais ayant esté nourry, élevé & inftruit d'un tel pere fi grand guerrier, il s'en rendit bien-toft tres-capable. Son pere luy fit donner par nom de Baptefme celuy de Thimoleon, encore que ce ne fust nom Chrestien, mais Payen toutesfois à l'imitation des Italiens & des Grecs, qui ont

ont emprunté la plus-part des noms Payens, & n'en font corrigez pour cela & n'en font aucun scrupule. De sçavoir les raisons pourquoy le pere luy donna ce nom plustost qu'un autre, il ne se peut dire, & mesme d'autrefois en privé en avons conferé ensemble ledit Comte & moy, car il y a eu tant de braves & vail-lans Capitaines, tant Grecs que Latins, desquels les noms estoient plus propres audit Comte, & les gestes plus dignes & grands à luy imiter que Thimoleon; mesme que ledit Comte ne le trouvoit si beau que d'un Scipion, Cesar, Annibal & une infinité d'autres; de façon qu'il avoit cette opinion que son pere luy avoit donné ce nom par humeur, & venant à lire la vie de Thimoleon elle luy pleut, & pour ce en imposa le nom à son fils, presageant qu'un jour il luy seroit semblable. Et certes pour si peu qu'il a vescu il luy a ressemblé quelque peu; mais s'il eust vescu, il ne l'eust pas ressemblé quelque peu en sa retraite si longue, & en son temporisement si tardif qu'il fit, & si longue abstinence de guerre, ainsi que luy-mesme le disoit souvent, qu'il ne demeureroit pour tous les biens du monde retiré si longuement que fit ce Thimoleon. Estant en âge d'estudier & d'apprendre, Mon-

sieur

sieur le Marechal luy donna Bucanan, Escossois, l'un des doctes & sçavans personages de nostre temps, pour son ame je n'en parle point ; il l'a monstre à l'endroit de la pauvre Reyne d'Escoffe. Ce Bucanan instruisoit si bien son disciple, qu'il le rendit assez sçavant pour un homme de guerre. Il eut un fort honneste Gentil-homme de Gouverneur, qui fut Mr. de Cigogne, qui a esté du depuis Gouverneur de Diepe. Madame la Marechalle sa mere, de la maison d'Estelan en Normandie, fort sage, honneste & tres-spirituelle Dame, fut en même curiosité que le pere, pour bien faire instruire le fils, & bien souvent avoient le mary & la femme contestation pour cette instruction ; mais Monsieur le Marechal l'emporta, disant à sa femme qu'elle instruisist ses filles, & qu'il feroit bien instruire le fils ; comme certes elle s'est tres-dignement acquitée à l'endroit de ses deux filles, Diane & Jeanne, l'une Comtesse de Mansfeld, & l'autre Dame de Saint-Luc, toutes deux fort sages, honnestes, vertueuses, habiles & sçavantes filles & Dames, mais Madame de Saint-Luc en a emporté le dessus, encore qu'elle fust la puînée, aussi l'aînée n'eut tant de loisir de vivre, pour mettre à maturité ses vertus, com-

me l'autre : & le Comte appelloit cette sœur ma sœur Jeanne , & l'aimoit plus que l'autre , & Mr. de Guise , à son imitation , l'appelloit aussi ma sœur Jeanne , ou Jeanne simplement.

Or le Comte de Brissac estans sous le soüet & gouvernement de ses maistres , tout jeune qu'il estoit , il montra tous-jours quelque chose de gentil & de grand au jour , & prest à porter les armes. Pour sa premiere guerre il vit le siege de Rouën , & ce quise fit devant Paris aux premieres guerres ; car je n'appelle pas cela siege , puisque ceux de dehors estoient quasi plustost assiegez qu'assiegeans. En ces deux factions on notoit tousjourns en ce jeune homme une fort grande curiosité d'apprendre & de sçavoir quelque chose , & se tenoit sujet à Monsieur de Guise , dont Monsieur de Guise luy en sçavoit bon gré , & bien souvent je vis Mr. de Guise luy parler & luy monstrier , & luy faire force caresses : aussi Monsieur de Brissac le pere luy avoit commandé de se tenir sujet à ce grand Capitaine , & espier ses actions & les apprendre & imiter ; si bien que Monsieur de Guise l'en estimoit beaucoup de cette sujettion & soucy , & disoit souvent , (car je l'ay veu) Ce jeune homme sera un jour un

un gentil garçon & homme de guerre : & en quoy il le prisoit le plus, c'étoit qu'il ne s'amusoit point à petites choses & folastreries, ainsi que les enfans d'honneur, comme luy, qui étoient avec le Roy Charles, & encore que plusieurs fussent plus vieux que luy, ils ne venoient que fort peu souvent aux tranchées, & luy tous les jours y estoit & voyoit tout, & n'avoit peur de rien. Ayant veu ces deux factions il falut qu'il allast faire sa charge de Colonel, car les bandes y estoient, & alla trouver Monsieur de Nemours, qui estoit Lieutenant General du Roy vers Lyonnois, Forest & Dauphiné, & se fit une entreprise pour surprendre Lyon, tout de la même & industrie de Mr. de Soubize, tres-habile homme, mais c'étoit pour appaiser les gens du Roy & les Catholiques, si bien qu'elle estant double elle se tourna à la confusion des nôtres, desquels en estant monté plus de quatre cens sur le bastion de Saint-Just, auquel se bastissoit la trame, ceux de dedans commencerent à jouer leur jeu, & à mener les mains, & à tirer sur les nôtres, qui rendirent du combat autant qu'ils peurent, dont il en demeura aucuns sur la place, & aucuns furent repouffez du haut du bastion en bas, dont le Comte

de Brissac, qui avoit luy-mesme mené ses gens, fut contraint d'en faire de mesme & de se precipiter. Cette si mauvaise curee pour le commencement n'empescha pas pourtant qu'en tous les lieux pour après, qu'il en pouvoit trouver l'occasion, qu'il n'en eust sa revanche, & tout jeune garçon qu'il estoit, donnoit à tout le monde une tres admirable & bonne opinion de lui. La paix s'en ensuivit, nous fismes le voyage de Malthe, où il n'avoit point charge autrement, mais pourtant on luy deferoit, au moins aucuns, gratuitement, car nous estions tout à nous, & nos volonte, & à nos despens, dont j'en ay parlé assez. La seconde guerre civile vint, comme j'ay dit cy-devant, commanda à trois Regimens, mais tousjours en titre de Colonel General des bandes de Piedmont, & ne le faut croire autrement, & qui le voudroit debattre, s'il est de ce temps, certes il monstreroit qu'il n'étoit pour lors nourri parmy les bandes en cette guerre, & les bandons se faisoient ainsi de par luy, Colonel General des bandes de Piedmont. J'ay veu cela mille fois. Ces deux armées, tant d'un costé que d'autre, firent peu de factions, sinon le siege de Paris, où le Comte de Brissac en plusieurs escarmouches commença à se faire valloir:

loir : puis à la bataille de Saint-Denis , où il fit tres-bien , & après au voyage de Lorraine , où s'aydant quelquesfois de son infanterie , quelquesfois de sa compagnie de gendarmes & de la Noblesse volontaire de la Cour , alloit à la guerre , & en retournoit tousjours avec une bonne fortune & reputation. Ent'autres factions il defit en Saint - Florend en Champagne deux compagnies d'Huguenots , l'une Monsieur de Tors , de la maison noble de Montberon en Angoumois , braves , vaillants & gentils compagnons de guerre , ainsi que les braves predecesseurs ; l'autre du Baron de Brion , brave & vaillant aussi , & fort habile Huguenot ; & ce à la teste de toute l'armée Huguenotte , & si n'avoit pas la moitié d'hommes que les autres , & outre cela falut forcer le Bourg , gardé de plus de troiscens arquebusiers & deux cens gendarmes Huguenots. La petite paix se fit , qui ne dura gueres , & pour ma part , comme l'on dit. La troisiéme guerre se suscita , en laquelle nulle occasion se presenta de mener les mains , que ledit Comte ne s'y trouvast & sy fist signaler ; & quand elle lui manquoit , il la sçavoit bien aller querir , fust de prés fust de loin , où il falloir. A la bataille de Jarnac , lors qu'il falut faire la char-

ge de son estat de Colonel, il la fit tres-bien : mais fust devant ou après, qu'il vit qu'il n'y estoit point neccessaire, il fit tousjours faction d'homme de cheval, & ne fit, comme Mr. de Fais, tuer ces beaux chevaux, car il voyoit bien que jamais on ne presumeroit de luy qu'il s'en voulust ayder pour s'enfuir, chacun de l'armée le jugeant tres-mal propre pour faire ce trait, & aussi que de son costé il s'assuroit bien de son cœur & de sa resolution : parquoy cette bataille faite & qu'il n'y avoit plus nulle apparence de combattre en bataille rangée, il monta à cheval, pour suivre la victoire, laquelle certes il poursuivit tres-bien. Il y en avoit aucuns qui dirent, & y en peut avoir encore, qu'il ne le devoit pas faire (les Espagnols seront de cet avis,) ains il se devoit tousjours tenir lié & obligé en sa charge, de peur de quelque inconvenient nouveau : mais ce jeune homme estoit si ardent aux combats, qu'il eust mieux aymé de faillir en sa charge par faute d'ordre & de devoir, que de manquer en aucune faction, par faute d'ardeur & de courage qu'il menoit; car il faut dire que c'estoit le jeune homme qui aymoit autant à mener son espée & en tirer du sang, & un par trop certes, ainsi que je l'ay veu, & aucuns

cuns de nous autres ses amis , qui le luy
disions, car il estoit trop cruel au combat
& prompt à y aller & à tuer , & aymoît
cela jusques-là qu'avec sa dague il se plai-
soit de s'acharner sur une personne à luy
en donner des coups , jusques-là que le
sang luy en rejaillissoit sur le visage. Cas
estrange pourtant, que ce brave Brissac se
monstroît doux par son visage beau, deli-
cat & féminin , & estoit dans le cœur si
cruel & alteré de sang : bien contraire
à ce vaillant Strozze , qui avoit son vi-
sage quasi barbare , refroigné & noiraut,
& n'estoit gueres remply de cruauté, fust
ou par ses mains ou par justice , ain-
si que je l'ay connu tel ; & peu souvent
luy ay-je veu commander à son Prevost
de camp de rigoureuse justice. Mais
pourtant il en fit une qui surpassa toutes
celles que fit jamais Brissac , car après la
troisième guerre, & la troisième paix fai-
te, que le Roy se retira à Angers, & qu'il
falut que les troupes , qui estoient en
Guyenne , repassassent la Riviere de
Loire , ledit Monsieur de Strozze ,
voyant ses compagnies embarassées par
trop de garces & putains des soldats ,
& ayant fait faire plusieurs bandons
pour les chasser, & voyant qu'ils n'en fai-
soient rien, ainsi qu'on les passoit sur le
pont de Cé, il en fit jetter pour un coup

du haut en bas plus de huit cens pauvres creatures, qui piteusement criant à l'ayde, furent toutes noyées par trop grande cruauté, laquelle ne fut jamais trouvée belle des nobles cœurs & mesme des Dames des la Cour, qui l'en abhorrent estrangement & l'aviserent long tems de travers. Je sçay bien ce que je luy en dis long-tems devant & après, mais persuadé & pressé d'aucuns de ses Mestres de Camp, & mesme de Coffains, il fit faire le coup, & peu s'en falut, si on n'y eust mis ordre, que force soldats, amys de leurs garces; ne s'amutinassent. Du depuis ledit Strozze s'en repentit fort, comme il me dit, s'excusant sur la police qu'il falloit observer. Si est-ce que luy ny ses fauteurs ne firent gueres bien leur profit depuis, & tout ainsi qu'ils avoient aymé & pourchassé la mort de ces pauvres creatures, de mesme Dieu leur envoya la leur, qui bien qu'il defende bien fort ce vice de paillardise, il abhorre ce vilain genre de mort; car possible aucunes se fussent converties & eussent servy Dieu, comme il s'en est veu force: & ledit Strozze la paya aussi depuis. Que les Mestres de Camp des Espagnols fussent un peu allé faire ce trait à leurs Espagnols, qui leur permettent leurs garces, sans leur oser rien dire,

au-

autrement ils revolteroient tout le monde, car ils les aiment, & traillent & cherissent comme Princeſſes, ainſi que je l'ay eſcrit ailleurs.

Quand le Duc d'Albe paſſa en Flandres pour la revolte, il les leur permit comme ils vouloient, & la police pour cela n'en alla plus mal. Auffi s'y ſçavent-ils mieux & plus ſagement conſerver que nous autres; toutesfois cette cruauté, que je viens de dire, ſe devoit mieux moderer.

Pour retourner à ce brave Briffac, Monſieur l'Amiral le voyant tel & ſi chaud à la guerre, (car ordinairement il eſtoit ſur ſes bras ou des ſiens) comme prophetiſant bien-toſt ſa mort, il diſoit un jour, Je le veux tel & ainſi courageux, car il n'en durera gueres, & bien-toſt nous le prendrons & ne le l'aurons plus ſur nos gens, qu'il vient à toute heure fatiguer. Auffi n'y faillit pas, car étant venu au ſiege de Muſſidan, Mr. ſon General ne le voulant, & tenant cette place indigne d'y envoyer ſes Colonels, tous deux y allerent à l'envy l'un de l'autre, & le Comte ſ'appreſtant pour l'afſaut armé de toutes pieces, car il ne dédaignoit nullement les armes, qui eſtoit ſigne qu'il en vouloit manger à bon eſcient, il eut un coup à la teſte prés les deux yeux,

& encore qu'il n'eust son casque tres-bas & couvert, il en mourut. Un bon soldat Perigourdin le tua, qui estoit dedans, que l'on appelloit Charbonniere, lequel avoit esté à moy & de ma compagnie, & étoit un des meilleurs & plus justes arquebusiers qu'on eust sceu voir, & ne faisoit autre chose leans, sinon qu'étant assis sur un petit tabouret, & la pluspart du temps y disnoit & soupoit, regardant par une canonniere, que tirer incessamment, & avoit deux arquebuses à rouët & une à meche, & sa femme & un valet près de luy, qui ne luy servoient que de charger ses arquebuses, & luy de tirer, si bien qu'il en perdoit le boire & le manger. Il fut pris, & Monfr. frere du Roy le voulut voir, &, pour avoir, tué un si grand personnage; commanda qu'il fust pendu. J'avois grande envie de le sauver, mais je ne peux, encore que je l'eusse fait évader une fois par une fenestre, mais il fut repris, bien que j'eusse un tres-grand regret dudit Comte, car je l'aymois beaucoup; aussi m'aymoit-il: mais en cela qu'en peut mais un soldat, puisqu'il fait l'office de soldat? Il est bien vray quand il se vante du coup & s'en glorifie, un tel dépit & une telle vanterie faschent & tel mespris, & pour cela penderie est bonne, ou
le

le massacre. En quoy le soldat y doit bien estre avisé de ne se vanter de tels coups, car cela vient à consequence pour luy , ainsi qu'on dit d'Alexandre, de deux soldats qui se vantoient d'avoir tüé Drius, lesquels il fit mourir. Ainsi fit le Marquis del Gouast, qui fit pendre le soldat qui avoit tüé François , Marquis de Salusses. Il y a une infinité d'autres exemples, tant du passé que des nostres. On disoit aussi que ce soldat avoit tüé l'aisné Pompadour auparavant, lequel estoit tres-brave & vaillant Gentil-homme, & que le Comte de Brissac aymoît bien fort , & ledit Pompadour avoit commandé audit soldat , & l'aymoit & l'avoit mené à Madere. Voilà commé souvent nous sommes bien traitez de ceux que nous aymons. Ainsi Mourut le Comte de Brissac , & je croy que s'il eust vescu, il eust changé de nom & en eust pris d'autre plus grand que de Comte, ainsi que je l'ay veu discourir bien souvent parmy nous autres garçons, quand nous discourions ensemble , & ne se projettoit pas moins que d'un Royaume, fust en quelque part que ce fust, & avoit resolu d'en conquerir quelqu'un, fust en Levant fust en Occident, ou possible dans le cœur de sa patrie, & n'estoit nullement dépourveu de desseins &

d'entreprises. Bref , il estoit tres-ambitieux , & en aucuns lieux où il ne devoit , sans aucun respect à ses amys. Il avoit aymé mon frere d'Ardelay autant qu'amy qu'il eust , il avoit resolu s'il fust sorty du siege de Chartres, de se battre contre luy , ou qu'il quitaist l'Enseigne blanche du Regiment des Gascons, dont il estoit Colonel, & avoit esté successeur du Chevalier de Montluc, certes tres-digne & galand jeune homme , qui aima mieux quitter sa charge que son Enseigne Colonelle , ny que d'obeïr à d'autres Colonels, puisque tel y avoit esté & l'eut de son pere & t'n estoit parti de Gascogne , comme je le vis. Certes si mon frere ne fust mort en ce siege , il ne faut point douter qu'ils ne se fussent battus , car il n'eust pas quitté ce qui luy avoit esté donné de son Roy , & le tenoit déjà en main ; Mesme ledit Comte me disoit souvent , (car il m'aymoit fort il ne faut point mentir) J'en suis bien marry , (ce me disoit-il) quand vostre frere sera sorty de là nous nous battons, s'il ne quitte cela. Et en riant je luy respondois, il n'en faut pas douter ; mais dequoy vous importe cela ? Vous n'avez rien à faire en France touchant vostre estat, vous n'estes que Colonel de Piedmont. Mais après je découvris qu'il
avoit

avoit gagné Monsieur de Strozze , & l'avoit fait jurer que jamais il n'y auroit qu'eux Colonels , ny l'Enseigne blanche en France que les leurs. Ce que je trouvoy tres-mauvais à Monsieur de Strozze , car il faisoit grand estat de mondit frere , & luy estoit obligé ; & je sçay bien ce que j'en dis audit Sieur Strozze. Or ny l'un ny l'autre n'eurent pas grand' peine d'en quereller mondit frere , car il mourut à Chartres tres-vaillamment & honorablement , y ayant été tüé pour le service de son Roy & la protection de sa place , qui luy avoit esté donnée en garde sous le commandement de Monsieur de Lignieres , Lieutenant du Roy leans , tres-vaillant & tres-sage Capitaine. Or il ne se faut esbahir si Monsieur de Strozze fit ce trait à mon frere , auquel , comme j'ay dit , il estoit obligé , puis qu'il en fit un pareil à Monsieur son beau-frere le Comte de Tandes , certes tres-digne , vaillant & sage Capitaine , & qui avoit servy tres-fidellement & vaillamment le Roy aux premieres guerres en Provence : pour lors ne l'appelloit-on que Monsieur le Comte de Sommerives , car son pere le Comte de Tandes n'estoit pas mort.

Ce Mr. de Sommerives emmena au Roi en cette troisieme guerre mille hommes de

de pied Provençaux, aussi braves soldats & aussi-bien armez, que l'on eust sceu voir, & portoit l'Enseigne blanche, & entra ainsi dans le camp. Qui fut dépité ce fut le Comte de Brissac, & ayant gagné Monfr. de Strozze, pour serment fait dés long-temps entr'eux, en fit parler au Comte de Sommerives, le remonstra à son General, luy en demanda raison, & qu'il ne le pouvoit plus supporter à sa veüe. Pour tout ayant esté remis de jour en jour, & ne pouvant plus patienter, il envoya un jour l'un de ses Mestres de camp, qu'on appelloit le Gros la Berthe, appeller ledit Comte de Tande, & lui dire qu'il l'attendoit au bout du grand parc de Verteuil, qu'on appelle la Tremblay en Angoumois, qui est au Comte de la Rochefoucaut, où pour lors étoit Monfr. & toute son armée. Mais cet appel ne se peut faire si secretement que le Marquis de Villars son oncle n'en sceust le vent, & qu'il ne courust après son nepveu, qui alloit resolu, & force autres, voire Monfr. s'y acheminoit : si bien que les defenses du combat furent faites & la partie rompuë. A quoy puis apres Monsieur y remedia; qui fut que le Comte de Brissac, haut à la main, mutin, bravaſche, bravoit & menaçoit qu'il quitteroit son estat, ou le drapeau blanc

ne paroistroit plus. Enfin le tout bien pensé & disputé, que nul plus grand affront & dépit n'est à un Colonel General que de voir un autre se vouloir paragonner à luy & porter cet Enseigne blanche, il fut arresté que ledit Drapeau se plieroit. Monfr. le Comte de Tande souffrant cela impatiemment, luy, qui s'estoit veu premier en soy & n'estre commandé que de soy mesme, encore qu'il ne commendast seulement à cette infanterie, mais à la belle cavalerie qu'il avoit menée de Provence, & ne voulant obeyr au Comte de Brissac, ny à son beau frere Monsieur de Strozze, ne se pleut gueres à l'armée, & tost après ramena la pluspart de ses gens. Voilà la contention qui fut entre ces deux Grands, & tout pour un morceau de taffetas blanc. Il en avoit fait de mesme quasi un peu auparavant, à Monsieur de Sarlabous le jeune, qui avoit emmené son Regiment; estably en Languedoc, en l'armée, le plus beau aussi qu'on eust sceu voir, & le mieux armé, & le mieux en point, & aussi complet. Il y eut aussi de la contention grande, mais le tout s'appaisa par la volonté du Roi, en faisant évanouyr cet arbre blanc. Il y eut force personnes qui blasmerent Monfr. de Strozze d'avoir été adjoint

& complice en ce fait du Comte de Brissac contre son frere, qui avoit espousé sa sœur, la Segnora Cleris Strozze, l'une des belles & honnestes Dames de France, & qui n'aymoit rien tant que son frere; mais lorselle estoit morte un an avant ou plus, qui estoit la plus altiere femme du monde, & qui l'eust bien sceu par après reprocher à son frere, si elle eust esté vivante. Voilà pourquoy il eut tort de se bander ainsi contre son beau-frere, encore qu'il laissast jouër tout le jeu au Comte de Brissac; toutefois puisque luy estoit Colonel General de France, Monsieur de Brissac n'y avoit pas beaucoup à voir: mais en cela il avoit gagné Monsieur de Strozze & le possédoit, comme je l'ay veu, & s'y laissoit fort aller. Quant à Monsieur de Sarlabous, encore qu'il fust un grand homme pour les gens de pied, & qu'il eust gagné ses charges par sa valeur, si est ce qu'un chacun disoit qu'il ne se faisoit point de tort d'obeïr à Monsieur de Strozze, & Monsieur de Brissac, Seigneurs de si bonne part & de si bon lieu, de merite & de valeur, qu'ils estoient. Enfin j'en vis faire tant de disputes qu'elles seroient trop longues à escrire, je m'en remets à ceux qui les ouïrent, estant de ce temps-là, ou qui les peurent

rent ouïr alleguer. Ledit Sarlabous enfin quitta ce Drapeau blanc. Ainsi la raison le vouloit de luy, mais non du Comte de Sommerives, disoit-on alors. Voilà les ambitions que ce brave Comte avoit en ces choses-là, qu'il y pouvoit bien avoir, puis qu'il y valoit bien plus haut, mais ne vouloit rien laisser passer devant luy qui luy touchast le moindre scrupule de son honneur.

Certes s'il eust vescu, il eust esté un tres grand personnage, tres-grand, dis-je, en toutes les façons. Outre ses belles vertus & vaillances de guerre il avoit de tres-belles parties de Courtisan, pour bien paroistre en tout; il étoit tres-beau & avoit le visage féminin, & si pour cela il estoit homme en tout, il avoit sa mine fort douce.

J'ay veu que tout un temps en son jeune âge nous l'appellions Pigeon, d'autant qu'il avoit sa petite façon douce & benigne comme un pigeon. Il sçavoit toutes sortes d'exercices, & en tout il estoit fort adroit, comme à bien tirer des armes, qu'il avoit appris du Jule Milanois au commencement, & puis rendu parfait par Aymart, enfant de Bourdeaux, qui pour avoir demeuré dix ans en Italie, n'avoit son pareil: il jouoit fort bien à la paume, il estoit bon

bon à la lutte, encore qu'il se monstroit tres-foiblet, mais il sçavoit l'adresse, si bien qu'il emportoit par terre des plus grands, plus hauts & plus robustes que luy, & en avoit appris l'adresse d'un Ferrarois, qu'on appelloit Celle, qui étoit venu à la Cour de France exprés pour s'esprouver, dont on n'en vit jamais un pareil, & n'en desplaisoit aux Bretons, car il portoit par terre tant qu'il en tenoit, tant il estoit adroit, & avoit ainsi dressé ce Comte. Il dansoit des mieux qu'on en avoit veu à la Cour jamais, car outre la disposition tres-grande qu'il avoit, il avoit la plus belle grace que jamais Courtisan. Depuis nul n'y a peu atteindre, fors le jeune la Molle, ainsi que je l'ay veu juger à Seigneurs & Dames de la Cour; encore la Molle n'y avenoit qu'assez prés: & n'estoit ledit Comte propre pour une seule danse, comme j'en ay veu aucuns nez & adroits, les uns pour l'une, les autres pour l'autre, mais ce Comte estoit universel en tout, fust pour les Bransles, pour la Gaillarde, pour la Pavanne d'Espagne, pour les Canaries; bref, pour toutes. Il me souvient qu'après les secondes guerres civiles, & durant la petite paix, le Roy Charles vint à estre malade à Madrid, un jour après qu'il eut disné, il commanda à tout le monde

monde de se retirer ; puis commanda à Messieurs de Strozze & de Brissac de demeurer. A Monsieur de Strozze il luy fit donner un luth , par Losman , jeune homme , chantre de sa chambre & tres-bon joueur de luth , & dit audit Monsieur de Strozze qu'il en jouïast , car c'estoit le Seigneur & Gentil-homme de France qui en jouït des mieux : & puis commanda à Monsieur de Brissac de danser sous luy , qui n'y faillit point , car ce Prince sur tout vouloit estre fort obeï ; si bien que l'un & l'autre ne faillirent de jouer & danser , & principalement la Gaillarde & les Canaries , qui pour lors avoient grand' vogue. Le Roy prit son plaisir & à tel spectacle & à telle joye assez long-temps ; & puis il dit à aucuns que nous estions là , mais fort peu , & le Roy m'avoit commandé de demeurer entr'autres Capitaines & Gentils-hommes que nous estions peu la restez , Voilà comme après que j'ay tiré du service de mes deux Colonels à la guerre , j'en tire du plaisir à la paix. Et certes il avoit raison , car c'estoit une tres-belle chose que voir ce deux Colonels si parfaits en deux tels divers exercices.

Quant aux vertus de l'ame de ce Comte il estoit sçavant & lisoit tousjours peu & prou ; il parloit bien , & concevoit
en

en foy de grands discours & desseins: il aymoît l'amour & si la faisoit assez gentiment & excortement. Il ayma à la Cour une tres-grande Dame Princeſſe, vëuve, certës une tres-honneſte & belle Dame; elle luy fut implacable, dautant qu'elle ne ſe vouloit remariër, & luy pour avoir ſon cœur tres-haut, ne tenoit pas à moins qu'à un tres-haut & grand mariage, & auſſi que cette Dame abhorroit par trop de ſexe maſculin, & par trop auſſi aymant le ſien, adoroit & aymoît une tres-grande Dame, & cette grande Dame eſtoit eſperdûment amoureuſe d'elle; ſi bien que le Comte deſeſpère du fruit de ſon amour, avoit reſolu un jour d'eſcalader en pleine Cour de ſon Rôy la chambre de ſa maiſtreſſe, qui ne le haïſſoit pourtant trop, & paſſer par la fenêſtre, & la nuit entrer dedans & en jouïr; fuſt par force ou par amour. Et certes elle n'eût eſté par trop gaſtée de ſe laiſſer vaincre à un ſi beau & doux ennemy qu'à celui-là; mais elle en ſceut le vent par quelqu'un qui le luy deſcouvrit, & pour ce la partie en fut rompuë & remiſe par ledit Comte, où il eût peu prendre l'occaſion. Voyez quelle hautaineré de courage & preſomption de foy. La Dame pour cela ne luy en fit mauvais ſemblant, mais elle mourut quelque

que temps après, pour n'estre trop forte, ains trop foible aux assauts de ses plaisirs veneriens de Donne con Donne qu'elle aymoît. Ce Comte ayma autres honnestes Dames, de meisme une fort honneste Dame de Guyenne, mariee, & grande, que j'ay conuë, & tres belle & fort ay-mable; mais il n'y parvint que des yeux: aussi n'eut-il grand loisir de la servir. Et depuis Monsieur de Strozze prenant ses erres l'ayma, & estant veuve la vouloit espouser, mais il mourut de cette volonte. Cette Dame fut ainsi sujette d'estre aymée des Colonels.

Il faut maintenant finir son tableau, lequel j'ay fait au plus petit volume que j'ay peu, d'autant que l'œuvre merite un plus parfait & suffisant ouvrier. Possible en parleray-je ailleurs. Bref, ce Comte de Brissac a esté l'un des plus parfaits & accomplis Seigneurs que j'aye point veus en nostre Cour. Je n'en ay gueres veu qui en leur jeunesse n'ayent fait en leur vie quelque tour de sottise: mais jamais celuy-là n'en a fait. A la Cour ordinairement est de coustume à faire la guerre aux jeunes gens à leur commencement de leur avenement, & les harceler & harauder; mais jamais on ne s'est adressé à lui pour jouer de ces tours, tant il étoit gentil, faisant & disant toutes choses

ses de bonne grace & propos, & aussi que mal-aisément il souffroit en jeu, quand on le vouloit piquer ou par trop agacer, & estant venu en plus haut âge il n'en faloit point parler, il avoit tres-bonne espée tranchante.

Je connois un tres-brave & vaillant Gentil-homme de nostre Cour, qui une fois estant en devis parmy nous autres, & que nous discourions de Monsieur de Buffy, il y eut quelqu'un qui allegua Mr. de Brissac & luy demanda lequel des deux il estimoit le plus; Il luy répondit, Par Dieu, le Comte de Brissac, d'autant que je ne crains nullement Buffy, & ay craint Monsieur de Brissac. Cette rodomontade estoit belle, faisant tant pour celuy-là qui la proferoit, que pour le Comte.

MONSIEUR LE MARÉ- SCHAL DE BELLE- GARDE.

Monsieur de Bellegarde fut en ses jeunes ans dedié par son pere à l'Eglise, & long-temps fut appelé le Prevost d'Ours, qui est une dignité Ecclesiastique que je ne sçay où, si c'en est en son País. Lors qu'il estudioit en Avignon, il luy avint, comme est la coustume

flume des escoliers ribleurs & débauchez, de ribler & battre le pavé, tellement qu'il fit un meurtre d'un autre escolier, & pour ce luy convint de vuider la ville & s'en aller en Corsegue trouver Monsieur de Termes son oncle, qui estoit alors Lieutenant du Roy, & laissant sa robe il prit les armes, par lesquelles se fit fort paroistre en un rien, car il estoit tres-béau & tres-vaillant, & de fort belle façon & haute taille, & avoit force sçavoir. Se sachant-là, & n'y ayant gueres rien gagné plus que faire, & que son oncle se retira, il tira en Piedmont, où il commanda à une compagnie de Chevaux-legers. Monsieur de Moissans, qu'il vit encore, & qui commande à la compagnie du Roy de Navarre, estoit alors son Cornette. Il se porta tres-vaillamment & dignement en cette charge, & parloit-on fort du Capitaine Bellegarde. Il fut puis après Enseigne & Lieutenant de Monsieur le Marechal de Termes son oncle. Après la paix faite entre les deux Roys, son oncle mort aux premieres guerres, sa compagnie fut départie la moitié à Monsieur de Martigues & l'autre à Monsieur des Cars, & Monsieur de Bellegarde, qui en estoit Lieutenant, n'en eut rien, en quoy on luy fit un tres-grand tort, parce

parce qu'il en estoit Lieutenant, & de droit de guerre en devoit avoir quelque chose, comme le meritant tres-bien, & l'eust tres-bien conduite & fait tres-bien combattre. Il ne laissa pourtant à faire la guerre d'alors à la Cour, mais tout posément. La paix venue le Seigneur du Perron, depuis Comte de Rets, qui estoit le seul favory du Roy Charles, le prit en amitié au voyage de Provence & d'Avignon, le fit Lieutenant de sa compagnie de gendarmes, dont aucuns s'estonnerent, comme ayant pris cette charge, l'ayant esté d'un grand Marschal de France, & s'abaisser de l'estre de ce Capitaine nouveau venu, qui n'avoit jamais rien veu ny fait, & avoit eu cette compagnie comme une vraye Commanderie de grace: mais ledit Bellegarde s'accommoda lors à la faveur, & fit tres-bien ses affaires, & pour l'amour de lui il en eut de beaux dons du Roy; entr'autres une Commanderie de l'Ordre de Calatrava d'Espagne, qui est en Gascogne & près de sa maison, & n'y en a aucune en France que celle-là, & vaut quinze cens Ducats de rente & plus; il l'obtint fort bien par faveur, car le Roy en escrivit fort d'affection au Roy & à la Reyne d'Espagne sa sœur, pour l'en favoriser: il y eut un
peu

peu de peine à cause des statuts de l'Ordre , desquels le Roy en estoit grand observateur. J'estois alors en Espagne, & la Reine m'en parla , & qu'il y avoit eu de la difficulté , mais qu'elle avoit tant prié le Roy , qu'il la luy avoit accordé , & me demanda si je le connoissois, qu'elle ne l'avoit jamais veu à la Cour du temps du Roy son pere. Je luy dis qu'il avoit tousjours demeuré en Piedmont , & que c'estoit un fort brave & vaillant Gentil-homme. Il garda quelque temps la Lieutenance dudit du Perron & Comte de Rets , mais il la quitta par après qu'il estoit plus plein qu'il n'avoit esté autrefois. Il estoit souvent avec luy & le recherchoit tousjours , & ledit du Perron l'employoit , fort pour ses affaires particulieres & mesme pour traiter & negocier son mariage , lors qu'il estoit encore son Lieutenant , avec la Dame qu'il a aujourd'huy pour femme, qui estoit veuve de Mr. d'Annebaut , & l'envoya vers elle à sa mere Madame de Dampierre ma tante , & partismes tous deux ensemble d'Arles. Moy estant venu d'Espagne , j'allay faire un tour en ma maison où je n'avois esté il y avoit deux ans, je pris le grand chemin de la poste de Languedoc & Gascogne & Bourdeaux. Lui prit le chemin de Dauphiné, Lyon, Paris

ris & Guyenne ; c'estoit à qui arriveroit
plustost. J'arrivay huit jours avant luy,
parce qu'il s'amusa à Paris, me dit-il
& courions chacun à cinq chevaux de
poste, autant l'un que l'autre ; & nous
separâmes en Avignon. Nous fîmes
le voyage de Malthe, où il se trouva
& fut fort honoré & respecté de Mon
sieur le Grand Maître, de Monsieur
le Marquis de Pescaire & les autres
Grands, tant de la Religion que de
l'armée Espagnole & Italienne, car
il estoit homme de tres-bonne appa
rence & de tres-beau discours, & le
plus ancien de tous nous autres, no
qu'autrement nous luy deferaissions, si
non entant qu'il nous plaisoit. Il esto
un tres-bon duelliste, & entendo
tres-bien à démeller une querelle, ain
qu'il fut appelé à quelqu'une, nous
estant là de par Mr. le Grand Maître &
Mr. le Marquis ; ce qui luy fit un grand
honneur. Il tiroit aussi tres-bien d'
armes, & luy faisoit tres-beau voir e
main, & n'en l'aissa ny discontinua ja
mais l'exercice jusques à sa mort ; &
quelques années après Mr. frere du Ro
le prit en amitié, autant pour sa suff
sance, & qu'il attiroit en ce qu'il por
voit les honnestes gens à luy, que par le
moyen de Monsieur du Gua, qui gouver
noit

noit paisiblement Monsieur son maistre, & pour celuy faisoit tout plein de faveur; mesme qu'il luy octroya l'estat de Colonel de son infanterie, sans penser à sa parole qu'il avoit premierement donnée au Sieur du Gua, qu'il devoit mener en Pologne, dont j'en parleray ailleurs, & du differend sur ce sujet entre luy & Monsieur du Gua, & comme pour l'amour de cela en partie cette infanterie ne s'y conduisit. Nonobstant ils ne furent jamais bons amis depuis; & furent en Pologne avec le Roy, où l'un & l'autre n'y demurerent gueres qu'ils s'en departirent; l'un s'en vint à la Cour, & Monsieur de Bellegarde alla en Piedmont, où il n'y fut pas plustost que la mort du Roy Charles entrevint, & la partance du Roy nouveau de Pologne, qui fut à l'improviste & à la derobade, & tres-mal accompagné; dont bien luy servit, ainsi que j'en discouray tres-bien en sa vie pour son dire propre, qu'il me fit cet honneur un jour de m'adresser les propos à Lyon à son coucher, ainsi que je le deschaussois. Mr. de Bellegarde, qui estoit tres-habile, prit l'occasion au poing de discourir à Monsieur de Savoye de la venue du Roy & du recueil qu'il luy doit faire pour son devoir & l'assistance qu'il luy

belle poison, de laquelle il mourut. Ledit Marquisat ne laissa pour cela à estre brouillé & en pracquerie, car son fils, le jeune Bellegarde du depuis fut persuadé de tenir bon pour Mr. de Savoye & aucuns braves & vaillans Capitaines de son pere, comme estoit le brave & déterminé Espiart, Provençal, qui depuis se tua en faisant jouer un petard en un poste d'Arles, qu'il vouloit prendre pour Mr. de Savoye d'aujourd'huy, & Anselme, aussi du Languedoc ou de Provence, je ne sçay pas bien des deux, bien que je l'aye fort connu & mon amy, gentil & habile, & qui rendit la ville Santal imprenable, qui auparavant n'estoit rien.

Le Marechal de Rets fut envoyé de par le Roy pour appaiser tout, gagner Mr. de Savoye, le jeune Bellegarde, les Capitaines & reduire ledit Marquisat à son premier maistre & Roy; ce qu'il fit avec force argent, dont il contenta les Capitaines, car il avoit bon credit avec les Banquiers.

Mais nonobstant si Monsieur frere du Roy n'y eust envoyé le Sieur de la Fin, dit la Nogle, un tres-habile Gentil-homme, vers Monsieur de Savoye & les Capitaines, qui l'aymoient & le vouloient servir ailleurs que là, qui les gagna tous par belles paroles & promesses, on disoit

442 MEMOIRES DE &c.
disoit que le Mareschal de Retss'en fust
retourné sans rien faire , & son argent
se fust trouvé de mauvais aloy. Le
Gouvernement donné à l'aîné la Valet-
te , & puis après perdu , comme chacun
sçait & que j'en parle ailleurs. Voilà
comment se perdit ce Marquisat , & tout
par un dépit.

Fin du troisiéme Tome.











